

সহস্রাব্দିনী

মণীন্দ্রনাথ বসু

ডি. এম. লাইসেন্স
৪২, কর্ণওয়ালিশ ষ্ট্রীট, কলিকাতা ৬

দ্বিতীয় সংস্করণ
কপিরাইট গ্রহণাবেশ

চাঁদ চাঁদ।

১৩৫৮

৪২নং বর্নওয়ালিশ স্ট্রিট, কলিকাতা ৬, হি এম, - অফিসে। প.ক. * গোপা. বা. মদ্রদ।
কর্তৃক প্রকাশিত ও ৮৩ বি, বিগেবানন্দ বে'ড, কলিকাতা ৬, বাণী-এ প্রেস হতে
শ্রীমদ্রদার চৌধুরী দ্বারা মুদ্রিত।

সহযাত্রিণী

শ্রীমণীন্দ্রলাল বসু লিখিত

উপন্যাস

রমলা

জীবনায়ন

ছোটগল্প

রক্তকমল

সোনার হরিণ

কমলভা

ঋতুপর্ণ

ছেলেদের বই

অজয়কুমার

সোনার কাঠি

শ୍ରীঅন্নদাশঙ্কর রায়

প্রাণিতভাজনেষু

এই উপস্থাপনের নবন্য চরিত্রগুলি ও
ঘটনাবলী সম্পূর্ণ কাল্পনিক ও অমূলক।

হাওড়া স্টেশন।

পাঁচ নম্বর প্ল্যাটফর্মে বোম্বে মেল দাঁড়িয়ে।

সাতটা সাতটা বেজে গেছে। নানাবেশী নানাভাষী যাত্রীজনতার চঞ্চল বহা বৈহ্যতিক আলোকমালার তীব্র দীপ্তিতে অর্থহীন অদ্ভুত মূর্তিশ্রোতের মত। হাঁকাহাঁকি, ঠেলাঠেলি, ছুটোছুটির অন্ত নেই।

স্টেশনেব এই জনতার দিকে ক্লান্ত চোখে চেয়ে কল্যাণকুমার ঘোষ পাইপে তামাক ভরলে। ইংলণ্ডে সে যে তামাক খেত সে তামাক সে অনেক খুজে যোগাড় করেছে, হিসেব করে খরচ করতে হবে। কিন্তু তাড়াতাড়ি ভরতে গিয়ে খানিকটা তামাক প্ল্যাটফর্মে পড়ে গেল। চারিদিকের ভিড়ে কোলাহলে তার মাথা ধবে গেছে।

কল্যাণ সন্ধ্যাইংলণ্ডপ্রত্যাগত বেকার যুবক। ইয়োরোপীয় জীবনের রঙীন আভা এখনও তার চোখে লেগে আছে সুখস্বপ্ন-স্মৃতির মত। প্যারিসের গার্বু ও নর্ডের জনতার রূপ তার চোখে ভেসে উঠল। সে জনতার উদ্বেল তরঙ্গলীলার যেমন একটা ছন্দ আছে তেমনি রঙের বালমলানি, ইন্প্রেশনিস্ট চিত্রকরের চিত্রপটের নানা বর্ণের ছোপের মত। এ জনতার গতি অসংলগ্ন, বর্ণের বৈচিত্র্য বা উজ্জ্বলতা নেই।

পকেট থেকে ছোট্ট বাক্সকে লাইটার বাহির করে কল্যাণ পাইপে অগ্নিসংযোগ করলে। ছোট ভায়া দীপিকা পাশে দাঁড়িয়েছিল, আইস-ক্রীম-বিক্রেতার গাড়ী কাছে এলেই ডাকবে। বাক্সকে ছোট্ট-দেশলাই

দেখে সে লাফিয়ে উঠল। এমন আশ্চর্যকর দেশলাই সে আগে কখনও দেখেনি। একটা কল টিপলে আগুন জ্বলে ওঠে। সে ব্যগ্র হয়ে বললে, রাঙামামা, আমাকে দাও একবার, আমি জালব না, শুধু হাতে ধরে থাকব।

বিতীয় শ্রেণীর মহিলা-গাড়ী হতে জানালা দিয়ে মুখ বাড়িয়ে শিবাজী চোঁচিয়ে উঠল, আমি একবার জালাব দিদি!

সরোজিনী ছোট খোকার বিছানা পাততে পাততে ধমক দিয়ে উঠল, শিবু, আবার জানলায় মুখ বাড়িয়েছ, দাঁপা দিয়ে দাও দেশালাই—

দেশলাই পাবার কোন আশা নেই দেখে শিবু চোঁচিয়ে উঠল, রাঙামামা, ইঞ্জিন দেখাবে বলেছিলে, ইঞ্জিন—

সরোজিনী একটু হতাশের সুরে বললে, দাদা, শিবুকে একটু ঘুরিয়ে নিয়ে এস, বড্ড গোলমাল করছে, আমি ততক্ষণ বিছানাগুলো পেতে নি।

মায়ের অন্তর্মতি পেয়ে শিবাজী দরজা খুলে প্লাটফর্মে লাফিয়ে পড়ল। সরোজিনী একটু ভীতভাবে পঞ্চম স্তানের দিকে চাইলে। ছোট খোকাকে নিয়ে সে ব্যস্ত, এদের দিকে মনোযোগ দিতে পাচ্ছে না। রায়গড়ে জন্ম হয়েছিল বলে তাব নাম দেওয়া হয়েছিল, শিবাজী। সরোজিনীর আপত্তি ছিল, তার স্বামীই জোর করে এ নাম দিয়েছিলেন, এখন নামের গুণে ছেলেটি দিন দিন দুর্বল হয়ে উঠছে।

সরোজিনী চোঁচিয়ে বললে, দাদা ওদের হাত ধবে নিয়ে যেও, আর আইস-ক্রীম দিও না। খোকা চোঁচিয়ে ওঠাতে আর কিছু বলা হল না। সরোজিনী ভাবতে লাগল, বোম্বেতে বোধ হয় টেলিগ্রাম করা হয়নি, দাদা নিশ্চয় ভুলে গেছে।

সরোজিনীর স্বামী বোম্বেতে বড় কাজ করে। কল্যাণ এসেছিল

তাদের গাড়ীতে তুলে দিতে। সরোজিনীর বিশেষ ইচ্ছা ছিল, কল্যাণও তাদের সঙ্গে যায়, কিন্তু মায়ের মনে বিশেষ আপত্তি বুঝে কিছু বলে নি। মায়ের ভয়, বোধে গেলে কল্যাণ হঠাৎ কোন দিন কোন ইয়োরোপগামী জাহাজ চড়ে বসবে। অনেক চিঠি লেখা ও টেলিগ্রামের পর সাত বছর পরে কল্যাণ বাড়ী ফিরেছে। সেজ্ঞা জগৎতারিণীকে রীতিমত একটি অসুখ পাকিয়ে তুলতে হয়েছিল। এখন সে ছেলেকে তিনি সহজে ছাড়তে রাজী নন।

সরোজিনীর দৃষ্টির আড়াল হতেই কল্যাণ তার ভাগনে ভাগিনেয়ীর হাত চেড়ে দিল, তারা ছুটে চলল সামনে। হনহন করে সেও চলল। ক্রতছন্দে চলার বিলিতি অভ্যাস ছ'মাসের মধ্যেই চলে যায় নি।

পাইপটা হাতে ধরে কল্যাণ নাড়া দিলে। তামাকটা একটু কড়া, ঠিক সেই স্বাদ, সেই গন্ধ পাওয়া যাচ্ছে না। ভায়লেট এ পাইপ তাকে উপহার দিয়েছিল, আর তিন কোটা তামাক। সে তামাকের স্বাদ গন্ধ কেন পাওয়া যায় না! ভায়লেট! সে এখন কোথায় কে জানে! নিশ্চয় গ্রাসগোতে নেই। দু মেল তার কোন চিঠি পাওয়া যায় নি।

পাইপ টানতে টানতে কল্যাণ এগিয়ে চলল। চেহারা লম্বা নয়, কিন্তু ছিপ্‌ছিপে বলে তাকে বেঁটে দেখায় না; স্নিগ্ধ গৌর মুগ্ধী; বোধে-বন্দরে যখন সে নেমেছিল তখন এ গৌরবর্ণে ঘন রক্তমা ছিল, এখন এ রঙ ফ্যাকাসে, ঘসা কাচের মত জ্বলসহীন। মুখখানি গোল, এখন একটু ক্লশ দেখায়, পাকা আম শুকিয়ে চূপসে গেলে যেমন হয়। প্রথমেই চোখে পড়ে খুব ছোট-করে চুল-ছাটা বড় মাথা, ভারী নিরেট ওলের মত। দেখে মনে হয় না, সেই মাথার মধ্যে পরমাণু-তত্ত্বের নতুন নতুন থিওরী, অঙ্কশাস্ত্রের বড় বড় ফরমুলা, জাহাজ তৈরি করবার নানা নব পরিকল্পনা ভরতি আছে। স্বন্দর সরু নাকের দু'পাশে দীপ্ত চোখ দুটি

দেখলেই বোঝা যায় এ তীক্ষ্ণদী। উজ্জ্বল চোখ দু'টির উপর এখন ক্রান্তির ঔদাস্যের ছায়া এসে পড়েছে, যেমন তার গৌরবর্ণ মুখক্রান্তির ওপর পাইপের ধূয়জাল ছড়িয়ে পড়েছে।

কৃত্রিম ব্রাউজ ধরনের সোনালী সিকের টিলে পাঞ্জাবি পরা, দেশী খুতির কালোপাড় কোঁচা লুটিয়ে পড়েচে, পায়ে তালতলার নব সংস্করণের কটকী চটিজুত, বেশের বাহ্যিক নেই কিন্তু অস্থূল ব্যক্তিত্ব আছে, বিলাতে দীর্ঘকাল থেকেও সে বাঙ্গালীমানা ভোলেনি।

ইঞ্জিন তখনও এসে পৌছায়নি। কি একটা গোলমাল হয়েছে। ক্ষতিপূরণরূপ দীপু ও শিবুকে আইস-ক্রীম খাওয়াতে হল।

ফেরার পথে কল্যাণ প্রথম শ্রেণীর এক কুণের সামনে থমকে দাঁড়াল। পাইপে লম্বা টান লাগিয়ে সে শিবুর হাত ছেড়ে দিলে। গাড়ীর ভেতর রূপবতী বাঙ্গালী মহিলা একা বসে। গজদন্তস্তম্ভ-কপোলের এক অংশ দেখা যাচ্ছে, চিবুকের চাক-রেখা যেন স্তূপের বিলীন, ঘননীল বর্ণের ব্রাউজের ফোলা হাত রক্তবর্ণ স্থলপদ্মের মত। নয়নানন্দকর **এ** রূপলাবণ্য।

কল্যাণ চমকে উঠল। এ মুখ ত তার চেনা। ওই কালো কুকুর টান, কপোলের কুকুন, চিবুকের বক্ষিমভদ্রী, ওই মুখের প্রতি রেখা, ওই অজুত গুণ্ড রঙ, বুঝি তার জানা। যেন কোন অপূর্ব অভিনা দেশে স্বপ্নে দেখেছিল, তারপর ভুলে গিয়েও ভুলতে পারে নি।

পাইপের আগুন নিভে গেছে। দীপার হাত ধরে কল্যাণ এগিয়ে চলল। সরোজিনী উদ্বিগ্নভাবে জানালায় মুখ বাড়িয়ে আছে। চোঁচিয়ে বলল, দাদা, আর গাড়ী ছাড়বার বেশি দেরি নেই, ওদের তুলে দিয়ে গাড়ীর দরজা বন্ধ করে দাও।

গাড়ীতে এক বর্মিয়নী মহিলা উঠে হাঁপাচ্ছেন। তিনটি ট্রান্স, দু'টো

বস্তা, গুড়ের নাগরি, চারটে পুঁটলি, তাঁর জিনিসপত্রে গাড়ীর ভেতর ভরে গেছে।

তুমা-পবা এক চাপ্রাসী এসে কল্যাণকে লম্বা সেলাম করে বললে, মেমসাহেব আপনাকে সেলাম দিয়েছেন।

মেমসাহেব যে কে তা কল্যাণ বেশ বুঝলে, তবু আশ্চর্যের ভান করলে।

সরোজিনী উদ্বিগ্ন হয়ে বললে, না দাদা, তুমি এখন কোথাও যেও না, টেলিগ্রাম করেছ?

পাইপ ধরিয়ে কল্যাণ বললে, এক মিনিট, আমি আসছি, এখনও গাড়ী ছাড়তে দেরি আছে।

শিবাজী বলে উঠল, হাঁ, মা, এখনও ইঞ্জিন লাগেনি।

কৃষ্ণ ক্লান্তাব তলে আঘত নয়নের কৃষ্ণতারকার কপ তেমনি হ্যোতির্শ্ময়, তেমনি মাধাময়, তেমনি রহস্যঘন। কল্যাণের বুকের রক্ত ছুলে উঠল। অন্তরের এ অপূর্ণ শিহরণ সে বহুদিন অসুভব করেনি। ইয়োরোপে তাকে একেবারে blase করে দেয় নি। মুগ্ধ হয়ে সে চেয়ে রইল।

—কল্যাণ নাকি!

—তাইত মনে হচ্ছে।

—মনে ত হচ্ছিল না, পেয়াদা দিয়ে মনে করিয়ে দিতে হল, ভেতরে এসো।

—গাড়ী ছাড়তে বোধ হয় বেশি দেরি নেই।

—টাইম-টেবিল অনুসারে নেই, কিন্তু ছাড়তে দেরি হবে।

দরজা খুলে কল্যাণ গাড়ীতে প্রবেশ করল।

—ভাই, পাইপটা—

—ভেরি সরি, মনে ছিল না।

অনেক কথাই ধীরে ধীরে কল্যাণের মনে হল। মনে পড়ল, অনুপমা এখন অতি উচ্চপদস্থ এক ভারতীয় গভর্নমেন্ট অফিসারের স্ত্রী; মনে পড়ল, তামাকের ধোঁয়া অনুপমার সহ্য হয় না; মনে পড়ল, গলাকাটা ব্লাউজের রঙীন লেসের ফাঁক দিয়ে যে সূচিকণ শুভ্রচর্মের আভা দেখা যায়, তাহারি কোমল আবরণতলে বক্ষপঙ্ক্তির মধ্যে দক্ষিণ ফুসফুসে যক্ষ্মা-জীবাণুর সঙ্গে সংগ্রামের সুদীর্ঘ ইতিহাস গোপনে লেখা আছে; হৃদযন্ত্রের ধকধক শব্দে সে সংগ্রামের জয়ধ্বনি কি অহিনিশি বাজছে, অথবা সে যুদ্ধ চলছে দিন রাত ধরে?

—কি দেখছ, মোটা হয়েছি!

—বোধ হয় হয়েছে, কেমন আছ আজকাল?

—কেমন আছি? বেশ আছি, মন্দ কি, জরটা অনেক দিন হয়নি—

তারপর, কবে ফিরলে, এসে একটা থবরও দাওনি!

—মা'র অসুখে কোথাও যাওয়া হয়নি।

—হাঁ, জেঠাইমার অসুখ করেছিল, শুনেছিলাম, কেমন আছেন তিনি?

—মা'র অসুখের জন্তই ত তাড়াতাড়ি ফিরতে হল, শ্বাসগোতে কোসটা শেষ করে আসতে পারলুম না।

—তোমার ত কেন্নিজে ডিগ্রি হয়ে গেছে।

—হাঁ, তারপর শ্বাসগোতে গেছলুম জাহাজ তৈরি শিখতে; খুব সুবিধা পাওয়া গেছিল—

—ভালই করেছ, চলে এসেছ, শুনছি শীগ্গীর যুদ্ধ বাধবে।

কল্যাণের চোখে শ্লাসগোর ঘরের ছবি ভেসে উঠল। কাচের টেবিলের ওপর ককটেলের গেলাস। মিষ্টি ইজিচেয়ারে ভায়লেট এলিয়ে বসে। কি গভীর নীল তার চোখ! আর অল্পমার চোখ কি ঘন কৃষ্ণ! ভায়লেটের বাবা এম বড় পোত নির্মাতা কোম্পানীর ডিরেক্টর, তাঁরি স্থপারিশে সে জাহাজ তৈরি শেখার সুবিধা পেয়েছিল। কল্যাণ চুপ করে রইল।

সুস্কৃতা ভঙ্গ করে অল্পমা বললে, জেঠাইমা কেমন আছেন বললেনা ত ?

—মা, একরকম সেরে গেছেন, এ বয়সে এদেশে এর চেয়ে আর কি ভাল থাকবেন।

—দেখতে যাবার বড় ইচ্ছে ছিল।

—কিন্তু অগ্র নানা ইচ্ছার মত কার্যে পরিণত হয়নি।

—ঠিক বলেছ। আমি যে কি বন্দিনী তুমি জান না—

কল্যাণ অল্পমার দিকে স্থিরদৃষ্টিতে চাইল। অধর রাঙ্গা হয়ে উঠেছে, কালো চোখ শ্রাবণের জলভরা মেঘের মত আরও ঘন কালো।

—বন্দিনী, মুক্তির প্রতীক্ষায় বসে আছ ? এ বন্ধন বড় স্থখের !

—ঠাট্টা নয়, কল্যাণ। জান ত শহর থেকে দূরে থাকতে হয়, তবে গঙ্গার ধারে বাড়ীটা বড় সুন্দর, মস্ত বড় আমবাগান আছে, সেই রাজসাহীর আমবাগানের মত—

—বা, এমন জানলে একদিন যেতুম।

রাজসাহীতেই দুই পরিবারের মধ্যে পরিচয় হয়, কল্যাণের মা অল্পমার জেঠাইমা হলেন। তারপর কলিকাতায় সে হুণত ঘনভূত হয়েছে। বন্ধু-মহল অনেক রকম অহুমান ও ঠাট্টা করেছে। কল্যাণ হঠাৎ বিলেত চলে যাওয়াতে সবাই বিস্ময় প্রকাশ করেছিল। তারপর

অল্পপমা যখন জগদীশকে বিবাহ করলে, বন্ধু মহল আরও বিস্মিত হ'লও বিজ্ঞানেরা বললে, অল্পপমার সংসার-জ্ঞান আছে, ঘোবন চাকল্যে শুভবুদ্ধি হারায়নি। বিবাহের ছ'মাস পরেই ঘুসুঘুসে জ্বর আরম্ভ হল।

অল্পপমা বলে যেতে লাগল, তারপর জান ত, ওই পোড়া অস্থ কখন যে তার কি মর্জি হয়, শুয়ে আছি ত দিনের পর দিন শুয়েই আছি। তারপর ডাক্তারদের যদি অন্তমতি পাওয়া গেল বাহির হবার, ভদ্রলোকের আর সময় হয় না, কাজ, খালি কাজ,—আর আমাকে একাও কোথা যেতে দেবেন না—খালি কাজ—

—এখানে ত একা ছেড়ে দিয়ে গেছেন দেখছি।

—দেখ না, এসেই গেছেন টেলিফোন করতে, এতদিন পরে ছুটি মঞ্জুর হয়েছে, কিন্তু ডাক পড়লেই ছুটে আসতে হবে, একটা প্রোগ্রাম করার জো নেই, ওই ফুলের তোড়াটা সরিয়ে রাখ ত, বড় উগ্র গন্ধ—

—আমার সঙ্গে লগনে একবার দেখা হয়েছিল, তখন খান্নে ভাগ করে আলাপ করতুম।

—সে তুংথ এখন দূর করতে পার।

—কত দূর যাচ্ছ?

—ঠিক আছে কি? ইচ্ছে অঙ্কুরা ইলোরা দেখে বোম্বে যাব, সেখান থেকে মালাবার পর্য্যন্ত—তুমি?

—আমি ত কোথাও যাচ্ছি না। আমার বোন সপোজকে তুলে দিতে এসেছি।

—সরোজ কে? বুঁচি, বোম্বেতে যার বিয়ে হয়েছে, সে যাচ্ছে এ গাড়ীতে—তুমিও চল বোম্বেতে, বেশ মজা হবে।

—তুমি কি ভাবছ আমরা রাজসাহী যাচ্ছি, যে ঢপুরে আমবাগানে কাঁচা আম পাড়বে, কাঁচা লবঙ্গ দিয়ে খাবে?

—অথবা নোয়াখালি—সেই নৌকা বেয়ে চলা—ও good old days ! নয় কল্যাণ ?

কল্যাণ মুখভাবে অল্পমার মুখের দিকে চাইলে। এ মুখ শুধু অল্পম সুন্দর নয়, মনের ভাবেব সঙ্গে এ মুখের রং বদলায়, নির্মল আকাশে ভোবের আলোর মত স্বর্ণময় স্নিগ্ধ আভা।

স্নিগ্ধস্বরে অল্পমা বললে, বোসো, উঠো না।

—দেখি, দীপা আবার কি বলে।

—ওই বুঝি বুঁচির মেয়ে, কি রে, আয় ভেতরে—

দীপিকা গাড়ীত দবজার সামনে দাঁড়িয়ে বিশ্ববমুগ্ধনেত্রে অল্পমাকে দেখছিল। কানের হীরার ফুল কি সুন্দর! হাতের চূড়িগুলি কি ঝক্‌ঝক্‌ কবছে, নখগুলি লাল রঙ কবা কেন? তার মায়ের ত এরকম নেই। সে চমকে বললে, বাঙামামা, থোকা ছাকান করেছে, তুমি শীগগীর এসো।

—দেখি থোকা আবার কি কাণ্ড বাধালে।

—আবার আসছে ত, চল বোসো—গাড়ীতে বেশ গল্প করতে করতে যাওয়া যাবে। আন মালতী মল্লিক যাচ্ছে, আলাপ কবিয়ে দেব, বুঝলে ?

কল্যাণ দেখলে, অল্পমাব কটাফে এখনও বিছাৎ খেলে যায়, গুরুগুরু ধ্বনি সে শুনলে আপন বক্ষে।

সরোজিনী গাড়ীতে এসে কল্যাণ দেখলে ছোট থোকা সামান্য বমি করেছে, একটু হুধ তুলেছে মাত্র, কিন্তু তার মুখ চোখ লাল হয়ে উঠেছে, সে ভয়ঙ্কর চৈচাচ্ছে। আর সরোজিনীর মুখ পাংশুবর্ণ।

—দাদা, যদি ফিট হয় !

সরোজিনী রীতিমত ভয় পেয়েছে। বধি়য়সী মহিলাটি অভয় দিচ্ছেন, ও কিছু নয় মা, গরম নেগেছে মা, বাছার গরম—

—না মাসীমা, আপনি জানেন না, ফিট হবার আগে ওর অমনি মুখ চোখ লাল হয়।

এরি মধ্যে মাসীমা পাতান হয়ে গেছে।

প্লাটফর্মে, বিশেষতঃ পাশের দ্বিতীয় শ্রেণীর গাড়ীর সামনে, অসম্ভব ভিড় হয়েছে। কে একজন সাধু যাচ্ছেন, তাঁর শিষ্টা-শিষ্টা-ভক্তবৃন্দে চারিদিক পরিপূর্ণ।

কল্যাণ ধীরে বললে, ভাবছি আমি তোদের সঙ্গে যাই।

—হাঁ, দাদা, মাকে আমি বুঝিয়ে লিখব'খন, তুমি চল। থোকা যদি পথে অস্থপ করে বসে।

—সেই জ্ঞেই ত বলছি।

—কিন্তু টিকিট কিনে আনার সময় আছে কি? আমি টাকা দিচ্ছি।

—এখানে গার্ডকে বলে দিচ্ছি, বর্ধমানের কিনে নিলেই হবে।

সরোজিনীর মুখে ভয়ের ভাব কেটে গেল। সে স্নিগ্ধস্বরে বললে, চূপ কর থোকা অত চেষ্টা নে, রাঙামা মা সঙ্গে যাচ্ছে, চূপ কর সোনা। থোকার কিন্তু চীৎকারের বিরাম নেই। কুলিদের চেষ্টানো, সম্মানীয় ভক্তবৃন্দের কলরব, স্টেশনের সব কোলাহল ছাড়িয়ে তার চীৎকারধ্বনি। সরোজিনী উদ্বিগ্ন হয়ে বললে, এ যে থামতে চায় না, দাদা, কি হয়েছে থোকা!

দত্তগির্গি বললেন, আমার কোলে দাও ত মা, বোধ হয় পেট কামড়াচ্ছে।

সরোজিনী রেগে বলে উঠল, যদি পেট কামড়ায় ত আপনার কোলে গেলে থামবে কি করে?

কল্যাণ বললে, বোধি হয় জলতেষ্ঠা পেয়েছে, ওর মুখে চোখে একটু জল দে দেখি।

—ওই ত জল খাওয়ালুম, চূপ কর! হাড় জালিয়ে থেলে।

খোকার কান্নার শব্দ সন্ন্যাসী প্রেমদাসের কানে পৌঁছাল। তিনি চঞ্চল হয়ে উঠলেন। তখন পায়ের ধূলো নেবার ব্যস্ততা ও ভিড় জমে উঠেছে। প্রেমদাস তাঁর এক ডাক্তার শিষ্যকে জিজ্ঞাসা করলেন, পাশের গাড়ীর খোকা বড্ড কাঁদছে?

ডাক্তার শিষ্য ব্যস্ত হয়ে বললে, আপনি উঠবেন না, আমি দেখছি।

শিষ্যদের ভিড় ঠেলে সন্ন্যাসী উঠে বললেন, তুমি ওখুঁ দিতে গেলে ওরা নেবে না, আমার মধুর শিশিটা দাও।

ভক্তিমতী এক প্রোটা বললেন, শিশুর কান্না শুনলে ঠাকুর কি আর স্থির থাকতে পারেন!

সরোজিনী খোকাকে নিয়ে হাঁপিয়ে উঠেছে। খোকাকে কোলে চেপে ছুই বেকির মাঝখানে সরু জায়গায় চঞ্চল হয়ে ঘুরছে। দত্তগিমির ট্রাক পুঁটলি বস্তা জিনিসপত্রের গাড়ীতে নড়বার বেশি জায়গা নেই। কল্যাণ অসহায় ও বিরক্তভাবে চারিদিকে চাইছে। অগ্নি কোন গাড়ীতে জায়গা খুঁজে নিতে হবে, সময় বেশি নেই, সারারাত জেগেই কাটাতে হবে বোধ হয়। এমন সময় এক সন্ন্যাসী শিশি হাতে তাদেব গাড়ীতে উঠছে দেখে সে রেগে উঠল।

—মশাই, এটা মেয়েদের গাড়ী।

—এটা যে শিশুদেরও গাড়ী!

কল্যাণ বলতে যাচ্ছিল, আপনি কি শিশু, কিন্তু সন্ন্যাসীর প্রশান্ত আননে বেদনাময় কারুণ্যের রূপ দেখে সে স্তব্ধ হয়ে গেল। কান্নার শব্দে লোকটা সত্যি বেদনা পাচ্ছে, মনে হ'ল।

প্রেমদাস ব্যাধত কণ্ঠে বললেন, কেন কাঁদছে মা এত ?

সরোজিনী কোন কথা কইতে পারলে না।

গেকয়া রঙের আলখালা-পরা, গলায় রুদ্রাক্ষের মালা, কালো লম্বা কৌকড়া চুল বৈরাগীদের মত, কাঁচাপাকা দাড়ি, চোখে দীপ্ত জ্যোতি, তেজ ও করুণার সম্মিলন। অপূর্ণ এ পুরুষের মূর্তি।

সরোজিনী ভীত মুগ্ধ হয়ে গেল।

প্রেমদাস বললেন, ও যে কাঁদার চেয়ে কাশছে বেশি, 'দর গল! থুস্ থুস্' করছে—এই মধু একটু দাও ত মা।

সরোজিনীর করতলে প্রেমদাস একটু মধু ঢেলে দিলেন। মুখে আঙুলে করে মধু দিতেই ছোটখোকা দুই ঠোঁট দিয়ে আঙ্গুল চেপে চুষতে লাগল। সন্ন্যাসীর অপূর্ণ মূর্তি দেখেই হোক অথবা মধুর গুণে, খোকা চুপ করলে। হাত বাড়িয়ে সন্ন্যাসীর দাড়ি ধরে টানবার চেষ্টা করলে।

ভক্তবৃন্দ গাড়ীর জানলার ওপর ঝুঁকে পড়েছিল, সবাই জয়ধ্বনি করে উঠল। ঠাকুর ঘাবার আগে কি মাহাত্ম্য দেখিয়ে গেলেন !

মধুর শিশি সরোজিনীর হাতে দিয়ে প্রেমদাস বললেন, রোজ সকালে এক কিছুক মধু খেতে দিও মা, তাহলে খোকার গলা সেরে যাবে।

কল্যাণ ভাবলে, লোকটা সন্ন্যাসী হবার আগে কবিরাজ ছিল, তাতে সুরিষে হল না দেখে এ ব্যবসা ধরেছে। সে ধীরে জিজ্ঞাসা করলে, মশাই ও শুধু মধু, না, ওতে ওষুধ মেশান আছে ?

প্রেমদাস হো হো করে হেসে উঠলেন, আরে শুধু মধুতে কি হয়, আছে বৈকি কিছু মেশান, প্রেমরস! প্রেমরস!

সন্ন্যাসীর প্রাণ-খোলা হাসি কল্যাণের ভাল লাগল। লোকটা বোধ হয় ভণ্ড নয়, তবে নতুন শিখা যোগাড় করবার আঁট জানে।

ডাক্তার শিখাটি এগিয়ে এসে বললে, ইনি ঠাকুর প্রেমদাস।

‘সেক্ হাণ্ড’ বলে কল্যাণ হেসে হাত বাড়িয়ে দিতে যাচ্ছিল, কিন্তু সেটা বড বিসদৃশ হবে ভেবে স্থিৰ হয়ে দাঁড়িয়ে রইল।

প্রেমদাস! দত্তগিন্নি পায়ের ধুলো নেবার জন্ত ব্যস্ত হয়ে উঠলেন, কিন্তু সম্মুখে ডালের পুঁটলি, নারিকেলের বস্তা পথরোধ করে। তিনি চোঁচিয়ে উঠলেন, ঠাকুর, একটু দাঁড়ান। ঠিক সেই সময়ে গাড়ী সশব্দে নড়ে উঠল। কে যেন দত্তগিন্নিকে ঠেলে বেষ্কিতে বসিয়ে দিলে! মোটা ভাবী শরীর কাঁপতে লাগল।

দীপিকা চোঁচিয়ে উঠল, ওই ইঞ্জিন লেগেছে।

প্রেমদাস গাড়ী থেকে নেমে গেলেন। প্রশান্ত স্নিগ্ধ মুখ।

দত্তগিন্নি হাঁপাতে হাঁপাতে বললেন, আহা পায়ের ধুলো নেওয়া হল না। সরোজিনী ও লজ্জিতভাবে ভাবলে, তাই ত, প্রণাম করা হল না। ধীরে সে জিজ্ঞেস করলে, দাদা, উনি বুঝি পাশের গাড়ীতে আছেন, তুমি যাচ্ছ ত দাদা।

—কি বলিস্?

—হ্যাঁ চল দাদা, আমার একা যেতে সাহস হচ্ছে না, কেমন ভয় করছে।

—ভয় কিসের! দেখি, কাছাকাছি কোন গাড়ীতে যদি জায়গা পাই, ছিটকিনিগুলো ঠিকমত বন্ধ করিস্।

পাশের গাড়ী থেকে প্রেমদাসের শিষ্কারা নেমেছেন, শিষ্কারা সবাই এখনও নামেনি। খালি বার্থ আছে কি-না বোঝা যাচ্ছে না।

দু'দিক থেকে দু'জনে কল্যাণকে ডাকলে। ধুতি-পাঞ্জাবি পরা একটি ইংরেজ ও জিপ্সোগান সিকের চেকশার্ট ও যোদ্ধপুরী ত্রিজেন্স-পরা একটি বাঙ্গালী।

—হালো ঘোষ!

—হালো, কল্যাণ!

কল্যাণ অবাক হয়ে দেখলে বাঙ্গালী সাজে আর্থার গ্রেগরি তার সম্মুখে।

—হালো আর্থার, কি আশ্চর্য্য, তুমি এখানে, এই বেশে—excuse me—আরে কনক! May I present আমার শিল্পীবন্ধু কনক রায়, আর ইনি আমার কেম্ব্রিজের সহপাঠী আর্থার গ্রেগরি, আমরা একসঙ্গে রাদারফোর্ডের কাছে কাজ করেছি।

—নমস্কার কনক রায় মহাশয়।

—বা, তুমি ত বেশ ভাল বাংলা শিখেছ আর্থার।

কনক বললে, তুমি কি যাচ্ছ এ গাড়ীতে?

—ইং, যাবার ত ইচ্ছা, তবে টিকিট কিনিনি, বার্থও রিজার্ভ করিনি, তাই জায়গা খুঁজছি।

—বেশ, এ গাড়ীতে আমার একটা বার্থ রিজার্ভ করা আছে, তুমি এসো।

গ্রেগরি বললে, আমারও এ গাড়ীতে বার্থ, কিন্তু প্রবেশ করবার উপায় দেখছি না।

কনক বললে, তার চেয়ে চলো রেস্টোরাঁ কারে, পরের স্টেশনে এসে শুভা যাবে, বড তেষ্ঠা পেয়েছে, কি বলেন মিষ্টার গ্রেগরি।

—আমার ত খুবই মত, কারণ আমার ক্ষুধা পেয়েছে।

—আপনাদের কি সব সময়ই খিদে পায়—এ গরমে আমার ত খালি তেষ্ঠা পাচ্ছে।

—প্রবল ক্ষুধা আছে বলেই ত এরা পূর্ববীর এতখানি গ্রাস করতে পেরেছে—

—আর কনকের তৃষ্ণার পরিমাণ তুমি জান না আর্থার—

—না হে, সে প্যারিসীয় তৃষ্ণা আব নেই।

কনক কল্যাণের কলেজের সহপাঠী ছিল, কিন্তু বন্ধুত্ব জন্মেছিল প্যারিসে। বুলভারের নৃত্যশালায়, মমার্তের কাবারেতে কত রাত সে ছিল কনকের সঙ্গী।

তিনজনে রেস্টোরাঁ-গাড়ীর দিকে এগিয়ে চল। প্যারিসীয় প্রমোদ-রাতির স্থিতিতে স্টেশনের আলোগুলি যেন রঙীন হয়ে উঠেছে।

হন্থন করে চলে ইন্টার ক্লাশের গাড়ী পেরিয়ে কল্যাণ একটু থামলে। বললে, তোমরা এগোও, আমি একটু আসছি।

কল্যাণ ধীরপদে পিছনে ফিরে এল। মধ্যমশ্রেণীর মহিলা-গাড়ীর সামনে একটু দূরে সে ভিড়ের আড়ালে দাঁড়াল। পাইপে তামাক ভরতে লাগল।

মহিলা-গাড়ীতে এক বাঙ্গালী তরুণী একাকিনী বসে। বৃহৎ শূন্য তীব্রালোকিত কক্ষের এক কোণে সে একা। গাড়ীর আলোকদীপ্তিতে তার শুভ্র মুখশ্রী বিবর্ণ, করুণ। চওড়া কপাল হতে লম্বা দৃঢ় চোয়াল দিয়ে উন্নত সরু চিবুক পর্যন্ত মুখের স্নন্দর রেখা অসমভাবে গড়িয়ে পড়েছে; কুমোরের হাতে মাটির ফলের মত, সে মুখ পেলব, নরম;

এখনও আগুনে-পোড়া শুদ্ধ কঠিন রূপ নেয় নি। মুখের উঁচু চোখালেব ওপর সরু নাকের পাশে একটু বশা চোখ জলজল্ কবছে, পাহাড়ের তলে সূর্য্য-হাসিত গভীর হ্রদের মত। শূন্য গাড়ীর জানলা দিয়ে সে কালো চোখের দীপ্ত দৃষ্টিতে কিসের সন্বেত! কালো মাটির প্রদীপেব মুখের চঞ্চল শীর্ণ শিখার মত। যেন কার প্রতীক্ষায় সে একা জেগে।

বিদ্যোষ্ঠা। হৃদয়ের আগুনের আভা ওষ্ঠে অধবে লেগেছে বুঝি!

কল্যাণ ভাবলে, এই বোধ হয় মালতী মল্লিক?

সে এমন একা যাচ্ছে কেন? সে কি অহুভব করতে চায় তা'র সাহস আছে।

কিন্তু সাহসিকার অন্তরে যে শঙ্কা, চক্ষে প্রতীক্ষা। ফ্রেমে বাঁধান ছবির মত তার মুক্তি, ওই হালকা সবুজ শাড়ীব সোনালী পাট বেন ভোরের পৃথিবী কপোলে অরুণের স্বর্ণবেশ।

পাইপ টানতে টানতে কল্যাণ গাড়ীর দিকে এগিয়ে গেল। একদা, বস। তরুণীকে সে কিছু বলতে চায়। কি বলতে চায় সে জানে না। হয়ত সে বলত, তুমি কি মালতী মল্লিক? অথবা, ওগো যাত্রিণী, বতরুর তোমার একা যাত্রা!

ঠিক সেই সময় পাঁচ মিনিটের ঘণ্টা পড়ল। আকৃষ্ট কণে তরুণী চাইল। ছাই-ওড়া অঙ্গারের মত চোখের দৃষ্টি।

মুখ হতে ধূমের কুণ্ডলী বাহির করে কল্যাণ দ্রুতপদবিক্ষেপে বেস্তোবা গাড়ীর দিকে এগিয়ে গেল। মনে মনে সে হেসে উঠল। উনত্রিশ বৎসর বয়সে তার উনিশ বছরের স্বপ্নময় মন আবার জেগে উঠতে চায়। এ কি বাংলার বাতানের গুণ অথবা অহুপমা তার প্রথম যৌবনের স্বপ্নময়া জাগিয়ে দিল।

প্লাটিকর্ম ছাড়িয়ে হাওড়া স্টেশনের ইয়ার্ড-পেরিয়ে বোধে মেল ছুটে চলেছে, যেন রূপকথার বৃহৎ সরীসৃপ, মাথায় মানিক জ্বলছে, মণিমুক্তাখচিত দেহ অন্ধকারে ঝক্‌ঝক্‌ করছে, গর্জনে নিশ্বাসে অগ্নি ও ধূম চতুর্দিকে বিকীর্ণ।

কাচের জানলা কেলে দেবপ্রিয় বাহিরের আকাশের দিকে চাইলে। ইয়ার্ডের লাল নীল সাদা অগণিত আলোর ছটায় আকাশের নীলিমা মুছে গেছে।

কালো চশমা খুলে দেবপ্রিয় গাড়ীর ভেতর চাইলে। চোখ তার খাপাখাপ নয়, তবু সে একটা কালো চশমা পরে থাকে, তীব্র আলো তার চোখে নয় না। চোখকে বিশ্রাম দেবার জন্তু অথবা ভাববার জন্তু অনেক সময় সে চোখ বুজে থাকে, অথচ জানাতে চায় না, সে চোখ বুজে আছে। চশমাটা সব্বদে খাপে রেখে সে এক কোণে ঠেসান দিয়ে বসল।

গাড়ীটা বেশ বড় ও নতুন। সবুজ রঙের রেফ্রিন চক্‌চক্‌ করছে। ছ'বার্ঘওয়াল গাড়ী, মাঝখানে ফাঁকা অনেকখানি জায়গা। দেবপ্রিয়ের বেকিটি গাড়ীর পেছনের অংশ জুড়ে। তার ডানদিকের বেকিতে সন্ন্যাসী প্রেমদাস। বামদিকের বেকিতে ক্লেটপ্যান্টপরিহিত মধ্যবয়স্ক এক বাঙ্গালী চূপ করে বসে, মাথার টুপি এখনও খোলে নি। হাঁপানি রোগী বায়ুহীন গ্রীষ্মের রাত্রে বিনিস্র নয়নে যেমন অসহায়ভাবে বসে থাকে তেমনি ব্যথিত মুখে লোকটি জানলার দিকে চেয়ে বসে আছে। ট্রেন যখন ছেড়ে দিয়েছে, লোকটি ছুটতে ছুটতে এসে লাফিয়ে উঠল,

হাতে একটা ছোট স্ট্রকেশ। প্রেমদাস তাকে ধরে টেনে না নিলে হয়ত সে প্যাটফর্মে পড়ে যেত। কিন্তু সেজ্ঞ প্রেমদাসকে সে কোন কথাও বললে না, খজবাদও জ্ঞাপন করলে না, সামনের খালি বেঞ্চে গুম্ হয়ে বসে পড়ল।

মাথার টুপি খুলে লোকটি একবার দাঁড়িয়ে আবার বসে পড়ল আকাশের অন্ধকারের দিকে চেয়ে।

দেবপ্রিয় লোকটিকে চিনতে পেরে বিস্মিত হল। রাধাকান্ত মিত্র, বহুলক্ষপতি রাধাকান্ত মিত্র। পাঁচ-সাতটা বড় কোম্পানীর ডিরেক্টর। কিছুদিন আগে তার ছবি দেবপ্রিয়দের কাগজে বাহির হয়েছিল। এক কোম্পানীর নতুন আফিস-বাড়ী উদ্বোধন-উৎসবে সাব এডিটার হিসাবে দেবপ্রিয়ের নিমন্ত্রণ হয়েছিল। উদ্বোধনে সে যেতে পারেনি কিন্তু কাগজে লম্বা প্যারাগ্রাফ লিখতে হয়েছিল।

কিন্তু রাধাকান্ত মিত্র সেকেণ্ড ক্লাশে কেন? নতুন তাপ-নিয়ন্ত্রিত গাড়ীতেই রাধাকান্ত বোম্বে যায়, দেখেছে। বোধ হয় জরুরী কোন ব্যবসায়সংক্রান্ত ব্যাপারে তাড়াতাড়ি যেতে হচ্ছে।

দেবপ্রিয়ের বেকির আর এক কোণে এক বৃদ্ধ ভদ্রলোক বসে। ছাই-রঙের গলাবন্ধ কোট, মাথায় চুলগুলি যেমন খড়ির মত সাদা মুখ তেমনি আরক্ত, শুষ্কতা ও রক্তবর্ণের বৈষম্যে লোকটিকে অস্বাভাবিক করে তুলেছে।

বেশিগুণ কথা না কইলে দেবপ্রিয় হাঁপিয়ে ওঠে। তিন সহযাত্রীর মধ্যে সন্ন্যাসীর সঙ্গেই কথা কওয়া সহজ।

দেবপ্রিয় উঠে সন্ন্যাসীর সামনে দাঁড়াল। সন্ন্যাসী একদৃষ্টে রাধাকান্তের দিকে চেয়ে আছেন, সে দৃষ্টির করুণ কাতরতা দেখে দেবপ্রিয় অবাক হল।

প্রেমদাস পরিচিত বন্ধুর মত দেবপ্রিয়কে বল্লেন, এসো, বোসো—

—আমার নাম দেবপ্রিয় ।

—দেবপ্রিয়, বা সুন্দর নাম, না, না, প্রণাম করতে হবে না ।

প্রেমদাস দেবপ্রিয়ের হাত ধরে তাঁর পাশে বসিয়ে বল্লেন, আমরা এখন সহযাত্রী, দু'ঘণ্টার জগুই হোক, দু'দিনের জগুই হোক, এক পথের পথিক ।

—আমি বোধে যাচ্ছি ।

—আমারও বোধে যাবার ইচ্ছা ।

—বোধেতে কি থাকবেন ?

—না, ওই পথ দিয়ে দ্বারকায় যাব ।

—মা একবার আপনার দর্শন চান, যদি বোধেতে থাকেন তা হলে গাড়ীতে বিরক্ত করব না ।

—তোমার মা ? পাশের গাড়ীর ওই মোটা গিন্নিটি বোধ হয় ।

—ঠিক বলেছেন ।

—আচ্ছা বোধেতেই দেখা হবে, ও গাড়ীতে যেতে আর সাহস হচ্ছে না, সে সাহেবী মেজাজী ছোকরাটি যে রকম রুখে উঠেছিল, 'এটা মেয়েদের গাড়ী—'

প্রেমদাস হো হো করে হেসে উঠলেন ।

—বোসো, আলাপ করা যাক ।

—আপনি এখন বিশ্রাম করুন ।

—না, না, আমার ঘুম বড় কম, গত দু'রাত্রি ঘুম হয়নি, এরা ত্রেও বোধ হয় হবে না ; আর মাল্লুষের সঙ্গে আলাপ করার মত আনন্দ কি আছে—তুমি পণ্ডিত লোক তোমার সঙ্গে আলাপ করার মত আনন্দ কি আছে—তুমি পণ্ডিত লোক, তোমার সঙ্গে কথা কয়ে জ্ঞানও লাভ হবে ।

—কি ঠাট্টা করছেন, আমি পণ্ডিত! খবরের কাগজের সাব-এডিটর মাত্র।

—কত দূর পড়েছ।

—এক সময় পড়েছিলুম বটে, ইউনিভারসিটির ডবল্ এম্-এ, ফাস্ট ক্লাসও পেয়েছিলুম।

—ওই খুলি-জোড়া টাক দেখেই বুঝেছি, তুমি পাণ্ডিত।

দেবপ্রিয় ধীরে দীর্ঘনিশ্বাস ফেলল। তাহার জীবনের স্বপ্ন, আদর্শ ছিল বটে সে পণ্ডিত হবে, ভারতের ইতিহাসের এক নতুন ব্যাখ্যা দিয়ে বই লিখবে, স্পেন্সারের যেমন লিখেছেন Decline of the West. ইতিহাসে এম্-এ পাশ করে দর্শনে এম্ এ পড়েছিল; কিন্তু কোন কলেজে একটা কাজও যোগাড় করতে পারেনি। হঠাৎ যখন তার বাবা মারা গেলেন, মটগেজ-করা বাড়ী ও কয়েক হাজার টাকা দেনা রেখে, যৌবনের সব স্বপ্ন মিলিয়ে গেল। এখন সে সামান্য মাহিনার এক কাগজের সাব-এডিটর। সারাদিন গুফ দেপে ফরমাস-করা প্রবন্ধ লিখে সন্ধ্যায় শ্রান্ত হয়ে ছোট্ট ভাড়াটে বাড়ীতে আসে, তারপর শুনতে হয়, থোকার জ্বর হয়েছে, খুকীর পেটের অস্থখ, গৃহিণীর বুকের ব্যথাটা বেড়েছে। বিরক্ত হয়ে পাড়ার তাসের আড্ডায় আশ্রয় নিতে হয়, “প্রাচ্যে অরুণোদয়” খসড়া হয়ে পড়েই আছে। কিন্তু এ সম্যাসী তার অন্তরের গভীর বাসনার কথা জানলে কি করে! সে বই এখন থাক। দেবপ্রিয় ভাবতে লাগল, আর একখানা বই লেখার, মাল-মশলা বোম্বেষাত্রাপথে ট্রেনেতে যোগাড় করা যেতে পারে। সম্যাসী প্রেমদাসের এক জীবনী লিখতে পারলে নিশ্চয় খুব বিক্রি হবে; অথবা প্রেমদাসের উপদেশাবলী, ইংরেজীতে নাম হবে Philosophy of Sadhu Premdas. কোন ধনী শিষ্য ছাপাবার জার নিতে পারে। ইংরেজী বইখানা আমেরিকায় খুব বিক্রি হবে।

দেবপ্রিয় বলল, দেখুন আমার একটি নিবেদন আছে।

প্রেমদাস তার কথায় বাধা দিয়ে বললেন, দেবপ্রিয়, লোকটি কে ?
চেন ?

রাধাকান্ত তখন পকেট থেকে নোটবুক বাহির করে হিসেব করতে
ব্যস্ত।

—মনে হয়, চিনি।

—লোকটি বড় দুঃখী।

—দুঃখী ? উনি লক্ষপতি। অর্থের দুঃখ নয়, এটা ঠিক ?

—দুঃখ কি কেবল টাকার ?

—আমাদের মত সংসারী মানুষের কাছে তাই বটে।

—তুমি গভীরভাবে ভেবেছ কি আমাদের সত্যিকার দুঃখ কিসের
জ্ঞাত ?

ছাইরঙের কোর্ট-পরা প্রৌঢ় লোকটি আলোচনায় যোগদান করবার
জ্ঞাত অধীর হয়ে উঠছিল, সে বলে উঠল, বাসনাই সব দুঃখের মূল নয় কি ?

প্রেমদাস উৎসাহেব সঙ্গে বললেন, আসুন, এগিয়ে আসুন, আপনি
সুন্দর কথা বলেছেন, শান্তে বলে বটে—

—আমাকে বোধ হয় চিনতে পাচ্ছেন না, আমি বিরিকি।

—ও বিরিকিবাবু আমাদের, আপনার ওপরই ত টিকিট কেনার
ভাব ছিল।

—হা, ঠানুরের সব মনে থাকে। রেল কোম্পানীর টিকিট বেচে
চল পাکیয়ে ফেললুম, এদিকে দক্ষিণে লিলুয়ার বেশি কখনও যাইনি।
লোকে বলে, দিন্ত মশাই একটা আস্তানার টিকিট, একটা আমেদাবাদের
টিকিট, টিকিট দি, পয়সা গুনি আর ভাবি কি সুন্দরই সব জায়গা
পৃথিবীতে। তাই, পেনসন নেবার আগে ঠিক করলুম এক লম্বা পাড়ি

দেব, বড়সাহেব শুনে খুব খুশি, নিজে বোধে যাবার পাশ লিখে দিলেন, তারপরে যেখানে খুশি যাও,—ঠাকুর, আপনি দ্বারকায় যাবেন, তা হলে আপনার সঙ্গে যাই।

প্রেমদাস স্থিরদৃষ্টিতে বুদ্ধ বিরিকির দিকে চাইলেন, অতি ধীরে বললেন, বহুদূরে আপনার যাত্রা।

—হ্যাঁ, এতদিন রেল কোম্পানীর চাকরি করলুম, এবার কোম্পানীর পয়সায় যতদূর সম্ভব ঘুরে আসবার ইচ্ছা।

—আপনি সুদূরপথের যাত্রী, আপনাকে দেখে খত্ব হলুম।

প্রেমদাস বিরিকিকে বৃকে জড়িয়ে ধরলেন। বিরিকির বৃক কেঁপে উঠল, ঠাকুরের সহজ কথার অর্থ সে যেন বুঝতে পারছে না। স্তব্ধ হয়ে সে বসল।

প্রেমদাস হেসে বললেন, দেবপ্রিয়, তুমিও যে নোটবৃক বাহির করলে দেখছি, কি টুক্‌ছো?

—প্রশ্নের উত্তরটা কি দেন, তাই লিখে নেব।

—প্রেস রিপোর্টারের কাজও কর নাকি?

—দরকার হলে করতে হয়, যাতে ছু'পয়সা আসে।

—প্রেমদাস বৈরাগীর সঙ্গে ইন্টারভিউ ট্রেনে, ছু'পয়সা পাবে, বেশ, বেশ, লেখ, লেখ। প্রশ্ন হচ্ছে, মানব-জীবনে দুঃখের কারণ কি? তুমি বলছ, অর্থের অভাব; বিরিকি বলছেন, বাসনা কামনা! এ অভাবাত্মক দৃষ্টি। ভাবাত্মক দৃষ্টি দিয়ে দেখ, দুঃখ কেন? প্রেম নেই বলে দুঃখ। মানুষ প্রেম চায়, হৃদয়ের স্পর্শ। অন্তরে প্রেমের চন্দ্রমা উদ্ভিত হলে দুঃখের নিবিড় অন্ধকার দূর হয়ে যায়। এই যে আমাদের গাড়ীগুলো টানতে টানতে ইঞ্জিন ছুটে চলেছে, রাত্রির ঘন অন্ধকারে তার মাথায় সার্চ-লাইট জ্বলছে, নিজের পথ নিজে আলোকিত করে

চলেছে, প্রেমের হেড্‌লাইট জেলে চলো, জীবনপথে কলিসন হবার ভয় নেই—

দেবপ্রিয় হাত চালিয়ে লিখে চললো। মনে মনে সঙ্কল্প করলে, জীবন লেখার প্রস্তাবটা কাল সকালেই করতে হবে।

সন্ধ্যাসীমার কণ্ঠস্বরে রাধাকান্ত চমকে উঠল, তারপর নোটবুক বন্ধ করে তারাত্তর। রাত্রির প্রবহমান অন্ধকার স্রোতের দিকে চেয়ে বসে রইল।

ধূসর নীল পর্দার মত মুক্ত আকাশ, একপ্রান্তে একফালি চাঁদ। রাতের আকাশের দিকে, চাঁদের দিকে সে কখনও এমন করে বসে চায়নি। তার সময় কোথায়!

তার দিন কেটেছে অফিসে, ব্যাঙ্কে, গ্যেয়ার মার্কেটে, কারখানায়; তার রাত কেটেছে হিসেবের বই পরীক্ষা করে, টাকা গুণে, নতুন নতুন ব্যবসায় গ্লান তৈরি করে। মাঝে মাঝে যখন শ্রান্তি এসেছে, তখন সে গেছে বন্ধুদের দল নিয়ে কোন অভিনেত্রীর রঙ্গগৃহে, অথবা তার বাগানবাড়ীতে কোন বাদ্যজীকে এনে প্রমোদোৎসবের আয়োজন করেছে। সে ক্ষণিকের খেলা। তার আসল খেলা টাকা নিয়ে। নারী তার মন ভুলায় না, মদ তাকে মাতাল করে না, তার একমাত্র নেশা টাকা। একদিকে টাকা জমাবে আর একদিকে টাকা খেলাবে।

এমনি একটি ছোট স্টকেস হাতে সাতাশ বছর আগে সে কলিকাতায় এসেছিল, গৃহহীন, নিঃস্ব, নগণ্য পথিক। আজ সে বহু-লক্ষপতি। কিন্তু টাকা সে জমায়েন, টাকা সে অনবরত খেলিয়ে চলেছে। খেলার

নেশায় মেতে এখন সে মহাবিপদে পড়েছে! এতদিন জ্বিতের খেলার পর বুঝি এবার হারের খেলা আরম্ভ হল! যে সোনার চাকা সে ধোরাচ্ছিল, বেশি জোর ঘোরাতে গিয়ে, সে চাকা তার গলায় এসে চেপে আটকে গেছে। আবার চাকা ঘুরবে, হঠাৎ কয়েক লাখ টাকাব টানাটানি পড়ে গেল, বাজারে কিছুতেই যোগাড় করে উঠতে পারল না। শেয়ার মার্কেটে এত মরীয়া হয়ে খেলা ঠিক হয় নি, রেসের ঘোড়াটাও পা ভেঙে বসল, লোহার কলের নতুন বস্ত্রটা প্রথমদিন চালাতে গিঘেই ভাঙল, ইউরোপ থেকে ইঞ্জিনিয়ার না এলে সারানি যাবে না, সে তিন মাসের ধাক্কা, এদিকে তার কোম্পানীর শেয়ারের দর ভয়ঙ্কর নেমে গেছে। এখন নগদ তিন লাখ টাকা না হলে বাজারে তার ব্যবসা বন্ধ হবে, সাতটা হণ্ডি এক সপ্তাহের মধ্যে এসে পড়বে। সে আজ দু'খানা চেক কেটেছে, একখানা কুড়িহাজারের, একখানা ত্রিশ হাজারের। ব্যাঙ্ক বরাবর এর চেয়েও বেশি ওভারড্রাফট দিয়েছে, কিন্তু ম্যানেজার বললে, ওভারড্রাফট দেওয়া অসম্ভব, লগুন থেকে কেবল এসেছে খুব সাবধানে কাজ করবে, ওভারড্রাফট বন্ধ কর। হঠাৎ এরকম কেবল এল কেন ম্যানেজারও বুঝতে পারছে না। কাল সে চেক ব্যাঙ্কে ভাঙাতে নিয়ে যাবে, dishonoured হবে। রাধাকান্ত মিত্রদের সহ-করা চেক কাগজ মাত্র!

আজ নানা জায়গা ঘুরে দেখল, বাজারে তার ক্রেডিট নেই। একটা মিলে ধর্মঘট, আর একটা কারখানার যন্ত্র বিকল, বাজারে দেনা খুব বড় অঙ্কের, নতুন যন্ত্রপাতি সব ধারে কেনা।

ইন্সল্‌ভেন্সি! মন্দ কি!

নেটবুকে রাধাকান্ত যে হিসাব করছিল, টাকার সে বড় বড় অঙ্কগুলি তার মাথায় ঘুরতে লাগল, চোখের সামনে নাচতে লাগল।

তিনটে কোম্পানী লিকুইডেসনে যাবে, সেই সঙ্গে তার আলিপুরের বাড়ী, বারাকপুরের বাগানবাড়ী—সব যাবে।

মন্দ কি ! একদিন সে কপর্দকশূন্য হয়ে কলিকাতা হতে চলে যাবে তার গ্রামে, নদীর ধারে পিতামহের ভাড়া বাড়ীটা সারিয়ে থাকবে, রোজ রাতে দেখবে এমনি চাঁদ, তারকাপুঞ্জের ঝল্‌মলানি। হাঁপানিতে রাতের পর রাত জাগতে হবে না—কোম্পানীর হিসাবেব খাতার বড় বড় অঙ্কগুলি চোখের সামনে তাণ্ডব নৃত্য করবে না—

বেশি নয় দেড়লাখ টাকা যোগাড় করতে পারলে, কয়েকটা দেনা শূন্যতে পারলে আবার বাজারে ধার পাবে।

না, সে হার মানবে না।

গাড়ীর দরজা ভাল করে বন্ধ করে পাশের দুটো জানলার কাচ ফেলে দিয়ে মালতী পিঠে একটা কুশান ঠেঁশ দিয়ে বসল। এত বড় গাড়ীতে সে একা। সব জানলা বন্ধ করে যাওয়া যায় না। যদি বর্ধমানে কোন মেয়ে না ওঠে, আসানসোলেও কেউ না ওঠে, তাকে সারারাত জেগে একা যেতে হবে।

মালতী টাইম টেবল খুলে দেখতে লাগল, গাড়ী কখন বর্ধমান পৌছবে। বোম্বে পৌছতে দু'রাত কাটাতে হবে এই ট্রেনে। কি লম্বা পাড়ি ! ট্রেনগুলো একশ-দেড়শ' মাইল বেগে যায় না কেন ?

মালতী একটা নভেল খুলে বসল। রাশিয়ান উপন্যাস, সোভিয়েট বাসিয়ার ঐমিক ও কৃষকদের নবস্বপ্নের কথা।

বেশিক্ষণ সে নভেল পড়তে পারল না। গা কেমন ছম্‌ছম্‌ করছে।

ট্রেন ছুটে চলেছে ক্ষাপা দৈত্যের মত। ট্রেনের ঝাঁকুনিতে বোধ হয় শরীর ভাল বোধ হচ্ছে না।

মালতী উঠে বেক্ষির তলাগুলি ভাল করে দেখলে। না, কেউ কোথাও লুকিয়ে নেই।

একা সে কখনও ট্রেনে ভ্রমণ করেনি; ইন্টারক্লাসেও কখনও চড়েনি। থার্ডক্লাসে গেলে মন্দ হত না, সে গাড়ীতে দুটো হিন্দুস্থানী মেয়েকে বসে থাকতে দেখেছে।

না, সাহসের পরীক্ষায় সে হার মানবে না। এ তার এ্যাডভেন্চার। বাড়ীর সবার অমতে দৃষ্ট যৌবনের গর্বে জনসেবার প্রেরণায় সে একা চলেছে। প্রথমে সে ভারতবর্ষ ঘুরে দেখবে,—চাষীদের জীবন, শ্রমিকদের থাকবাব ব্যবস্থা। তারপর যাবে ইয়োরোপে। বিবাহ এখন সে করছে না।

বই বন্ধ করে মালতী ঝানলার কাচ ফেলে দিলে। কি সুন্দর চাঁদ উঠেছে, রূপালী নৌকা। গান গাইতে ইচ্ছা করে।

মালতী গান গেয়ে উঠল, নিবিড় অম্বাতিমিব হতে বাহির হল—

এক লাইন গেয়ে সে থামল। মনে হল গাড়ীতে কে যেন প্রবেশ করেছে। কিন্তু কোথাও কাউকে দেখা যাচ্ছে না।

মালতী আর একটা গান আরম্ভ করলে,—চলি গো, চলি গো, ঘাই গো চলে—

গাড়ীর চাকাগুলো সে গানের ছন্দে স্বরে উন্নতের মত ছুটে চলেছে। সমস্ত ট্রেন গান গাইছে—চলি গো, চলি গো!

এবার ট্রেনটা গানের একটা লাইন বার বার গাইছে, ছড়িয়ে চলি চলার হাসি—ছড়িয়ে চলি চলার হাসি—ঝক্ ঝক্ ঝক্ ঝক্—ছড়িয়ে চলি চলার হাসি—ঝক্ ঝক্ ঝক্ ঝক্—

যেন ট্রেনটা অগ্রসর হচ্ছে না, একই পথে বার বার ঘুরে ঘুরে গাইছে।
হঠাৎ গাড়ীতে কে হো হো করে হেসে উঠল।

মুখ ফিরিয়ে মালতী আঁকে চাইলে। ভয়ে কেঁপে সে চোঁচিয়ে
উঠল।

তার সামনের বেঞ্চে একটা কুলী বসে! হাঁ, স্টেশনের কুলীর সাজ,
কিন্তু মাথায় একটা খদ্দের টুপি। লোকটা এল কোথা হতে!

—টানবেন না, অতঃপর করে চেন টানবেন না।

কুলীর মত গলা নয় ত।

—কে তুমি?

—হাঃ, হাঃ কমরেড মালতী, ভেবেছিলুম, তুমি শুধু সুন্দরী নও,
তোমার সাহসও আছে।

—নিশ্চয়ই আছে!

—তবে চেন ধরে আছ কেন—স্থির হয়ে বোসো।

—কে তুমি!

মাথার টুপি ও মোটা কালো গোক খুলে যুবকটি বললে, এখন
চিনতে পাচ্ছ বোধ হয়, চোঁচিও না। আমাকে সাহায্য করতে হবে।

—তুমি, সমর!

—চুপ, আস্তে কথা বল।

কলেজের সহপাঠি সোসিয়লিস্ট সমর।

—কোথায় ছিলে?

গাড়ীর এক কোণে আঙুল দেখিয়ে সমর জানলার খড়খড়ি
তুলে বসল।

হাসির তরঙ্গে দেহ ছুলিয়ে মালতী বসল। কালো চোখ জল
জল করছে। মুখে রক্তাভা, শরৎপ্রভাতের স্বর্ণদীপ্তির মত।

—হাঃ, হাঃ, কি চমকেই দিয়েছিলে! আমি ত ক্যাপিটালিস্ট নই, আমাকে ভয় দেখাতে আসা কেন? ব্যাপার কি?

—যদি বলি, তোমাকে একা দেখে গাড়ীতে উঠে পড়েছিলুম, তা হলে খুশি হবে—

—মোটাই নয়। তা ছাড়া, তোমার কোন মংলব আছে।

—সুন্দরী তরুণীর সঙ্কলাভ।

হঠাৎ ট্রেনের গতি মন্দ হ'য়ে এল।

সমর চমকে দাঁড়িয়ে বলে উঠল,—একি! শীগগির একটা শাড়ী বের করো!

—তুমি পরবে নাকি?

—উপায় কি! যদি ট্রেন থামিয়ে এখন সার্চ করে—

—তুমি শাড়ী পরে ঘোমটা টেনে বসে থাকবে—হাঃ হাঃ—না, না, আমি—হঠাৎ আমি হেসে ফেলব—সে আমি দেখতে পারব না।

ট্রেন থামল না। আবার ক্রমবর্ধমান গতিতে ছুটে চলল।

—বোসো, ট্রেন থামছে না।

প্রথম শ্রেণীর কুপেতে আলো জ্বল্জ্বল করছে।

জগদীশ এক সরকারী ফাইলের পাতা ওল্টাচ্ছিল। অল্পপম। অর্ধশায়িতা, স্তব্ধ চেয়ে আছে আকাশের দিকে। স্নান চাঁদের আলোভরা আকাশের টুকরা নীলার মত বক্‌মক্ করে ওঠে, গাছের কালো ছায়া দৈত্যের মত ছুটে এসে চলে যায়, অন্ধকারের শ্রোত স্বচ্ছ শ্রোতস্বিনীর

মত, এ যেন অসীম কাল-শ্রোত প্রবাহিত হয়ে চলেছে তার চক্ষের সম্মুখে! এ অনন্তশ্রোতে একবার উজান ঠেলে অল্পপমা অতীতে যেতে চায়। কল্যাণ তার জীবনতরীর মুখ যেন ঘুরিয়ে দিলে।

ক্লান্ত উদাসহরে অল্পপমা বললে, ভগ্নো শুনছ।

মোটো ফাইল বন্ধ করে জগদীশ একটু চমকে চাইলে, ধীরে বললে, তোমার সেই ঝুপটা খাবার সময় হল নোথ হয!

—না, ওষুধ আমি আজ খাচ্ছি না, এ ঝাঁকুনীতেই আমার গা গুলোচ্ছে—ফাইলটা রাখ না।

—এই ফাইল বন্ধ হল।

—এই ইয়ারিং আপ হারটা ভুলে বাথ দেখি।

হারের সঙ্গে কয়েকগাছা চুড়িও অল্পপমা থুলে দিলে। অলঙ্কার-শোভিতা তথ্য আরাম কবে শোয়া যাচ্ছে না।

এ্যাটাচি-কেশে গয়নাগুলি বেখে জগদীশ ঔষধের শিশি বাঁধ করলে!

—ঝুপ ত খাব না বললুম; বরঞ্চ আমাকে সেই মটরমালাটা দাও।

সোনাব মালা অল্পপমা গলায় পরলে না, হাতে জড়িয়ে থেলা করতে লাগল। জগদীশকে সে বললে, এবার ভূমি শুয়ে পড়। একটা আলো নিভিয়ে দাও।

জগদীশ দু'টো আলোই নিভিয়ে দিলে।

একটু ভয়েব হুরে অল্পপমা বললে, না, না, একটা আলো জ্বলে রাখো, গাড়ীতে অন্ধকার করে যেতে আমার কেমন ভয় করে।

একটা আলো জ্বলে জগদীশ অল্পপমার পাশে একটা বালিশ ঠেসান দিয়ে বসল. হেসে বললে, ধরো তোমায় যদি একা গাড়ীতে যেতে হত।

—যেতুম। চারটে আলো ছেলে। ওগো মালতীর গাড়ীতে মেয়েরা কেউ উঠেছে দেখলে? ধন্তি, সাহস মেয়ের!

—ওর গাড়ীতে আর কোন মেয়ে ওঠেনি।

—সে কি! মেয়েটা একাই যাচ্ছে! বর্ধমানে একবার খোঁজ কোরো, যদি আমাদের গাড়ীতে আসতে চায়—

—ভয় নেই, একা যাচ্ছে না। হীরাসিংকে কড়া নজর রাখতে বলেছি, ওর পাশের গাড়ীতেই বসিয়ে দিয়েছি। তার রিপোর্ট ত রীতিমত রোমাটিক।

—কি, রোমাটিক আবার কি? তোমরা সবেতেই রোমান্স দেখছ!

—না, গো! তোমার বোন রীতিমত মডার্ন—বুঝলে—ওধু একা দেশভ্রমণ নয়, elope করবার আনন্দও পেতে চান—

—কি হেয়ালী বলছ!

—হীরাসিং এর রিপোর্ট হচ্ছে, ট্রেন ছাড়বার কিছু আগেই, সে একটি বাঙালী যুবককে ওই গাড়ীতে উঠতে দেখেছে; যুবকটি উঠেই এক কোণে লুকিয়ে রইল, আর মাল্টি-বাবা একটু হেসে অল্প দিকে মুখ ফিরিয়ে রইল। ব্যাপারটা আগে থেকে পরামর্শ করে ঠিক করা, এ বিষয় কোন সন্দেহ নেই। সুতরাং তোমার আধুনিক মাতৃদাসহিতা তরুণ প্রেমিকের সঙ্গে আনন্দালাপ করতে করতে যাচ্ছে, একা নেই।

—বাবা, মাল্টির এত বিচ্ছেদ! আচ্ছা, ছেলেটি কে দেখলে?

অল্পপমা সোজা হয়ে উঠে বসল।

—আমি কিছুই দেখিনি। বল ত, বর্ধমানে দেখতে পারি। তবে খোঁজটা কাল সকালেও করা যেতে পারে।

—হাঁ, আজ রাতে থাক। তা, বাবু বললেই পারে, ওর মা ত মেয়ের বিয়ে দেবার জন্ত পাগল।

—মাঘের এক কথায় বিয়ে করে কেললে, মড্যান' গার্ল হবে কি করে—চাই লভ্, ট্রেনে রাঁদেভু।

—মাল্টি বোদ হয় জানত না, আমরাও এ ট্রেনে যাচ্ছি, বড্ড ধরা পড়ে গেছে।

মধুর হাসি খেলে গেল অল্পমার মুখে। জগদীশ মুগ্ধ হয়ে চেয়ে রইল। অল্পমার এ রূপলাবণ্যময় হাতের অলৌকিক শক্তি আছে, জগদীশ মস্তমুগ্ধের মত এগিয়ে আসে, অল্পমা সরে যায়, হাসি মিলিয়ে যায় আলেয়ার আলোর মত।

অন্ধকার কোণে সরে গিয়ে জানলার দিকে একটু মুখ ফিরিয়ে অল্পমা এলিয়ে বসল, স্থির গভীর রূপ।

অল্পমার মনের আকাশে কখন কালো মেঘ ঘনিয়ে আসে, কখন চাঁদের আলো ভরে যায়, কখন অকণের সোনার আভা ঝলমল করে, তার সুন্দর আনন্দের রূপ-পরিবর্তন দেখে জগদীশ বুঝতে পারে। অল্পমার আগে অল্পমাব সহজ স্থির গাভীর ছিল, সহজে সে ঢকলা হত না। এখন তার স্নায়ুগুণ বীণা-যন্ত্রের ঢিলে তারগুলির মত, একটু আঘাতেই বেস্তরো বেজে ওঠে। অতি সাবধানে জগদীশকে চলতে হয়। মাঝে মাঝে তার শ্রান্তি লাগে। সব সময় সপ্রেম ব্যবহার, আদর-ভরা কথা, মন খুশি করবার প্রয়াস। যেন সে অভিনয় করে চলেছে।

নির্ণিমেষ নয়নে অল্পমা চাইলে কৃষ্ণতারকা হতে অদ্ভুত স্ফোতি বার হয়। জগদীশের ভয় করে। অগ্রসর হতে সে পারে না।

মুখের থম্‌থমে ভাব কেটে গেছে। হেয়ালীর সুরে অল্পমা বললে, স্টেশনে কার সঙ্গে দেখা হল জান! Guess?

—পুরুষ, না মহিলা ?

—কল্যাণের সঙ্গে দেখা হল, বহুদিন পরে !

—কল্যাণ !

—তোমার সঙ্গে ত দেখা হয়েছিল বিলেতে,—জ্যেষ্ঠাইমার ছেলে !

—ও, তোমার old flame !

জগদীশ কুশান চেপে বসে পড়ল।

—ফ্রেন্স ! আর ঠাট্টা করতে হবে না।

—আহা, আমি কিছু mean করিনি—কি পাশ করে এল ?

—এই গাড়ীতেই যাচ্ছে, গিয়ে জিজ্ঞেস করে আসতে পার।

জগদীশ চুপ করে রইল। সে কথা কাটাকাটি করতে চায় না।

ভাবলে, আগুন কি একেবারে নিভে গেছে ? বোধ হয় অন্ধার বয়েছে ছাই-চাপা। সে অন্ধারের অগ্নি-আভা অল্পপমাব গণ্ডে লেগেছে বুঝি।

গাড়ী ছুটে চলেছে। দু'জনে স্তব্ধ। কালের শ্রোত বয়ে চলেছে অসীমতার অভিমুখে।

একটু পরে অল্পপমা হেসে উঠল ; জগদীশকে ঠেলা দিয়ে বললে, কি, গুন্স হয়ে বসলে কেন ? গুন্সটা দাঁও খাই।

—গুন্স খাবে না যে বললে।

—Changed my mind, dear,—কি বল !

—ভাল কথা। ডাক্তারের কথা ত শোনা উচিত।

—নিশ্চয়, নিশ্চয়, আর এত উত্তোষ করে বেড়াতে নিয়ে চলেছ, হঠাৎ অস্থখ করে বসলে হবে কেন—একটা কর্তব্য-বোধ আছে ত।

—কার প্রতি ?

—শরীরের প্রতি এবং তোমার প্রতি, বুঝলে ?

গুন্স খেয়ে অল্পপমা বললে, এবার তুমি শুয়ে পড়। ওপরের বাক্সে

বিছানা পাতা আছে, ত্রিপিং স্টুটা বিছানার ওপর আছে বোধ হয়।
চাপরাসীকে রাখতে বলেছিলুম।

নানা রঙের কুশান্-ছড়ান রঙীন চাদর-পাতা বেঞ্চির দিকে জগদীশ
চাইলে। সুপ্রশস্ত গদি-ওয়াল বেঞ্চি, তার অর্ধেক জুড়ে কৌকড়ান চুল
এলিয়ে ধূসর হলদে রঙের বালিশ ঠেসান দিয়ে অল্পমমা পা ছড়িয়ে বসে,
খোলা জানালার দিকে চেয়ে আছে। কিংগুক বর্ণের শাড়ীর প্রান্তভাগ
নীচে বুলে পড়েছে।

জগদীশ ধীরে বললে, এর মধ্যে শোব কি! বর্ধমানের পর শোয়া
যাবে। বেঞ্চির আর এক কোণে বসে সে অল্পমমার দিকে চেয়ে রইল।
অল্পমমার দৃষ্টি তাবাতরা আকাশের দিকে।

এমনি চুপ করে একা উদাসভাবে অনন্ত আকাশের দিকে চেয়ে বসে-
থাকা অল্পমমাকে দেখলে জগদীশের মন ব্যথায়, আশঙ্কায় ভরে ওঠে।
এ যেন কোন অজানা, অপরিচিত নারী; প্রতিদিনে-জানা অল্পমমা তার
কাছ থেকে কত দূরে সব গেল, কোন্ অজানা পথে বহুদূর চলে গেছে,
সে পথে সে একাকিনী যাত্রিনী, জগদীশের সঙ্গ ত্যাগ করে চলেছে।
অল্পমমার রূপ তাকে মুগ্ধ করে; তার কালো চোখের চাউনিতে বঙ্কের
রক্ত ঢুলে ওঠে, তারপরে অল্পমমা দুবে সরে যায়।

ওয়াল্টেরের নিজস্ব সমুদ্রতীরে অনন্ত আকাশের তলে এমনি
এক-বসে-থাকা অল্পমমাকে দেখেই সে বিমুগ্ধ হয়েছিল, ভালবেসেছিল।
সোনালী বালুচরে সন্ধ্যার আলোয় এমনি খোলা চুলে কিংগুক বর্ণের
শাড়ী পরে সমুদ্রের দিকে চেয়ে চুপ করে বসে ছিল অল্পমমা। যেন
একা, বড় একা সে। যেন সে ভেনাসের মত শুক্লির দোলায় সমুদ্রের
তল হতে উঠে এসেছে, বিজ্ঞান পৃথিবীতে পথ খুঁজে পাচ্ছে না।

সেই একাকিনী সৌন্দর্যময়ীকে সে জীবন-সঙ্গিনী করেছে, প্রেম-

প্রদীপ জালিয়ে আস্থান করেছে; অন্তরে; নিবিড়ভাবে তাকে পেতে চায়। কিন্তু নিকটে গিয়েও পরিপূর্ণভাবে মিলন হয় না।

অল্পমা জগদীশকে সরিয়ে রাখে না, কোথাও বাধা দেয় না, অথচ সহসা এক আবরণ সৃষ্টি করে, অদৃশ্য জালের মত। সৌন্দর্যমায়ার আবরণ, অসীম উদাস স্তরুতার আবরণ।

অল্পমা অজানা, স্বদূরগতা। অদৃশ্য ভেদ-জাল কে ছিন্ন করতে পারে?

ব্যথায় মন খচখচ করে।

জগদীশকে সুপুরুষ বলা চলে না। কালো, মোটা দেখতে। থ্যাভা মুখ, নাক মোটা, ছোট চোখ; মোটা কাচ-ভরা কাচকড়ার চশমার ফ্রেম মুখখানি বিসদৃশ করে তুলেছে। অল্পমার পাশে বদলে জগদীশকে বিক্রী দেখায়। “Beauty and the Beast” ছিল তার বিবাহের পরে বন্ধু মহলে প্রচলিত ঠাট্টা!

সরকারী চাকরির পদগৌরব ও মোটা মাহিনার অঙ্ক কষ্টিপাথরের গায়ে স্বর্ণাভরণের মত তার দেহের অসৌন্দর্য দূর করেছে।

অল্পমার সঙ্গে জগদীশের আলাপ হয়েছিল ওয়াল্টেরের সমুদ্র তীরে। অহৈতুক আলাপ। বিবাহের কোন প্রস্তাব প্রথমে ছিল না।

জগদীশ বিশেষ আকৃষ্ট হলেও প্রস্তাব করতে সাহস করেনি।

অল্পমার এক মামা প্রস্তাবটি আনেন। অল্পমার মত নিয়ে তিনি এসেছিলেন। জগদীশ তাতেও সন্তুষ্ট হয়নি। নিভৃতে সে নিজে প্রশ্ন করে অল্পমার নিকট হতে সম্মতি জেনেছিল। অল্পমা তাকে ভালবেসে বিবাহ করেছে কি-না, এ প্রশ্ন তখন মনে উদয় হয়নি। প্রশ্ন করলে বোধ হয় উত্তর পেত না। বিবাহের পর একথা বহবার মনে হয়েছে, কিন্তু প্রশ্ন করতে সাহস হয়নি। দু’জনার মধ্যে যে অতি হৃদয়

অদৃশ্য বাধার জাল রয়েছে, প্রশ্ন করতে তার ভয় করে। সে অল্পভব করে, অল্পমাকে সে গভীরভাবে ভালবাসে। ভাল যদি না বাসত অল্পমাকে সে সহ করতে পারত না, অল্পমার আরোগ্যের জন্য অকাতরে এত অর্থব্যয় করতে পারত না।

—এখনও তুমি শোওনি, অমন চুপ করে বসে ভেবো না।

জগদীশ ধীরে উঠে দাঁড়াল। ওপরের বাক্সেই তাকে শুতে হবে ধীরে বললে, তুমিও শুয়ে পড়। জানালাটা বন্ধ করে দি।

—জান ত, ট্রেনে আমার ঘুম হয় না। মিছে তুমি জেগে থাকবে আমার জন্তে।

—অত মুখ বাড়িও না। চোখে কয়লার গুঁড়ো পড়বে।

—বেশ সুন্দর লাগছে রাতটা—যেন হ হ করে ভেসে চলেছি—
আচ্ছা তুমি এরোপ্লেনে চড়েছ ?

—হ্যাঁ, সেবার দিল্লী থেকে এলুম।

—আমার এরোপ্লেন চড়তে ইচ্ছে করছে—খুব জোরে ছুটে যাবে—
আকাশের নীলিমায় উজ্জ্বল মত ছুটে চলবে—আচ্ছা এরোপ্লেন ঘণ্টায়
তিন-চার শ' মাইল যেতে পারে ?

—যেতে পারে, তবে যাত্রী-এরোপ্লেন নয়। জলের বোতলটা
কোথায় ?

—ওই কোণে রেখেছ—না, আমি জল খাব না—দরকার হলে সোড়া
খাব'খন।

—শুয়ে পড়ি ?

—হ্যাঁ, হ্যাঁ।

—বর্ধমানে ডেকে দিও। কেমন tired লাগছে।

অল্পমাকে আলগা চুষন করে জগদীশ ওপরের বাক্সে উঠে শুয়ে

পড়ল। ফাইলটা শেষ করে শুয়ে পড়েনই ভাল হত। ট্রেনেতেই রিপোর্ট লিখে পাঠাতে হবে।

বড় ক্লান্তি লাগে। মাথায় নানা চিন্তা। কল্যাণ ঠিক এই ট্রেনে এল কি করে? যা প্ল্যান করা যায়, কামনা করা যায়,—কোথা থেকে অঘটন ঘটে—কোন ছুটুগ্রহ সব সময়ে তাকে ব্যঙ্গ করছে।

বালিশে মুখ চেপে জগদীশ চোখ বুজলো।

মালতীর সামনের বেকিতে সমর বসেছে, মুখোমুখি। পাশে কৃশ-লেপক সোলোকভের “Virgin Soil Upturned” উপস্থাস্থানি খোলা।

মালতীকে সে জিজ্ঞাসা করলে, এবার দেবগ্রামে কৃষক-কন্ফারেন্সে তোমায় দেখলুম না?

মালতীকে ‘তুমি’ বলবার মত ঘনিষ্ঠ আলাপ না থাকলেও সমর কোন সমবয়স্ক মেয়েকে “আপনি” বলে না। তা ছাড়া, মালতী তাদের দলের; “আপনি” বলা বুর্জোয়া মনোবৃত্তির পরিচায়ক। কোন মেয়েকেও সে “আপনি” বলতে দেয় না।

মালতী বলল, না, এবার কন্ফারেন্সে যাওয়া হয়নি, শরীর ভাল ছিল না।

—শরীরের কথা ভাবলে কি কাজ করা চলে। আজ সারাদিন ত আমার খাওয়া হয়নি।

—কিছু খাওনি? আমার সঙ্গে ত খাবার নেই কিছু।

—তিন কাপ চা আর দুটো ফাউল-কাটলেট—খাবার কথা

যাক, কোনরকমে আনায় বোম্বে পৌঁছতে হবে। টাকাও হাতে নেই।

—টাকা কিছু দিতে পাবি।

—টাকা থাক। বেলগ্বে টিকিট থাকে ত দাও। টিকিট নেই বলে গেলো ধরানো পড়ে যাই।

—তোমার নামে কি গুয়ারেন্ট বাব হয়েছে?

—না, গুয়ারেন্ট বাব হয়নি। তবে খোঁজ হচ্ছে। তবেল্লকে ধবেছে,—

—অপবাস?

—রাধাকান্ত মিলে বর্মঘটের কথা শোননি? বকুলতাটা গরম হয়ে গেছিল। সিতিকঠ একটা স্লিপ পাঠালে, সব পড়। তাই সব পড়ছি।

—কেন, ভয় কিসেব?

—হেলকে আমি ভয় করি না, বুঝলে কমরেড—তবে কেন মিচিমিচি যাই—

—আমাবও তাই মত।

—তা ছাড়া, এবাব লম্বা পাড়ি দেবার ইচ্ছে আছে, এত দিন বাব স্ত্রে পারিনি মায়েব জন্তে, এবাব বুঝিয়ে এলুম, হেলে বাওবাব চেয়ে ইউরোপে যাওয়া ত ভাল হবে।

—তোমাব মা নিশ্চয় খুব ভাবছেন।

—ভাবছেন বৈ কি। ভাবটাই তাঁদের একমাত্র কাজ। তা আমাব মা শক্ত আছেন। শোন কমরেড, আমাব ঠিকানাটা লিখে নাও, কল একটা চিঠি লিখে দিও মাকে—ভণিতা কিছু করতে হবে না, শুধু লিখে দিও, আপনার ছেলের সঙ্গে দেখা হ'ল, ভাল আছে, তার অভ্যুত্থাপণে চলেছে—বুঝলে—একটা জ'সন স্টেশনে পোস্ট করো,—

খামে লিখে আর বেশ মেয়েলিছাঁদে ঠিকানা লিখে—‘শ্রীচরণেশু’, ওই সবই লাগিয়ে দিও।

মালতীর বিবর্ণ মুখ রাঙা হয়ে উঠেছে, কালো চোখ জল্জল্ করছে অন্ধকার আকাশে শুকতারার মত।

ছোট নোটবুক বা’র করে সে ধীরকণ্ঠে বললে—বলো ঠিকানা, নামটা বলো।

—মা’র নাম? দেখ, মায়ের নাম মনে পড়ছে না, মা, মা—শুধু ‘মা’ লিখে দিয়ে, কেয়ার অফ—মনে পড়েছে, ‘যোগমায়া’—কাল সকালেই লিখে দিও।

ব্যাগ থেকে রেল টিকিট বা’র করে মালতী বললে, টিকিটটা রাখো।
ব্যাগ নেই?

ব্যাগটা কোথায় পড়ে গেছে দেখছি, একটা ছিল ট্যাকে।

—আচ্ছা এ মনিব্যাগটাও রাখ, বেশি টাকা নেই।

—থাক, তোমার কাছে, পরে নেব। দরকার হবে না বোধ হয়।

—তুমি কি এই কম্পার্টমেন্টেই থাকতে চাও?

—বর্ধমানে নেমে একবার দেখব—অগ্নি গাড়ীতে যদি হুবিদে হয়—এক কাজ কর, জানালাগুলো সব তুলে দিয়ে আলো নিভিয়ে শুয়ে পড়।

—আলো না জালা থাকলে আমার ভয় করবে।

—ভয়?

—না, ভয় নয়, কিন্তু অন্ধকারে আমি থাকতে পারি না, আমার ত ঘুম আসবে না।

—আচ্ছা, আলো জেলেই চলো, আমি সহজে নড়ছি না।

মালতী কোন উত্তর দিলে না। গওদেশে রক্তের ছোপ মিলিয়ে

গেছে। মণিবন্ধে বাঁধা ছোট ঘড়িটা দেখলে। কলিকাতার এক ছোট গলিতে তাদের পুরাতন বাড়ীর এক অংশ তার চোখে ভেসে উঠল। মায়ের কথা মনে পড়ল।

মায়ের রান্না বোধ হয় শেষ হয়ে গেছে। আজ আর বেশি রাঁধবেন না। ছোট ভাইপো মন্থ বোধ হয় এতক্ষণে ঘুমিয়ে পড়েছে। আসবার সময় তার মা চক্ষের জল কষ্টে রোধ করেছিলেন, কিন্তু মন্থ চীংকার করে বাড়ী মাং করে দিয়েছিল।

মা যদি অবুঝ হন কি করা যায়! তার জীবনের আদর্শকে সে কত বোঝাতে চেষ্টা করেছে, মা কিছুতেই বোঝেন না; বলেন, গরীব দুঃখীর সেবা করতে চাও, খুব ভাল, কিন্তু সেজন্ত বিয়ে না করে টো টো করে ঘোরা কেন! আজ রাতে মায়েরও ঘুম হবে না! মাকেও একটা চিঠি লিখতে হবে টেন থেকে।

মালতীর ইচ্ছা হ'ল, সময়ের সঙ্গে মায়ের গল্প আরও করে। কিন্তু সন্ধ্যাচে সে চুপ কবে রইল। সোসিয়ালিজ্‌ম-মন্ত্রে সে দীক্ষিত। হৃদয়ের কোনরূপ দুর্বলতা প্রকাশ করলে চলবে না।

সময়ের দিকে সে উৎসুকভাবে চাইলে। সময়ও বোধ হয় তার মায়ের কথা ভাবছে।

মালতী ভাবলে, সে যদি সময়ের মত মুক্ত, স্বাধীন হত, চলে যেতে পারত দেশ দেশান্তরে!

রেক্সটার্ণ-গাড়ীতে ত্রয়ীর আহার শেষ হয়ে পান-পর্ব আরম্ভ হয়েছে। কল্যাণ ও আর্থার লিকার নিয়ে বসেছে, কনকের হুইস্কি চলছে।

সাক্ষের গেলাসে একটু চুমুক দিয়ে কল্যাণ বললে, আর্থার, তোমার এ ছদ্মবেশ কেন ?

পাঞ্জাবির হাতটা গুটিয়ে আর্থার বললে, এ দেশে এই বেশ বড় আরামের। আর আমি ঠিক করেছি, যে দেশে যাইব, সে দেশের বেশভূষা পরিব।

—আইডিয়া ভাল, কিন্তু তোমার মতলব কি ?

—ভারতবর্ষ সম্বন্ধে আমি একটা বই লিখছি।

কনক বললে, দোহাই, ভারতবর্ষ সম্বন্ধে অনেক বিদেশী আবর্জনা জন্মেনি কি ?

আর্থার বললে, আপনারা যদি নিজ দেশ সম্বন্ধে বই লিখিতেন ত ভাল হইত। আপনারা যে লেখেন না। দেখ, প্রাচীন ভারতের বিষয় জানিতে হলে সেই বিদেশী ছয়েন সাডের রত্নাস্ত পড়িতে হয়।

—তার কারণ, নিজের ধর্ম, সমাজ সম্বন্ধে বই লেখা যেতে পাবে, কিন্তু সমগ্র ভারতবর্ষ সম্বন্ধে বড় বড় মণ্ডব্য করে বই লেখা যায় না, অনেক ইংরেজ আমেরিকান সাংবাদিক পয়সার জগু অথবা ভারতবর্ষকে হেয় করবার জগু অনেক বই লিখেছে, তুমি ত তা করবে না আর্থার ?

—আমি ভারতবর্ষ সম্বন্ধে বই লিখিতেছি বলিলে ঠিক হবে না, এ হচ্ছে ভারতবর্ষকে আমার বুদ্ধি দিয়ে হৃদয় দিয়ে বুঝিবার চেষ্টা, তার ধর্ম, সভ্যতাকে, বইখানার নাম Soul of India হবে।

গেলাসে সোড়া ঢালতে ঢালতে কনক হেসে উঠল, Soulকে খুঁজে পেয়েছ কি ? ওই কথাগুলি হচ্ছে তোমাদের সম্মোহন বাণ, একেই ত আমরা ধর্মের গাঁজা খেয়ে বঁদ হয়ে আছি—

—সেজগু স্বচ হইস্কি দিয়ে নেশা কাটাবার চেষ্টা করছ !

—ঠিক বলেছ, আজ পৃথিবী জুড়ে ইয়োরোপীয় সভ্যতার শক্তি সম্পাদ

দেদীপ্যমান, ভারতবর্ষ যদি সেই সভ্যতাকে, এই যন্ত্র-শক্তি, বৈজ্ঞানিক ব্যবস্থাকে সম্পূর্ণভাবে গ্রহণ করতে পারে, তবেই সে বাঁচবে।

—তোমার মত শিল্পীর নিকট হতে এ কথা আশা করি নাই।

—শিল্প কি আমাদের রক্ষা করতে পারল? লৌহ-যন্ত্র কি জয়ী হল না? জয় যন্ত্র! জয় যন্ত্র!

এক চুমুকে গেলাস শূণ্য করে কনক চৌচিয়ে উঠল, শোন যন্ত্রের ভয়ধ্বনি—ঝক্ ঝক্, ধব্ ধব্, ধড়্ ধড়্ চলেছে—গরুর গাড়ীর চাকার ছব্ব আপনাদের কাছে যতই মধুর লাগুক মিটার গ্রেগরি—

—কিন্তু যন্ত্র-দানবের তাণ্ডব নাচের প্রলয়ধ্বনি আপনি শোনেন নি—
বিগত মহাযুদ্ধে আমি ফ্রান্সের যুদ্ধক্ষেত্রে ছিলাম—

—তুমি যুদ্ধে ছিলে, তোমাব বয়স তখন খুব অল্প হবে।

—হাঁ, বয়স ভাঙিয়ে আমি গেছিলাম। যৌবনের রঙীন আদর্শবাদে অল্পপ্রাণিত হয়ে ভাবিয়াছিলাম, এই পৃথিবীর শেষ যুদ্ধ, তারপর মানব-সভ্যতার নবযুগ আরম্ভ হইবে, জাতিতে জাতিতে প্রীতি, দেশে দেশে শান্তি কল্যাণ প্রতিষ্ঠিত হইবে—তাব জগ্রে প্রাণ দিতে প্রস্তুত ছিলাম।

—তোমার মত কত যুবক প্রাণ দিয়েছে, তারা শুধু দেশরক্ষার জন্ত, সাম্রাজ্যরক্ষার জন্ত যায়নি; মানব-সভ্যতার এক নতুন যুগের জন্ম দেবার জন্ত তারা পৃথিবীকে নিজেদের রক্তে রাঙা করেছিল।

—কিন্তু ফল কি হ'ল! পেশাদার রাজনৈতিক নেতাদের চক্রান্ত আরও কুটিল হয়েছে, জাতীয় দম্ভ আরও ভয়ানক, শক্তিলোলুপতা আরও তীব্র, শ্রেণীগত স্বার্থপরতা আবও উগ্র হয়েছে—যুদ্ধের বাধা আসন্ন।

গ্রেগরি অতি গম্ভীরভাবে বললে, ভগবান ইয়োয়োপকে রক্ষা করুন, আগামী যুদ্ধে যে কি ভয়ানক হইবে, আমি কল্পনা করিতে পারি না।

—কেস্থি জে তুমি ত প্যাসিফিস্ট ছিলে।

—এখনও আছি। তবে কোন বিশেষ মতকে ধরে থাকতে আমি চাই না। আসল কথা, যুদ্ধ কোরবো না বলিলে ত হবে না। যুদ্ধ বাহাতে করিতে না হয়, যুদ্ধ করা প্রয়োজন না হয়, পৃথিবীর পেরুপ ব্যবস্থা করিতে হইবে।

—সে ব্যবস্থা কি করে হবে ?

—প্রথমত আমাদের মনকে তৈরি করিতে হবে, জাতির প্রতি জাতির মনোভাব বদল হবে—moral armament—

—কথাটা আগে কোথায় শুনেছি, থর্স্টের প্রেম-নীতিরই নতুন সংস্করণ করতে চাও।

বোতলটা নিঃশেষে গেলাসে ঢেলে কনক বললে, মিস্টার গ্রেগরি, আপনি এতদিন ভারতবর্ষে না গুরে যদি ইয়োরোপে ঘুরতেন আপনার প্রেমের বাণী প্রচার করে, এই আসন্ন যুদ্ধ আপনি ঠেকাতে পাবতেন মনে হয় ?

গ্রেগরি চমকে উঠল। প্রশ্ন করলে, যুদ্ধ কি বাধছে ? আমি কয়েকদিন খবরের কাগজ পড়িনি। একটা দূরে গ্রামে গেছিলাম।

—কাগজ পড়নি ?

—না, খবরের কাগজ পড়িতে শুধু বিরক্তি নয়, কেমন বেদনা অনুভব করি। কাগজগুলিতে থাকে বুড়ি-ভরা মিথ্যা—নিজ দলের প্রপাগাণ্ডা, আমাদের হাতে শক্তি থাকিলে আমি খবরের কাগজের রূপ বদলে দিতাম।

—দেখ, তুমিও শক্তিকামী হয়ে উঠছ।

—আচ্ছা, আজ নতুন খবর কি আছে কাগজে ?

—পোল্যান্ডের কাছে জার্মানী যা দাবি করেছে, তার উত্তর দেবার সম্মত বোধ হয় এতক্ষণে শেষ হয়ে এল—তারপর জার্মানী পোল্যান্ড আক্রমণ করবে স্থনিশ্চিত।

গ্রেগরি উত্তেজিত হয়ে বললে, তা হলে ইংলণ্ড তাহার শর্ত রাখিবে, তাহার কর্তব্য করিবে—

কল্যাণ হেসে বললে, তা হলে দেখছ আর্থার তুমি শাস্তিবাদী নও, যুদ্ধবাদী, অর্থাৎ বন্দুক কামান নিয়ে যুদ্ধ করে সমস্তার সমাধান করতে চাও, ছায়া প্রতিষ্ঠিত করতে চাও, মহাত্মা গান্ধীর মত নিরস্ত্র ধর্মযুদ্ধ নয়।

—ওখানে আমি গান্ধীকে বুঝিতে পারি না।

টেবিলে গেলাস ঠুঁকে কনক বললে, তা হলে আপনি ভারতবর্ষকেও বুঝতে পারবেন না। সত্যিকথা বলতে কি, আমিও বুঝতে পারি না। তুমি পার ঘোষ ?

কল্যাণ কোন কথা বললে না। সিগারেটের বাস্ক খুলে তাদের সামনে ধরলে, তারপর নিজে একটা সিগারে অগ্নি-সংযোগ করলে।

বাংলার উন্মুক্ত প্রান্তর দিয়ে ট্রেন ছুটে চলেছে। আকাশে খণ্ড খণ্ড মেঘ, চাঁদ ঢাকা পড়েছে। যেন অন্ধকার রাতে দৈত্যের দল মশাল জ্বলে হুঙ্কার করে ছুটে চলেছে।

ড্রাইভার ড্রামও এতক্ষণ সার্চলাইট-আলোকিত লোহবস্ত্র দেখছিল। জাতিতে স্বচ্ছ; হাইল্যান্ডে এক পার্বত্য গ্রামে তার বাড়ী। বাড়ীতে বুড়ি মা আছে। তার স্ত্রীও মার সঙ্গে বাস করছিল, একমাস হল হেলেন লণ্ডনে এসেছে, কার সঙ্গে লণ্ডনে আছে লেখনি, নিশ্চয়ই ওগিলভির সঙ্গে। ব্যাপারটা ডাইভোস' কোর্টে শেষ পর্যন্ত না গড়ায়। গত মেলে হেলেনকে সে লিখেছে, ছুটির জন্ত দরখাস্ত করেছে। কিন্তু ছুটি পাবার এখন সম্ভাবনা নেই। হেলেনকে ভারতবর্ষেও সে

আনতে চায় না। বাংলার গগনচুম্বী অব্যবহৃত মাঠের মধ্যে ঝটলগের গিরিচূড়া, বনভূমি, হ্রদের ছবি জেগে উঠল ড্রামগের চোখে। সহকারী ইঞ্জিনচালককে সে বললে, তুমি চালাও। তার চোখ ঝাপসা হয়ে আসছে।

ঘননীল শার্ট-পরা, আন্তিন-গোটান, মাথায় কালো বেরে-টুপি, অ্যাংলো-ইণ্ডিয়ান যুবকটি এগিয়ে বসল। কুলীকে বললে, বয়লারে কয়লা ঢালতে।

বর্ধমান যাবার রাজপথ দিয়ে একটি গরুর গাড়ী চলেছে, ভারতবর্ষের পথপ্রাপ্তর জুড়ে লক্ষ লক্ষ গরুর গাড়ী যেমন ভাবে চলে তেমনি মত্তর-গতিতে একে বেকে চলেছে। রাজা গণেশ যখন বাংলার রাজা তখন গ্রামের পথ দিয়ে গরুর গাড়ী যেভাবে যেত, সম্রাট আকবর যখন দিল্লীর সিংহাসনে অথবা মুর্শিদকুলি খাঁ যখন মুর্শিদাবাদে স্বেদদার তখন বর্ধমানের এই পথ দিয়ে রাতের অন্ধকারে গরুগুলি যেমন ঘুমের ঘোরে গাড়ী টানত, চাষা-চালক যেমন ঝিমোতে ঝিমোতে গাড়ী চালাত, তেমনি তজ্রা-ভরা চোখে পথের দিকে না চেয়ে গরুগুলি পিঠের বোঝা টানতে টানতে সামনে এগিয়ে চলেছে; মাঝে মাঝে গাড়ীতে বোঝাই-করা খড়ের গন্ধে চঞ্চল হয়ে জোরে ছুটছে, আবার মন্দগতিতে চলেছে; হঠাৎ ঝাঁকুনি খেয়ে চালকটির ঘুম মাঝে মাঝে ভেঙে যাচ্ছে, গরুগুলিকে গালাগাল দিয়ে সে আবার খড়ের গাদাঘ ঠেদ দিয়ে আরামে ঝিমোচ্ছে। ষ্টিভেনসন্ যে ষ্টিম ইঞ্জিন তৈরি করেছেন, আমেরিকায় এডিসনের জন্ম হয়েছিল, মোর্ড মোটর গাড়ী নির্মাণ করছেন—পৃথিবীর এসব ঘটনা বাংলার এ গরুর গাড়ী-চালকের জীবন-ব্যবস্থার কোন পরিবর্তন করতে পারে নি। রাতের অন্ধকারে তারার আলোয় সে সনাতন গরুর গাড়ীতে বসে ঝিমোচ্ছে, গরুর গাড়ী চলেছে মন্দগতি।

চাষাটির নাম গদাধর মণ্ডল। সে শুধু ঝিমোচ্ছে না, সে ঝিমোতে ঝিমোতে ভাবছে। সে ভাবছে টাকার কথা। গায়ে জাপানী ছিটের হাত-কাটা কতুয়া, পরনে হাটে-কেনা আট-হাতি বোম্বে মিলের মোটা ধুতি; হাতে একটা লাঠি গোঁজা। খড়গুলি বেচতে সে বর্ধমান চলেছে।

গদাধর ভাবছে, খড় বেচে সে কত টাকা পেতে পারে। স্টেশনের কাছে এক দোকান আছে, সেখানে বেচলে কিছু বেশি পাওয়া যেতে পারে, তিন-চার আনা বেশি ত হবেই, কিন্তু সেদিকে যাওয়া চলবে না। সেদিকে রামহরি পোদ্ধারের দোকান, তার কাছে ধার রয়েছে; খড়ের গাড়ী দেখলে আটক করে বসতে পারে। খড়গুলি রাতারাতি বেঁচে বর্ধমান ছাড়তে পারলেই সুবিধে; রামহরির সঙ্গে আবার পথে দেখা হয়ে না যায়।

অথচ উকিলবাবুর সঙ্গে একবার দেখা করে না আসতে পারলে হবে না। সালিশী-বোর্ড ব্যাপারটা সে ঠিক বুঝতে পারছে না। সেটা নাকি খুব সুবিধের, দেনার টাকা কিছুই দিতে হবে না, শুধু একটা দরখাস্ত হাকিমের কাছে,—দেখাতে হবে তার কিছুই নেই। এদিকে উকিল বাবু দেড় টাকার কম কথা কইবেন না বলেছেন। তা হলে ত খড় বেচে—

গাড়ীর চাকা এক গর্তে পড়ে যাওয়াতে গদাধর ঝাঁকুনি খেয়ে চোখ মেলে চাইলে, গরু দুটোকে গালাগাল দিয়ে উঠল।

গরুর গাড়ির পর গরুর গাড়ি পার হয়ে গণেশ হালদার তার মোটরকার হাঁকিয়ে চলেছে। সুরহং নীল নতুন-কেনা মোটরকার, লম্বা সুরচোলো বনেট গাড়ারের দাঁতের মত; রাজের আলো-ছায়ায় গাড়ীটাকে কালো দেখাচ্ছে, যেন একটা বন্যবরাহ ক্ষেপে ছুটে চলেছে।

গণেশ সাধারণত নিজের গাড়ী চালায় না। কারণ সে আস্তে গাড়ী চালাতে পারে না। মোটরগাড়ী যদি ঘণ্টায় ষাট-সত্তর মাইল

বেগে না যায়, তা হলে ঘোড়ার গাড়ীর সঙ্গে প্রভেদ রইল কি ! বর্তমান জগতে বাঁচতে হলে জীবন উপভোগ করতে স্পীড্ চাই, এই তার মত । শাস্ত ছন্দে মধুর ভাবরসাভিষিক্ত হয়ে চলা নয়, চাই উদ্দাম গতি, নটরাজের নৃত্যের ছন্দ, বস্ত্রার স্রোতের মত উচ্ছল চঞ্চল জীবন ।

গণেশকে টাকা রোজগার করতে হয়নি । তার পিতৃপিতামহগণ পাঁচ পুরুষ ধরে যে টাকা জমিয়ে গেছেন, বহুবৎসরসঞ্চিত ধনরাশি সে এখন স্পীডের সঙ্গে খরচ করে চলেছে । সে বলে, *live intensively, live dangerously*—অল্প ভব কর, তুমি বেঁচে আছ বর্তমান যুগে ।

গণেশকে দেখলে লক্ষপতি যুবক বলে মনে হয় না । লম্বা পাংলা, চুলগুলি উষ্ণক্ক, মাথার মাঝখানে টাকের আভাস ; চওড়া কপালে কয়েকটি ক্ষতের চিহ্ন ; লম্বা ফোলা মুখ শুকনো, যেন রক্তহীন ; মাঝে মাঝে গণ্ডে যে দীপ্তি দেখা যায়, সেটা অস্বাভাবিক কারণে ; কালো কাচ-ভরা সোনার ফ্রেমের চশমা, দুই ঠোঁটের প্রান্তরেখা কালো হয়ে গেছে, মুখের বাঁ-দিকে একটা সিগারেট সব সময়ই জ্বলছে । স্থূলদেহ, অত্যধিক বিয়ার পানের কল । গায়ে সিল্কের গলা-খোলা শাট অথবা লংক্লথের পাঞ্জাবি ; পরনে দেশী জরি-পাড় ময়লা-ধুতি, জরি-পাড় দেশী ধুতি ছাড়া সে পরে না, কিন্তু সব সময় ময়লা ; পায়ে মাদ্রাজী স্নাণ্ডেল ।

কলিকাতার পথে সে নিজে গাড়ী চালায় না । তা ছাড়া, তার গাড়ী বন্ধুবান্ধবেরা প্রায়ই নিয়ে চলে যায়, তাকে ঘুরতে হয় ট্যাক্সিতে ।

সে সন্ধ্যায় গনেশ নিজে গাড়ী চালিয়ে চলেছে, তার কারণ স্বপ্রসিদ্ধা অভিনেত্রী মধুরা শিপ্রা তার সঙ্গিনী । শিপ্রাকে নিয়ে সে বোম্বে চলেছে ।

ইতিহাসটি এইরূপ : কোন বন্ধুর প্রমোদ উদ্যানে নিশীথ উৎসবে

শিপ্রাকে নাচতে দেখে গণেশ মুগ্ধ হয়ে গেছিল। শিপ্রা সুন্দরী নয়, রং কালো, মেয়েরা বাকে বলে, উজ্জল শ্রামবর্ণ। কিন্তু মুখচোখের গঠন বড় নিখুঁত, পাথরে খোদাই-করা গ্রীকমূর্তির মত, প্রতি রেখা উজ্জল, স্পষ্ট; দীর্ঘ তলুলতা, কখনও পদনালের মত ভুয়ে পড়ে, কখনও অগ্নিশিখার মত কাঁপে।

শিপ্রাকে গণেশ পেলো না। কোন বড় কোম্পানীর ডিরেক্টরের প্রেমাঙ্গদা সে। গণেশ বুঝলে, এর মধ্যে ব্যবসাদারী আছে। মুগ্ধতা আরও গভীর হয়ে গেল।

ইতিমধ্যে বোধের কোন সিনেমা-কোম্পানী এক নতুন ফিল্মে অভিনয় করবার জন্য শিপ্রার সঙ্গে চুক্তি করেছে। কলিকাতা হতে মস্ত দল যাচ্ছে। ট্রেনে যাবার ব্যবস্থা হয়েছে।

গণেশ শিপ্রাকে বললে, চলো আমার সঙ্গে, মোটরকারে তোমাদে বোম্বে পৌছে দেব।

শিপ্রা প্রথমে রাজী হয়নি। গণেশ বললে, আচ্ছা, এই নতুন মোটরকার, তুমি যদি এ গাড়ী করে যাও আমার সঙ্গে বোম্বে পর্যন্ত, এ গাড়ী তুমি উপহার পাবে।

শিপ্রা ভাবলে, ফিল্ম কোম্পানীর সঙ্গে চুক্তি ত হয়ে গেছে; ম্যানেজারের ব্যবস্থা অনুসারে যে ট্রেনেতেই যেতে হবে, তার কোন কারণ নেই। কাউকে না জানিয়ে সে গণেশের সঙ্গে চলে গেল বারাকপুরের বাগান বাড়ীতে। বোম্বেতে ঠিক সময়ে পৌছে সবাইকে অবাক করে দেবে। ইতিমধ্যে চারিদিকে খোজাখুঁজি চলুক। কাগজে বাহির হোক, চুক্তিগত সহ করে অভিনেত্রী অন্তর্হিত।

গাড়ীর গতি কমিয়ে গণেশ বললে, সিগারেটটা আবার নিভে গেল, ধরিয়ে দাও ত।

শিপ্রা বললে, ওটা ফেলে দাও, একটা নতুন ধরিয়ে দিচ্ছি।

—দেখ ত, পকেটে সিগারেট আছে কি-না।

গণেশের পকেটে সব সময় একটা বড় গোল সিগারেটের টিন ও দেশলাই থাকে।

সিগারেটের টিন বের করে শিপ্রা বললে, দুটো আছে।

—আচ্ছা, ওইতেই চলবে। বর্তমান আব বেশি দূর হবে না।

গণেশ গাড়ীর গতি আরও বাড়িয়ে দিলে। শিপ্রা দেখলে, গতি-জ্ঞাপক যন্ত্রের কাঁটা ষাট হতে সত্তর সংখ্যার মধ্যে ঢুলছে। তার বুক কাঁপছে।

—আগ্রে চালাও বাপু!

—কেন?

—দেশলাই জ্বালতে পারছি না।

—ভয় করছে তোমার?

শিপ্রা কোন উত্তর দিলে না।

গণেশ গাড়ীর গতি কমিয়ে দিলে, কাঁটা ত্রিশের দাগে নেমে এল।

অর্ধদণ্ড সিগারেটটা বেনে দিয়ে গণেশ হেসে উঠল।

—Live dangerously, বুঝলে শিপ্রা, তবে জীবনে খিল পাবে—

—ইচ্ছে করে বিপদ ডেকে আনার ত কোম্ম মানে বুঝি না।

—তা হলে ট্রেনে আরামে ঘুমোতে ঘুমোতে গেলেই ত হত। সারাবাত জেগে যেতে হবে আমার সঙ্গে, দেখ না, আসানসোলটা পার হই, তারপর কি রকম স্পীড দেব—

—কত?

—এ গাড়ী ঘণ্টায় আশি নব্বই মাইল সহজে যেতে পারে।

—অর্থাৎ মেলট্রেনের চেয়ে জোরে, মিনিটে দেড় মাইল!

—ভয় করছে শুনে? আচ্ছা, চলো আজ সারারাত, তারপর গতির
নেশা তোমায় পেয়ে বসবে, তখন আস্তে যেতেই পারবে না—

—না বাঁপু, আমার কেমন দম আটকে যায়। এই নাও সিগারেট।

—বর্ধমানে গলাটা ভিঙ্কিয়ে নিতে হবে, বড় তেষ্ঠা পেয়েছে।

সোনার কঙ্কণ ঘুরিয়ে শিপ্রা গণেশের মুখের দিকে চাইলে।

এই অদ্ভুত লক্ষপতি যুবক অর্থকে তুচ্ছজ্ঞান করে, প্রাণেরও মায়া
করে না; সে স্নুথের সন্ধানে ঘোরে অথচ স্নুথ চায় না, জীবনটা হৈঁহৈ
করে কাটাতে চায়।

সে কেন বিবাহ করে না? বিবাহ করে সংসারী হলে সে স্নুথী
হবে। গণেশের জন্তু শিপ্রার কেমন মমতা জন্মে গেছে। একথা বললে
লোকে হাসবে, বলবে, ও শিপ্রার বড় রকম ব্যবসাদারি চাল।

মোটর গাড়ীর তীব্র দীর্ঘ আলোকে সম্মুখের পথ সমুজ্জল; দূরে এক
গরুর গাড়ীর সোনালী খড়ের গাদায় সে আলো ঝলমল করছে।

শিপ্রা ভয়ে চোঁচিয়ে উঠল, দেখ দেখ সামনে ওটা কি? কি একটা
হলদে—বোধ হয় গাছ—হর্ন দাও—

—খড়ের বোঝা, গাড়ীটা দেখা যাচ্ছে না—হর্ন দিলে গরুগুলো
ভড়কে যেতে পারে।

গণেশ গাড়ীর গতি কমালে না। গরুর গাড়ীর পাশ দিয়ে সে
জোরে বেরিয়ে চলে যাবে।

গদাইয়ের খড় বোঝাই গরুর গাড়ী একে বেকে চলেছে। সোনালী
খড়ের স্তূপ মোটরগাড়ীর আলোয় অপরূপ দেখাচ্ছে।

মোটরকার গরুর গাড়ীর কাছাকাছি এসেছে। গণেশ ঠিক করলে
বাঁ দিক দিয়ে বেরিয়ে যাবে। গরুগুলো চমকে উঠে জোরে ছুটেছে।
গণেশ বাঁ দিকে গাড়ী ঘোরাল; গরুর গাড়ীও তার সামনে এসে পড়ল,

পথের বাঁ দিকে ; পাশে হয়ত যাবার রাস্তা আছে, অন্ধকারে বোঝা যাচ্ছে না। প্রাণপণে ব্রেক-টেনে গণেশ আরও বাঁ দিকে গাড়ী ঘোরাল।

পথপার্শ্বে বৃহৎ মহীকহ। তার কালো শক্ত গুঁড়িতে বনেট জোরে ধাক্কা মারলে ; প্রাচীন বনস্পতি অটল দাঁড়িয়ে রইল। মোটরগাড়ী বন্‌বন্‌ শব্দে কঁপে উঠে খেমে গেল সামনের চাকা কাদায় ডুবে গেছে। গাড়ী কাৎ হয়ে পড়েছে, আলো নিভে গেছে, ইঞ্জিন স্তব্ধ। ঝিল্লীরবে মুখরিত অন্ধকার, রাত্রির ছায়া চারিদিকে ঘিরে এল।

ড্যাম্—বলে গণেশ ব্রেক ছেড়ে হাত বাড়তে লাগল। কবজি ছুটো বন্‌বন্‌ করছে। এবার বাহির হবার চেষ্টা করতে হবে। উঠতে গিয়ে সে অসুভব করলে তার কাঁধের ওপর একটা নরম বোঝা। একটু ঘুরে বসতেই, শিপার সুন্দর দেহ তার বুকের ওপর লুটিয়ে পড়ল বাণবিন্ধ্য পক্ষিণীর মত।

—শিপা!

কোন উত্তর নেই।

গণেশ ভাবলে, শিপা মূচ্ছিতা হয়নি ত? শিপার দেহ ধরে নাড়া দিলে। তপ্তপ্রশ্বাস তার হাতের ওপর পড়ল।

—শিপা!

কোন উত্তর নেই, শুধু একটা চাপা হাসির শব্দ।

গণেশ শিপাকে বুকে জড়িয়ে ধরলে। চারিদিকে কি গভীর স্তব্ধতা, কি নিবিড় রহস্যময় অন্ধকার! ঝোপে জোনাকির দল, আকাশে তারা-গুলি রিমঝিম করছে।

ইতিমধ্যে ড্রাইভার শোভনলাল গাড়ীর দরজা খুলে কোন রকমে বার হয়েছে। সে পেছনে বসেছিল।

—হজুর, কোন চোট লাগেনি ত ?

শোভনলালের কণ্ঠস্বরে গণেশ চমকে উঠল।

—না, শোভন, আমরা অল্ রাইট।

—তা হলে ওই গাড়িয়ান বেটাকে ধরে নিয়ে আসি।

গণেশ স্তব্ধ হয়ে বসে রইল। শিপ্রার বুক ধক্-ধক্ করছে। জীবনে এসব মুহূর্ত ক'টাই বা আসে!

চাঁদের মূহ আলোকে খড়-বোঝাই গরুর গাড়ীর মহুর গতি বড় সুন্দর।

রেশোরী-গাড়ীর খাবার টেবিল হতে একটা অর্দদণ্ড সিগার তুলে নিয়ে গ্রেগরি বললে, আচ্ছা ভারতবর্ষে কত গরুর গাড়ী আছে, বলিতে পারেন রায় ?

সিগারে অগ্নি-সংযোগ করে কনক বললে, এ সম্বন্ধে ভারত গভর্নমেন্টে নিশ্চয় রিপোর্ট লেখা আছে, তবে আমার জানা নেই।

—আমি এক বইতে পড়িয়াছি ভারতবর্ষে পঁচিশ লক্ষ গরুর গাড়ী আছে।

কল্যাণ হেসে বললে, কনকের মত হচ্ছে, এই পঁচিশ লক্ষ গরুর গাড়ী লুপ্ত হয়ে যেদিন পঁচিশ লক্ষ মোটর গাড়ী ভারতের পথপ্রান্তর জুড়ে মত্তবেগে ঘুরে বেড়াবে, সেদিন ভারতবর্ষ সভ্য স্বাধীন হতে পারবে।

—অর্থাৎ ভারতবর্ষকে আমেরিকা করে তোলা।

—ভারতের অনাদিকালের সনাতন আত্মার কি হবে ?

—ঠাট্টা করবেন না। ভারতের আত্মা নব কলেবর ধারণ করবে। বর্তমান যুগে ভারতবর্ষে বিশেষ কাজ আছে। গত দু'মাস এক গ্রামে গিয়ে বাস করছিলাম, সেখান থেকে নিকটবর্তী রেলওয়ে স্টেশন তিন দিনের পথ। নদীর ধারে অব্যবহৃত মাঠের মধ্যে ছোট গ্রাম। সেখানে খোলা আকাশের নীচে দীপ্ত সূর্যালোকে স্নিগ্ধ তারার আলোয় আমি বেগম শান্তি পাইয়াছি, ইয়োরোপের কোন গ্রামে আমি তা পাইনি। সেখানে এক বাউলের সঙ্গে আলাপ হয়েছিল। এ গ্রামের এক পোষ্ট লিখেছি, তোমাদের শোনাতে চাই।

—দেখ অর্থাৎ, প্রাচীন ভগ্ন প্রাসাদের বা ভগ্ন মন্দিরের ধ্বংসস্তুপের একটা দৌন্দব আছে, যে শিল্পী তা আঁকতে আসে, যে পথিক দেখতে আসে, তার কাছে এসব স্তম্ভ, এমন কি, জ্যোৎস্নালোকে অপরূপ মনে হতে পারে, কিন্তু বাদে সেই ভগ্নস্তুপের মধ্যে বাস করতে হয়, ঠাণ্ডা ছাদ দিয়ে দুঃখ দৈন্তব্য জলধারা বাদে মাথায় অবিরাম ঝরে পড়ে, তাদের কাছে সব ভেঙে নতুন ইমারত বানানই যুক্তিযুক্ত মনে হয়, পশ্চিমের কোডো বাতাসে যে অট্টালিকা অটল থাকবে।

—তোমরা সব সময় ইয়োরোপের সঙ্গে তুলনা করে ভাব, এই হয়েছে মুশকিল।

—ঠিক বলেছ, ইংরেজ মাস্টারদের কাছে আমরা যেমন শেক্সপীয়ার এডিটিং পড়েছি, অথবা শটহাও টাইপরাইটিং শিখিছি অথবা কি করে সাততলা বাড়ী বানাতে হয়, পোল করতে হয়, কলকারখানা চালাতে হয় জেনেছি, তেমনি ইয়োরোপের ইতিহাসের শিক্ষাও লাভ কবেছি,—আইডিয়া, আইডিয়া হচ্ছে সব—ডেমক্রেসি, কম্যুনিজম্—যে জাহাজ করে তোমরা আমাদের মাল বেচতে এসেছ, সে জাহাজের পালের বাতাসে ইয়োরোপের আইডিয়াও ভাসিয়ে এনেছ—

—কিন্তু ইয়োরোপের ইতিহাস এখনও শেষ হয় নি—কি লগুভগু শুরু হয়েছে ইয়োরোপে দেখতে পাচ্ছ কি ?

—ও কথা বলে আমাদের ভোলাতে বা ঠকাতে পারবে না।

—সেজগুই আমি ভারতবর্ষে এসেছি, এখানকার পণ্যের হাটে, আমদানি-রপ্তানির বাজারে নয়, আমি এসেছি তার ধর্মের মন্দিরে, জ্ঞানের প্রদীপ যেখানে জলিতেছে, ভারতবর্ষ যেখানে নিত্যকালের অমৃতভাণ্ড নিয়ে বসিয়া আছে।

—তুমি বেশ সুন্দর বলতে পার, আর্থার। সিগারটা ধরাও।

—ভারতবর্ষে জন্মালে এমনভাবে বলতে না। আলোচনাটা এখন মূলতবী থাক, বর্তমান স্টেশন বোধ হয় এল।

—আর এক পেগ্ হবে ?

—তার চেয়ে সঙ্গে একটা বোতল নিয়ে যাওয়া যাক, এত শীগ্গিরও ঘুম আসবে না।

—তেষ্টাও পাবে। ট্রেনে আমার ঘুম হয় না।

ট্রেন বর্তমান স্টেশনের প্ল্যাটফর্মে প্রবেশ করল।

রেস্টোরাঁ-গাড়ীর বয়কে ডেকে কনক অভ্যর্থনা দিলে, এক বোতল ইইফি, তিনটে গেলাস ও ছ বোতল সোডার জল তাদের গাড়ীতে দিয়ে আসতে।

সিগার টার্নতে টানতে জরী চললো তাদের গাড়ীর দিকে।

প্রেমদাসের সঙ্গে তখন দেবপ্রিয়ের তর্ক জমে উঠেছে।

বস্তুত দেবপ্রিয় তর্ক না করে বেশিক্ষণ থাকতে পারে না।

কারণ সে কোন জিনিস মানতে রাজী নয়। তার মনে সত্যাত্মসন্ধিস্থা যেমন প্রবল, যুক্তির শানিত বাণগুলি তেমনি উত্তত—ভাবের রঙীন কুহেলিকা সে সহ করতে পারে না। বুদ্ধির কষ্টপাথরে সকল ভাব যাচাই করে নিতে চায়।

“প্রেমদাসের কথা” কিছুক্ষণ লেখার পরই আলোচনা শুরু হয়েছে। বিরিকি প্রথমে আলোচনায় যোগ দিতে চেষ্টা করেছিল, কিন্তু দেবপ্রিয়ের বড় বড় ইংরেজী কথার মানে না বুঝতে পেরে, ওপরের এক বাক্যে আশ্রয় নিয়েছে। রাধাকান্ত মাঝে মাঝে এই দুই তর্কিকের দিকে বিম্বিত নেত্রে চাইছে। ওদের আলোচনা তার কাছে শুধু অবোধ নয়, নিরর্থক। অগ্র সময় হলে সে বাধা দিয়ে বলত, দর্শন ও শাস্ত্রের কুট আলোচনাই ভারতবর্ষের অবনতির কারণ, ভারতের প্রতিভাসম্পন্ন বুদ্ধিজীবী ব্যক্তিগণ বিজ্ঞানচর্চা না করে, দর্শন ও ধর্মের আলোচনা করে কাটিয়েছে, এখন তার কল ভোগ করতে হচ্ছে।

তদ্বালোচনায় যোগ বা বাধা দেবার মত মন রাধাকান্তের ছিল না। সে ভাবছিল, ইয়োরোপে যদি সত্যাই যুদ্ধ বাধে, তার সুবিধে হবে কি-না। লোহার কলটা তাড়াতাড়ি সারান দরকার। বোধেষ্টে গৌজ করলে ভাল ইঞ্জিনিয়ারের সন্ধান পাওয়া যেতে পারে। না, এখন ইয়োরোপ যাওয়া হবে না। য়ৌকের মাথায় সে পাসপোর্টটা নিয়ে বার হয়েছে। কলটা ভাল করে চালিয়ে তারপর সে আমেরিকা যাবে। দু’লাখ টাকার জন্তে আটকে যাচ্ছে। এ কি কম আফসোস! শেষে কি বাটলিওয়ালার কাছে গিয়ে ধার করতে হবে। কলের শেষার তাকে কিছুতেই দিতে চায়নি।

ইয়োরোপে যদি যুদ্ধ বাধে, গভর্নমেন্ট তার কল সারাবার ব্যবস্থা করে দিতে পারে। আর এই ধর্মঘট আইন করে বন্ধ করতে হবে,

গভনমেন্ট তার লোহার কল নিয়েও নিতে পারে, তেমনি পাটের কলে লাভ প্রচুর হবে।

সন্ন্যাসী বলছেন, দেখ দেবপ্রিয়, তুমি যে সমস্তা বলছ, তার একমাত্র সমাধান হচ্ছে—প্রেম।

প্রেম, প্রেম, বার বার একথা শুনে দেবপ্রিয়ের বিরক্ত ধরে গেছে। কবিরাজী সর্বজ্বর বিনাশক বটিকার মত, সকল ক্ষতের মহৌষধি প্রলেপের মত, সকল প্রশ্নের উত্তরে প্রেমদাস বলেন, প্রেম জাগাও অন্তরে, প্রেম বিলাও জগৎজনে।

দেবপ্রিয় বললে, ‘প্রেম’ কথাটা আপনি বার বার ব্যবহার করছেন, প্রেমের অর্থ কি? প্রেম কি? define করুন।

—এই ইংরেজী-পড়া বিজে আরম্ভ করলে। এ যে অনুভূতির ব্যাপার দেবপ্রিয়, অন্ধকার রাতে বসে তুমি যদি বলো, প্রভাতবোধের সোনার আলো কিরূপ বলুন,—সাধনা ভিন্ন এ জানতে পারবে না, এ যে বোধের ব্যাপার, বুদ্ধির অগম্য, বৈষ্ণবশাস্ত্রে বলে—

—বৈষ্ণব শাস্ত্রে কি বলে আমি জানি, আপনি কি বলেন, শুনতে চাই।

—তুমি জান না, তা হলে এ প্রশ্ন করতে না। মাতৃষের মধ্যে নানা কামনা, বাসনা রয়েছে—

—তাদের মধ্যে দুটি কামনা সবচেয়ে প্রবল, ইংরেজীতে বললে কথাটা স্পষ্ট হয়—sex and property.

—অর্থাৎ সৃষ্টিরক্ষার জন্ত নারীরপিণী প্রকৃতির সুন্দরী মায়া, আর স্থিতির জন্ত শক্তি ও সম্পদসঞ্চয়। কি বল?

—শেষটা বললেন না, নারীর জন্ত, সম্পদের জন্ত শক্তির সংঘাত—প্রলয়! সংগ্রামটা আপনি বাদ দিতে চান।

—তুমি যাকে সংগ্রাম বলছ, আমি বলব লীলা—শিব ও শক্তির লীলা।—

রাধাকান্ত ক্ষুদ্র চক্ষে সম্মাসীব দিকে একবার চাইল। লীলা! কবতে হত টাকা রোজগার, চালাতে হত লোহার কল, দর্শঘট ভাঙতে হত—তা হলে বুঝতে লীলা কাকে বলে! ছ' লাখ টাকা আনতে পার!

কথাগুলি যে সে আপন মনে উচ্চ ধরে বলে উঠল, সে জ্ঞান তাব ছিল না। দেবপ্রিয় বললে, প্রেমের লীলা নয়, এটা ঠিক। রাজশক্তির সঙ্গে প্রজ্ঞাসংঘের, ভূম্যবিকাষ্যব সঙ্গে কৃষকেব, ক্যাপিটালিস্টের সঙ্গে শ্রমিকেব, জাতিব সঙ্গে জাতিব সংগ্রাম চলেছে—

বিবিধি বাঙ্কে উঠে বসল। ধর্মের গভীর কথা হচ্ছে। এ সব সে বোঝে না। ছোকরাটি অত্যধিক বাচাল, নিজে খব জানে ও বোঝে এ কখাই প্রমাণ করতে চায়। আবে বাপু, পণ্ডিত হতে পার, গান গান্দা বই পড়তে পার, কিন্তু ভক্তি না হলে কোন জ্ঞানই হবে না। বিশ্বাসে মিলায় কৃষ্ণ তর্কে বহুবুর।

বিবিধি আবার শুবে পড়ল। পেটে কেমন ব্যথা বোঝ করছে। কয়েকমাস আগে তাব ভয়ানক অসুখ কবেছিল, পেটে অসহ্য যন্ত্রণা, নাড়ীগুলি ঘেন নীচে নেমে যেতে চায়! এ্যালোপ্যাথিক ডাক্তারেরা কেউ বললে টিউমার, কেউ বললে ক্যান্সার। কাটতে হবে। বিবিধি রাজী হল না। কারণ খরচ বা হবে, হিসেব করে দেখা গেল, সে ঠাকুর বিবিধির ছোট মেয়েব বিবাহ হয়ে যায়। মবতে ত হবেই একদিন। অন্তা কত্কা নিয়ে বেঁচে থাকাব চেয়ে ঘটা কবে চিকিৎসা না কবে মবাই যুক্তিযুক্ত। ডাক্তারেরা কেউ বলতে পারছে না পোগটাকি, ঠিক সারবে কি না। সস্তার কবিরাজী চিকিৎসা করে সে মেরে গেল। খুব সস্তার চিকিৎসা নয়, ছপ, ঘি, পোলাও হ'ল

পথ্য। বৃদ্ধ কবিরাজের ঔষধের গুণে পেটের ব্যথা ত গেলই, দেহে কোনরূপ ব্যথা বোঝবার শক্তিই প্রায় লোপ পেল। দাঁত ফোলে, কিন্তু কোনরূপ ব্যথার অল্পভূতি নেই। জিহ্বায় রসাস্বাদের অল্পভূতি নেই। ফজলি আম খাও বা রাবড়ি খাও বা দুধ সারু খাও, সব একই আশ্বাদ। হয়ত পেটে তার ব্যথা হয় কিন্তু ব্যথাহ্রুতির স্নায়ুগুলি অসাড় হয়ে গেছে বলে ব্যথা বোধ করে না। তাই মাঝে মাঝে মনে হয় ব্যথা হচ্ছে। কল্পনাও হতে পারে।

এ বিষয়ে প্রেমদাস ঠাকুরের কাছে নিবেদন করে একটা ঔষধ নেবার তার বিশেষ ইচ্ছা। প্রেমদাস আশ্চর্যকর দৈব ঔষধ জানেন। কিন্তু কথাটা বলবার সুযোগ পাচ্ছে না। এ রাতে ঔষধ প্রার্থনা, করবার কোন আশা নেই দেখে বিরিক্তি শুয়ে পড়ল।

শুয়ে সে ভাবতে লাগল কবিরাজের এ ঔষধ সেবনে কটু কষা তিক্ত সব স্বাদ এক হয়ে যায়; তেমনি সন্ন্যাসী এমন মনের ঔষধ জানেন, যা পেলে জীবনের সকল দুঃখবোধ চলে যায়, সুখ-দুঃখ এক হয়ে যায়—কিন্তু সে যে সাধনার দরকার, ট্রেনে এক কথায় সে জিনিস লাভ ক'ব। যাবে না—ঠাকুরের সঙ্গে সে যাবে দ্বারকায়—সেই অমৃত যদি লাভ করতে পারে। ছোকরাটা কি তর্কই করতে পারে।

দেবপ্রিয় তখন বলছে, দেখুন এ বিষয়ে আমার একটা খিটনি আছে। আমার মত হচ্ছে, বাস্তবকে মেনে নিয়ে সত্যরূপ জানতে আমরা চেষ্টা করি না—সেজন্তু আমরা মুক্তির ঠিক উপায় খুঁজে পাচ্ছি না,—সত্য হতে আমরা পালাতে চাইছি সারাক্ষণ, আমাদের ইন্দ্রিয়হ্রুতির সত্য, মনের নানা বাসনা কামনার সত্য—আমরা সত্যকে মানতে চাই না, কল্পনার রঙে রঙীন, ভাবের মধুর রসে স্নিগ্ধ করতে চাই—ইংরেজীতে যাকে বলে escapist.

—যেমন সংসার থেকে পালিয়ে লোকে সম্যাসী হয়, পথটা সহজ কিন্তু সত্য নয়, এই তুমি বলতে চাও।

—আমি বলতে চাই, তাতে সংসারের দুঃখ-সমস্কার সমাধান হল না। এটা পালিয়ে জেতা।

—সুন্দর কথা বলেছ। এ বিষয়ে ভেবে তোমার সঙ্গে কাল কথা হবে। বর্ধমান স্টেশন এল বোধ হয়।

ট্রেনের গতি মন্দ হয়ে এল।

দেবপ্রিয় দাঁড়িয়ে উঠে বললে, আমি চাই, অগ্নান বুদ্ধি দিয়ে বাস্তবের সমীক্ষণ, সত্য কি জানা, তারপর উপায়ের সন্ধান। মানুষ আঘাত সহিতে রাজী নয়, স্বথের সন্ধানে সে মায়াবী সৃষ্টি করে কাল্পনিক স্বথ-লোকে আশ্রয় নেবার চেষ্টা করছে; দুঃখ ভুলতে মানুষ নেশা করে—মদের নেশা, নারীর নেশা, টাকা জমাবার নেশা—কাব্য রচনা করে, ছবি আঁকে, নতুন নতুন আইডিয়ায় মেতে অদ্বুত সমাজব্যবস্থা রাষ্ট্র-রূপের কল্পনা করে, সোসিয়ালিজম্, কম্যুনিজম্, ক্যাদিজম্—পুরাতন ভাঙতে চায়, কিন্তু ভাঙার আগে দেখে না সত্যিকার গলদ কোথায়, সে সত্যি কি চায়—সে জানে না।

ট্রেন থেমে গেছে। রাধাকান্ত দাঁড়িয়ে উঠেছে। দূরে রেক্টোরী-গার্ডীর এক খাচ্চ-পরিবেশকে দেখে তার ক্ষুধা ও তৃষ্ণার বোধ প্রবল হয়ে উঠেছে। দেবপ্রিয়ের দিকে কটমট করে চেয়ে সে বললে, মাক করবেন, মানুষ কি চায়, তা সে খুব স্পষ্টই জানে।

দেবপ্রিয় একটু খতমত খেয়ে চূপ করে দাঁড়াল। লক্ষপতি রাধাকান্তের সঙ্গে বাগ্বিতণ্ডা করতে সে রাজী নয়।

সম্যাসী হেসে বললেন, আপনি কি চান বলতে পারেন?

মাথায় টুপি জোরে চেপে রাধাকান্ত বললে, সে বলে কোন লাভ নেই আপনাকে, সন্ন্যাসীর ওষুধ বা ধর্মকথা নয়।

প্রেমদাস পলকহীন নয়নে রাধাকান্তের দিকে চাইলেন, তারপর ধীর কণ্ঠে বললেন, আপনি চান দু'লাখ টাকা, আপনি চান মিল চালাতে, ধর্মঘট ভাঙতে, কিন্তু তাতে আপনার শাস্তি অথবা পৃথিবীর শাস্তি হবে কি ?

গদি-ঙগালা বেঞ্চে রাধাকান্ত আবাব বসে পড়ল। সন্ন্যাসীর দিকে চাইতে তার সাহস হল না। লোকটা তাব মনের কথা জানল কি কবে ? অলৌকিক শক্তি আছে নাকি ? যদি অলৌকিক শক্তি থাকে, তাকে দু'লাখ টাকা যোগাড়ও করে দিতে পারে। সন্ন্যাসীকে ঠাট্টা করা উচিত হয়নি।

রাধাকান্ত আবাব চুপ করে বসল। ক্ষুব্ধতা ভুলে গেল। তাব চোখের সামনে ভেসে উঠল লৌহের কলেব বৃহৎ বাড়ী শূন্য অন্ধকার, ফারনেসে আগুন জলছে না, চিমনীতে ধূমেল চিহ্ন নেই। দুইচোখ জলে ভেবে এল।

প্রেমদাস মৃতকণ্ঠে দেবপ্রিয়কে বললেন, তোমায় বলেছিলুম এ লোকটি বড় অস্বার্থী।

সে কথা রাধাকান্তের কানে গেল না।

তিন বন্ধু যখন রেস্তোরাঁ-গাড়ী হতে এ গাড়ীতে এসে উঠল, তাদের পেছনে বয় মদ ও সোডা'ব বোতল, গেনাস দিয়ে গেল, বেকির এক কোণে রাধাকান্ত গুম্ হয়ে বসে বইল।

তাবপব ট্রেন যখন একটু চলতে শুরু হয়েছে, হঠাৎ সে দাঁড়িয়ে উঠল, গাড়ীর দবজাটা তাড়াতাড়ি খলে দিলে।

দেবপ্রিয় ভীতভাবে রাধাকান্তের দিকে চাইলে, লোকটা লাকিয়ে পড়বে নাকি।

এক যুবক লাফিয়ে গাড়ীতে উঠল, তারপর এক তরুণী।

ইঁপাতে ইঁপাতে গণেশ বললে, বাবা এ যে ভরা গাড়ী!

শিপ্রা মাথা ঝাঁকুনি দিয়ে বললে, ভাগ্যিস চলন্ত ট্রেনে ঠোঁট
রিহার্সেলটা ভাল করে দিয়েছিলুম।

গাড়ীর পেছনের লম্বা বেঞ্চে তিন বন্ধু পাশাপাশি বসেছিল, তাদের
দিকে অভিবাদনের ভঙ্গীতে মাথা একটু নত করে গণেশ বললে, বোধ হয়
আপনাদের disturb করলুম,—মশাই, পথে যা accident হ'ল—
তারপর পরশু সকাল থেকে গুঁর স্মৃতিং শুরু হবে—

পার্শ্বেব বেঞ্চে সম্মাসীর স্থিরমিষ্ট মূর্তি দেখে শিপ্রা লজ্জিত হয়ে
উঠল। জর্জেট-গাড়ীর লাল জরির স্মৃতিং পাড় মাথায় টেনে দিলে।
গণেশের দিকে চেয়ে মিনতির সুরে বললে, চূপ করে বোসো, কি বক্ছো।

রাত বারটা বেজে গেছে ।

বাংলার শস্যশ্রামল স্নিগ্ধ অব্যাহত মাঠ ছাড়িয়ে ট্রেন ছুটে চলেছে ছোটনাগপুরের রক্তবর্ণ কক্ষ তরঙ্গায়িত প্রান্তর দিয়ে। কোথাও গিরিসঙ্কুল সর্পিল পথ, কোথাও শালবনের ঘন অন্ধকার, কোথাও গভীর খাদের তলে গিবিনিবারিণীর রক্তত ধাবা তমিস্রপুঞ্জে বিহ্বলতার মত ।

তার। ভরা আকাশ ঝলমল কবছে, যেন ঘননীল শাড়ী ভরে হীবীর চুম্বকি। চারিদিকে অপূর্ব স্তব্ধতা, তন্দ্রাহাবা নিশীথিনী বাক্যহারা বসে ; এ গভীর নৈঃশব্দ্যে ট্রেনের একটানা শব্দ একধেয়ে কর্কশ স্রবের মত লাগছে ।

সবিস্ময়ে শিপ্রা উঠে বসল। মুগ্ধ হয়ে চেয়ে রইল আলোছায়া খচিত বায়ির দিকে ।

আসানসোল পার হতে শ্রান্তিতে শিপ্রা একটু ঘুমিয়ে পড়েছিল। যখন হঠাৎ ঘুম ভাঙল, দেখে, শূন্য প্রান্তরের মধ্যে ট্রেন দাঁড়িয়ে আছে, অদূরে বনের গভীর অন্ধকার, অতিকায় দানবদের মত কালো ছোট পাহাড়গুলি গুম্ হুয়ে বসে, যেন রূপকথার দৈত্যপুত্রী, স্তব্ধ বাত্রির জ্যোৎস্না খমখম করছে ।

তার ভয় করতে লাগল। এ কোন্ অজানা জায়গায় সে একা!

গাড়ী অন্ধকার। চাঁদের স্নান আলোয় সব অশ্রুট রহস্যময় ।

লম্বা কেবিনট্রাকের ওপর ঘুমন্ত গণেশের মুখে চাঁদের আলোর আভা। গণেশের মন্তপানরক্তিম শ্রান্ত মুখ তার বড় ভাল লাগল ।

আশ্বস্ত হয়ে সে উঠে বসল। পথে মোটরকারে দুর্ঘটনা, চলন্ত ট্রেনে লাফিয়ে ওঠা, তার সব মনে পড়ল।

গাড়ীটি সে ভাল করে দেখলে।

আসানসোলে গ্রেগরি অন্য গাড়ীতে চলে যাওয়াতে সে গ্রেগরির রিজার্ভ করা বাথটি দখল করেছে। তার ওপরের বার্থে বিরিকির নাসিকাস্পর্শি শোনা যাচ্ছে। সামনের বেক্ষে সন্ন্যাসী এককোণে অচঞ্চল বসে, তিনি ঘুমোচ্ছেন না ধ্যান করছেন, বোঝা যাচ্ছে না। তাঁর ওপরের বার্থে রাবাকান্ত কোটপ্যান্ট পরেই শুয়ে পড়েছে। পাথের লম্বা বেক্ষের এক কোণে কল্যাণ বসে ঝিমোচ্ছে; আর এক কোণে দেবপ্রিয় অর্দশায়িত ভাবে ঘুমোচ্ছে কি ভাবছে, বোঝা যাচ্ছে না, মনে হচ্ছে, ঘুমের মধ্যে মাঝে মাঝে তীক্ষ্ণ দৃষ্টিতে চাইছে; তাদের ওপরে কনক মন্তপানঘন নিদ্রায় স্থির। •

বীরে গাড়ী চলতে লাগল। শিপ্রার চোখে আর ঘুম এল না। আর ঘুমোতে ইচ্ছা কবল না। এ স্তব্ধ রাত্রি, এ রহস্যময় গিরিভূমি, এ গতিবেগ, এ অন্ধকার গাড়ীতে দুমন্ত অজানা যাত্রীদের আবহাওয়া, তার বড় ভাল লাগল। মুগ্ধনেত্রে সে বাইবে চেয়ে রইল; অন্তরে সে এক অপূর্ব শান্তি অনুভব করল। তার চকল আশ্রয়হীন কামনাতপ্ত অনিশ্চিত জীবনে সে কখনও ওরূপ শান্তি অনুভব করেনি।

গণেশের ঘুম-ভগ্না শান্ত মুখের দিকে সে একবার চাইল, তাঁদের আলো সে মুখ থেকে সরে গেছে। কিন্তু সে আলো তার চোখে এ কি মায়ার অঞ্জন লাগিয়ে দিল। বীরে উঠে সে গণেশের মাথার বালিশটা ঠিক করে দিল। ইচ্ছা করল, গণেশকে চুম্বন করে।

মৃদু দীর্ঘনিশ্বাস ফেলে শিপ্রা আবার বসল। বড় স্নিগ্ধ তাঁদের আলো, যেন অশ্রুজলদিক্ত।

শিপ্রার মন ভারী হয়ে এল।

অন্ধকার গিরিবন্ধ দিয়ে ট্রেন সশব্দে উঠে চলেছে। গাড়ী অন্ধকার হয়ে এল। জানালা ফেলে সে শুয়ে পড়ল। তার আবার কেমন ভাব করছে।

সিঁহুরের মত রাঙা লালমাটি, ছোট কাঁলো পাহাড়ের সারি, শালবন, এ সব দেখলে তার মায়ের কথা মনে পড়ে যায়। ছোটনাগপুরেও একটি ছোট জায়গায় তার মায়ের জীবনের শেষের দিনগুলিতে সে প্রাণপণে মায়ের সেবা করেছিল। কিন্তু বাঁচাতে পারে নি।

মা যে বাঁচেনি তাতে সে ছুঁখিত হয় নি। তার ছুঁখের জীবন সে শীঘ্র শেষ হয়েছে, সে তাঁর ভাগ্য। যে স্বন্দরী তরুণী প্রেমের মোহে খঞ্জ স্বামীর গৃহ ত্যাগ করে বার হয়েছিল, জীবনে সে শুধু প্রতারণা, লাঞ্ছনা পেল, স্বখ-মরীচিকার দন্ধানে ঘুরে সংসার মরুভূমির তাপে ক্লিষ্ট দগ্ধ হয়ে গেল, মৃত্যু ত তারই বন্ধু।

মায়ের কথা ভাবলে, মায়ের উপর তার যেমন রাগ হয়, ঘৃণাও হয়, তেমনি করুণাও হয়।

তার জীবন যেন মায়ের জীবনের পুনরাবৃত্তি না হয়। সে অনেক জিনিস ঠেকে শিখেছে। এ জীবন-যুদ্ধে সে একা। পুরুষ তাকে ককণা করবে না, ভালও বাসবে না, তার যোগ্যতা দেখে পুরুষের দবে। এ নারী বনাম পুরুষ যুদ্ধে প্রেমের কথা ভাবলে চলবে না, জীবনে প্রেমের স্থান নেই।

তবু ভালবাসতে ইচ্ছে করে, ভালবাসা পেতে ইচ্ছা করে। ভালবাসার অভিনয় অনেক দেখেছে, অনেক করেছে। সত্যি ভালবাসা কি জানতে ইচ্ছে করে।

শিপ্রা আবার উঠে বসল। জানলার কাঁচ ফেলে দিলে।

বাহিরে রাত্রি বড় নির্জন, বড় শূন্য।

বহুদিন পরে দুঃখিনী মায়ের কথা মনে হল কেন ?

মায়ের কথা ভাবতে ইচ্ছে করে না। স্বপ্নজাল বুনতে ইচ্ছে করে।

গণেশ যদি তাকে বিবাহের প্রস্তাব করে, তার আপত্তি নেই।

অভিনেত্রী-জীবন সে সম্পূর্ণরূপে ত্যাগ করবে না। গণেশ হয়ত রাজী হবে।

কিন্তু গণেশ তাকে বিবাহ করবে কেন ? গণেশের নিকট সে ক্ষণিকের শখ, হয়ত ক্ষণিকের মোহ।

এসব চিন্তা তার মনে কখনও হয়নি। সে কি গণেশকে ভাল বেসেছে ? বোধ হয় এই প্রেমের আরম্ভ। এ দুর্বলতা জয় করতে হবে।

—তুমি, কাঁদছো কেন মা ?

সন্ন্যাসীর কণ্ঠস্বরে শিপ্রা চমকে উঠল।

—আমি কাঁদছি ? না !

—তবে, চোখে জল কেন ?

চোখে আঙ্গুল দিয়ে শিপ্রা দেখলে, চোখ দিয়ে জল ঝরেছে। কি একটা বাখা পুক ঠেলে উঠে বার হতে চায়।

ক্লান্ত হয়ে সে সন্ন্যাসীর দিকে চাইল। লোকটা কি এতক্ষণ জেগে তার দিকে চেয়ে বসেছিল নাকি ! গণেশকে যে সে আদর করেছে, তা বোধ হয় দেখেছে।

—আমি ভেবেছিলুম, আপনি ঘুমোচ্ছেন।

—সবাই যখন ঘুমোয়, তুমি কি তখন কান্দো ?

—দেখুন, আপনি সন্ন্যাসী, আমাদের কান্নার কি বুঝবেন, কি জানবেন ?

—কান্নার সাগর পার না হলে, অমৃতের সন্ধান পাওয়া যায় না—
আমাদেরও কি কম কান্দতে হয় ?

—দেখুন, ওসব বড় বড় কথা বুঝি না।

—তুমি ত একজন প্রসিদ্ধা অভিনেত্রী, অনেক বড় বড় বই অভিনয়
করেছ।

—সে মুখস্থ করে।

—না বুঝে ?

—লোকে কি বই দেখতে আসে, না বই বুঝতে আসে ? দেখতে
আসে আমাদের ছলাকলা।

শিপ্রা রেগে উঠেছে। শিপ্রার ক্ষুদ্র দীপ্ত স্বর শুনে প্রেমদাস দাঁড়িয়ে
উঠলেন। অবাক হয়ে চাইলেন! যেন পূর্বজন্ম হতে এক কিশোরীর
কণ্ঠস্বর তাঁর কানে ভেসে এল।

—দেখুন, কান্দলেই যদি অমৃতের স্বাদ পাওয়া যেত, তা হলে মায়ের
জীবনে অমৃত উখলে পড়ত।

—তোমার মা, কে তিনি ?

—আপনার জানবার কিছু দরকার নেই ; তিনি বেঁচেও নেই।

শিপ্রা চুপ করে বসল। মায়ের কথা না তুললেই হত।

প্রেমদাস তার নিকটে এগিয়ে এসেছেন ; তাঁর মুখ কঠিন রূক্ষ হয়ে
উঠেছে, চোখে অস্বাভাবিক তীব্র দীপ্তি।

ভয়ে শিপ্রা সরে বসল। বুঝি সে চীৎকার করে ওঠে।

এ ত প্রেমদাস সন্ন্যাসীর কল্যাণময় স্নিগ্ধ দৃষ্টি নয়, এ কোন্

কাপালিকের প্রলয়ঙ্কর অগ্নিগর্ভ দৃষ্টি, চক্ষুতারকা হতে সম্মোহনী তীব্র জ্যোতি বিচ্ছুরিত।

ভীতা হরিণীর মত শিপ্রা চাইলে। হাতের সোনার চুড়িগুলি কদণের সঙ্গে আঘাত করে ঝন্ঝন্ শব্দে বেজে উঠল।

আত্মসম্বরণ করে সন্ন্যাসী নিজের বোণ্ড এসে বসলেন। তাঁর মুখ কালো হয়ে এল শ্রাবণের মেঘভরা আকাশের মত; চোখে জ্বালাময়ী দৃষ্টি।

তারপর, বিদ্যুৎ-বিদীর্ণ কৃষ্ণ মেঘপুঞ্জ হতে জলধারার মত দুই চোখ দিয়ে অশ্রু নিঃশব্দে ঝরে পড়ত লাগল।

ভীত বিম্বিত হয়ে শিপ্রা সন্ন্যাসীর দিকে চেয়ে রইল।

বাইরের শুক্ল তারাভরা রাত্রির চেয়ে এ সন্ন্যাসী আশ্চর্যকর।

মস্তচালিতের মত শিপ্রা উঠে প্রেমদাসের পাশে বসল।

—আপনি কাদছেন কেন?

—সন্ন্যাসী কেন কাদে বুঝতে পারবে কি?

—কখনও কোন সন্ন্যাসীকে কাদতে দেখিনি। সংসারের দুঃখ কান্না এড়াবার জন্মই ত লোকে সন্ন্যাসী হয়।

—ভগবান তাঁর নিজের ভার যাকে দিতে চান তাকে তিনি করেন সন্ন্যাসী। তার মত দুঃখী কে?

—আপনি দুঃখী?

—তোমার মায়ের কথা ভেবে তোমারও যেমন দুঃখ হচ্ছে, আমারও তার চেয়ে কম দুঃখ হচ্ছে না।

—আমার মাকে আপনি জানতেন?

—জানতুম বৈ কি। তখন তোমার মায়ের নাম মৃণালিনী ছিল না, তখন ছিল ‘উষারাগী’। দে আমাদের গ্রামের মেয়ে। পাশের গ্রামেই

বিয়ে হয়েছিল। মনে পড়ে, বিয়ে হবার কয়েক দিন পরেই সে একা চলে এসেছিল। বলেছিলুম, স্বামী খোঁড়া তা কি হয়েছে। বলেছিল, নিজেকে এক খোঁড়া কালা মেয়েকে বিয়ে করুন তারপর বলবেন। তোমার মায়ের সে জীবনের কথা তুমি কিছু জানো না।

—জানবার ইচ্ছেও নেই। আচ্ছা আপনি কি বরাহনগরে কখনও এসেছেন?

—দু-তিনবার গেছি বোধ হয়।

—অস্পষ্ট মনে পড়ে, একজন সন্ন্যাসী আসতেন, তাকে দেখে বড় ভয় করত, আগুন জালিয়ে তিনি কি সব করতেন।

—তখন আমি তাত্ত্বিক ছিলাম।

—আপনিই কি তা হলে আমার বাবাকে—

প্রেমদাস উত্তেজিত ভাবে বাধা দিয়ে বললেন, তোমার বাবাকে লোকে যত খারাপ বলে, তিনি তত খারাপ ছিলেন না।

শোবার জায়গা থাকলেও কল্যাণ শোয়নি। বেঙ্কের কোণে বালিশে ঠেসান দিয়ে অর্ধশায়িতভাবে সে ঝিমোচ্ছিল। ট্রেনে তার ভাল ঘুম হয় না। তা ছাড়া, প্রতি স্টেশনে সরোজিনীর একবার খোঁজ করা দরকার।

বহুদিন পরে অত্যধিক মদ খেয়ে তার মাথা বিম্‌বিম্‌ করছিল। ট্রেনের গতির সঙ্গে দুলতে দুলতে তন্দ্রার ঘোরে বিচিত্র স্বপ্ন দেখতে দেখতে যেতে তার বড় ভাল লাগছিল। অল্পপমা তার স্বপ্নলতায় অপরূপ পুষ্প ফুটিয়ে তুলছে।

কস্তা-পেড়ে ডুরে শাড়ীর আঁচল কোমরে জড়ান, অর্ধেক বিনানো চুল পিঠে হুলছে, তুইমি-ভরা চোখ নাচছে ভ্রমরের মত, আমবাগানে ছোটোছুটি, ঠিল ছোঁড়া, লুকোচুরি চলেছে, চঞ্চলা বালিকার মুখ কাম-নাঙ্গার মত রাঙা।

ভাদ্রের নদী কানায় কানায় ভরা, আকাশে মেঘ ও রৌদ্রের খেলা। ভাঙা ঘাটের পাথরে কিশোরী বসেছে নদীর জলে পা ডুবিয়ে, অস্থব্র করতে চায় খরশ্রোতের টান! সবুজ রঙের শাড়ীর প্রান্ত গৈরিক জলে পড়েছে, যেন একটি কচি কলাপাতা জলে ভাসছে। নয়নে বিহ্বাদাম-লীলা নেই, স্থির তারকায় স্বপ্ন-কজ্জল মাখান; সাদা পাল তোলা নৌকার মত মন ভেসে চলেছে কোন্ অজানা দেশে।

ঘরের সামনে ছোট ছাদ। কয়েকটি ছোট ফুলের টবে বাগান করণার শথ মিটান। পথের প্রান্তে কৃষ্ণচূড়া গাছে অগুন লেগেছে, স্পন্দমীর স্নিগ্ধ চাঁদ উঠেছে মিহিরদের বাড়ীর ছাদের আড়ালে। তলায় অন্ধকারময় আঁকা বাঁকা সরু গলি নির্জন, দুর্গ-প্রকারের খাদের মত। ছোট ছাদে তকণী একা পায়চারি করছে, আপন মনে গুন্ গুন্ করে গান করছে, এলোচুল মেলে দিয়েছে চাঁদের আলোয়। মায়াময় কৃষ্ণতারকায় কিসের প্রতীক্ষা! অন্ধকার গলি আলো করে কোন্ রাজপুত্র আসবে?

এ কে এল? এ ত সোনার ঘোড়ায় চড়ে স্বপ্নের রাজপুত্র নয়। মাথার যিণ-জালা সপের মত স্ফালা বনেটওয়ালা মোটরকারে এল যন্ত্ররাজের দানব অস্থচর; সে তার বৃহৎ পুরীতে নিয়ে গিয়ে বন্দিনী করে রাখল।

দূরে নদীজলে সূর্যের আলো বক্ মক্ করে, চাদের আলো মায়াজাল রচনা করে। বৃহৎ বাগানের মধ্যে প্রাচীন প্রাসাদ, জনবিরল,

নিশ্চয়। রঙীন শাড়ী পরে একাকিনী নারী ঘুরে বেড়ায়, বিছানা হতে বারান্দায়, বারান্দা হতে ছাদে, ছাদ হতে সিঁড়িতে, সিঁড়ির ধাপে আশ্রয় হয়ে বসে পড়ে। বাইরে পূর্ণিমা রাত্রি থম্ থম্ করে, বায়ু-কম্পিত আম্রবনের ছায়া কালো চক্ষেব সম্মুখে দোলে, গদগদ-স্বপ্ন আনন্দ শুক চামেলি পুষ্পের মত। জ্যোৎস্না বিহ্বলা নিশ্চিন্তা নিশীথিনীর কানে কানে কোন্ অন্ধকার কোণে বসে সে নাবী চূপে চূপে বলে, আমি যে বন্দিনী তুমি কি জান না!

অন্ধকার রাতে তারাব আলোয় সে নাবী এলোচূলে একা ছাদে দাঁড়ায় সপ্তধিমণ্ডলের দিকে চেয়ে; হীরার দুপ্ জল্ জল করে জমাট অশ্রুবিন্দুর মত। সে অল্পভব করে, সে বন্দিনী নয়, সে যাত্রিণী, অসীম অন্তরীক্ষ ভবে আলোব পথিকেবা ছুটে চলেছে, জগৎ জোড়। প্রাণধারার সঙ্গে সে ও চলতে চায়, হৃদয়েব পেয়াল ভরে পান করতে চায় প্রাণের স্বপ্ন, দেহ মন দিয়ে অনুভব করতে চায় অসীম প্রাণেব ছন্দ, উল্লাস। এমন সুন্দর দেহ কেন বোগ জীবগু ক্লিষ্ট হয়?

কেন এমন হয়?

দুঃস্বপ্নপীড়িত নিদ্রিতের মত আতনাদ কবে কল্যাণ জেগে উঠল। বুকে যেন কে চেপে বসেছে, চোখ চাইতে পারছে না। চিন্তার অসংলগ্ন সূত্রগুলি জোট বেঁধে যাচ্ছে।

ঝব্—ঝব্—ঝব্—ঝব্—কেন এমন হয়—কি বন্দিনী তুমি জান না—ঝব্—ঝব্—ঝব্—ঝব্—

জোর করে কল্যাণ উঠে দাঁড়াল। বেশিক্ষণ দাঁড়াতে পারল না, ট্রেন যেন বড় জোরে ভুলে চলেছে। জানালা দিয়ে দেখা যাচ্ছে, দুপ্ পর্বতশ্রেণীর মসীরেখা ধূসর অশ্বরে। স্মৃতি চক্ষে সে চেয়ে রইল।

বহুদিন পরে অল্পমাকে দেখে কল্যাণেব হৃদয়ে যে চঞ্চলতা

জেগেছিল, সে তৃষিত তপ্ত চাঞ্চল্য সে শাস্ত করতে চেয়েছিল, অবিশ্রাম কথা কয়ে, অত্যধিক পান করে, আপনাকে ভুলিয়ে।

কিন্তু মধ্যরাত্রে যখন স্থপ্তির বাঁধ ভেঙে চিস্তার বেড়া ভাসিয়ে বন্ধাধারার মত সে বেদনাময় চাঞ্চল্য দেহমানে উদ্বেল হয়ে উঠল, কোনরূপ বাধা দিতে কল্যাণের ইচ্ছা বা শক্তি রইল না।

তবু সে ভাবতে লাগল; অল্পমাকে বুঝিয়ে বলতে হবে, জীবনে আপোষ করে চলা দরকার; যতই অন্তর্যোগ করবে ততই অশান্তি। এখন যদি সে কিছুক্ষণ অল্পমাব সঙ্গে কথা কইতে পারত; শুধু কথা কওয়া; কিছুক্ষণ নয়, সারারাত ধবে কথা কওয়া, মাঝে মাঝে চুপ করে পাশাপাশি বসে থাকা, আবার কথা কওয়া—তা হলে তার মন শান্ত হত।

অল্পমাকে সে সত্যি কোন দিন ভালবাসে নি। একথা অল্পমা জানে।

অল্পমার রূপলাবণ্য তাকে মুগ্ধ করেছে। তার স্তূঠাম তরুর ভঙ্গী, বর্ণের অপূর্ব শুভ্রতা, রূক্ষ নয়নের অদ্ভুত জ্যোতি, এ যেন কোন অপূর্ব প্রাণের বহন-নিকেতন। গভীর অন্ধকার রাতে হঠাৎ চাঁদ উঠলে যেমন চারিদিক আলোকময় অপকূপ হয়, তেমনি অল্পমা যেখানে আসে চারিদিক আলো হয়ে ওঠে। জগদীশও এই রূপে মুগ্ধ, নারী-দৌন্দ্যের আভায় অন্ধ হয়েছে। এ রূপের মায়া-অবগুণ্ঠন খুলে সত্যিকার অল্পমাকে কল্যাণ জানতে চায়। তার অন্তরের কামনা, প্রাণের রহস্যকে বুঝতে চায়।

কল্যাণ দাঁড়িয়ে উঠল। চলন্ত গাড়ীতে সে পায়চারি করলে। আবার চুপ করে বসলে।

একটি তরুণীর মুখছবিব অম্পষ্ট রেখা তার চোখের সামনে ভেসে

উঠল। রেখাগুলি অস্পষ্ট, রঙ হালকা বলেই কল্পনায় নানা রঙে ছবিটি ভরে দিতে পারা যায়! তরুণী যাত্রিণী কি একা বসে চেয়ে আছে দিগন্তের দিকে। সাহসিকার অন্তরে যে শঙ্কা, চক্ষে প্রতীক্ষা!

সে তরুণী মূর্তি সৌন্দর্যে মুগ্ধ করে না, অজানা পথে আহ্বান করে। বলে, এসো, চলো আমার সাথে। তার কালো চোখের দীপ্ত দৃষ্টি প্রদীপশিখার মত আলো করে নিয়ে যাবে পথ।

মুগ্ধতার মধ্যে শান্তি, তৃপ্তি আছে, কিন্তু এ বাসনা বেদনাময়, বুকের রক্ত ছুঁলে ওঠে।

আর ঘুম হবে না। রাত্রির আলো-অন্ধকারের দিকে কল্যাণ চেয়ে ভাবতে লাগল।

মালতীর গাড়ীতে আসানসোলেও কেউ উঠলে না।

সময় বললে, এদার শোবার ব্যবস্থা করা যাক। সারাদিন বড় ঘুরেছি। আর গাড়ীতে কোন পুলিশ নেই দেখলুম।

মালতী বললে, তুমি ওই বেঞ্চিতে শুয়ে পড়, এই চাদর আর বালিশ নাও।

—তুমিও ঘুমিয়ে নাও। অকারণে রাত জাগা অত্যাচার। আর যদি কবিত্ব করতে চাও, আলো নিভিয়ে দাও, চাঁদের আলোর দিকে চেয়ে বসে থাক।

—অকারণে রাত জাগছি না। ঘুম আসছে ন, বলেই জাগছি।

গাড়ীর আলো নিভিয়ে দিতেই চাঁদের মুহূ আলো গাড়ীর বেঞ্চে এসে পড়ল।

সমর শুয়ে পড়ল না। জানালার কাছে এসে বসল।

—দেখ, কি সুন্দর রাত !

—আচ্ছা, তোমার প্ল্যান কি ? সত্যিই ইয়োরোপে যাবে ?

—নিশ্চয়ই যাব। যদিও পাসপোর্ট নেই, টাকাও নেই।

—আচ্ছা কত টাকা লাগে যেতে ? চার পাঁচ-শ টাকায় হবে ?

—থব।

—তা হলে আমি ঠিক করে ফেললুম—

—কি ? কি ঠিক করলে ?

—কথাটা শুনে তুমি হাসবে।

—না, কমরেড বলো, আমি হাসব না। তবে চাঁদের আলোর দিকে চেয়ে যা ঠিক করা যায়, দিনের আলোয় তা সব সময়ে ঠিক থাকে না—চাঁদের আলোর একটা মোহিনী শক্তি আছে।

—না, চাঁদের আলোর সঙ্গে কোন সম্বন্ধ নেই। আমি ঠিক করেছিলুম, যদি আসানসোলে কেউ আমাদের গাড়ীতে ওঠে, তা হলে হবে না, তোমায় বলব না; আর যদি আসানসোলে কেউ না ওঠে, তা হলে তোমায় বলব।

—তা হলে দেরি না করে বলে ফেল।

—আমার প্রস্তাবটা হচ্ছে—

মালতী হঠাৎ চুপ কবলে। দূরে কোন্ কয়লার খনিতে আগুন জ্বলছে, সেই দিকে চেয়ে রইল।

—দ্বিধা না করে প্রস্তাবটা করে ফেলো। বিবাহের প্রস্তাব ছাড়া যে কোন প্রস্তাব শুনতে রাজী আছি।

—দেখ, তুমি সব বিষয়ে পরিহাস কোরো না। আর, আমি বিবাহ করব না, তুমি জান।

—কি করে জানব? আজ ত তোমার কাছে শুনলুম।

—তুমি সিরিয়াসলি শুনবে কি না?

—নিশ্চয় শুনব, আমি উদগ্রীব হয়ে আছি।

—আমি তোমার সঙ্গে ইয়োরোপে যেতে চাই। আমার সঙ্গে যা গমনা আছে, তা বেচলে পাঁচ ণ' টাকা হবে; আর ইয়োরোপ গিয়ে পড়লে দাদা নিশ্চয় টাকা পাঠাবেন—

—প্রস্তাবটা খুবই ভাল।

—ভাল মানে? তুমি আমায় সাহায্য করবে কি না?

—অর্থাৎ আমার সঙ্গে যেতে চাও। কিন্তু যদি পাসপোর্ট যোগাড় করতে না পারি, আমাকে হয়ত কোন বিদেশী জাহাজে থালাসী সেক্জে বা লুকিয়ে যেতে হবে।

—পাসপোর্ট যোগাড় করা কি শক্ত?

—পুলিশ ত আমায় দেবে না; আর চাইতে গেলে খরচ পড়তে পারি। সুতরাং অল্প কোন লোকের পাসপোর্ট চুরি করতে হবে।

—চুরি!

—শুধু চুরি নয়, তার ফটোর মত সাজও করতে হবে। সুতরাং আমার সঙ্গে যেতে হলে, দরকার হলে, তোমাকে অল্প সাজ পরতে হবে।

—অর্থাৎ পুরুষ সাজতে হবে। তুমি আমায় ভয় দেখাচ্ছ।

—আমি সত্যি কথা বলছি।

—আচ্ছা, সময়, তুমি কি সত্যিই কম্যুনিষ্ট।

এ প্রশ্ন কেন কমরেড? এসব আলোচনা থাক। তার চেয়ে, চেয়ে দেখ কি সুন্দর রাত! একটা গান গাও শুন।

—সত্যি বলছি ইয়োরোপ দেখতে আমার বড় ইচ্ছে। স্বাধীন দেশ দেখতে, স্বাধীন জাতির নরনারীরা কি ভাবে থাকে, সেখানে

রাষ্ট্র, সমাজ-ব্যবস্থা নিয়ে কত পরীক্ষা পরিকল্পনা চলেছে—দেখতে ইচ্ছে করে।

—কিন্তু তাদের দেখা ত চোখের দেখা নয়; প্রাণ দিয়ে তাদের দেখতে হয়, রক্তপাত করে তাদের শিখতে হয়—সত্যি তুমি যাবে ?

—দেখ, সাহস করে ত বেরিয়ে পড়েছি।

—তোমার সাহসের প্রশংসা করি। বোম্বেতে গিয়ে ঠিক করা যাবে।

—কেন ?

—বোম্বেতে যদি কোন সংপাত না মেলে বিলেতে গিয়ে তার সন্ধান হবে।

—তোমায় বার বার বললুম না—

—তুমি শতবার বলতে পার, কিন্তু শেষ পর্যন্ত তুমি বিয়ে করবে—
প্রকৃতি তোমাকে গড়েছেন সৃষ্টিপালিনী মাতা রূপে—

—প্রকৃতি তোমার কানে কানে এসে বলে গেছেন—সবই খুব বোঝ, নয়, “ক্যাপিটলে” এসব কথা লেখা আছে !

—চটো কেন। রাগ কোরো না। এপথে যে যায় সে সঙ্গী খোজে না, এ প্রলয়ের পথ একা-চলার পথ। নব সৃষ্টির অরুণোদয় দেখা তাদের ভাগ্যে নেই জানে, তারি স্বপ্নে মাতোয়ারা হয়ে মৃত্যু তুচ্ছ করে ছুটে চলে।

মালতী কোন উত্তর করলে না।

দুজনে নিস্তব্ধভাবে বসে রইল।

জানালা দিয়ে পাণ্ডুর দিগন্তদৃশ্য বাপুসাঁ ছবির শ্রোতের মত চোখের সামনে প্রবাহিত হয়ে গেল।

প্রথম শ্রেণীর কুপের এক কোণে একটি আলো মূহু জ্বলছে।

রাত্রি গভীর হল। অহুপমার চোখে ঘুম নেই। আজ রাতে তার ঘুম হবে না। ঘুমের ঔষধ খেয়ে ঘুমোবার ইচ্ছে হয় না। অজানা পর্বত নদী বন প্রান্তর অতিক্রমী ট্রেনে বসে এ রাত জেগে কাটাতে চায়।

বায়স্কোপের স্বল্পালোকিত অস্পষ্ট ছবির স্রোতের মত বাইরের দৃশ্যাবলী তার চোখের সামনে ভেসে যাচ্ছিল। এদৃশ্য তার ভাল লাগে না। বত্সাধারার মত মত্তবেগে ছুটে চলেছে কত অদ্ভুত আবছায়া, ওই কিছুতকিমাকার ছায়া-স্রোতের সঙ্গে কত অশরীরী প্রাণীও উদ্ভবধাসে ছুটেছে, অহুপমাকে আহ্বান করছে, চলে এসো, চলে এসো।

রাত জাগা অহুপমার অভ্যাস হয়ে গেছে। কিন্তু এ চলন্ত ট্রেনে নিঃসঙ্গ রাত্রিতে তার কেমন ভয় করতে লাগল! এই মত্তগতি, বিরামহীন যন্ত্রচক্রের ধ্বনি, পাণ্ডুর আলোক, নিঃসঙ্গা নিশীথিনী, তার চিত্তকে চঞ্চল, ভয়াত করে তুলেছে। অন্ধকারময় বনভূমি ওই রূপকথাব দৈত্যপূরীর মত ভয়ানক।

জানলার কাচ ফেলে অহুপমা অর্ধশয়ানভাবে চোখ বুজলে।

একবার সে ডাকলে, ওগো, শুনছ, ওগো!

ওপরের বাক্সে জগদীশ গভীর নিদ্রিত। মূহু নাসিকা ধ্বনি পাখা-ঘোরার শব্দের সঙ্গে মিশে যাচ্ছে।

অহুপমা একবার দাঁড়িয়ে উঠল। ইচ্ছে হল, জগদীশকে ঠেলা দিয়ে বাক্স থেকে ফেলে দেয়। সাবধানী স্বামীর স্তম্ভিত ভেঙে দেয় এক

ধাকায়। বিরক্তির সঙ্গে সে জগদীশের দিকে চাইল। শুধু বিরক্তি নয়, একটা ঘৃণা, ক্ষোভ।

নিঃসুপ্ত জগদীশের দেহ স্পর্শ করতে তার ইচ্ছা হল না। সে এক গেলাস জল বোতল থেকে ঢাললে; অর্ধেক গেলাস জল থেয়ে বাকি ফেলে দিলে, জলের কোন স্বাদ নেই।

বেঞ্চের তলা থেকে অল্পপমা এবার ছোট স্ট্রাকেশ সশব্দে টেনে বার করলে। তারপর স্ট্রাকেশের ওপর সে বসে পড়ল, গাড়ীর ঝাঁকুনিতে সে দাঁড়াতে পারছি না।

আর একবার সে ডাকলে, ওগো, শুনছ!

কোন সাড়া নেই।

স্ট্রাকেশ খুলে অল্পপমা হাতের মোনার চুড়িগুলি এক কোণে ফেলে দিলে। একটা ফুল-ছাপা ছিটের জামা ও কালো-পাড় শান্তিপুরে শাড়ী বার করলে। মহীশূরের রঙীন জর্জেট-শাড়ী পরে তার বড় গরম বোধ হচ্ছে।

স্ট্রাকেশের ওপর অল্পপমা আবার বসে পড়ল, বেকিতে ঠেসান দিয়ে। শাড়ী বদলাবার উৎসাহ তার নেই। সে চায় স্নিগ্ধ, সে চায় শান্তি। ধীরে সে চোখ বুজলে। চোখে ঘুম আসে না। মাথা দপ্-দপ্ করছে। আবার বোধ হয় জর আসবে।

চমকে অল্পপমা লাফিয়ে উঠল। কে যেন তার পাশে এসে বসেছে। ছায়া! জগদীশের কালো কোটের ছায়া স্ট্রাকেশের ওপর এসে পড়েছে।

স্ট্রাকেশ ঠেলে দিয়ে জানলার কাচ খুলে অল্পপমা রঙীন কুশানগুলির ওপর এলিয়ে শুয়ে পড়ল।

পাখাটা ঘুরছে জেলখানার গোল বন্ধ ঘরে পাগল কয়েদীর মত। তার ছায়া চারিদিকে নড়ছে। অল্পপমা জোরে চোখ বুজলে।

কর্মক্লাস্ত জনের চক্ষে রাত্রি সুপ্তি আনে ; নিদ্রার শান্তছন্দে দেহের ক্ষয় ভরে তোলে, মনের শ্রান্তি বেদনা দূর করে, রাত্রিশেষে নব জাগরণ, নব চেতনার আনন্দ !

কিন্তু নিঃসঙ্গা যে নারীর চক্ষে রাত্রি সুপ্তি দিল না, তার কাছে রাত্রি শুধু রহস্যময়ী নয়, বড় জালা-ভরা। অন্তরের সকল সুপ্ত বাসনা, নিকর কামনা জেগে ওঠে, অব্যক্ত ব্যাথায দেহমন ক্লিষ্ট হয়।

যেমন, দিনের আলোর অবগুণ্ঠন উন্মোচন করে রাত্রি উদ্ঘাটিত করে অনন্ত তারালোক, আকাশের স্থনীল স্ববনিকা প্রান্তে জ্যোতির্ময়ী অসীম সরণী উদ্ভাসিত হয়, তেমনি দিনের কর্মস্রোত শেষ হলে, নিদ্রাহারা নিশীথে মনের গোপন দ্বার খুলে যায়, অবচেতনার অতলতা হতে ছায়া-মূর্তির মত বারি বার হয়ে আসে, তাদের স্পষ্ট দেখা যায় না, বোঝা যায় না, কোন্ অজানা পথে তারা আহ্বান করে। চিন্তা আসে, ভয় হয়, বিস্ময় জাগে। স্বপ্নকামনাস্কন্ধ মনের অসীম রহস্য-জগৎ প্রকাশিত হয়।

খোলা জানালার দিকে চেয়ে বাত কাটান অল্পমার শুধু অভ্যাস নয়, অল্পমা ভালওবাসে। খুব অন্ধকার রাত বা দীপ্ত জ্যোৎস্নাভরা রাত ভাল লাগে না। স্নান চন্দ্রালোকিত আলোছায়ায় মগ্ন রাত্রি তার ভাল লাগে। মুহূর্ত বাতাস বইবে, মাঝে মাঝে বাতাসে গাছগুলি ঢুলে উঠবে, গাছের পাতার শব্দে আকাশ ভরে যাবে, আবার নিক্ত স্তব্ধতা।

অনুথের পর এমনি রাতুজাগা তার স্বভাব হয়ে গেছে।

মাঝে মাঝে সে ঘুমিয়ে পড়ে ; হঠাৎ জেগে ওঠে, একটু ভয় করে ; তারপর রাত্রিকে বড় ভাল লাগে। আলোছায়াখচিত উজানের দিকে চেয়ে সে অতি সূক্ষ্ম স্বপ্নজাল বোনে। রহস্যময়ী নিশীথিনী তার একমাত্র সঙ্গিনী। সে সঙ্গিনীকে প্রাণের সব কথা বলা যায়, যত হৃদয় বাসনা, অসম্ভব কল্পনা, অপরূপ আশা।

জগদীশ যেমন কর্তব্যপরায়ণ তেমনি সাবধানী। অস্থখের পর হতে সে অস্থপমার পাশের ঘরে শোয়, মাঝের দরজা রাতে খোলা থাকে। রাতে অস্থপমার ঘরে কোন পরিচারিকার শোবার ব্যবস্থা করতে চেয়েছিল, অস্থপমা রাজী হয়নি। ঘরে সে একাই শুতে চায়।

একা শোয়া ছোটবেলা থেকে তার অভ্যাস। তার ভয় করে না। ছোটবেলায় তার মায়ের মৃত্যুর পর হতে রাবর একাই শুয়ে এসেছে।

অস্থপমার পিতা ছিলেন দর্শনের অধ্যাপক। গভীর জ্ঞান-পিপাসু অগোছালো মানুষ। যুবা বয়সেই, প্রথমে স্ত্রী, তারপর পুত্র, হারিয়ে তিনি সংসার সম্বন্ধে আরও উদাসীন হয়ে গেলেন। অর্থোপার্জন সম্বন্ধে তাঁর কোন চেষ্টা রইল না। তাঁর একমাত্র সান্ত্বনা হল বই-পড়া। শুধু দর্শনের বই নয়, সাহিত্য, বিজ্ঞান, ইতিহাস। ইয়োরোপের প্রাচীন ও আধুনিক সব দার্শনিক, ঔপন্যাসিকদের বই তিনি বেহিসাবী ভাবে কিনতেন।

একমাত্র কন্যা অস্থপমার প্রতি তাঁর যেমন গভীর স্নেহ ছিল তেমনি কোনরূপ শাসন ছিল না। অস্থপমা আপন খেয়াল-খুশিমত চিরদিন চলে এসেছে। তবে অর্থের অভাবের জ্ঞান সব সময় সে মনের সকল ইচ্ছা পূর্ণ করতে পারত না। তার ধনী খুড়তুতো জাঠতুতো বোনেদের মত বাহারে শাড়ী কিনতে, নতুন প্যাটানের গয়না পরতে, মাঝে মাঝে মোটরকার করে ঘুরে বেড়াতে, তার ইচ্ছা হত; তার বাপ বলতেন, আসছে মাসে মাইনে পেলেই শাড়ী কিনে দেব, গয়না গড়িয়ে দেব। তারপর ভুলে যেতেন, কিনে আনতেন এক গাদা নতুন বই। মায়ের পুরাতন চুড়িগুলি পরেই তাকে স্কুল-কলেজ করতে হয়েছে।

এখন বাবার কথা ভাবলে মাঝে মাঝে অস্থপমার রাগ হয় কিন্তু তখন বাবার ওপর তার রাগ হত না, কেমন মমতা হত। তা ছাড়া,

সে-ও পিতার মত কল্ললোকে আইডিয়ার-রাজ্যে বাস করত। পিতা বাস করতেন মানবজ্ঞানের বিরাট প্রাসাদে,—সেখানে শঙ্করের সঙ্গে ব্রাডলির মতবাদের তুলনা চলছে, আইনস্টাইনের রিলেটিভিটির ব্যাখ্যা হচ্ছে, ফ্রয়েডের সঙ্গে ইউং-এর তর্ক বেধেছে। আর অল্পমমা ছিল নানা যুগের নানা দেশের কবি ঔপন্যাসিকগণের প্রেমকামনাক্ষুদ্র বিচিত্র কল্প-জগতের অধিবাসিনী। পিতার লাইব্রেরীতে তার অবাধ গতি ছিল, যে কোন বই পড়তে, বইয়ের ছবি দেখতে তার বাধা ছিল না। চোদ্দ বছর বয়সে সে বার্টনের আরব্যোপন্যাস পড়েছে; আঠার বছর বয়সে মোপাসাঁ, ফ্লেবায়ার, এমিল জোলা শেষ করেছে; কলেজ-জীবনে টুর্গেনিভ, সুডারমান্, ডি. এইচ. লবেন্স ছিল তার প্রিয় লেখক। গভীর রাত পঞ্চ জেগে সে উপন্যাস পড়ত, অধিকাংশ বই সে বুঝতে পারত না, তথু নেশার মত পড়ে যেত। অজানা অস্পষ্ট-বোঝা মানব অন্তরের নানা সুখ-কামন, আশা-আশঙ্কা-ভরা নভেলের রাজ্য হতে কত বিচিত্র অল্পভূতি অপূর্ব কামনা রঙীন মেঘের মত তরুণীর চিত্রাকাশে পুঞ্জীভূত হয়ে আবার ভেসে চলে যেত। অর্ধেক-পড়া নভেল বন্ধ কবে আলো নিভিয়ে সে বিছানায় বসে চেয়ে থাকত আলোছায়াখচিত রাত্রির দিকে। মুহূর্মহরকনিমুখর স্নানজ্যোৎস্নাময় রাত্রির অস্পষ্ট আবছায়ায় জগৎ তাহারি চিত্রলোকের মত। রাত্রির সঙ্গে সে নিবিড় যোগ অনুভব করত; তার তারালোক নয়, তার ছায়ালোক সে ভরে দিত আপন মনের স্বপ্ন-কামনার অশরীরী কল্পনা-কৌতুকে।

অল্পমমার সামাজিক জীবন ছিল স্বল্প। তার বাবার মতই, তার বন্ধুবান্ধব বিশেষ কেউ ছিল না। তার মন কল্পনা-কৌতুকী ছিল বলে সে কখনও নিঃসঙ্গতা অনুভব করত না। যখন কোন বই

পেত না, আকাশের মেঘের খেলা দেখে তার বেলা কেটে যেত, গাছের পাতাগুলির দিকে চেয়ে সন্ধ্যা হয়ে আসত, অন্ধকারের দিকে চেয়ে সে কি ভাবত তা নিজেও বুঝত না।

শুধু মাঝে মাঝে 'কল্যাণ' এসে তার মনকে নাড়া দিত। যেন ঘুমঘোর হতে সে চমকে জেগে উঠত।

কল্যাণ ছিল তার পিতার প্রিয় ছা। তার পিতা শুধু দার্শনিক নয়, গণিতজ্ঞও ছিলেন। অঙ্কশাস্ত্র শিক্ষা করতে কল্যাণ তার পিতার কাছে আসত। তা ছাড়া, লাইব্রেরী হতে বই নিতে, গল্প করতে কল্যাণ প্রায়ই আসত। আসার কোন বাধা সময় ছিল না। অল্পমার সঙ্গে যে কোন সময় এসে তর্ক গল্প করবার কোন আপত্তি বা বাধা ছিল না।

তরুণ কল্যাণকে তরুণী অল্পমার ভাল লাগত। ফরসা রং, ছিপছিপে চেহারা, ধূতি পাঞ্জাবি সব সময়ে পরিষ্কার ধবধবে, তীক্ষ্ণ নাসিকা, অলঙ্কারে চোখ, তরুণ মুখ বুদ্ধিতে দীপ্ত; সে সব সময়ে তর্ক করছে, গল্প বলছে, পরিহাস করছে, চুপ করে বসে ভাবে না, ঘোবন-চাকল্যে ভবা। তাব নিঃসঙ্গ তরুণী-জীবনে এই একমাত্র তরুণ যুবক। উপন্যাসের নায়কদের মত সে কল্পলোকে নিয়ে যায় না, পৃথিবীর সংজ্ঞা সয়ল জীবনের সঙ্গে গ্রন্থিবন্ধন করে। ছোটখাট জিনিস কিনে আনতে, ফরমাজ খাটতে কল্যাণ, মাঝে মাঝে বেড়াতে বা বায়স্কোপ যেতে কল্যাণই সহায়, পিতার অসুখে ডাক্তার ডাকতে, ঔষধ আনতে কল্যাণই ভরসা। এ রোমান্স নয়, তরুণীর প্রেমলীলা নয়, এ সহজ বন্ধুত্ব।

কলিকাতার ছোট এক গলিতে ছোট পুরানো বাড়ীতে অল্প ভাডায় তারা থাকত। পিতার প্রায়ই অসুখ হত, টাকার অনটন ছিল, তবু সে দিনগুলি বড় সুখের, স্বপ্ন মায়াভরা ছিল।

পিতার মৃত্যুর পর অল্পমাকে কখনও থাকতে হত বোর্ডিং, কখনও মামার বাড়ীতে। কল্যাণের সঙ্গে দেখাশোনা কমই হত। বাইরে যখন সে দূরে চলে গেল, অন্তরে সে আরও নিকটে এল। কল্যাণ মাঝে মাঝে আসত দেখা করতে; কল্যাণের মাও মাঝে মাঝে নিমন্ত্রণ করে নিয়ে যেতেন। মামার বাড়ীর লোকেরা পছন্দ করত না, কানাঘুষো হোত, কিন্তু কেউ আপত্তি করতে সাহস করত না।

তখন কল্যাণ এম্-এস্-সি পাশ করেছে। হঠাৎ অসময়ে সে হাজির হত। কোন সন্তপ্রকাশিত ইরেজী উপগ্রাস বা কবিতার বই আনত বা আমেরিকান ম্যাগাজিন। বেশভূষায় পারিপাট্য নেই, মুখ একটু রুক্ষ, কালো চোখে কিসের আলো জ্বলে উঠত, অল্পমার চমক লাগত। মনে হত, কল্যাণ তাকে ভালবাসে। হঠাৎ কল্যাণ উঠে দাঁড়াত, কথা শেষ না করেই চলে যেত। অল্পমা চমকে ভাবত, সে বুঝি কল্যাণকে ভালবাসে।

আজ এ সব প্রশ্ন নিরর্থক, প্রয়োজনহীন। তবু জানতে ইচ্ছে করে, কল্যাণ কি তখন তাকে ভালবেসেছিল?

আর সেই তরুণী অল্পমা?

সে অল্পমা মরে গেছে, যেমন করে রক্তবর্ণা গিরি-ঝরনার মৃত্যু হয় বিশাল নদীর পঙ্কিল খরশ্রোতে। বাসনাবিহ্বলা ব্যাধিক্লিষ্টা এ নারীর মধ্যে তার সন্ধান কে পাবে?

আলো নিভিয়ে অল্পমা জানলা সব খুলে দিলে।

জর্জেট শাড়ী ছেড়ে শান্তিপুরে শাড়ী পরলে। মাথার চুল খুলে দিলে। এ ছোট কমপাটমেণ্টে তার যেন দম আটকে আসছে।

জানলার কাছে মাথা রেখে সে চোখ বুজে শুয়ে পড়ল। রাত্রির

অঙ্ককার দিয়ে ট্রেন হু হু করে ছুটে চলেছে। এই গতির ছন্দে সে ভেসে যেতে চায়। বড় ককঁশ ট্রেনের শব্দ।

ধীরে ট্রেনের গতি মন্দ হয়ে এল। এক অজানা অঙ্ককার স্টেশনে ট্রেন থামল। বাইরের অঙ্ককার বড় স্নিগ্ধ।

অল্পপমা ধীরে উঠল। ট্রেনের দরজা খুলে প্ল্যাটফর্মে নামল। ওই লোকটির নাসিকা গর্জন অসহ্য। শুধু বিরক্তি নয়, ব্যর্থতাবোধ, হতাশাস, অন্ধ ক্রোধ।

—মেম সা'ব!

অল্পপমা চমকে চাইলে। হীরা সিং-এর দীর্ঘ দেহ তাহার পাশে।
কি সজাগ সতর্ক গ্রহরী!

—হীরা সিং!

—হুজুর!

—মাল্টি-বাবার গাড়ীটা কোথায়?

—একঠো গাড়ী পরে আছে।

—আচ্ছা, তুমি এ গাড়ীতে থাকো, আমি মাল্টির সঙ্গে দেখা করে আসি।

—এখনি গাড়ী ছেড়ে দেবে, মেম সা'ব।

—ছেড়ে দেয়, আমি সে গাড়ীতে থাকব।

—যো হুজুম হুজুর।

হীরা সিং এগিয়ে গেল মালতীর গাড়ী দেখাতে! গাড়ীর দরজা খুলে সে দাঁড়াল।

সবিস্ময়ে মালতী দেখলে শ্বেতবসনা এক নারী তার গাড়ীতে উঠল।
সঙ্গে কোন জিনিস নেই।

—কি রে মালতি, চিনতে পারছিস না!

—ও, তুমি অল্পমাদি, এত রাতে হঠাৎ এলে? তোমার অস্থখ করেছে নাকি।

—অস্থখ করতে যাবে কেন?

—ও, তোমার মুখ কি ফ্যাকাসে। বোসো। গাড়ী কিন্তু এখনি ছেড়ে দেবে।

—দিক্ না; তোরা গাড়ীতে নয় কিছুক্ষণ রইলুম। তুই একা যে?

—গাড়ীতে আর কেউ ওঠেনি, তাই একা।

—বা, সহযাত্রীটি কোথায়? তাকে দেখতেই ত এলুম।

গাড়ী ধীরে চলতে লাগল।

—সহযাত্রী? কি বলছ? দেখ না, কি মুশকিল, কোন স্টেশনে কেউই উঠল না। একা রাত ভেগে চলেছি।

—সে বুঝি কোথাও লুকিয়ে আছে গাড়ীতে?

মুহূ হেসে অল্পমাদি সামনের বেক্সির তলা দেখলে।

মালতী উদ্বিগ্নভাবে গাড়ীর কোণে চাইল। স্টেশনে গাড়ী থামতেই প্র্যাটফর্মের উন্টোদিকের দরজা খুলে সমর নেমে গেছে, তারপর তাকে গাড়ীতে প্রবেশ করতে দেখেনি। তবু সে ভীতভাবে চাইলে।

—বুঝেছি, আমায় দেখে অগ্নি গাড়ীতে গেছে।

—কি হৈয়ালি বলছ।

—হীরা সিং অত কাঁচা ছেলে নয়।

—হীরা সিং!

—হীরা সিং স্বচক্ষে দেখেছে তোরা গাড়ীতে এক যুবক হাওড়া স্টেশনে উঠেছিল, আর বোধ হয় এতক্ষণ ছিল।

মালতীর মুখ শুকিয়ে গেল।

—অস্থদি, এদিকে এস, শোন লক্ষ্মী ভাই—

—ভয় নেই, আমি কাউকে বলব না, কি সাহায্য করতে হবে বল্।

এত লুকোবারই বা কি আছে।

—সে ভয়ানক ব্যাপার, শোন।

অল্পপমা হেসে উঠল! মনোমুগ্ধকর সে হাসি।

—ভয়ানক! সে তোব মুখ দেখেই বুঝি।

—শোন, সে ছেলেটি সোসিয়ালিস্ট, পুলিশ ধরবে বলে পালাচ্ছে, লুকিয়ে মেয়েদের গাড়ীতে উঠেছিল।

—এ্যা! এ শুধু লভ্ নয় তার সঙ্গে সোসিয়ালিজম্! টুর্গনিভের নভেলের বাংলা সংস্করণ!

—ঠাট্টা নয়, অল্পপমাদি! সত্যি বলছি—

মালতী হঠাৎ স্তব্ধ হয়ে গেল, মুখ দিয়ে কথা বার হল না, যেন সে বোবা।

অদূরে বন্ধ দরজার খোলা জানলার বাইরের দিকে সময়ের কালো মুখ সে চকিতের জ্ঞান দেখতে পেলে, যেন স্রোমে-বাঁধান একখানি ছবি। চাপা ঠোঁটের ওপর খাড়া তর্জনী দিয়ে সময় ইসারা করছে, চুপ রহো!

নিমেষের মধ্যে সে মুখ অন্তর্হিত হয়ে গেল। মালতীর বুক ছুর ছুর করতে লাগল। উত্তেজনায় সে দাঁড়িয়ে উঠল।

—কি, চুপ করে গেলি কেন?

মালতী তখন ভাবছে, দরজার বাইরের দিকে পা দানির ওপর সময় বসে আছে দরজার হাতল ধরে। বড় জোরে ট্রেন ছুটে চলেছে। যদি সময়ের পা ফসকে যায়, হঠাৎ বাঁকুনিতে হাত আলগা হয়ে আসে, হঠাৎ যদি সে চলন্ত ট্রেন থেকে পড়ে যায়—

মালতীর মাথা গুলিয়ে গেল। অল্পপমাদিদিকে সব না বলে উপায় কি!

—শোন অহুদি, তুমি যদি বলো, তুমি কাউকে বলবে না, জগদীশ-
বাবুকেও নয়। তুমি যদি প্রতিজ্ঞা কর, তুমি ছেলেটিকে পালাতে সাহায্য
করবে, সে কিন্তু সোসিয়ালিস্ট—

—আমি প্রতিজ্ঞা করছি, আমি যথাসাধ্য সাহায্য করব, হোল ত।

—ওই দ্যাখো, ওই!

আরক্ত আননে মালতী বসে পড়ল, দরজা খুলে সমর প্রবেশ করেছে,
মাথাঘ খন্দরের টুপি তির্যকভাবে টানা, কালো গৌফের ফাঁকে ব্যঙ্গ
হাসি।

নির্নিমেষ নয়নে অহুপমা সময়ের দিকে চাইলে। সাহসিক তরুণ
যুবক কুলির সাজ পরে বার হয়েছে প্রাণের মায়া তুচ্ছ করে।
কিসের আগুন এর প্রাণে জ্বলছে!

মালতী ধীরে বললে, ইনি আমার অহুপমাদিদি, এঁর কথা তোমায়
বলছিলুম, আর ইমি কমরেড সময়—

গৌফ-জোড়া খুলে সমর মাথা নত করার ভঙ্গী করে বললে, নমস্কার
দিদি, দেখলেন বাঙ্গালী মেয়ের সাংস!

অহুপমা দাঁড়িয়ে উঠেছে, ঘনকালো এলোচুলের মধ্যে শাড়ীর কালো
পাড় মিশে গেছে; গজদন্তস্তম্ভ মুখে মাঝে মাঝে রক্তের ছোপ, কৃষ্ণ-
তারকা হতে অদ্ভুত জ্যোতি বার হচ্ছে; নারীর এ রূপ সময় কখনও
দেখেনি। এ ঘন জাহ্নু জানে। এর পাশে মালতীর রূপ, বৈশাখী
ঝড়ের কালো মেঘে স্থানান্তর বর্ণোৎসবের প্রাস্তে সন্ধ্যার গুণতারা-
মত।

অহুপমা হেসে উঠল, বেশ সাজ করেছ ত তুমি! বোসো।

তার চোখ তখনও জল্ জল্ করছে। তার মনে পড়েছে, তরুণ
কল্যাণকে অনেকটা এই রকমই দেখতে ছিল; তবে কল্যাণ ছিল

আরও ফরসা। বাংলার তারুণ্যের রূপ কুলির সাজ পরে তার সম্মুখে।

স্বপ্ন হেসে অল্পমমা বললে, এই কচি ছেলে, একে ধরবার জন্তে পুলিশের ঘুম নেই!

—দেখুন দিদি, আপনার স্বামী কিন্তু আমায় দেখতে পেলে এখুনি হাওকাদের আদেশ দেবেন। বুঝলেন দিদি!

দিদি! কোন অজানা তরুণ যুবক অল্পমমাকে এমনভাবে এমন সুরে দিদি বলেনি। সে যেন কতদিনের জানাশোনা। অল্পমমার বড় ভাল লাগল।

অল্পমমা এগিয়ে গিয়ে সময়ের সামনে বসল। ধীরে বললে, দেখ সময়, তোমার এ দিদি থাকতে তোমার কোন ভয় নেই, এই তোমায় বলে দিলুম।

—হা, তুমি প্রতিজ্ঞা করলে, সেই সাহসেই ত দরজা খুলে এলুম। আমি ট্রেনে ঝুলে সারারাত যেতে পারি, দরকার হলে, চলন্ত ট্রেন হতে লাফিয়েও পড়তে পারি। কিন্তু কমরেড মালতীর সাহস দেখলে—

মালতী এতক্ষণ চুপ করে বসেছিল। যেন সে সেখানে নেই। এবার ঝাঁজাল সুরে সে বলে উঠল, তুমি হাতল ধরে একবার বসছ, একবার দাঁড়াচ্ছ, কার না ভয় করে বল?

অল্পমমা মুহূ হেসে বললে, ঠিকই ত, জানো সময়, যাকে ভালবাসা যায় তার জন্তে সব সময়ই ভয় হয়, অকারণেও ভয় হয়—

মালতী একটু তিক্ত স্বরে বললে, কি যা-তা বলছ অল্পমমাদি, ওসব ভালবাসার অভিজ্ঞতা আমার নেই।

—আহা চটিস কেন, ভালবাসা পাওয়া ত ভাগ্যের কথা।

সময় এবার হেসে উঠে বললে, দেখ দিদি, আমি ভালবাসায় বিশ্বাস

করি না, ওটা যত বুজোয়া কবি-সাহিত্যিকদের কল্পনার সৃষ্টি, উপভাস লেখবার জন্তে।

মালতীর দিকে ফিরে অরুণমা বললে, তোমারও তাই মত নাকি ?

—মোর্টেই না, প্রেমের অস্তিত্বকে আমি বিশ্বাস করি। তবে সত্যিকার প্রেম ক'জনই বা পায়, ক'জনই বা জানতে পারে ?

—তা হ'লে কমরেড মালতী স্বীকার করছ, ও জিনিস সর্বজনলভ্য নয়—যা সবাই পেতে পারবে না, সোসিয়ালিস্ট সে জিনিস চায় না।

—ও আলোচনা থাক। তার চেয়ে তোমার কথা বল সময়।

—কি জানতে চাও, দিদি। একটা মিলের ধর্মঘটে গরম বক্তৃতা দিয়েছিলুম।

—তোমার মা আছেন ?

—ওই, মেয়েদের মামুলি প্রশ্ন। আছেন বৈকি, তবে দিদি নেই, দিদি পেলুম।

তারপর মালতীর দিকে ফিরে সময় বললে, শোন কমরেড, কাল মাকে কিন্তু চিঠি লিখতে ভুলো না।

—আচ্ছা তোমার ধর্মঘটের গল্পই বলো।

—শোন দিদি, গত বছর ডিভিডেও ডিক্রয়ার করেছিল চক্ৰিশ পারসেন্ট, তার আগের বছর বিশ, এদিকে কুলীদের থাকবার বস্তি যদি দেখতে—

উত্তেজনায় সময় দাঁড়িয়ে উঠল। প্রভাত সূর্যালোকদীপ্ত তরুণ শালবৃক্ষের মত তার মুখ ঝলমল করছে।

মৃষ্টিবদ্ধ হস্তের তরঙ্গায়িত ভঙ্গী করে সময় বলে যেতে লাগল, আমি বললুম, কমরেড্—

বিমুগ্ধভাবে অরুণমা সময়ের দিকে চেয়ে রইল। কৃষ্ণচক্ষুতারকা

মাঝে মাঝে জল্ জল্ করে উঠছে। সময়ের সব কথা সে শুনছিল না, সে দেখছিল সময়ের তারুণ্যমণ্ডিত দীপ্ত শ্রী। সে ভাবছিল, সে যদি আজ মালতীর মত কলেজের মেয়ে হত, যদি ফিরে পেত মালতীর বয়স। সময়ের মত কোন ছরস্তু প্রাণভরা স্বপ্নভরা তরুণের প্রেম যদি নাও পেত, সে ত হতে পারত মালতীর মত তার সহযাত্রিণী। রুডিনকে কি এমনি দেখতে ছিল? বাজারফের মতন কি সময়কে মরতে হবে? কিসের অগ্নি এদের প্রাণ-প্রদীপে জ্বলছে!

বাইরে অন্ধকার বাত্মি। ট্রেন ছুটে চলেছে দুর্নিবার বেগে।

পরের স্টেশনে ট্রেন থামতেই হীরা সিং মালতীর গাড়ীর দরজার সামনে এসে দাঁড়াল। গাড়ীর দরজা খুলে বললে, মেম সা'ব।

অল্পমা চমকে চাইলে। টোপরের মত সূচালো সাদা বড় পাগড়ি, আয়তবক্ষে জরির কাজ করা লম্বা আঁচকান, শালবৃক্ষের মত দীর্ঘ ঝুঁজু দেহ নিশীথ গগনের পটে চিরজাগ্রত গ্রহরীর মত আঁকা।

—কি হীরা সিং, সাহেব জেগেছেন।

—না, মেম সা'ব।

—আমি পরের স্টেশনে—

—আপনার তবদ্বং আচ্ছা নেই মেম সা'ব।

—মালতী, এই হীরা সিং, সময়—

অল্পমা চারিদিকে চেয়ে দেখলে, কোথাও সময় নেই। চকিতের মধ্যে অজানিতভাবে সে কখন অদৃশ হয়েছিল। আর এ গাড়ীতে থাকতে অল্পমার উৎসাহ রইল না।

—চললুম মালতী, খুব খুশি হলুম দেখে, কনগ্রাচুলেসন্ করতে পারি?

—মোটাই না। তোমরা ওছাড়া কিছু কি ভাবতে পার না?

—আচ্ছা, কাল সকালে আমার গাড়িতে এসে চা খাবি, কেমন ?
এখন ঘুমিয়ে নে ! আর রাত জাগিস না ।

—মেম সা'ব ।

—চলো হীরা সিং ।

মালতী চুপ করে বসে রইল ।

অন্ধকার কুপেতে অল্পমা নিঃশব্দে প্রবেশ করলে । জগদীশ নিঃশব্দ । ছোট বৈদ্যুতিক পাখাটার বিরামহীন শব্দ, যেন একটা কালো পোকা বন্ধঘর হতে বার হবার পথ খুঁজে পাচ্ছে না, একটানা আর্তনাদ করে ঘুরছে ।

অল্পমা আলো জ্বাললে না । পা ছড়িয়ে রঙীন বালিশে ঠেসান দিয়ে বসলে । পিঠ ব্যথা করছে । ব্রাউজের বোতাম খুলে দিলে । গাড়ীর মেঝেতে শাড়ীর আঁচল লুটিয়ে পড়ল । জলতেষ্টা পেয়েছে, কিন্তু আবার উঠে জল গড়িয়ে খাবার মত শক্তি যেন তার নেই । হাত-ব্যাগ থেকে একটা প্যাঙ্কিল্ মুখে পুরে দাঁত দিয়ে কামড়ালে ।

নিরঙ্ক অন্ধকারের মধ্য দিয়ে ট্রেন ছুটে চলেছে দিশাহারা ঝড়ের বাতাসের মত । দেহ ধীরে ধীরে উঠছে ।

অতীত জীবনের স্মৃতি নয়, বর্তমান জীবনের বেদনা-ভৃগু নয়, মন এগিয়ে চলতে চায় । অসীম গগন ভরে আলোর প্রদীপ হাতে অনন্ত পথযাত্রীরা অহিনিশি ছুটে চলেছে, পৃথিবীর ধূলি তৃণ পর্বত বন নদী সমুদ্র তারি ছন্দে ছুটে চলেছে, এগিয়ে চলো ।

চোখ বুজে অল্পমা অনুভব করতে চেষ্টা করলো, বিশ্বের অসীম প্রাণস্রোতের সঙ্গে সে-ও ভেসে চলেছে । আফিসের ফাইল ভরা ঔষধের শিশি-ছড়ানো জগদীশের প্রাসাদ-কারার বন্দিনী সে নয় ।

হঠাৎ ট্রেন থেমে গেছে। অনড় প্রস্তরের মত স্থির।

অল্পপমা চেয়ে দেখলে, ছোট স্টেশন, আলোগুলি মিটমিট জ্বলছে, নির্বাত নিষ্কম্প বনভূমি। তারাগুলি স্থির পথ-চাওয়া নয়নের ক্রান্ত দৃষ্টির মত; নিখিল প্রাণশ্রোত সহসা গতিহীন, অচঞ্চল হয়ে গেছে।

মুখ বাড়িয়ে অল্পপমা প্ল্যাটফর্ম দেখলে। নেমে চলে যেতে ইচ্ছে করে এই স্তব্ধ অরণ্যে।

ট্রেনের গার্ড লাল লর্গন হাতে নিয়ে ছোট্টাছুটি করছে। ইঞ্জিনের ফুলি একটা নেমেছে। কি একটা গোলমাল হয়েছে। কয়েকজন যাত্রীও নেমে পড়েছে।

ও কে? ও কে? যেন ঘুমের ঘোরে চলেছে।

অতি মুহূর্তের অল্পপমা ডাকলে, কল্যাণ!

যেন সে আপন মনে কথা কইছে। যে সুরে নিশ্চিন্তা নিশীথিনীর কানে কানে সে বলে, আমি বন্দি নী, সেই সুরে সে ডাকলে, কল্যাণ! কল্যাণ!

চকিতে কল্যাণ এগিয়ে এল, গাড়ীর খোলা জানলার কাছে দাঁড়ালে।

অল্পপমার চোখের ওপর সে চোখ রাখলে। আর কিছু বলতে পারলে না। রাত্রি-জাগা রক্তহীন মুখ বড় করুণ, রুক্ষচক্ষে বিদ্যুদ্গম নেই, উষার শুকতারার মত নিমেষহারি চাউনি।

—কি হয়েছে?

—হট্‌ এন্ডল্‌।

অল্পপমা গাড়ীর দরজা খুলে দিলে। কল্যাণ দরজার সামনে এসে দাঁড়াল।

—এস ভেতরে।

—হঠাৎ ট্রেন ছেড়ে দিতে পারে।

—ছাড়ুক না।

মস্তচালিতের মত কল্যাণ কুপেতে উঠল, অল্পমার পাশে বসল।
দূর বন হতে একটা দম্কা বাতাস খোলা দরজা দিয়ে প্রবেশ করে
জানলা দিয়ে বার হয়ে গেল, দীর্ঘনিশ্বাসের মত। আবার সব শুরু।
রাত্রি রিমঝিম্ করছে।

—এখনও কি তোমার বাতে ভাল ঘুম হয় না। রাত জেগে পড় ?

—চুপ, কথা কোয়ো না।

কল্যাণ নিজের হাতে অল্পমার হাত টেনে নিলে। কি নরম ঠাণ্ডা
হাত। কোন ইংবেজ মেয়ের এত নরম হাত সে দেখেনি।

—চারদিক কি চুপচাপ! তারাগুলো যেন খুব কাছে মনে হচ্ছে,
কি দপ্‌দপ্ করছে—আচ্ছা ওই বনে বাঘ আছে ?

—খুব আছে, এখন সব শিকারের নক্ষানে বার হয়েছে।

—রাতের গভীর বন দেখতে বড় ইচ্ছে করে; ওর মধ্যে যদি বাড়ী
করে থাকা যেত।

—গ্রীন ম্যানসান!

—চুপ!

ইঞ্জিনেব দীর্ঘ তীক্ষ্ণ ওইস্‌ ধ্বনিতে চারিদিক প্রতিধ্বনিত হয়ে
উঠল। এবার ট্রেন ছাড়বে, তারই সঙ্কেত।

কল্যাণ একটু নড়ে বসল কিন্তু উঠল না। দৃঢ় চাপে অল্পমা তার
হাত ধরে। সে হাত এখন আতপ্ত।

ট্রেন নড়ে উঠল। দুজনে বসল ঘোঁষাঘোঁষি।

ট্রেন ছুটে চলেছে।

—চুপে চুপে কথা বল, অমন চুপ করে থেকো না।

—বড সুন্দর তোমায় দেখাচ্ছে, আগেকার চেয়ে অনেক সুন্দর হয়েছে।

—সে কথা বলতে তোমায় ডাকিনি। মেমদের ওসব কথা বলে বলে বুঝি মুখস্থ হয়ে গেছে।

—সত্যি, তোমার মত অমন সুন্দর চোখ আমি সমস্ত বিলেতে কোথাও দেখিনি।

—চুপ কবে বোসো, কথা কোয়ো না।

অল্পপমা অল্পভব কবছিল কল্যাণের রক্তধারার ছন্দ, আতপ্ত স্পর্শ
নিজের ব্যাবিবিহীন তলুতে।

—একটু ভাবতে আমায় কথা?

—প্রায়ই ভাবতুম।

—চিঠি দিতে না কেন?

—পিদচাব কাডসগুলো পেতে না?

—সে বুঝি চিঠি।

—শোন, অন্ত—

—কথা বোলো না। বড ভাল লাগছে তোমায় দেখে, বহুদিন
পরে দেখনুম। বিলেতে বিয়ে কবেছ?

—না।

—সত্যি বলছ?

—সত্যি, না।

—তবে যে শুনেছিলুম—

—সে মিথ্যে, সম্পূর্ণ মিথ্যে। মাকে জিজ্ঞেস করনি কেন?

—কথা বোলো না। ভাল লাগে না কথা।

—স্থির হয়ে বোসো। একটু শুয়ে পড়।

—ট্রেনটা বড় দোলে। মাথা দপ্‌দপ্‌ করে। ডাক্তারেরা বারণ করেছিল ট্রেনে চড়ে একসঙ্গে এত পথ যেতে!

—জ্বর আসে নাকি?

—বহুদিন আসেনি। আর ভুগতে ভাল লাগে না—জীবনটা বৃথা মনে হয়—কারও একটু কাজে লাগে না—

—ঘুম হয়নি সারারাত?

—না, ঘুম আসে না, যত বাজে কথা মাথায় ঘোরে। তুমি জান বরাবরই ঘুম আমার কম হয়, তবে এখন আর উপগ্রাস পড়তে ভাল লাগে না; তাই হিজিবিজি কত কি ভাবি। ভাবি বললেও ঠিক হয় না, তারা নিজেরাই আসে নিজেবাই চলে যায়। বাবার কথা মনে পড়ে তোমার?

—খুব পড়ে।

—তোমায় দেখে সেই সব পুরানো দিনের কথা মনে পড়ে গেল। সে যেন অল্প কোন জন্মের, অল্প কোন যুগের জীবন।

—স্বপ্নের মত মনে হয় সে দিনগুলো। শোন, অল্প—

—চুপ, কথা কোয়ো না। রাত্রির স্তব্ধতায সমুদ্রের ঢেউগুলো বালুতীরে আছড়ে আছড়ে কেমন ভেঙে পড়ে, শুনেছ—শুয়ে থাকলে ট্রেনের শব্দ আমার সেই রকম লাগে—হ্যাঁ, ওইখানটা টিপে দাও, মাথার মাঝখানটা, চুলগুলো বেশ জোরে টেনে—

—একটু ঘুমোতে চেষ্টা করো।

আতপ্ত কপোল রক্ত স্থলপদ্মের মত; হৃৎ-পিণ্ডের রক্তের তাপে দ্রুত নিশ্বসন অত্যাধিক, ধারা-বর্ষণে আন্দোলিত পুষ্পিত কদম্ব তরুর মত দেহ থরথর কাঁপছে।

—অত কাছে এসো না—আমি যক্ষ্মারোগী, ভুলে যাও কেন—
ভয় করে না ?

—না। কিছুমাত্র না।

—আমার যে ভয় করে। কথা বোলো না। কথা—থ্যক্—
থ্যক্—ক—

লাল নীল হলদে নানা রঙের ফিকের গোল কুসনে মুখ গুঁজে
অনুপমা কাশির বেগ চাপতে চেষ্টা করলে। অদমনীয় কাশির বেগ।
জ্বরে বালিশ চেপে সমস্ত মাথা গুঁজে সে কাশতে লাগল।

ভয়ে ও অসহায়ভাবে কল্যাণ দাড়িয়ে উঠল।

মুখ দেখা যাচ্ছে না। কোন আহত জন্তুর গৌড়ানির মত
চাপা কাশি !

অনুটস্থরে কল্যাণ বলে উঠল, হাউ আনক্যানি ! ও !

সে ভাবতে লাগল, যদি রক্ত ওঠে, জগদীশকে বোধ হয় ডাকতে হবে।
কোনরূপ উত্তেজ না ওর সয়না।

কুসানগুলিতে অমন করে মুখ গুঁজে ও কাশছে কেন !

ধীরে কাশির বেগ থামল। বালিশ থেকে মুখ তুলে স্নান মধুর
হেসে অনুপমা চাইল। বালিশের রক্তিমবর্ণ যেন তার মুখে ছড়িয়ে
গেছে।

—কি ভয় পেয়ে গেছ ! ও কিছু নয়, বোসো ! কি দেখছ ?
ও গলার কাশি—রক্ত ওঠে না—এ রকম প্রায়ই হয়—গলার কাশি—
কুমালটা দাও দেখি খুঁজে—একটা প্যাণ্ডিল দাও, ওই ব্যাগটায় আছে—
জল—না, জল একটু পরে থাব—বোসো—

—এ রকম কাশি আমি কখনও শুনিনি।

অনুপমা কাত্ হয়ে উঠে বসল। কল্যাণ বসল জানালার কাছে।

—কি, ভয় করছে? আর কাশব না—এবার বোধ হয় ঘুম আসবে—তুমি কিন্তু চুপ করে বসে থাক।

কল্যাণের কাঁধে ছোট বালিশ রেখে তার ওপর অল্পমা মাথা রাখলে। চোখ বুজে সে বললে, এমনি মাথা উঁচু করে শুয়ে থাকি, তা হলে কাশি আসবে না—তুমি চুপ করে বসে থাক, যেও না। এবার একটু ঘুম আসছে।

কল্যাণ বাক্য-হারা বসে রইল। অল্পমার মুখ সে দেখতে পাচ্ছে না। শুধু সে অস্থির করছে, সত্য ফোটা শিশির ভেজা শেতপদ্মের মত সে মুখ শাস্ত স্নিগ্ধ নির্মল।

ধীরে রাত্রি ক্ষয় হয়ে আসছে। নিশ্চয় প্রান্তর বনস্থলীতে অন্ধকার, উষ্ণ গগনে আলোর আভাস, তারাগুলি একে একে মিলিয়ে যাচ্ছে। শুধু দূর দিক-চক্রবালে শুকতারার শুভ দীপ্তি।

পরম বিস্ময়ে বিমুগ্ধভাবে কল্যাণ চেয়ে রইল রাত্রিশেষের পৃথিবীর দিকে। এমন শান্তি, এমন বিন্দুতা সে কখনও অস্ত্রভব করেনি।

নিদ্রাভরা অল্পমাকে ধীরে গুইয়ে দিয়ে কল্যাণ যখন পরের স্টেশনে নিঃশব্দে কুপে থেকে নেমে গেল, তখন স্তব্ধবর্ণা কল্যাণী উষা পূর্ব দিগন্তে আবির্ভূতা; শোন নদীর জল তাহারি আভায় রাঙা হয়ে উঠেছে।

নিজের গাড়ীতে গিয়ে উঠতেই, ঘুমে তার দুই চোখ ভারী হয়ে উঠল। পাইপটা ধরিয়ে খাবারও উৎসাহ রইল না।

প্রেমদাস বললেন, আপনার ভয়ানক ঘুম পেয়েছে দেখছি। আপনি এইখানে শুয়ে পড়ুন, আমি ওই কোণে বসছি।

দ্বিধা না করে কল্যাণ প্রেমদাসের বার্থে শুয়ে পড়ল।

ভোরের আলো যখন আকাশের দিগ্বলয়ে ছড়িয়ে পড়ে, নীড়ে নীড়ে পাখীরা উন্মুখ করে ওঠে, তখন রোজ খোকার ঘুম ভেঙে যায়। সন্ধ্যাকোটা কাঁটালি চাঁপার মত কোমল আলোয় কচি চোখ মেলে সে হেসে ওঠে, হাত-পা ছোঁড়ে, মায়ের বুক-পিঠ খামচায়, কখনও বা কান্নার সুরে ডাকে, তারপর হেসে ওঠে। সরোজিনীকে তার সঙ্গে খানিকক্ষণ খেলা করতে হয়, দুধ খাওয়াতে হয়। তারপর থোকা আবার ঘুমিয়ে পড়ে।

বেকির মাঝখানে ট্রাক্স হুটকেশ এ্যাটাচিকেশ দিয়ে বেকিগুলির সমান ঊঁচু করে দুই বেকি জুড়ে ঢালাও বিছানা হয়েছে। কাঠের দেওয়ালের দিকে শুয়েছে শিবাজী, তার পাশে দীপিকা, তারপরে বালিশের ব্যবধান দিয়ে ছোট কাঁথায় থোকা, তারপর সরোজিনী, সবাই আড়াআড়ি শুয়েছে।

রাত্রে সরোজিনী নিশ্চিন্ত মনে ঘুমোতে পারেনি। বার বার ঘুম ভেঙেছে। শিবাজীকে সোজা করে শুইতে দিতে হয়েছে, সে রাতে চরকির মত ঘোরে; দীপিকার গায়ে চাদর ঢাকা দিতে হয়। দন্তগিন্ধি বলেছিলেন, টেনে তাঁর ঘুম হয় না, তিনি সজাগ থাকবেন। কিন্তু সরোজিনী যখনই জেগেছে, দেখেছে তিনি গভীর নিদ্রিতা, নাসিকা-ধ্বনিতে গাড়ী মুখরিত।

খোকার কচি মুঠোর ঠেলায় সরোজিনীর ঘুম ভেঙে গেল। চোখ রগড়াতে রগড়াতে সে বিরক্তভাবে চাইলে, ইচ্ছে হল খোকার পিঠে এক কিল বসিয়ে দেয়, কিন্তু খোকার হাসিমুখের দিকে চেয়ে তাকে বৃকে

টেনে নিলে। দেখলে, ওদিকের বেঞ্চে দত্তগিন্নি বসে মাল জপছেন ও তাদের দিকে কটমট করে চেয়ে আছেন।

খোকাকে দুধ খাওয়াতে হবে। সরোজিনী উঠে বসল।

—আপনি কতক্ষণ উঠেছেন, মাসীমা ?

—আমার ব্রাহ্মমূর্ত্তে ওঠা অভ্যাস, বুঝলে সরযু।

—আমার নাম সরোজিনী !

—আমার কি অত মনে থাকে। বলছিলুম কি, এই যে আজকালকার বৌ-ঝিরা, এদিকে চড়চড়ে রোদ উঠে গেছে, আর দরজা বন্ধ করে ঘুমোচ্ছেন, এ বাপু আমরা কোন দিন পারি নি, পারি না।

—আমারও মাসীমা ভোরে ওঠা অভ্যাস, আর এই যে এলার্ম বন্ধ রয়েছে, ঘুমোবার কি জো আছে, গুঁতিয়ে কেঁদে জাগিয়ে দেবে।

—এ ত কর্তব্য সরযু !

—সরোজিনী !

—আমার অত ছাই মনে থাকে না। তা তুমি বড় ভাল মেয়ে দেখছি। আজকালকার ছেলেমেয়েরা ত মায়ের কোলই পায় না, ঝি-চাকরের কোলে কোলেই ঘোরে,—মা'রা শাজ্জছেন গুজ্জছেন, বন্ধুদের সঙ্গে গল্প করছেন, মাঝে মাঝে আবার আদরও উথলে উঠে, তখন ঝি-চাকরদের কসে বকুনি।

—আমি ঝি-চাকরদের কাছে ছেলেমেয়ে মানুষ-করা পছন্দ করি না।

—সেই কথাই ত বলছিলুম। এই আমাদের বড়বৌ—তোর টানাটানির সংসার, একটা ঝি আছে, বেশ, তার ওপর আবার একটা চাকর, বামুন কেন—যখনই দেখি, চাকরটা ছেলেটাকে কোলে নিয়ে সদর দরজার গোড়ায় বিড়ি ফুঁকছে—ছি ছি !

—আপনার কোন্ ছেলে সঙ্গে যাচ্ছেন ?

—ওই ত বড়ছেলে গো। খুব পণ্ডিত, বিদ্বান মানুষ, সব পরীক্ষায় জলপানি পেয়ে এসেছে—কিন্তু হলে কি হয়, টাকার দিকে চু—চু—তবে আমার মেজছেলে খুব রোজগারে, তার কাছেই ত বোম্বে যাচ্ছি। রোজগার করলে কি হয় মা, ছেলেমেয়ে ত হল না একটা এতদিনে—আর মেজবোনের ত নিত্যা অসুখ—এদিকে পটের বিবির মত ফিটফাট সেজে আছে সারাক্ষণ—

—ছেলেমেয়ে হওয়া ভাগ্য মাসীমা, ইচ্ছে করলে কি সবার হয়।

—সেই ত বলি সরযু! তেলিগ্রাম এল, মেজবোমার অসুখ, তেলিগ্রামে ভাড়ার টাকা শুদ্ধ পাঠিয়ে দিয়েছে, তাই হাঁপাতে হাঁপাতে ছুটেছি। এদিকে মেজছেলের কাছে বেশি দিন থাকবার জো নেই, বড়বোমা বলবে, বড়লোক ছেলের বাড়ি। বেশি দিন থাকবেই ত মা। তা তোদের বাড়ি আসব কি, ওই ঝি-চাকরদের হাতে সংসার তুলে দেওয়া আমার ভাল লাগে-না—আমি নিজের হাতে রেঁধে খাই—

—আপনার মেজছেলের বাড়ি কতগুলি ঝি-চাকর মাসীমা?

—ও বাবা, সেখানে আবার বাবুচি-বেয়ারা গিস্‌গিস্‌ করছে—কানের কাছে সারাক্ষণ ‘মেম সাহেব’ ‘মেম সাহেব’ করছে—

—শুনতে ভাল লাগে?

—তা বড় কাজ করে, ও সব না করলে নাকি উন্নতি হয় না। আমি বকে দি—সারাক্ষণ মেমসাহেব মেমসাহেব করিসুনি।

দুধ খেয়ে থোকা ঘুমিয়ে পড়ল।

শিবাজী জেগে উঠল। দীপিকার পিঠে এক ঠেলা দিতে সে উঠে বসল।

—মা, কোন্‌ স্টেশন?

—স্টেশন কোথায় বোকা ছেলে, গাড়ী ত চলছে।

—ও! চকোলেট দেবে বলেছিলে, সকালে।

—আমি কখন বললুম?

—রাঙামামা বলেছিল। রাঙামামা কোথায়?

—যাও, আগে দাঁত মাজো, হাত মুখ ধোওগে।

শিবাজী লাকিয়ে উঠল। এ্যাটাচিকেশ থেকে দাঁতের ব্রশ, মাজন, তোয়ালে, সাবান বের করে বাথরুমে গেল।

মালাজপ শেষ করে দত্তগিন্নি বললেন, এ বেশ ভাল শিক্ষা। নিজের নিজের সব করে।

সরোজিনী আলোভরা মাঠের দিকে চেয়ে বললে, কিন্তু দাদার কাণ্ড দেখলেন!

—তোমার দাদা বেশ ছেলেটি।

—সারারাত একবার ঊঁকিও মারলে না।

—আমি যেন কোন্ সেশনে দেখলুম, হন্ হন্ কবে চলে গেল ওদিকে।

—আপনি ত দিব্য ঘুমোচ্ছিলেন, আপনি দেখলেন কখন?

—সে কি সরবু!

—আমার নাম সরোজিনী, মাসীমা।

—আমি না হয় তোমার আর একটা নাম দিলুম। রাগ করো না।

—রাতে একবার এসে খোঁজ নেওয়া ত উচিত ছিল, দাদার।

—বোধ হয় ঘুমিয়ে পড়েছে, ক্লান্ত ছিল। তোমার দাদার বিষে হয়েছে?

—ওই দেখুন না আর এক কাণ্ড! এই সাত বছর পরে বিলেত থেকে এলেন। বিষে হবে কখন?

—সেখানে বিষে-থা করেনি ত?

—লোকে কত কথা বলে, গুজব রটানো। দাদা ত বলে, করিনি।
স্বতরাং আমরাও বিশ্বাস করি, করেনি।

—আবার বিয়ে করবে কথা দিয়ে না এসে থাকে। সে আর এক
মুশকিল, সরোজিনী!

—দাদা বলেছে, ভাল চাকরি না পেলে বিয়ে করবে না।

—সাত বছর বিলেতে ছিল। তাই ২ মা! শোন, একটা পরামর্শ
দি। তোমার মাসীমা দেখছ সেকলে, কিন্তু দত্তবাড়ীতে বসে অনেক
কিছু দেখেছি—শোন বলি, চিঠি-পত্র খুলে দেখছ?

—চিঠি-পত্র কি খুলব মাসীমা?

—নাও, নেকী মেয়ে! বলি বিলেত থেকে যে সব চিঠি-পত্র আসে,
মেম-বন্ধুদের গো—খলে পড়ছ?

—সে পড়ব কি কবে? দাদা দেবে কেন পড়তে?

—শোন, একটা মতলব দি। আমার দেওবের শালার ছেলে, সেও
গুট বকম আট বছর ছিল বিলেতে। এসে বলে বিয়ে করব না। আমি
বললুম, খোঁজ নাও বাপু, গোলমাল আছে; চিঠি দেখ, চিঠি। আমার
পরামর্শ মতই ত পিয়নের সঙ্গে সড় করে সব বিলিতী চিঠি নিয়ে নেওয়া
হল; খুলে দেখা গেল কেন্ মেমকে বিয়ে করবে বলে প্রতিজ্ঞা করে
এসেছে। হুপায় হুপায় মেমের মোটা মোটা চিঠি আসে—বাছাবন
একখানিও পান না—নিজেই লিখে মরেন মোটা মোটা চিঠি, তাও
বাড়ীর কাউকে দিলে ডাকে কেলা হত না। বাছা আমার কিছুদিন গুম্
হয়ে বসে রইলেন বাড়ীতে, চিঠির জবাব পান না হুপায় হুপায়। ভাবলে,
মেম ভেগেছে আর কারুর সঙ্গে, আর কেন, বিয়ে করতে রাজী হয়ে
গেল। আমার বোনের মামাশুভরের মেয়ের সঙ্গে বিয়ে হয়েছে। এখন
তিন ছেলে, চার মেয়ে, দিবিা সুখে ঘরসংসার করছে। তাই বলছিলুম,

সরোজিনী—দেখ, এবার তোমার নাম ঠিক বলেছি—বলছিলুম, লুকিয়ে চিঠি দেখ, ওগব কলকৌশল করতে হয়।

—দাদা সে রকম প্রকৃতির নয়, মাসীমা। যদি বিয়ে করতেন নিজেই বলতেন।

—করেন নি ত ভাল। এখন তোমরা দেখে শুনে দিয়ে দাও শীগ্গীর। এ ত কর্তব্য মা।

—এ আপনি গ্রায্য কথা বলেছেন, মাসীমা।

—শোন সরোজিনী, একটি খুব ভাল মেয়ে আছে—দেখ, এবার তোমার নাম ঠিক বলেছি—আমাদের পাড়ায় মাল্লিকদের বাড়ীর চারটে পাশ-করা মেয়ে, বরাবর জলপানি পেয়ে গেছে—

—দেখতে কেমন মাসীমা? আমাদের খুব সুন্দরী বৌ হওয়া চাই, আমার ত তাই ইচ্ছা। মা বলেন, তুই সারাক্ষণ সুন্দরী সুন্দরী করিস না, ও নিজের পছন্দ মত যা হয় একটা করুক।

—সেই কথাই ত বলছি মা সরোজিনী। মেয়ে খুব সুন্দরী নয়, কিন্তু ওই মেয়েই তোমার দাদার পছন্দ হবে, বলে দিলুম আমি। আর মানাবে, তোমার দাদাকে ত দেখলুম—নেহাং কচি মেয়ে ত বিয়ে করতে পারবে না—হাঁ, “মালতী” নাম মেয়েটির—রং ফরসা—আমি কালো মেয়ের কথা বলব না মা—আমার ভাস্করের শালাব নাতনী, বাপ সেই কিন্তু বাপু।

—তা হ'লে?

—তা তোমাদের ত টাকা চাই না, বাপ নাই রইলো। মা'টি বড় ভালমাহুষ গো। মেয়ের বিয়ের জন্তে আমার কাছে কত হাঁটাইটি করছে; আমার হাতে কি ছেলে আছে বাপু। আবার মেয়ে বলে বিয়ে করব না, স্বদেশী করে বেড়াব।

—তবে মাসীমা, এই স্বদেশী মেয়ে আমাদের ঘাড়ে চাপাতে চান, ওখানে হবে না মাসীমা, আপনি অল্প কোন সম্বন্ধ জানেন ত বলুন।

—ও স্বদেশী, মা, দু'দিনের খেয়াল,—এ মেয়ে তোমার দাদার পছন্দ হবে, এ আমি বলে দিলুম।

সরোজিনী আর কোন উত্তর দিলে না। স্কটকেশ খুলে শিবাজীর কাপড় জামা বার করে দীপিকাকে ঠেলে জাগাল।

কে যেন ঠেলা দিয়ে রাধাকান্তকে জাগিয়ে দিলে। ঠেলা নয়, গাড়ীর ঝাঁকুনি। তবু রাধাকান্তের মনে হল, যেন তার ছোট মেয়ে মিহু তাকে ঠেলা দিয়ে বলছে, বাবা, ওঠ, দাঁড়াবে চল।

রাধাকান্তের খাটের পাশে ছোট খাটে মিহু শোয়। রাধাকান্তের স্ত্রী শোয় মেজেতে মাতুর পেতে ; এমন অকাতরে ঘুমোয় যে, মিহু বার বার ডেকেও কোন সাড়া পায় না। তখন সে বাবার খাটের কাছে এসে ধীরে ডাকে, হাত ধরে টানে, বাবা এসো। অন্ধকারে বারান্দা দিয়ে বাথরুমে যেতে মিহুর ভয় করে। রাধাকান্তকে উঠতে হয়, মিহুর হাত ধরে যেতে হয় বারন্দায়। ঘুমের ধোরে মিহু কি যা-তা বলে ওঠে, রাধাকান্তের বড় মজা লাগে। তার প্রিয় কুকুর “খাজা খাঁ” একবার ডেকে ওঠে, তারপর লেজ নাড়তে নাড়তে পা চাটে। নামটি মিহুর দেওয়া।

রাধাকান্ত চমকে জেগে উঠল। ভাবলে, রাতে মিহু তাকে ডেকে পায়নি। তারপর মনে পড়ে গেল, কারখানায় ধর্মঘট, ব্যাঙ্কেতে টাকা নেই, মোগলসরাই থেকে টেলিগ্রাম করতে হবে।

রাধাকান্ত বাক্যেতে সোজা হয়ে বসল। গাড়ী প্রভাতের আলোয় ভরে গেছে। গাড়ীর আলো সে নিভিয়ে দিলে।

দেবপ্রিয় ধীরে বললে, নেমে আসুন, নীচেতে যথেষ্ট জায়গা রয়েছে।

রাধাকান্ত, জিজ্ঞেস করলে, মোগলসরাই আর কত দূর মশাই?

দেবপ্রিয় বললে, বেশি দূর নয়।

হঁ, বলে রাধাকান্ত বসে রইল, বাক্স থেকে নামল না। ভাবতে লাগল, মোগলসরাইতে ভাল করে খেতে হবে, কতকগুলি চিঠি লিখতে হবে, হিসাবও করতে হবে।

কল্যাণ ছাড়া এ গাড়ীর সবাই জেগে উঠে বসেছে।

কনকের পায়ের কাছের বোতলগুলির দিকে চেয়ে গণেশ বললে, বোতলে কিছু আছে মশাই?

অর্ধশূন্য এক হুইস্কির বোতল তুলে কনক বললে, এইটায় কিছু আছে দেখছি, তবে সোডার বোতল সব শূন্য।

আমি নির্জলাই থাই, বলে গণেশ কনকের পাশে গিয়ে বসল।

শিপ্রা ক্ষুধার বলে উঠল, এই সকাল থেকেই শুরু হবে নাক!

বোতলটা ধরে গণেশ বললে, গা-টা কেমন ম্যাজ্‌ম্যাজ্‌ করছে, একটু চাক্ষা হয়ে নি। কাকুর আপত্তি আছে?

বিরিঞ্চি কটমট করে বোতলটার দিকে তাকালে। কেউ কোন কথা বললে না।

গণেশ উঠে আসতে দেবপ্রিয় শিপ্রার পাশে গিয়ে বসল।

বিরিঞ্চি এতক্ষণ শিপ্রাকে দেখছিল। এই কালো রোগা মেয়ে, এই অভিনেত্রী শিপ্রা! মুখে খানিকটা রং লেপেছে, ঠোঁট দুটো করেছে রাঙা, কালো চুলের কুণ্ডলী সাপের ফণার মত উচ্ছত, তবে শাড়ীটা বেশ বাহারের আর কঙ্কণের প্যাটার্ন ভাল। ওরি নাচ দেখবার,

গান শোনবার জন্ত, চোখ ঘুরানো, চলার বলার ঢং দেখবার জন্ত মাসের পর মাস সিনেমাতে লোকের ভিড়! বিরিক্টি একদিন গেছল দেখতে, দলে পড়ে। সেই অভিনেত্রী শিপ্ৰার সঙ্গে এ কালো মেয়ের মিল দেখতে পাচ্ছে না। তবু বিরিক্টির ইচ্ছে হচ্ছিল, একবার শিপ্ৰার পাশে বসে, ধীরে হেসে বলে, তোমার ফিল্ম আমি দেখেছি, বেশ করেছে, বেশ গলা তোমার।

দেবপ্রিয় শিপ্ৰার পাশে বসাতে বিরিক্টি সেদিক থেকে মুখ ঘুরিয়ে নিলে।

দেবপ্রিয় শিপ্ৰাকে ধীরে বললে, আমাকে বোধ হয় চিনতে পাচ্ছেন না, ষ্টুডিওতে আপনার সঙ্গে আলাপ হয়েছিল।

এটা নিছক মিথ্যা কথা। শিপ্ৰা কিন্তু দম্লে না, সে হেসে বললে, হাঁ, খুব মনে আছে—আপনি কবিতা লেখেন, না?

দেবপ্রিয় চুপ করে আছে দেখে শিপ্ৰা বলে যেতে লাগল, গল্পও লেখেন, অর্থাৎ আপনি লেখক।

দেবপ্রিয় টাক-ভরা মাথাটা নেড়ে বললে, আপনার ঠিক মনে আছে আমি লিখি, তবে বেশির ভাগ খবরের কাগজে।

হাত-ব্যাগ থেকে লিপস্টিক নিয়ে ঠোঁটে রঙ দিতে দিতে শিপ্ৰা বললে, ঠিক, এই লেখার কথা নিয়েই আলোচনা হয়েছিল। জীবনে যে রং নেই সে রং দিতে হয় লেখায়, আপনি বলেছিলেন। রঙ্গপূর্ণ দৃষ্টিতে শিপ্ৰা দেবপ্রিয়ের দিকে চাইলে। তার কালো চোখের কাজল চাউনিতে ক্ষণপ্রভার দীপ্তি ক্ষণিকের জগ্ন বালসে উঠল।

দেবপ্রিয় চমকে গেল। বুঝতে পারলে, জীবনে অভিনয় এত সহজে করতে পারে বলেই এ তরুণী বড় অভিনেত্রী হতে পেরেছে। কিন্তু চুপ করে থাকলে চলবে না। শিপ্ৰা সম্বন্ধে খবরটা মোগলসরাই

থেকেই টেলিগ্রাম করে পাঠাতে হবে। খবরটার জন্ত কিছু পরশা পাওয়া যাবে।

ধীরে দেবাপ্রিয় বললে, আপনি ত বোধে যাচ্ছেন ?

হেসে শিপ্রা বললে, খবরটা আপনার জন্তে দরকার, না, আপনার খবরের কাগজের জন্তে ?

—আমার কাগজই খবরটা অবশ্য প্রথম ছাপবে, আমারও কিছু লাভ আছে।

—বেশ, তা হলে শুভন। বোধে যাব বলেই মোটরকারে বার হয়েছিলুম বারাকপুর থেকে। বর্ধমানে এক গরুর গাড়ী বাঁচাতে গিয়ে গাছের সঙ্গে মোটরকারের লাগলো ধাক্কা। তারপর বর্ধমান স্টেশনে চলন্ত ট্রেনে ওঠা। আর এখনও সেই চলন্ত ট্রেনে চলেছি। বোধের টিকিটও কেনা রয়েছে সঙ্গে। এই খবর পাঠালেই হবে।

—হাঁ। অনেক ধন্যবাদ।

কাঁকন-পরা হাত তুলিয়ে শিপ্রা গণেশের দিকে দেখিয়ে বললে, ওই ভদ্রলোকের ছেলেটিকে চেনেন না মনে হচ্ছে! ওঁর নামটা এই সঙ্গে যুক্ত করে দিতে পারলে, আরও, যাকে বলে সেন্সেশানাল, নিউজ হত—কলকাতার যত চায়ের দোকানে, ছেলেদের আড্ডায় আজ সন্ধ্যায় গল্প জমে উঠত—

বিস্মিতভাবে দেবপ্রিয় বললে, ওঁকে দেখিছি যেন কোথাও, যদি অতঃপর করে—

শিপ্রা হেসে বললে, ওঁর অহুমতি না পেলে কি করে বলি ওঁর নাম, উনি ত অজ্ঞাতবাস করছেন।

দেবপ্রিয় একটু করুণভাবে গণেশের দিকে চাইলে!

ছইন্সির বোতল গণেশ প্রায় শেষ করে এনেছে, একটুকু বাকি।

বোতলটা নেড়ে গণেশ বললে, দেখুন যদি আমার হেল্থ ড্রিক করেন তা হলে এই অজানা পখিকের পরিচয় পাবেন।

টাকের ওপর হাত রেখে দেবপ্রিয় বললে, এখন সকাল বেলায় ? আমাকে মাতাল করতে চান ?

শিপ্রা জ্রুটি করে গণেশকে বললে, কি যা-তা বলছো, চুপ করো ! ইসারায় সে সন্ন্যাসী প্রেমদাসের দিবে দেখালে।

গণেশ হো হো করে হেসে উঠল !

—আমার নাম জানবার জন্মে এত কাণ্ড। শুনুন, আপনার সামনে এই যে মূর্তি দেখছেন, ইনি হালদার বংশের কুলাস্থার গণেশচন্দ্র—শুনলেন, রাতে কিন্তু খেতে হবে।

—আপনি গণেশ হালদার।

—লোকসমাজে উক্ত নামেই পরিচিত।

—আপনার সঙ্গে আলাপ করবার জন্মে অনেকদিন থেকেই ইচ্ছে।

—কেন বলুন ত ?

—শুনেছি, আপনাদের বাড়ীতে খুব ভাল পুরানো লাইব্রেরী আছে।

—ও, আপনি এই পুরানো বই-এর সঙ্গে আলাপ করতে চেয়েছিলেন, মাতুষের সঙ্গে নয়। মাতুষটি বুঝলেন—

—না, না, বড় ভাল লাগছে আপনাকে ! আপনার অগাপ টাকা, অনেক কাজ করতে পারেন।

—ভাল ভাল কথা বলতে আরম্ভ করলেন যে। এখন টেলিগ্রামটা লিখে ফেলুন।

রাধাকান্ত বাক থেকে নেমে এল তাড়াতাড়ি। এই গণেশ হালদার !

দু'-তিন লাখ টাকা। ত সে ইচ্ছা করলে এখনই দিতে পারে। হইন্দির বাকি অংশের ভাগ চেয়ে আলাপ করবার জন্তে রাধাকান্ত গণেশের পাশে বসল।

হইন্দির বোত্তল নিঃশেষে শেষ করে গণেশ রাধাকান্তের দিকে চাইলে। হেসে বললে, আপনাকেও কি কোথাও দেখেছি?

হাঁ, গতরাত্রে, এই গাড়ীতে, ব'লে রাধাকান্ত চুপ করে বসে রইল।

সকাল ঠিক ছাটার সময় বিছানা থেকে ওঠা জগদীশের অভ্যাস ও নিয়ম। সেজন্ত মাথার কাছে একটি ছোট এলার্ম ঘড়ি সব সময় থাকে। ঘুম ভেঙ্গে গেলেও জগদীশ চুপ করে শুয়ে থাকে, ঘড়ির এলার্ম বেজে উঠলে তবে ওঠে।

গত রাত্রে ঘড়ি মাথার কাছে রেখেছিল কিন্তু এলার্ম দিতে ভুলে গেছিল। এমন ভুল তার কখনও হয় না।

ঘুম ভাঙতেই জগদীশ ঘড়ি দেখলে। ছ'টা বেজে পাঁচ মিনিট, তাড়াতাড়ি সে বাক্স থেকে নেমে এল।

বিছানার ওপর অল্পপমা এলিয়ে পড়ে ঘুমোচ্ছে, রঙীন গোল বালিশে কালো চুলের বগা, সাদা শাড়ীর আঁচল বুক থেকে খসে শুভ্র সমুদ্র-ফেনায় জমাট তরঙ্গের মত ছড়িয়ে পড়েছে, অলঙ্কার-রিক্ত নিটোল হস্তের ওপর মাঝা মাঝা, শাড়ীর কালোপাড়ের নীচে কনক বর্ণের পা দখানি, ক্রান্তদেহের করুণ মাপুরী-ভরা ঘূমের এ রূপখানি প্রভাতের আলোয় জগদীশের অনির্বচনীয় মনে হল, অল্পপমাকে যেন সে নতুন করে দেখলে। স্নিগ্ধ মধুর বাতাস বইছে, শিশিরসিক্ত প্রান্তর কিকিমিকি

করছে, নীলাকাশের পেয়লা হতে শুভ্র নির্মল আলোর ধারা উপ্ছে পড়ছে—এই জাগরণপূর্ণ প্রভাতালোকের মধ্যে রূপের আলোয় ভরা শ্রান্ত নারীর নিদ্রাটুকু বড় সুন্দর। জগদীশের ইচ্ছা হল, অল্পমার মাথার কাছে বসে চেয়ে থাকে তার নিদ্রিত মুখের দিকে, চেয়ে থাকে এই আলোক-ভরা আকাশের দিকে।

কিন্তু ছ'টা বেজে দশ মিনিট হয়েছে। মোগলসরাই পৌছিবাব পূর্বেই তাকে প্রাতঃকৃত্য সারতে হবে—দাড়ি কামাতে হবে, ব্যায়াম করতে হবে, ড্রেস করতে হবে।

অল্পমার মাথার দিকে জানলার খড়খড়ি ফেলে দিয়ে জগদীশ দাড়ি কামাতে গেল।

জগদীশ যখন ড্রেস করে এল অল্পমা ভেগে উঠেছে। পিঠে বালিশ দিয়ে বন্ধ খড়খড়ির কোণে বসেছে, খড়খড়ির ফাঁক দিয়ে আলোর সমান্তরাল রেখাগুলি তার পিঠে বৃকে এসে পড়েছে, বিপযন্ত কেশভারে শুভ্র আলোর ডোরা-কাটা। সে আলোর দৌপ্তি কৃষ্ণ চক্ষের পল্লবে। রসজু স্তিতা কমলিনীর মত তলুলতা রহস্ত-মধুর।

বিস্ময়মুগ্ধ নয়নে জগদীশ চাইলে, ধীরে একটু এগিয়ে গেল। তারপর ঋম্কে দাঁড়ালে। অল্পমার চারিদিকে অদৃশ জালের মত দুর্ভেজ বেড়া তাকে বাধা দেয়, ধাক্কা মারে, দেহের এ বেড়া পেরিয়ে সে অল্পমার অন্তর লোকে প্রবেশ করতে পারে না কেন?

‘বো’ বাঁধতে বাঁধতে জগদীশ বড় জোরে টান দিলে। চূপ করে বসে-থাকা অল্পমার দিকে চাইলে। অল্পমা বোধ হয় তাকে ভালবাসে না, অথবা অস্থপের জন্ত, তাকে দূরে রাখতে চায়। অল্পমার অন্তরের বিমুখতা অদৃশ হাতে জগদীশকে ঠেলা দেয়, আলিঙ্গন সম্ভব হয় না।

জগদীশ কিন্তু একথা ভাবল না যে, ভয় রয়েছে তার মনে। তার মগ্ন চৈতন্যলোকে যে গভীর আশঙ্কা রয়েছে, এ অদৃশ্য বাবা তারি ছদ্মরূপ, কেবলমাত্র ব্যাধি-সংক্রমণের আশঙ্কা নয়, অল্পমার কাছে পরিপূর্ণ আত্ম-নিবেদনের আশঙ্কা রয়েছে, আপন সত্তাকে লুপ্ত মুক্ত করার আশঙ্কা। অল্পমাকে সে ঘৃণাও করে।

আদরের স্বরে জগদীশ বললে, ওগো, জেগেছ ? ওঠো অল্পমা, খোলগৌ আঁখি—

অল্পমা চোখ মেলে নির্নিমেষ নয়নে চাইলে। প্রভাত-সূর্য ষেতুপ দীপ্ত রশ্মিবাণে কুয়াশার পর্দা থান-থান করে কেটে ফেলে, তেমনি তাঁর আলোক-শলাকা কৃষ্ণ তারকা হতে বিচ্ছুরিত হয়ে জগদীশের ছাই-রঙের কোটে প্যাটে বিদ্ধ হ'ল, জগদীশ সমস্ত দেহে একটা জ্বালা অনুভব করলে।

অল্পমা হেসে উঠল।

—বা, এর মধ্যে যে ড্রেস করা হয়ে গেছে, দেখছি। এমন করে দাঁড়িয়ে থেকো না, বোসো।

বেকির অপর কোণে বসে জগদীশ বললে, কেমন ঘুম হল ?

—তুমি ত বেশ ঘুমিয়েছিলে, একবার উঠে দেখেছিলে, ঘুমোচ্ছি কি না ?

—সত্যি, খুব ঘুমিয়েছি। তুমি ভাল ঘুমোওনি ? ওঘুট্টা খেলে না কেন ?

—সারারাত যা হৈ-চৈ তা ঘুমোব কি ?

—হৈ-চৈ ?

—হাঁ, গো। ঝক্-ঝক্—ঘড়্-ঘড়্—ভাক্-ভাক্—কু—

ওষ্ঠাধর কুঞ্চিত করে অল্পপমা রেল-ইঞ্জিনের শিটি দেওয়ার হুঁরে লম্বা শিস দিয়ে উঠল।

—তা রেলগাড়ী চলার শব্দ ত হবেই।

—গুধু চলছে! এই থামছে, এই আলো, এই অন্ধকার, যেন ভূতের দাপাদাপি কাণ্ড! ভোরের বেলায় যা হোক একটু ঘুমিয়ে পড়েছিলুম।

ডাক্তারেরা ঠিকই বলেছিল, সারারাত ট্রেনে যাওয়া ঠিক হবে না, অমন নিশ্চক্ক বাগানে অতদিন থেকে। তোমার মুখটা বড় রাঙা মনে হচ্ছে।

—ফরসা মুখের ওই রকমই রঙ হয়।

—ঠাট্টা নয়, কি রকম ক্লাস্‌ড্‌। জর হয়নি ত?

—হাঁ, জর ত হয়েছে; সারারাত না ঘুমিয়ে ট্রেনে বাস করে যদি জর না হয় ত লোকে বলবে আমার অস্থখ ধাপ্পাবাজি।

—সব সময়ে ঠাট্টা কোরো না অম্ম, ওষুধটা তা হলে খাও।

—সত্যি আমার একটু জর হয়েছে।

থার্মোমিটার দিয়ে দেখেছ?

—ও, দেখতে হয় না। আমি নিজে বুঝতে পারি। শেষ রাতে একবার কাশির বেগ হয়েছিল।

—আমায় ডাকলে না কেন?

—দরকার হয়নি।

—আচ্ছা, টেমপারেচারটা দেখ।

—আমি এখন দেখব না। চুপ করে বস দেখি।

—তা হলে,—মোগলসরাইতে নেমে পড়া যাক।

—মোগলসরাইতে কি হবে?

—অথবা নৈনী দিয়ে এলাহাবাদ চলো, সেখানে দুদিন বিশ্রাম করে যাওয়া যাবে।

—আচ্ছা, জর কি আমার নতুন হচ্ছে, আমি সটান বোম্বে যাব। পথে কোথাও নামছি না। এক গেলাস জল দাও দেখি। আর এ খড়খড়ি তুলে দাও।

চোখে মুখে জল দিয়ে একটু জল খেয়ে অল্পপমা বললে, দাও একটা কম্বল, মুখটা মুছি, আর অমন গুরুগুরু কোরো না, আমার পাশে চুপ করে বোসো দেখি।

জগদীশ বসল অল্পপমার পাশে। অল্পপমা তার হাত টেনে নিলে নিজের হাতে।

—তোমার হাত বড় ঠাণ্ডা কেন?

—তোমার হাত বড় গরম হয়েছে, তাই অমন মনে হচ্ছে।

—অনেকদিন পরে আবার জর হল, বোম্বে গেলেই সমুদ্রের হাওয়াতে ছেড়ে যাবে।

—আজ চুপচাপ শুয়ে থাক। কি খাবে?

—কথা না বললে আমি হাঁপিয়ে উঠব, চুপচাপ শুতে পারব না, এতদিন পরে তবু একটু মানুষের মুখ দেখছি। সারাক্ষণ ট্রেনের ঝং ঝং বত বিতকিচ্ছিরি শব্দ—তার মধ্যে চুপ করে থাকা।

—জর আরও বাড়বে।

—বাড়ুক। ওগো মাথায় একটা বালিশ দাও না।

অনাবৃত স্নগোল বাহুলতায় অল্পপমা জগদীশের হাত জড়িয়ে ধরলে। এ ভূজবন্ধনে যেন সে তাহার দেহের তাপ অন্তরের চঞ্চলতা জগদীশের শীতল দেহমানে সঞ্চারিত করতে চায়।

অল্পপমা মূহু হেসে উঠল। তার হাসির দিকে চাইলে জগদীশের রক্তে দোলা লাগে। মনে হয়, অদৃশ্য আড়াল সরে গেছে।

মূহুর্কণে অল্পপমা বললে, ওগো শোন, চলো, আমরা ইয়োরোপ যাই।
—ইয়োরোপ!

জগদীশ একটু ঘাড় বেঁকালে, অল্পপমার মুক্ত কেশ পড়েছে তার পিঠের ওপর। অনিন্দিত বাহু দিয়ে মোহিনী বুঝি বাঁধছে! শিথিল কোমল তন্তুর স্পর্শ ঘন অরণ্য-বেষ্টিত সরসীর শ্রামল শম্পতটের মত স্নিগ্ধ, স্বপ্নাবেশ আনে।

—হাঁ, ইয়োরোপ! চমকে ওঠ কেন? স্নাইজারল্যাণ্ডে গিয়ে থাকবো। সেখানে ভাল ভাল স্ত্রীনাটোরিয়াম আছে শুনেছি; আমি স্ত্রীনাটোরিয়ামে থাকব, তুমি নানা জায়গা ঘুরতে পার।

—এ সব কথা তোমায় কে বললে? *

—কে আবার বলবে, আমি নিজেই ভেবে ঠিক করেছি।

—আচ্ছা, আগে বোধহেতে যাই চল। এখন অত ভেবো না, তোমার জর হয়েছে।

—স্নাইজারল্যাণ্ডে কিছুদিন গিয়ে থাকলে আমার অসুখ সেরে যেতে পারে; শুদে দেশে অনেকের একেবারে সেরে যায় শুনেছি।

—এ সব কথা কে বললে তোমায়? আমাদের বোস ডাক্তার?

—দেখ, তোমার চেয়ে কিছু কম বই পড়িনি জেনো। বললেই পারো, যাবো না।

—না, যাব না আমি ত বলছি না। সব খোঁজ নতে হবে, ডাক্তারদের সঙ্গে পরামর্শ করতে হবে। সত্যি তোমার অসুখ সারবে কি না—আর ছুটি চাইলেই ত আমি ছুটি পাব না—জান ত, তুমি বোঝ না। বোধহে গিয়ে ঠিক করা যাবে—না, এখন ইয়োরোপে যাওয়া

অসম্ভব। জান না, ইয়োরোপে কি গোলমাল চলছে, যে কোন সময় যুদ্ধ বাধতে পারে, এ সব ভেতরের খবর, তোমায় সব বলতে পারি না।

ভুজবন্ধন ধীরে শিখিল হয়ে মুক্ত হয়ে গেল। অল্পপমা কোন কথা বললে না, ধীরে চোখ বুজলে। মাথাটা দপদপ করছে।

জগদীশ ধীরে দাঁড়িয়ে বললে, তোমার মুখে যে রোদ এসে পড়ছে, খড়খড়ি ফেলে দি?

দাও, বলে অল্পপমা একবার চোখ চাইলে। একটু হতাশের সুরে বললে, ভেবো না ইয়োরোপ যাবার জগ্গে তোমায় আমি সাধ্ছিলুম, আমার মনে হল, এমনি বলছিলুম।

অল্পপমা আবার চোখ বুজে এলিয়ে শুয়ে পড়ল।

অল্পপমা ভাবতে লাগল, সে যা শুনতে চেয়েছিল, সে কথা শুনতে পেল না। ইয়োরোপে যাবার তার সত্যি এমন কিছু ইচ্ছা নেই। তবু জগদীশ ত বলতে পারত, হাঁ, তোমায় নিয়ে যাব ইয়োরোপে, সুইজারল্যান্ডে সবচেয়ে ভাল স্থানটোরিয়মে তোমায় রেখে দেব। তার একটা ইচ্ছা, একটা খুশি হয়েছে, শুনে বলতে ত পারত, পূর্ণ করব তোমার খুশি। যদি যুদ্ধ বাধে, যদি ভাস্কারেরা অল্পমতি না দেয়, যদি ছুটি না পাওয়া যায়, তা হলে ত পরে যাওয়া হত না, কিন্তু এখন ত জগদীশ তার মনের ইচ্ছা পূর্ণ করতে বলতে পারত, হাঁ, চলো, আমরা যাব ইয়োরোপে, তুমি সেবে যাবে, তারপর নানা দেশ ঘুরব, ছুটি আমি যে করে পারি যোগাড় করব; ইণ্ডিয়া আফিস গিয়ে দেখা করলে, তোমার ব্যাধির কথা বললে, নিশ্চয় দেবে। এ সব কথা ত জগদীশ বললে না, কেন বললে না? বললে ত কোন ক্ষতি হত না, কিন্তু কতবড় লাভ হত, অল্পপমা বুঝত যে, জগদীশ সত্যি তাকে ভালবাসে। না, জগদীশকে পরীক্ষা করতে সে বলেনি। মনের খুশিতে

সে বলেছিল, একথা। শুধু শুনতে সাধ ছিল, জগদীশ বলছে, তোমার ইচ্ছা হচ্ছে, নিশ্চয় বাবো আমরা। সে সাধ পূর্ণ হল না।

রঙীন কুশানে অনুপমা মুখ গু জলে। টেন বড় ছুঁছে। স্থির লৌহবয়ে অবিশ্রান্ত ঘূর্ণমান লৌহচক্রে ঘর্ষণধ্বনি কঠিন ককশ।

অন্ত কোণে জগদীশ চুপ করে বসে টাইম-টেবিলের পাতা ওলটাতে ওলটাতে ভাবতে লাগল, নিশ্চয় ওই কল্যাণ ছোকরাটা এ সব মতলব দিয়েছে।

মোগলসরাই স্টেশনে ট্রেন থামতেই দেবপ্রিয় স্টেশনের টেলিগ্রাফ-আফিসে টেলিগ্রাফ করতে ছুটল। শিশ্রু-সংবাদ কলিকাতার সক্ষার কাগজেই প্রকাশিত হয়ে যাওয়া চাই।

টেলিগ্রাফ-অফিসে ভয়ানক ভিড়। সাহেবী পোশাকপরা এক কৃষ্ণবর্ণ বাঙ্গালীকে সাহায্য করবার জন্য আফিসের কেয়ানীটি ভয়ানক ব্যস্ত। অনেকক্ষণ অপেক্ষা করার পর, দেবপ্রিয় টেলিগ্রাম লেখবার ফর্ম পেলে। ছোট করে গুছিয়ে লিখতেই অনেকক্ষণ কাটল। লিখতে লিখতে মাঝে মাঝে সে মাথা তুলে দেখলে, সেই কৃষ্ণবর্ণ বাঙ্গালীটি তার দিকে কটমট করে চাইছে।

লেখা তখনও শেষ হয়নি, ছাই রঙের স্ট-পরা লোকটি এগিয়ে এল। যেন একটু তিক্তস্বরে বললে, আপনি কি দেবপ্রিয়—?

দেবপ্রিয় স্থির দৃষ্টিতে চাইলে। জগদীশের মতন মুখ মনে হচ্ছে। কলেজে জগদীশ এই রকম রঙের স্ট পরে আসত, তার ভাঁজগুলি এমনি নিখুঁত থাকত। হ্যাঁ, জগদীশই হবে। ওই রকম কালো খাবড়া মুখ, মোটা নাকের পাশে ছোট চোখ, বিরল। ওই কদাকার-ধর্মন সহপাঠীর সঙ্গে কলেজে দেবপ্রিয়ের বিশেষ ভাব ছিল। কলেজে দেবপ্রিয় ছিল খ্যাতানামা ছাত্র, বিশ্ববিদ্যালয়ের স্বর্ণপদক-মার্কী। জগদীশ কোন পরীক্ষায় তার সমকক্ষ হতে পারে নি। সেজন্য জগদীশের ঈর্ষা ও ক্ষোভ বড় কম ছিল না। সেই জগদীশ আজ মোটা মাহিনার গভর্ণমেন্ট অফিসার। বিলেতে যাবার টাকা ছিল বলেই আজ জগদীশ এমন চাকরি পেয়েছে। কেশ্বিন্দ্ৰে গিয়ে পড়বার

মৃত পিতৃসঙ্কিত অর্থ যদি দেবপ্রিয়ের থাকত, আজ সে আই. সি. এস. না হলেও একটা বড় অধ্যাপকও ত হতে পারত।

চশমার কালো কাচ দিয়ে জগদীশের দিকে চেয়ে দেবপ্রিয় ভাবলে, সে বলে, না সাহেব, আপনি ভুল করছেন, আমি আপনার জানা সে দেবপ্রিয় নই। এ জগদীশকে না চিনলেও ক্ষতি নেই। তবু দেবপ্রিয় জগদীশের দিকে চেয়ে রইল, জানতে ইচ্ছে করল, সহপাঠী জগদীশের কতখানি পরিবর্তন হয়েছে। মুহূ হেসে সে বললে, হাঁ জগদীশ-সাহেব, চিনতে ভুল করনি।

জগদীশের স্টপের। ৭ সাহেবীমানার জ্ঞান সকলে তাকে পরিহাস করে, জগদীশ-সাহেব বলে ডাকত।

—তাইত বলি, দেবুর মতন মনে হচ্ছে, তবে অত বড় টাক দেখে একটু দ্বিধা হচ্ছিল।

দেবপ্রিয়ের হাত ধরে জগদীশ জোরে ঝাঁকুনি দিলে।

—অত জোরে টিপো না। জোরে হ্যাণ্ডসেক করার অভ্যাস বায়নি দেখছি।

—কতদিন পর দেখা বল ত, দেখে বড় আনন্দ হচ্ছে তোমাকে, এই টেনেই যাচ্ছ ? এত কি টেলিগ্রাম লিখছ ?

লেখা কাগজগুলি দেবপ্রিয় শার্টের পকেটে পুরে ফেললে। সে বললে, একটা খবর পাঠাব ভাবছিলুম, পরে অগ্নি কোন স্টেশন থেকে পাঠাব, এখানে যা ভিড় দেখছি।

—দরকারী হয় এখান থেকেই পাঠাও, আমি বলে দিচ্ছি ক্লার্ককে।

—না, না, দরকার নেই ; তোমার টেলিগ্রাম করা হয়ে গেছে ?

জগদীশ সন্দ্বিগ্ধভাবে দেবপ্রিয়ের দিকে চাইলে। তার সম্বন্ধে কোন খবর পাঠাচ্ছিল নাকি ?

—কাকে খবর পাঠাচ্ছিলে ?

দেবপ্রিয় ব্যঙ্গের সুরে বললে, আমার খবরের কাগজের আফিসে পাঠাচ্ছিলুম, তোমার সম্বন্ধে নয়, ভয় নেই, একটি অভিনেত্রীর উদ্দেশ্যে লিখছিলুম।

এ ব্যঙ্গময় কণ্ঠস্বর জগদীশের চেনা। সে একটু চমকে উঠল, তারপর হো হো করে হেসে বললে, আজকাল অভিনেত্রীতে ইন্টারেস্টেড নাকি ? সে ভাগ্যবতী কে ? টেলিগ্রাম যদি না বণো ত চলো, একটু চা খাওয়া যাক, রেস্টোরাঁ-কারে।

ট্রেনের দিকে দু'জনে এগিয়ে চলল।

দেবপ্রিয়ের পিঠ মুছ আঘাতে চাপড়ে জগদীশ বললে, তুমি ত আজকাল খ্যাতনামা লেখক। ক'খানা বই হ'ল ?

—এসব খবরও তোমায় রাখতে হয় নাকি ?

—আমার স্ত্রীর হাতে তোমার কি একখানা বই দেখছিলুম একদিন, 'সমীকরণ' বলে—

—'সমীকরণ', ও নামে কোন বই লিখেছি বলে ত মনে হচ্ছে না, 'সমীকরণ' নয় নিশ্চয় !

—তা হতে পারে। আমার স্ত্রী তোমার লেখা গব পছন্দ করেন। সেদিন আমায় পড়ে শোনাচ্ছিলেন। চলো, তোমার সঙ্গে আলাপ করিয়ে দি।

—এই যে বললে, রেস্টোরাঁ-কারে যাবে চা খেতে।

—ও ইয়েস, চলো, আগে চা খেয়ে নেওয়া যাক।

রেস্টোরাঁ-গাড়ীর সম্মুখে এসে দেবপ্রিয় বললে, আমি ত এখন বেতে পারব না, তুমি চা খাও গে।

—সে কি ! আবার টেলিগ্রাম করতে হবে নাকি ?

—না। মাকে নিয়ে বোধে যাচ্ছি, তাঁকে একবার দেখে আসা দরকার।

—আর অভিনেত্রীটিও কি সঙ্গে যাচ্ছেন ?

—সঙ্গে না হলেও এক ট্রেনে।

—শোন, আমি প্রথমশ্রেণীর কুপেতে আছি, ছিওকিতে নিশ্চয় এসো। আমার স্ত্রী তোমার সঙ্গে আলাপ করে বিশেষ খুশি হবেন।

মাঘের গাড়ীর দিকে গেতে যেতে দেবপ্রিয় পথে থমকে দাঁড়াল। প্রথমশ্রেণীর এক গাড়ীর সম্মুখে পাগড়িওয়ালা পাহারা। গাড়ীর মধ্যে এক সুন্দরী যুবতী ও চঞ্চলা তরুণী ; সামনে টেবিলে চায়ের সবজাম,— পেয়ালার টুং টাং শব্দ, তরুণীর উচ্ছ্বসিত হাস্যের মধ্যে সুন্দরীর স্থিরমূর্তি, অগাধকার-শোভিত হস্তের কম্পিত ভঙ্গী, শুভ্র আননে ক্ষণিকের রক্তিমাবড় সুন্দর।

মাঘের সঙ্গে দেখা করে দেবপ্রিয় আবার প্রথমশ্রেণীর কুপের সম্মুখে এসে দাঁড়াল। জগদীশ শুধু ভাল চাকরি নয়, পরমাসুন্দরী স্ত্রী লাভ করেছে। আর কলেজে প্রোফেসরগণ বলতেন, দেবপ্রিয়ের ভবিষ্যৎ সমুজ্জ্বল। তখন কে জানত, কোন্ অফিসে কেরানীগিরি করে জীবন কাটাতে হবে।

পকেট থেকে টেলিগ্রামের লেখা কাগজগুলি বার করে সে ছিড়ে ফেললে। সামান্য অর্থলাভের জ্ঞাত, এত ঘটা করে টেলিগ্রাম করতে তার ঘৃণা বোধ হল। বস্তুত, জগদীশকে দেখে তার অন্তর ক্ষোভিত হয়ে উঠেছে, ব্যর্থ হল তার জীবন। ভাগ্য তাকে বার

বার বিক্রপ করেছে। প্রভাতের আলো যেন কালিমাভরা। কালো পর্দার ওপর সোনালী তারার মতই জ্বলছে, ওই অপকুপা নারী।

—দেবপ্রিয় বাবু! অ—দেব—প্রিয়—বা—বু!

সৌন্দর্যস্বপ্ন হতে চমকে দেবপ্রিয় চাইলে। কুপের পাশের প্রথম শ্রেণীর গাড়ী হতে শিপ্রা তাকে চেষ্টায়ে ডাকছে। সে কম্পার্টমেন্টের দিকে দেবপ্রিয় এগিয়ে গেল।

শিপ্রা বললে, বাবা, এত চেষ্টাচ্ছি আপনি শুনতেই পান না। কি হাঁ করে দেখছিলেন?

—যা গোলমাল স্টেশনে।

—টেলিগ্রাম করলেন?

—টেলিগ্রাম করিনি।

—করেন নি? কেন? আমাদের ওপর চটে গেলেন নাকি? এই দেখ, গণেশবাবু, তুমি কি সব বলেছিলে ঠিক—দেখচ পণ্ডিত মাহুষ উনি।

—না, না, সে জ্ঞান নয়। আমি সত্যি চটিনি। কেমন ইচ্ছে করল না করতে।

—তা বেশ করেছেন। বোধহেতে সারপ্রাইজ ভাল করে হবে। আহ্নন আমাদের গাড়ীতে। আপনাকে আমাদের ভাল লেগেছে। বেশ লোক আপনি।

দেবপ্রিয় অজানিতভাবে টাকের উপর হাত বুলিয়ে নিলে। এটাও কি অদৃষ্টের আর একটা পরিহাস। হোক পরিহাস, এ রক্কে সে যোগ দিতে চায়।

দরজা খুলে গণেশ বললে, উঠে আহ্নন দেবপ্রিয় বাবু, কি ওই সম্মানীদের দলে পড়ে থাকবেন? চা খেয়েছেন?

দরজার ফাঁক দিয়ে দেখা গেল, বেঞ্চির উপর চায়ের ট্রে'র পাশে চারটি বোতল সাজান।

—আপনার মুখ দেখে বুঝতে পাচ্ছি, চা আপনি খান নি।

—আচ্ছা, একটু চা খেতে পারি, কিন্তু এখুনি গাড়ী ছেড়ে দেবে।

—তাতে কি!

—এটা যে ফাস্ট ক্লাশ।

—মশাই, চারখানি টিকিট কিনে কম্পার্টমেন্ট রিজার্ভ করা হয়েছে, কি ভয় পাচ্ছেন আপনি!

—কম্পার্টমেন্ট রিজার্ভ করবার দরকার কি ছিল?

—কেন করব না? পয়সা কিসের জগ্গে মশাই? কমফর্ট চাই, বুঝলেন। উঠে আছেন, বেশ গল্প করতে করতে যাওয়া যাবে—আর এসব একা খাওয়া যায় না, বুঝতে পারেন ত।

দেবপ্রিয়ের টাকের উপর গণেশ হাত বুলিয়ে দিলে।

শিপ্রা হেসে বললে, তুমি আবার ঝুঁকে ভয় দেখাচ্ছ কেন? না, না, দেবপ্রিয় বাবু, ওসব আপনাকে খেতে হবে না। আপনি ফ্রেশ জানেন?

—ফ্রেশ? কিছু জানি, কেন?

—আমি দেখেই বুঝেছিলুম, আপনি জানেন। উঠে আছেন, এবার ট্রেন ছেড়ে দেবে। ফ্রেশ-জানা একজন পণ্ডিত অভিনেতা আমাদের দরকার।

দেবপ্রিয় ভাবলে, সে বলে, নিরিবিলা থাকবার জগ্গে আপনারা কম্পার্টমেন্ট রিজার্ভ করেছেন,—

নটী শিপ্রার দিকে চেয়ে সে কোন কথা বলতে পারলে না। চঞ্চলপদে গাড়ীতে উঠে দে. শিপ্রার পাশে বসল। গণেশের দিকে চেয়ে বললে, এখনও একটা বোতলও খোলেন নি?

শিপ্রা কটাক্ষপাত করে বললে, তবে যে ও গাড়ীতে বড় ভালমানুষ
সাজছিলেন!

গণেশ হেসে বললে, আহা, যেখানে যে-রকম সাজতে হয়, বোঝ না—
কত জায়গায় কত রকম রূপ ধরতে হয়,—কবি বলেছেন না—
the world is a stage—কি বলেন—আমি দেখেই বুঝেছি
আমাদের দেবপ্রিয়বাবু লোক ভাল—কি বলেন—তা হলে একটা
বোতল—

শিপ্রা বাধা দিয়ে বললে, তুমি আগে চা খাও দেখি—বোতল ত
পালাচ্ছে না।

—শিপ্রা দেবী যখন বলছে, তাই হোক। কি বলেন! দেবপ্রিয়বাবু,
আমি চুপচাপ লোক ভালবাদি না, মশাই। পাঁচ মিনিট কথা না কইতে
পারলে আমি হাঁপিয়ে উঠি।

—তুমি বুঝতে পার না, দেবপ্রিয়বাবু একটা পণ্ডিত লোক, দার্শনিক
মানুষ, কত বিষয় ভাবেন।

দেবপ্রিয়ের হাতে চায়ের পেয়ালা দিয়ে শিপ্রা হেসে উঠল। ইঞ্জিনের
টানে দোলার জন্তু অথবা দেবপ্রিয়ের হস্তকম্পনের জন্তু খানিকটা চা
উছলে গড়িয়ে পড়ল।

মোগলসরাই স্টেশন ছাড়িয়ে ট্রেন ছুটে চলল।

সোনালী চায়ের দিকে চেয়ে দেবপ্রিয় ভাবল, নর্তকী শিপ্রার হাতের
তৈরি চা সে কোন দিন খাবে, কে ভেবেছিল!

মালতী বললে, অল্পমাদি, আর এক কাপ চা?

অমুপমা হেসে বললে, তোর যে প্রথম কাপ এখনও শেষ হল না, অত ভেবে কি হবে। খার্মোমিটারটা আমায় দে ত।

—তোমার কি জ্বর এল নাকি ?

—জ্বর এসেছিল, এখন বোধ হয় ছেড়ে গেছে, সে-টা দেখছি।

—এদিকে গাড়ী যে ছেড়ে দিল।

—কি অমূল্য জিনিস রয়েছে তে মার গাড়ীতে! শেন, পরের স্টেশনে তোর জিনিসগুলো এ গাড়ীতে আনিয়ে নিচ্ছি, তুই আমাদের সঙ্গে চল।

—বা, তোমাদের গাড়ীতে যাব কি করে, তোমরা আলাদা যাবে বলে কুপে রিজ্রাত করেছ।

—আচ্ছা দিনের বেলা চল ত। আমি টিকিট বদলে দিচ্ছি।

—না, সে হয় না।

—আমি জানি, তুই কি ভাবছিস। তুই ভাবছিস, তুই যদি ও গাড়ীতে থাকিস ত সমরও ও গাড়ীতে লুকিয়ে থাকতে পারে। আচ্ছা আমরা যদি ওকে এ গাড়ীতে লুকিয়ে রাখি।

—সে অসম্ভব। সমরও রাজী হবে না। তা ছাড়া, ও কোথায় গেল কিছু বুঝতে পারছি না। মোগলসরাইতে বোধ হয় অত্র ট্রেনে চলে গেল।

—সে ভয় করিস না। ও ঠিক এ ট্রেনেই যাচ্ছে। আচ্ছা, তোদের কদ্দিনের ভাব ?

—তুমি কিছু বুঝ না। আমাদের মধ্যে বিশেষ কিছুই আলাপ ছিল না!

—কিন্তু ট্রেনে এক রাতেই—লুকোলে কি হবে, তোর মুখ দেখে বুঝতে পারছি না ?

—আমি মানছি, সময়ের জন্ম বিশেষ চিন্তিত, উদ্বিগ্ন বলতে পার, অমন ছেলে, সত্যি যদি ধরা পড়ে—তা ছাড়া, ওর সঙ্গে পরামর্শ করছিলুম, যদি একসঙ্গে ইয়োরোপ যাওয়া যায়—অতদূর একা যেতে সাহস হচ্ছে না।

—বেশ, বুঝেছি।

—সময়ের মাকে একথানা চিঠি লিখতে হবে।

—আচ্ছা, সময় যদি ওপথ ছেড়ে দেয়, আমি ঠুঁকে বলতে পারি, উনি কোন ভাল চাকরি করে দিতে পারেন।

—সময় মোটেই তা রাজী হবে না, তুমি এসব ছেলেদের জান না। কি তুমি যা-তা বলছ।

—আচ্ছা, মালতি, সময়কে একবার জিজ্ঞেস কর, গভর্নমেন্ট তাকে ভাল চাকরি দিতে রাজী আছে।

—ও সব কথা আমি বলতে পারব না।

—তা হলে আমাকেই বলতে হবে।

—কেন?

—তা ছাড়া, ওকে বাঁচাবার কোন উপায় নেই। সত্যি বলছি, সময়কে আমার বড় ভাল লেগেছে। ওর জীবনটা অমন করে নষ্ট হতে দেব না।

—নষ্ট কাকে বল? হাজার হোক, গভর্নমেন্ট অফিসারের স্ত্রী ত, তুমি আর অল্প রকম কি করে ভাববে?

অল্পমার কালো চোখের তারা জলে উঠল। করুণ স্বরে সে বললে, দেখ্ মালতি, আমি কি ভাবি, না ভাবি, তা বোঝবার বয়স তোরা এখনও হয়নি, ভগবান করুন, যেন আমার মত দুঃখ না পাস্।

মালতী অল্পমার তপ্তহৃৎ জড়িয়ে বললে, ক্ষমা করো, অল্পমাদি।

আমি কিছু ভেবে বলিনি। মনটা স্থির নেই, তুমি জান। কিন্তু সমর সম্বন্ধে গুরুত্ব কথা তুমি কি ভাবতে পার?

—আচ্ছা, আমার অনুরোধ, তুই একবার সমরকে জিজ্ঞেস কর। তার উত্তরটা শুনতে চাই।

—এখন তার দেখা পেলো ত।

রৌদ্রালোকিত প্রান্তরের দিকে ছ'নে শুদ্ধ হয়ে চেয়ে রইল।

আকাশ কি স্নিগ্ধনীল! আলোক কি অপূর্ব উজ্জ্বল! কল্যাণের হৃদয় কোন্ আনন্দ-রসে কানায় কানায় ভরা। প্রভাতালোকপূর্ণ সবুজ পৃথিবীর দিকে চেয়ে সে বসেছিল।

ঘুম তার অনেকক্ষণ ভেঙে গেছে। তবু যেন সে ঘুমঘোর কাটাতে চাইছে না, কোন্ ক্ষণিকের স্থখস্বপ্নকে দীর্ঘ করে তুলতে চায়। সঙ্গীত থেমে গেলে স্বরের রেশগুলি যেমন নীরবে কানে বাজে, তেমনি দেহমনের তন্ত্রীতে কোন স্পর্শের বাহ্যার সে থামতে দিতে চায় না, তারি স্বর রজতবর্ণ আলোকধারায় আকাশের নীলপেয়ালা হতে উপড়ে পড়ে, ধরবীর শ্রামলিমায় উচ্ছ্বসিত।

অল্পপমা তাকে ভালবাসে কি-না, সে কি অল্পপমাকে ভালবাসে, এ সব কথা সে ভাবতে চায় না। আকাশ-পৃথিবী-জোড়া আলোকের আনন্দ-সঙ্গীতের মধ্যে কোথাও যেন ভালভঙ্গ না হয়।

রাত্রিশেষের স্নিগ্ধ আলো-অন্ধকারে দ্রুতগামী গাড়ীর মধ্যে ব্যথিতা পীড়িতা অল্পপমা তার পিঠে ঠেসান দিয়ে যখন ঘুমিয়ে পড়েছিল, তখন কল্যাণ যে গভীর শান্তি, যে নিবিড় আনন্দ অহুভব করেছিল,

একরূপ অগ্নি উপলব্ধি তার কখনও হয়নি। সে শান্তির স্বরকে সে
ছিন্ন করতে চায় না। এ ভালবাসা নয়, অতৃপ্ত তৃষ্ণার ক্ষণিক নিবৃত্তি
নয়, এ অস্থিত্তি বাক্যাতীত।

গির্জাপুর স্টেশনে ট্রেন থামতে কল্যাণ গাড়ী থেকে নেমে পড়ল।
অল্পপমার স্নিগ্ধ স্তম্ভর মুখ সে দেখতে চায়, জগদীশের সঙ্গে আলাপ
করতে চায়। জগদীশকে হয়ত বলতে চায়, অল্পপমা যে অস্থিত্তি একথা
কি সে জানে, অস্থিত্তি করে?

কুপের সামনে এসে কল্যাণ স্থির হয়ে দাঁড়াল। জোরে আসতে
সে হাঁপাচ্ছে। জগদীশ নেই, মালতী মল্লিক অল্পপমার পাশে বসে।
অল্পপমার মুখ দেখা যাচ্ছে না, কালো চুলের কুণ্ডলী রেশমের জালে
বাঁধা; রূপালী বন্ডের ব্লাউজ-ঘেরা পিঠ নিস্তরঙ্গ হৃদয়ের মত।

অল্পপমা তখন মালতীকে বলছে, তোর জন্তু একটা প্রান
করেছিলুম।

—কি অল্পপমাদি?

—কল্যাণের সঙ্গে তোর আলাপ করিয়ে দিতে চাই। কল্যাণকে
তোরা ভাল লাগবে। ইয়োরোপে বেশিদিন থেকে বোধ হয় একটু যাকে
বলে-বস্তুতাত্ত্বিক হয়েছে, সে আইভিয়ালিজম্ আর নেই। কিন্তু
সময়ের দিকে যা টান দেখছি।

—বার বার এক কথা বোলো না। একটু চুপ কর দেখি, ওই দেখ,
বোধ হয় তোমার কল্যাণ—

—হ্যাঁ, ওই ত কল্যাণ! হীরা সিং সাহেবকো সেলাম দেও।

বস্তুচালিতের মত কল্যাণ কুপের চেয়ারে এসে বসল। তার বুক
ধক্ ধক্ করছে। অল্পপমার দিকে সে স্থিরনয়নে তাকাল। গত
ব্রাতের চঞ্চলা মোহিনী অল্পপমা, শান্ত নিদ্রাতুরা অল্পপমার সঙ্গে এ

জাগরণফুল অল্পমার যেন কোথাও মিল নেই; সে স্বপ্নের অল্পমা প্রভাতের শুকতারার মত মিলিয়ে গেছে। কল্যাণ বিস্মিত ব্যথিত হন। তার বুকে কে যেন ঘা দিলে। এ রহস্যময়ীর কৃষ্ণনয়নে কোন্ স্বপ্নের দৃষ্টি।

বহুশ্রম্য হেসে অল্পমা বললে, তোমারি নাম হচ্ছিল কল্যাণ!

—শুনে বিশেষ গব অনুভব করছি।

কল্যাণ মালতীর দিকে চাইলে।

সহসা রক্তোচ্ছ্বাসে সে মুখ রক্তিম।

—মালতীকে বলছিলুম, বেশি দিন ইছোরোপে থাকলে লোকে বস্তুতান্ত্রিক হয়ে যায়।

—অর্থাৎ Materialist আর ভারতবর্ষে সব আধ্যাত্মিক! এটা তোমার মন্ত ভুল ধারণা। কোন বড় সভ্যতা বস্তুতান্ত্রিক হয়ে বাঁচতে পারে না।

—বেঁচে আছে, কে বললে? তার মৃত্যুর দিন ঘনিয়ে আসছে।

—তার প্রাণ আছে, এ কথা অস্বীকার করতে পার না। অনেকগুলি বড় আইডিয়াল ওপর, সত্যের ওপর সে সভ্যতা প্রতিষ্ঠিত। সে আইডিয়ার জগৎ সে দেশের নরনারী প্রাণ দিতে পারে। তবে যে স্বপ্নবিলম্বকে তোমরা আইডিয়ালিজম্ বল, তা সে দেশে নেই।

মালতী এবার কথা কইলে, স্বপ্ন আপনি কাকে বলেন?

—যা নিছক মনগড়া কল্পনা, বাস্তবের কোন ভিত্তি নেই, তাই স্বপ্ন।

প্রভাতালোকের শাস্তির সুরভরা সঙ্গীত শেষ হয়ে গেছে। কল্যাণ যেন সবাইকে আঘাত করবার জগ্ন উত্তত।

মালতী ক্ষুণ্ণবরে বললে, মন দিয়েই কি আমরা পৃথিবী গড়ছি না,
তার রস তার সৌন্দর্য সবই ত অন্তরের অন্তত্বতি।

অহুপমা হেসে বললে, দার্শনিক তত্ত্বালোচনা থামা দেখি, দেখ্ ত,
কেটলিতে চা আছে কি না?

মালতী বললে, কিছু আছে, তবে ঠাণ্ডা।

কল্যাণ মুহু হেসে বললে, ঠাণ্ডাই দিন, হৃদয়ের তাপে গরম করে
নেওয়া যাবে।

মালতী চুপ করে কাপে চা ঢালতে লাগল।

মির্জাপুর স্টেশন পার হয়ে ট্রেন ছুটে চলল।

সন্ধ্যাসী প্রেমদাসের নিকট বিরিকি এগিয়ে এল। অন্ত বাত্মীরা
অন্ত সব গাড়ীতে চলে গেছে, শুধু রাখাকান্ত চা খেয়ে নোটবুক
খুলে হিসাব করছে। প্রেমদাসের সঙ্গে নিভুতে কথা কইবার এমন
সুযোগ আর পাওয়া যাবে না।

বিরিকি ধীরে বললে, ঠাকুর, একটা নিবেদন আছে।

নিনিমেষ নয়নে প্রেমদাস বিরিকির দিকে চাইলেন। সে দৃষ্টিতে
স্নিগ্ধতা নেই, কারুণ্য নেই, তীক্ষ্ণ মর্মভেদী আলাভরা সে দৃষ্টি।

বিরিকির কেমন ভয় হল। সে আর কোন কথা বলতে পারলে
না। তার অন্তরের কথা বলে ঔষধ প্রার্থনা করতে পারলে না।

প্রেমদাস উঠে দাঁড়িয়ে তাকে বুক জড়িয়ে ধরলেন, যেমন তিনি
বিরিকিকে ট্রেনে প্রথম দেখে জড়িয়ে ধরেছিলেন।

কোন অজানা ভয়ে বিরিকির বুক কঁপে উঠল।

দীর্ঘে সে বললে, ঠাকুর আমাব অস্থখের কথা আপনায় একবার বলেছিলুম, বার বার বলতে লজ্জা করে—

—কোন ভয় নেই, তোমার অস্থখ শীগগীর সেরে যাবে।

—ঠাকুরের আশীর্বাদে—তবে অনেকদিন পর কাল রাতে হঠাৎ ব্যথা বোধ হয়েছিল।

—কোন বেদনা থাকবে না, বিরিকি নির্ভয়ে এগিয়ে চল। যাত্রী তুমি।

—ঠাকুর, আপনার সহযাত্রী হতে চাই।

—কাহারো পব দাখ, কাহারো বক্র সঙ্কার্গ, সহযাত্রী হতে চাইলে যে সঙ্কার পথের ডাংখের ভাগ নিতে হবে—একাই যেতে হবে, বিরিকি। কোন ভয় তোমার নেই। দেখি, বাপাকাস্তবাবু আমাকে কি যেন বলতে চান।

বাপাকাস্ত হিসাবেব বই হতে মুখ তুলে চমকে চাইল।

—আমার নাম বাপাকাস্ত কি কবে জানলেন?

—ঠাকুর ইচ্ছা করলে সবই জানতে পারেন।

—জানেন? পারেন? হ্যাঁ?

—আপনি কলিকাতাব এক প্রসিদ্ধ ধনী ব্যবসাদার, আপনার নাম জানা কি আশ্চর্য্য।

—ধনী? হুঁ। ইন্সলভেন্সি নিতে হবে!

—ঠাকুরের রূপা হলে—

—রূপা! দিন না যোগাড় করে কিছু টাকা—বেশি নয় তিন লাখ—আমি ঠাকুরের শিষ্য হতে রাজী আছি, দেখি সম্মানসূর্য শক্তি।

—সম্মানসূর্য কাজ কি টাকা যোগাড় করে দেওয়া—আপনি বিচক্ষণ ব্যবসায়ী হয়ে এ কথা বললেন?

—তবে অর্লৌকিক শক্তি কি ?

—আচ্ছা, টাকা আমি দিতে পারি, আপনি নিয়ে কি করবেন ?

বিরিঞ্চি প্রেমদাসের দিকে সন্দ্বিধনয়নে চাইলে। সন্ন্যাসী হয়ত কোথাও গুপ্তধনের সন্ধান পেয়েছেন, অথবা কোন ধনী শিষ্যের বিষয়-লাভ করেছেন। তারও যে টাকার বড় দরকার।

রাধাকান্ত দাঁড়িয়ে উঠে বললে, আমি নিজের জন্মে চাইছি না, আমি চাইছি আমার কলকারখানার জন্মে, আমার মিল বাঁচাতে হবে। তার ওপর লাগিয়েছে ধর্মঘট, যত বদমাইস শা—

ক্রোধে সে কাঁপতে লাগল।

—রাধাকান্তবাবু, শাস্ত হোন। যদি আপনি আজ তিন লাখ টাকা পান, আমায় কি দেবেন ?

—দেবেন, আমায় দেবেন—আপনি সন্ন্যাসী, আপনার টাকা কি হবে, আমার যে টাকার বড় প্রয়োজন।

অবেগের সঙ্গে রাধাকান্ত আবার উঠে দাঁড়াল, তারপর সন্ন্যাসী প্রেমদাসের পা ভড়িয়ে ধরল।

—জীবনে কখনও এমন করে কারো কাছে ভিক্ষে চাইনি, আমার আলিপূরের বাড়ী মটগেজ দিতে রাজী আছি।

রাধাকান্তকে ধরে তুলে প্রেমদাস বৃকে ভড়িয়ে ধরল।

—রাধাকান্তবাবু, আপনার নিষ্ঠা দেখে বড় আনন্দ হল। আপনি যা চান ত সমস্ত প্রাণ দিয়ে চান, আপনি সত্যপরায়ণ লোক—পাবেন, আপনি টাকা পাবেন।

—কে, কে দেবে ? আপনি ? কখন ? এখুনি টেলিগ্রাম করতে হবে যে—

—আমি সন্ন্যাসী, আমি কোথা থেকে দেব ? তবে আপনি আজকের মধ্যে টাকা পাবেন ।

—সব হৈয়ালি, ভণ্ডামি !

প্রেমদাসকে ঠেলা দিয়ে ছেড়ে রাখাকান্ত নিজের বেকের এক কোণে শুন্ম হয়ে বসল । এ আবেগ, এ ভিক্ষা চাওয়ার জন্ত সে লজ্জিত, শূদ্ধ ।

—দেখ বিরিকি, রাখাকান্তবাবুর একপ্রাণতা আছে, কিন্তু বিশ্বাস নেই ।

—বিশ্বাস না থাকলে মুক্তি কি করে হবে ঠাকুর ? ভক্তির মূলে যে বিশ্বাস ।

—হৃন্দর কথা বলেছ । কিন্তু রাখাকান্তবাবু ত মুক্তি চান না ।

বিরিকি ভাবল সে বলে, আমি মুক্তি চাই । শুধু ছোট মেয়েটির বিবাহ হয়ে গেলে ও ছেলেটির একটা চাকরি হগেই—ঠাকুরের অনেক ধনৌ শিখ্য আছে—

কিন্তু প্রেমদাসের স্তব্ধ গম্ভীর মূর্তি দেখে সে কোন কথা বলতে পারলে না ।

দীপ্ত আলোকপূর্ণ আকাশের দিকে চেয়ে প্রেমদাস স্তব্ধ হয়ে বসলেন ।

ছিওকী স্টেশন ছাড়িয়ে বোম্বে মেল ছুটে চলেছে, মধ্য-ভারতের গিরি নদী তরঙ্গায়িত প্রান্তর পার হয়ে।

প্রথম বোতল শেষ করে গণেশ বললে, কি দেবপ্রিয়বাবু, অর্ধেক গেলাস এখনও রয়েছে যে।

শিপ্রা হেসে বললে, দেবপ্রিয়বাবুর ভয়, পাছে তিনি মাতাল হয়ে যান। তোমার অহুরোধে খেয়েছেন ত অনেকটা।

গেলাসটা নাড়তে নাড়তে দেবপ্রিয় বললে, দেখুন, আমেজ একটু লেগেছে, এর বেশি মাত্রা বাড়াতে গেলে মত্তাবস্থার সৃষ্টি হতে পারে, নিজের কথাবার্তা ব্যবহারের উপর নিজের কতৃৎ হারিয়ে ফেলতে পারি, মাহুঘের এর চেয়ে দুর্বস্থা কি হতে পারে!

গণেশ উচ্চহাস্তে দাঁড়িয়ে উঠল। শিপ্রা কিন্তু একটু বিষণ্ণভাবে দেবপ্রিয়ের দিকে চাইলে।

দেবপ্রিয় বললে, দেখুন, মাহুঘের সঙ্গে পশুব তফাৎ হচ্ছে, মাহুঘের বুদ্ধি আছে, সেই বুদ্ধি লোপ করতে আমি রাজী নই। কথা কইব, হাসব, হয়ত বিজ্ঞের মত কথাও বলব, অথচ আমি কি করছি, কি বলছি, নিজেও জানব না, বুঝব না,—

শিপ্রা বাধা দিয়ে বললে, আপনি বোধ হয় এর আগে কখনও পান নি?

দেবপ্রিয় বললে, না।

দ্বিতীয় বোতল খুলতে খুলতে গণেশ বললে, নেশা একটু লাগতেই ভাল ভাল কথা বলতে আরম্ভ করেছেন দেখছি! কিন্তু পণ্ডিতের মত

ত কথা হচ্ছে না। আমরা কি সত্যিই বুদ্ধি দ্বারা চালিত হই? আমরা যে কাজ করি, তা কি কোন বহুশ্রম অজানা শক্তি দ্বারা চালিত হয়ে করি না? এই যে আমি অভিনেত্রী শিপ্রাদেবীকে ফাস্ট ক্লাস রিজার্ভ করে নিয়ে চলেছি, এই যে আপনি তাব পাশে বসে চা খেলেন, হুইস্টি খাচ্ছেন, এসব কি আমরা বুদ্ধি দ্বারা পরিচালিত হয়ে করছি—কি যে আমরা চাই, কেন যে আমরা চাই, তা আমরা নিজেরাই জানি না। ছুটে চলেছি জীবনের ভোগেব নেশায়, তার আশা, আনন্দ, অতৃষ্ণি, বাসনা, আর বাসনার ব্যর্থতা—সেই নেশার বেগ, নেশাব জ্বালা কমানাব ফুগেই এই নেশা কবি, বুঝলেন দেবপ্রিয়দাস, যাকে বলে বিষে বিষে বিষময়—

‘পপ্’ করে বোতলের ডিপি খোলাব শব্দ হতেই গণেশ চুপ করল। দেবপ্রিয় বিস্মিত হয়ে গণেশের দিকে চেয়ে ভাবলে, এই লক্ষপতি যুবক একটা বুদ্ধিমান কামুক নব। জীবনকে এ নূতন রূপে গভীরভাবে ভোগ করতে চায়, জানতে চায়। লক্ষপতি পূর্বপুরুষদিগের ভোগ-বাসনাব অতৃষ্ণি অনলেব মত জ্বলছে, নিজের জীবনকে উড়িয়ে দিয়ে সে কামনাকে পরিহাস করতে চায়।

দেবপ্রিয় ভাবতে লাগল, গণেশ ঠিক কথাই বলেছে। আমরা বুদ্ধিবত্তি দ্বারা পরিচালিত নই। ট্রেনে সিনেমা অভিনেত্রীর পাশে বসে সে হুইস্টি খাচ্ছে, এ কথা সে কোন দিন কল্পনাও কবতে পারে নি। অথচ হুইস্টিব সানন্দে বসেই ত খাচ্ছে।

শিপ্রার গাড়ীতে উঠে সে যে গল্প কবতে কবতে চলেছে, এ শুধু সাংবাদিকেব সাংবাদ-সাংগ্রহের প্রচেষ্টা বললে ভুল বলা হবে। এব মন্য কি মোহ নেই? কোন গুপ্তকামনা পরিতৃপ্তির প্রবাস নেই? শিপ্রা তাকে মুগ্ধ কবেছে। সে মুগ্ধতায় হৃদয় মত্ত, আবেগে আন্দোলিত। ওই

কালো মেয়ের স্ঠাম রূপ যেন কালো পাথরে খোঁদাই-করা ফিড়িয়সের হাতে-গড়া তরুণী, অথবা কালিদাসের উজ্জয়িনী হতে বহুযুগ পার হয়ে কোন নটী চঞ্চলপদে এসে অবাক হয়ে বসেছে। এ মোহন মুগ্ধতাকে ত সে বুদ্ধির বাণ দিয়ে ছিন্ন করতে চায় না।

বস্তুত জগদীশের সঙ্গে দেখা হবার পর হতে দেবপ্রিয়ের অন্তর অশান্ত হয়ে উঠেছে। যেন কোন বৃহস্পতি বিদ্রোহী সংস্কারের শেকল ভেঙে বুদ্ধির কারাগার হতে ছুটে পালিয়ে চলেছে। সে বস্তুতের দলে থাকবে না, ধনবানদের মত সে-ও জীবন উপভোগ করতে চায়।

ভাবতে ভাবতে দেবপ্রিয় গেলাসের বাকি লুইক্টিকু খেয়ে ফেললে। গলা জলে ঠাঠাতে সে চমকে উঠল। স্মৃশালোকিত পৃথিবী, চঞ্চল বনপ্রান্তর বড় হৃন্দর লাগল।

বিস্মিত হয়ে শিপ্রা দেবপ্রিয়ের দিকে চাইলে। মদ খেয়ে দেবপ্রিয় ঘেন গভীর চিন্তায় মগ্ন। মূৰ্খ মাতাল শিপ্রা অনেক দেখেছে, একবার পণ্ডিত মাতাল দেখতে ইচ্ছে করছে, অথচ দেবপ্রিয়কে মাতাল করে তুলতে তার ভাল লাগছে না। গণেশ যে দেবপ্রিয়কে মাতাল করে মজা দেখতে চায়, এ কথা বুঝে সে দেবপ্রিয়ের শূন্য গেলাসটা উল্টে রেখে দিলে। দেবপ্রিয় স্তব্ধ হয়ে বসে রইল।

শিপ্রা বললে, অত কি ভাবছেন, দেবপ্রিয় বাবু?

কালো চশমা, খুলে দেবপ্রিয় চাইলে। শিপ্রার দীঘ নয়নের ঘনকৃষ্ণ তারকা কি ঝিক, কি গভীর!

দেবপ্রিয়ের দৃষ্টিতে শিপ্রা ভীত হয়ে উঠল। অনেক প্রেমমুগ্ধ যুবকের উন্নত দৃষ্টি সে দেখেছে, কিন্তু এমন জ্বালাময় উদাস দৃষ্টি সে দেখেনি।

শিপ্রা বললে, আপনি সব সময় অত কি ভাবেন, কেন এত ভাবেন? কথা বলুন, দেবপ্রিয়বাবু!

—কেন ভাবি? কে ভাবে? আমি কি ভাবি? এই যে ভাবছি এ চিন্তা-ক্রিয়া আমার ইচ্ছার অধীন নয়। উর্গনাত যেমন আপনার চারিদিকে জাল তৈরি কবে, তেমনি আমার মাথায় বসে কে যেন অবিশ্রাম চিন্তার জাল রচনা কবে চলেছে, ঘড়ির কাঁটা যেমন অহিনিশি ঘুরে চলে, তেমনি আমার মস্তিষ্কে চিন্তার পর চিন্তা দল বেঁধে ঘুরে চলেছে, যেমন ওই স্থনীল দিগন্তে মেঘের স্পর্শ উড়ে চলেছে—তারা কি জানে, কেন, কোথায় তারা চলেছে—

শিপ্রা এবার ভয় পেয়ে একটু সবে বসল। ভাবলে, পণ্ডিত মাতাল হলে বোধ হয় এই বকম ভাবে কথা বলে।

শিপ্রার সুরে বসার ভঙ্গী দেবপ্রিয় দেখলে। কালো চশমা পরে গে বললে, ভাববেন না আমি মাতাল হয়েছি।

কঙ্কণে বলয়ে ঝঙ্কার দিয়ে শিপ্রা বললে, আমি কি তাই বলছি।

কিন্তু তার কথার সুরে বোঝা গেল, মনে মনে সে কি ভাবছে। দেবপ্রিয় স্তব্ধ হয়ে উঠল। ট্রেনটা বড বেশি ঢুলছে, মনে হল। বাকি হাইকিটুকু না খেলেই হত। হৃদয় সে মাতলে হয়ে যাবে।

উদ্বেজিতভাবে দেবপ্রিয় বললে, না, না, আমি মাতাল হই নি। এটো আমি বেশ চিন্তা করছি। দেখুন আমি ফরাসী কবি মুসের কবিতা আবৃত্তি করছি :

Poète, prends ton luth , le vin de la jeunesse

Fermente cette nuit dans les veines de Dieu !

শিপ্রা বললে, কিন্তু আমবা যে ফরাসীভাষা জানি না, আপনি কবিতা ঠিক বলছেন কি না কি করে বলব।

দেবপ্রিয় দাঁড়িয়ে উঠে বললে, ও, ফরাসী ভাষা জান না! আচ্ছা আমি মহাভারত হতে শ্লোক বলছি।

শিপ্রা বললে, আপনি ভুলে যাচ্ছেন, আমরা আপনার মত পণ্ডিত নই, আমরা মুখ্য মেয়েমানুষ। যা বলতে চান বাংলায় বলুন। ও ফরাসী কবিতার মানে কি ?

দেবপ্রিয় শিপ্রার পাশে বসল। সে চঞ্চল হয়ে উঠেছে। আবেগের সঙ্গে বললে, মানে হচ্ছে, হে কবি, তব বীণা লহ তুলি, আজি রজনীতে যৌবনমদিরাধারা বিশ্ববিধাতার ধমনীতে উচ্ছলিত—

গণেশ বলে উঠল, বা, চমৎকার কবিতা—আমায় একটু লিখে দিন— আমাদের প্যারিস ফেরতের পাটে এই কবিতাটি দিতে হবে—দেখুন—বিধাতা মাতাল হয়ে উঠেছেন !

দেবপ্রিয় বিস্মিত হয়ে বললে, প্যারিস-ফেরৎ কে ?

শিপ্রা বুঝিয়ে বললে, আমরা যে দিগ্ব্য করতে যাচ্ছি, তাতে একজন প্যারিস-ফেরতের পাট আছে, আপনায় তাই জিক্সেস করেছিলুম, আপনি ফ্রেঞ্চ জানেন কি না—আপনিই ককন না সে পাটট—আপনি বেশ পারবেন।

দেবপ্রিয় হেসে উঠল। বললে, আমি করব ফিল্ম অভিনয় ! তা মন্দ কি ! টাকাও ত পাওয়া যাবে। আর সারাক্ষণ অভিনয়ই ত করছি। বাড়িতে অভিনয়, অফিসে অভিনয়—যা সত্যিকার ভাবি তা গোপন করা, কথা বানিয়ে ভাব রচনা করে প্রকাশ করা—এই ত অভিনয়—

গণেশ হেসে বললে, তবে অভিনয়ের আগে এক গেলান ক্যামেল, আর দেখতে হবে না, ফরাসী কবিতা সেন-নদীর মত ছুটে চলবে।

দেবপ্রিয় ক্ষুব্ধ হয়ে বললে, দেখুন, আমি সত্যি মাতাল হইনি, বুদ্ধির কি পরীক্ষা করতে চান, করুন।

শিপ্রা হাওব্যাগ থেকে লিপষ্টিক বার করে বললে, চটছেন কেন, তার চেয়ে আসুন একটু তাস খেলা যাক।

—তাস। তাসখেলা আমি ভাল জানি না।

—জানেন না। আপনি কি সারাজীবন খালি বই পড়েছেন ?

—তাসখেলার খিওরী জানি, বেশি খেলিনি।

গণেশ হেসে বললে, সেইজগ্গেই আপনার এই অবস্থা।

দেবপ্রিয় বিস্মিত হয়ে বললে, কেন ?

গণেশ বললে, আপনি জীবনের খেলাও সব বড় বড় খিওরী বইয়েতে পড়ে মুখস্থ করেছেন, কখনও সাহস করে খেলেন নি, তাই হাতে বশন রঙের বিবি আসে, রাগতে পাবেন না, অলু লোকে নিয়ে চলে যায়।

—আপনি আমার জীবনের কি জানেন ?

—দেখছি এই যে, আপনার সাধ আছে কিছু সাহস নেই।

শিপ্রা বিরক্তির সঙ্গে বললে, কি যা তা বলছ, গণেশবাবু! দেবপ্রিয়-বাবু, আপনি এসব শুনবেন না। তাসখেলা শিগতে চান ত বলুন, শেখাতে পারি।

দেবপ্রিয় তাব নোট বুক বার করে বললে, গামাকে দেবার মত সময় যদি আপনার হাতে থাকে, তা হলে তাব সদ্ব্যবহার করতে চাই।

শিপ্রা ব্যাগ থেকে তাসের প্যাকেট বার করে বললে, কি, ইন্টারভিউ দিতে হবে ?

অন্যনয়ের সঙ্গে দেবপ্রিয় বললে, দেখুন, আমি আপনার একটা জীবনী লিখতে চাই।

শ্লেষের সুরে শিপ্রা বললে, জীবনী! আমার জীবন লিখবেন! কেন ? খুব বিক্রি হবে, নয় ?

গণেশ বলে উঠল, পঙ্কজ উপর পদ্ম ফুটেছে, তার গোড়া দেখে মোহিত হয়েছেন, সেজন্য পঙ্কজের ইতিহাসের দরকার কি! পণ্ডিত হলে অনেক মুশকিল দেখছি।

দেবপ্রিয় একটু লজ্জিতভাবে বললে, আপনারা ভুল বুঝছেন, আমি সে জীবনীর কথা বলছি না। ভুল বুঝবেন না।

শিপ্রা গম্ভীরভাবে বললে, দেখুন দেবপ্রিয়বাবু, আমার জীবনের কথা লোকসমাজে প্রচার করবার মত নয়—তাতে গর্বের কি আছে—বরঞ্চ লজ্জা পাবারই—আপনার মত পণ্ডিত লোক ভাল ভাল বই লিখবেন—

বলতে বলতে শিপ্রা থেমে গেল। দেবপ্রিয় তার দিকে বিমুগ্ধভাবে চেয়ে আছে। ওই মুগ্ধ মুখ, খুলি ছোড়া টাক দেখে শিপ্রার হাসি পেল। এ মুগ্ধতা ছইক্ষির ক্ষণিক মাদকতা নয়, সে বুঝতে পারলে। হাসি চেপে সে চুপ করে বসল। এ নেশার ভঙ্গী সে দেখতে চায়।

দেবপ্রিয় বললে, ইসাডোরা ডানকানের আত্মজীবনী পড়েছেন ত, আমি সেই রকম বই লিখতে চাই, আপনি বলে যাবেন, আমি লিখে যাব,—বাইরের জীবনের কথা আমি বলছি না, আমি চাই আপনার অন্তরেপ, আপনার অন্তর্ভূতির ক্রমবিকাশের ইতিহাস।

শিপ্রা আর হাসি চাপতে পারলে না। উচ্চহাস্তে বললে, ইসাডোরা ডানকান না বাকান, কে, নাম ত শুনি।

বিস্মিত হয়ে দেবপ্রিয় বললে, শোনেন নি?

গণেশ এবার টিপ্পনী দিলে, সত্যি কথা বলতে কি, বিজ্ঞে ত গারডো কেল্লাশ—

শিপ্রা কটাক্ষ করে বললে, তা গণেশবাবু ঠিকই বলেছে, উনি পণ্ডিত নাহুষ, সবাইকেই পণ্ডিত ভাবেন।

দেবপ্রিয় দীপ্তকণ্ঠে বললে, ভুল বুঝছেন। আপনি কবে কোথায় জন্মেছেন, কোন্ স্কুলে পড়েছেন, এ সব আমি জানতে চাই না। এ সব লিখতে চাই না। আপনি শুধু প্রতিভাসম্পন্ন অভিনেত্রী নন, আপনি

অপূর্ব নৃত্যকুশলা, অপরূপ আপনার নৃত্য। এ নৃত্যের ছন্দ রয়েছে আপনার আত্মায়, আপনার মনের বেদনা-কামনা-আশা-স্বপ্ন নৃত্যে রূপিত হয়। এ রূপ দেবার শক্তি ধীরে ধীরে কি করে প্রথম জাগল, তারপর বিকশিত হয়ে উঠল, ফুলের মত, কোন্‌ নিবিড় আনন্দের ছন্দে দেহমন ঢুলে উঠল—আমি চাই সেই ইতিহাস। স্টেজে যখন নৃত্য করেন, শত শত বিমুগ্ধ দর্শকের মুগ্ধ দৃষ্টির দীপ্তি স্টেজের আলোর সঙ্গে ঝলমল করে—তখন মনে কি ভাবের সঞ্চার হয়, আমি চাই সেই অমৃতভূতির ইতিহাস।

শিপ্রা এবার গম্ভীরভাবে বসলে। এমন সঙ্গীতভাবে কেউ তার সঙ্গে কখনও কথা কয়নি। জীবনে, যেখানে সে সত্য, যেখানে সে সার্থক, দেবপ্রিয় সেই শিপ্রাকে জানতে চায়।

দেবপ্রিয় বলতে লাগল : মনে পড়ে কি, ছেলেবেলায় কোন্‌ দিন প্রথম আপনার নৃত্য করবার ইচ্ছে হল। হয়ত, কোন্‌ বসন্তের প্রভাতে কোন পুষ্পিত উপবনে,—দেখলেন বাতাসে গাছের ডাল হুয়ে হুয়ে পড়ছে, ফুলগুলি ঢুলছে, পাতাগুলি আলোয় ঝিল্মিল্‌ করছে, সবুজ রঙের কোন পাখী উড়ে বেড়াচ্ছে,—কোন অজানা সুরে পা দু'টি চঞ্চল হয়ে কেঁপে উঠল, হৃদয়ে লাগল শিহরণ—উতলা বাতাসে অঞ্চল দিলেন উড়িয়ে—‘বসন্তের আবির্ভাব’ নৃত্যে আপনার সে রূপ দেখেছি—ও ভাবময়ী মূর্তির স্রোত—

শিপ্রা বললে, শুনতে বেশ লাগছে, কিন্তু অত কিছু ভেবে নাচি বলে ত মনে হয় না।

দেবপ্রিয় বলে যেতে লাগল, আপনার মনে নিশ্চয় অনেক ভাবের উদয় হয়, তারি প্রেরণায় নৃত্যরূপের ব্যঞ্জনা, আপনি বুঝতে পারেন না। অথবা, মনে পড়ে কি বালিকাবয়সে দীর্ঘ দর্পণের সম্মুখে একা ঘরে নৃত্য-কলার নানা ভঙ্গী অভ্যাস করছেন, হঠাৎ এক বালক সূর্যালোক বুকের

ওপর এসে পড়ল, আরশি বাল্মলিয়ে উঠল, অস্থভব করলেন, কি হৃন্দর আপনার দেহ, কি অজানা বেদনা আপনার বক্ষে—অস্থভব করলেন আপনি নারী—আলো-ভরা সূর্যহং আয়নার দিকে বিস্তৃত মুখনয়নে রইলেন চেয়ে—আলোকের সঙ্গে এল আশুন, অজানা আনন্দ, অজানা আকাজ্জা—‘যৌবনের জাগরণ’ নৃত্যে আপনার রূপভঙ্গী দেখেছি—কিশোরী বয়সের কোন মধুর গোপন অস্তিত্বই নিশ্চয়—

গণেশ বলে উঠল, বা চমৎকার! আর এক গেলাস হোক তা হলে।

শিপ্রা মুহূর্তে বললে, কিন্তু আমাব ত এ রকম কিছু মনে পড়ছে না। আচ্ছা, দেবপ্রিয়বাবু, আপনার স্ত্রী আছেন?

দেবপ্রিয় একটু প করে বললে, স্ত্রী! হ্যাঁ, আছেন বৈ কি।

চশমাটা খুলে সে কাচগুলি ঝুঁকাল দিবে মুক্ততে লাগল।

শিপ্রা হেসে বললে, তাঁর সঙ্গে কি আপনি এই রকম ভাবে বড় বড় কথা বলেন?

দেবপ্রিয়ের গণ্ডের রক্তিম আভা মলিন হয়ে এল। এক অভিনেত্রীর সঙ্গে সে এমনভাবে কথা কইছে, এই দৃশ্যটি যদি তাঁর স্ত্রী নলিনীর নয়নগোচর হত, তা হলে তাঁর মুখের অবস্থা কিরূপ হত, সে কল্পনা করতে চেষ্টা করলে।

শিপ্রা বললে, কৈ কথার উত্তর দিচ্ছেন না যে। মৃথ্যু মেয়ে মাড়ষ পেয়ে খুব বড় বড় বক্তৃতা দিচ্ছিলেন।

গণেশ হেসে বললে, দেখ ত, স্ত্রীর নাম কবে সকালের নেশাটা একেবারে ছুটিয়ে দিলে।

শিপ্রা বললে, কি মিনিক্‌ তুমি। তা ছাড়া দেবপ্রিয়বাবুর কোন নেশা হয় নি। শুভন, তাঁর চেয়ে আপনার সমসারের গল্প করুন।

দেবপ্রিয় অহুভব কবলে, যে মানসিক উত্তেজনায় সে এতক্ষণ কথা কইছিল, সে আবেগ আর নেই। বোধ হয় একটু নেশা হয়েছিল, কেটে গেছে। ধীরে সে বললে, আমার সংসারের কথা কি শুনেবেন— একঘেয়ে সাধারণ জীবন, অর্থাভাব, রোগ, খুঁটিনাটি নিয়ে ঝগড়া—তারই মাঝে একটা শান্তির ভাব—

শিপ্রা বললে, কি জানি, পরের সংসা এব কথা শুনেতে আমার বেশ ভাল লাগে, বোধ হয় নিজের সংসার নেই বলে।

দেবপ্রিয় বললে, আপনাব জীবনের খুব বড় কাজ রয়েছে, আপনি সাধারণ সংসার করবাব জন্তে নন।

গণেশ হেসে হাততালি দিয়ে উঠল, হা, একথা ঠিক বলেছেন। বোঝান ত। শুনেলে ত, অত বড় পণ্ডিতের মত।

শিপ্রা ধীরে বললে, শুধু দেবপ্রিয়বাবু, আমার জীবনী লিখতে চান, আপনাকে আমি সাহায্য করব, অথবা আপনার লেখা কোন বই আমি ফিল্ম কোম্পানীকে বলে কবিয়ে দেব, কিন্তু আমাকে একটা বিষয় সাহায্য করতে হবে।

দেবপ্রিয় বললে, কি সাহায্য কবতে হবে বলুন, আমি রাজী।

কর্টাক্ষে শিপ্রা গণেশের দিকে চাইলে। মুদূষরে বললে, এখন বলতে পারছি না, পরে বোলবো। আছেন, আপনাকে তাসখেলা শেখাই। তাসের ম্যাজিক জানেন?

মুগ্ধ নয়নে দেবপ্রিয় শিপ্রার দিকে চাইলে, এ যেন কোন যাদুময়ী। তার বাবহারে কতখানি সত্য, কতখানি অভিনয় সে জানতে চায় না, মোহঘোবের আনন্দ সে অহুভব করতে চায়।

চিহ্নাপূর্ণ দৃষ্টিতে কল্যাণ মালতীর মুখের দিকে চাইলে, যেমন ভাবে সে চেয়ে থাকে খাতাব সাদা পাতায় কালো কালীতে লেখা অঙ্ক শাস্ত্রের কোন নতুন ফলমূল্য দিকে। নিশিজাগরণমলিন শুভ্র বিবর্ণ মুখত্রী, লম্বা দীর্ঘ চোখালে চিত্তের দঢ়তা পরিস্ফুট, আবার পেলবগণ্ডে অসম চিবুকে হৃদয়ের কমনীয়তা প্রকাশিত। অল্পমার পাশে মালতী, যেন পূর্ণ প্রস্ফুটিত রৌদ্রতাপম্নান রক্তগোলাপের পাশে শিশিরসিক্ত বিকচোন্মুখ রজনীগন্ধা।

কলাণের তীক্ষ্ণ দৃষ্টি মালতীর আয়ত নয়নের কৃষ্ণ তারকায় আঘাত খেয়ে যেন ঠিকরে গেল। মালতীর পাণ্ডুর গণ্ডে রক্তের ছোপ লাগল।

চা খাওয়া শেষ হতে অল্পমা বললে তোমাব গল্প করো, আমার কথা কইতে ক্লান্তি লাগছে, আমি ববঞ্চ চূপ করে শুনি।

অল্পমা এক কোণে চোখ বুজে বসেছে। মালতীও চূপ করে বসে, বলবার কথা খুঁজে পাচ্ছে না। কল্যাণ তার হৃদয়কে চঞ্চল কিন্তু বাগিকে মুক করেছে।

মাঝে মাঝে কল্যাণ মালতীর সঙ্গে কথা কইছে। সেটা প্রমোত্তরের মত দাঁড়াচ্ছে। মালতীর পাশে ঘোঁষে বসে সে মালতীর মুখের দিকে চাইছে। তাজা কচি ফলের মত এ মুখ, স্বপ্নে তাকণ্যে ভাবের ব্যঙ্গনায় ভরা। তরুণী অল্পমার কথা মনে পড়ে। যখন সে কলেজের ক্লাস পালিয়ে হঠাৎ চলে আসত অল্পমার সঙ্গে গল্প করতে। এ ব্যাদিক্লিষ্টা অপরাধা হৃন্দরী নারী একদিন ছিল চঞ্চল তরুণী।

অল্পমা বললে, তোমরা যে বড় চূপচাপ।

কল্যাণ হেসে বললে, অনেক সময় কথা বলার চেয়ে চূপ করে বসে থাকা ভাল লাগে।

অনুপমা কটাক্ষ করে বললে, শুনে স্থখী হলুম।

মালতী ধীরে বললে, বোধ হয় কেউ কথা কইবার মুডে নেই।
তা ছাড়া, এ সময়টা ঠিক গল্প জমে না।

কল্যাণ বললে, সামাজিক আইনের দিক থেকে অবশ্য চুপ করে বসে থাকাটা অপরাধ; কিন্তু অনেক সময় কথা না কয়ে আপনাকে গভীরভাবে ব্যক্ত করা যায়; অনেক সময় দুইবন্ধু পাশাপাশি চুপ করে বসে পরস্পরকে যে শান্তি আনন্দ দিতে পারে, তা কথা কয়ে পারে না।

অনুপমা হেসে বললে, সে-টা স্বামী স্ত্রীর মধ্যেই বেশি দেখা যায়, কথা-না-কওয়ার শান্তি, আনন্দ!

মালতী বললে, অনুপমাদি, কি মিনিক্‌ তুমি!

কল্যাণ বললে, কবি টেনিসনের গল্প জানেন না। একবার টেনিসন গেছিলেন কার্লাইলের সঙ্গে দেখা করতে বহুদিন পরে। লাইব্রেরীতে ফায়ার প্রেসের সামনে ছুজনে বসলেন মুখোমুখি চেয়ারে। দু-এক কথার পর টেনিসন ফায়ার প্রেসের আগুনের দিকে চেয়ে চুপ করে বসে রইলেন, কার্লাইলও চুপ করে বসে ভাবতে লাগলেন। ছুজনে স্তব্ধ, চিন্তামগ্ন, তিনঘণ্টা কেটে গেল। তারপর হঠাৎ টেনিসন উঠে পড়লেন, কার্লাইলের সঙ্গে হাওসেক করে বললেন, তোমার পাশে এই চুপ করে বসে যে গভীর আনন্দ পেয়েছি তার তুলনা নেই; কারণ আমার চিন্তার সঙ্গে তোমার নীরব চিন্তাধারা মিশে গেছে, আমি একটা কাব্যের খসড়া করে ফেলেছি। তোমাকে তার জন্মে ধন্যবাদ।

মালতী বললে, কার্লাইল তখন হয়ত ভাবছিলেন, ফরাসী বিপ্লবের প্যারিসের কোন পথদৃশ্য, আর টেনিসন হয়ত ভাবছিলেন কিং আর্থারের ক্যামেলটের সভা কি করে ভেঙে পড়ল—

কল্যাণ বললে, আমাদের প্রত্যেকের জীবনে কি এমনি বিপ্লব, ভাঙন নেই? হৃদয়ের সে সব গভীরতম বেদনা, স্বপ্ন-বাসনার কথা, একা বসে বসে ভাবার চেয়ে কোন বন্ধুর পাশে বসে ভাবলে কি নতুন শক্তি নতুন আশা জীবনের নতুন রহস্যময় আনন্দপথ খুঁজে পাওয়া যায় না!

অল্পপমা মালতীর দিকে কটাক্ষ করে বললে, তোমার কথা শুনে আশা হচ্ছে, কল্যাণ! কি বল মালতী!

মালতী কোন উত্তর দিলে না। তার মুখ রক্তিম।

মানিকপুর স্টেশনে কল্যাণ গুপে থেকে নেমে গেল।

মালতীও নামবার চেষ্টা করাতে অল্পপমা বাধা দিলে। বললে, খড়খড়ি কেলে দিয়ে বস্ দেখি, একা আমি হাঁপিয়ে উঠব।

মালতী বললে, কেন জগদীশ বাবু ত আসছেন।

অল্পপমা হেসে বললে, সাহেব এখন আসছেন না। কোন বড় মিলিটারী অফিসার যাচ্ছেন এ ট্রেনে, তাঁর সেলুনে বসে ভারতে ব্রিটিশ সাম্রাজ্যবক্ষণের পরামর্শ হচ্ছে, যুদ্ধ নাকি শীঘ্র বাধবে।

মালতী বিস্মিত হয়ে বললে, যুদ্ধ শীঘ্র হবে নাকি? তা হলে আমার ইয়েরোপ যাওয়া ত হবে না।

অল্পপমা বললে, দরকার কি, ঘরে বসেই যুদ্ধ চালা না; কল্যাণ বেশ ভাল fighter.

অল্পপমা মালতীর গালে আঙুল টিপে বললে, তা অত রাঙা হয়ে উঠছিস কেন?

স্টেশন হতে গাড়ী ছাড়-ছাড় হয়েছে। একটা কুলী অল্পপমাকে সেলাম করে বললে, গাড়ী সাফ করতে হবে, মেমসাব!

বর্ষষরে অল্পপমা চমকে উঠল। কুলীর মুখের দিকে নির্নিমেষ নয়নে চাইলে। তারপর গম্ভীর স্বরে বললে, হ্যাঁ, বাথরুম সাফা করতে হবে, শীগ্‌গীর! শীগ্‌গীর!

হাতে ছোট এক ঝাঁটা ও ময়লা ঝাটান নিয়ে কুলীটি তাড়াতাড়ি রূপেতে উঠে পাখানা-ঘরে ঢুকে দরজা বন্ধ করে দিলে। সাফ করবার কোন শব্দ হল না। ট্রেন স্টেশন ছাড়িয়ে চলল।

মালতী একটু ভীতভাবে বললে, কুলীটা যে বাহির হল না, অল্পপমাদি।

অল্পপমা হেসে বললে, বোধ হয় চলে গেছে, দেখ না দরজা খুলে।

মালতী দাঁড়িয়ে উঠে বললে, আমার কেমন ভয় করছে।

অল্পপমা বললে, ভয় কিরে? তুই না ইয়োরোপ যাচ্ছিলি একা। জানলার আর দরজার খড়খড়িগুলো ফেলে বন্ধ করে দে দেখি, বড় ততি আসছে।

মালতী বিস্মিতভাবে অল্পপমার দিকে চাইলে!

খড়খড়িগুলো ফেলে বসতেই ধীরে ট্রেনের গতি মন্দ হয়ে এল।

অল্পপমা ভীতভাবে উঠে দাঁড়ালে। উদ্ভিগ্ধকণ্ঠে মালতীকে বললে, মুশকিল হল মালতী। এবার তোর সাহসের পরীক্ষা হবে।

মালতীর মুখ পাংশুবর্ণ। কম্পিতকণ্ঠে সে বললে, কি হয়েছে? আমি কিছু বুঝতে পারছি না, অল্পপমাদি!

অল্পপমা গম্ভীরস্বরে বললে, ও কুলীকে চিনলি নি, তোর পাশ দিয়ে গেল মুচ্কে হেসে, ও যে সমর!

—সমর!

—হাঁ, সময় আছে ওই বাথরুমে। ট্রেন যে থেমে এল। বোধ হয় তাকে খোঁজবার জন্তেই ট্রেন থামানো হচ্ছে।

—কিন্তু স্টেশনেই ত তাকে খুঁজতে পারত।

—স্টেশনের প্ল্যাটফর্মে ট্রেনের সব গাড়ীতে খোঁজা অস্ববিধের। এখন গাড়ী থামিয়ে খোঁজা স্ববিধের।

—ট্রেন যে সত্যিই থেমে এল।

—এখন ভয় পেলে চলবে না। সময় অল্প কোথাও লুকাবার জায়গা না পেয়েই এ গাড়ীতে আশ্রয় নিয়েছে। তাকে বাঁচাতে হবে।

—এখানে কি সার্চ করতে আসবে না ?

—আসবে একবার নিশ্চয়, তবে সাহেবকে নিয়ে আসবে। না, অমন মুখ শুকিয়ে ভয় পেলে চলবে না। তুই বাথরুমে ঢুকে দরজা বন্ধ করে দে !

—অমি ! সে আমি পারব না !

—যা শীগ্গীর। পুলিশ খুঁজতে এলে, আমি বলব, আমার বোন বাথরুমে আছে ; তুই ভেতর থেকে সাড়া দিবি। তা হলে কেউ খুলতে সাহস করবে না।

—আমার কেমন সাহস হচ্ছে না। যদি তা শুনেও না চলে যায়—

—কি বোকা মেয়ে, ট্রেন থেমে এল বলে, আর দেরি করিস্ না।

—অনুপমাদি !

—আচ্ছা, আমিই যাচ্ছি বাথরুমে। আমি সমরকে বলেছিলুম যে, আমি থাকতে তার কোন ভয় নেই। সেই ভরসায় সে এ গাড়ীতে এসেছে। তুই শুধু স্থির হয়ে থাকবি, কোন রকম ভয়ের ভাব দেখাস নি। আমার স্বামী এলে শুধু বলবি, অনুপমাদি আছেন ওখানে, বেশি কথা বলবি না—দে, আমার ওই জামা, আর ব্যাগটা দে।

ট্রেনের গতি আরও মন্দ হয়ে এল। এক ধাক্কা দরজা খুলে
অল্পপমা বাথরুমে প্রবেশ করল। শশকে দ্বার বন্ধ হয়ে গেল। মালতী
সে দিকে চাইতে পারলে না। চেয়াবেব হাত ধরে দাঁড়িয়ে সে
দাঁপতে লাগল।

ট্রেন অতি দ্রুত গতিতে চলেছে।

মালতীর দম আটকে আসছে বন্ধ কুপেতে। জানলাব খুঁজছি
লে সে বাইরে চাইলে। ট্রেন থামলে যেন সে বাঁচে।

ট্রেন কিছু থামছে না, বীরে, অতি ধীরে চলেছে। তীব্র রৌদ্রালোকিত
তরঙ্গায়িত প্রান্তর হিম্ব জন্তব ক্ষুদিত চক্ষু মত চকমক করছে।

দেঁন ত থামছে না। তার গতি বাড়ছে না কমছে, মালতী কিছু
দেখতে পারছে না। চেয়াবেব বসে সে হাঁপাতে লাগল।

কতক্ষণ কাটল তাব বোঝ নেই। সময়ের গতি যেন থেমে গেছে।
কে নিমেষ যেন অনন্তক্ষণ।

দেঁন আবার ছুঁচ্ছে। অথবা দেঁন ত্বরিত থেমে গেছে, সে তুল করে
ভাবছে, দেঁন নড়ছে, দেঁন ছুঁচ্ছে।

অল্পপমা বঠম্বে মালতী চমকে উঠল। বাথরুমের দরজা খুলে
অল্পপমা বাছে, মালতী, জানলা খুলেচিস কেন, বন্ধ করে দে। মালতী
কোন উত্তর দিতে পারলে না। জানলাব দিকে চাহলে। পাঁচ ড বন
প্রান্তর, সমস্ত পৃথিবী যেন উল্লসে ছুঁতে পালাচ্ছে।

অল্পপমা মালতীর সামনে এসে দাঁড়াল।

—আমাদের ভয় বোঝ হয় অসুগত, দেঁন ত থামল না।

—তাই ত মনে হচ্ছে, ট্রেন ত চলেইছে, থামতে চায় না।

—কি ফ্যাকাশে মুখ হয়েছে তোব, যা চোখে মুখে জল দিয়ে আয়।
কিছু খা, সময়কোঁ কিছু খেতে দে

—আমি কেমন উঠতে পারছি না।

—আর ভয় নেই, ওঠ। আমরা মিছে ভয় করেছিলুম।

—সত্যি আর ভয় নেই, অল্পপমাদি—ট্রেন তা হলে থামবে না—

পুলিস আসবে না—কি ভয় পেয়েছিলুম!

মালতী আবেগের সহিত অল্পপমার কণ্ঠ জড়িয়ে ধরলে। আয়ত ব্রিঙ্ক নয়নদ্বয় হতে অশ্রুবিन्दু শীতল পাণ্ডুর অধর দিয়ে টস্‌টস্‌ করে গড়িয়ে পড়ল।

অল্পপমা মালতীকে বক্ষে চেপে ধরলে। সমর বক্রহেসে বললে, কমরেড্‌ মালতী, হাতের ঝাড়নটা বড়ই ময়লা, একটা ক্রমাল দিয়েও সাহায্য করতে পারলুম না!

অল্পপমা একটু পরিহাসের স্বরে বললে, সমর ত রাজী হয়েছে, তোরা হার হল মালতি!

অদমনীয় ভাবোচ্ছ্বাসের প্রকাশে মালতী লজ্জিত হয়ে শুক্ন হয়ে বসেছিল। একটু বিরক্তির সঙ্গে সে বললে, কি রাজী হয়েছে?

অল্পপমা বিজয়িনীর মত হেসে বললে, ভাল কোন কাজ পেলে ও বিপ্লবের পথ ছেড়ে দেবে। ও করতে চায় দেশের সেবা।

মালতী ক্ষুব্ধ স্বরে বললে, অসম্ভব! তার দু'চোখ জ্বালা করতে লাগল।

শ্রীগুডইচ খেতে খেতে সমর হেসে উঠল। ভ্রুকুণ্ঠিত করে বললে, অসম্ভব কেন কমরেড্‌ মালতি?

অগ্নিগর্ভ নয়নে মালতী একবার সমরের দিকে দৃষ্টিপাত করলে। তার বাঁকা হাসিভরা মুখের দিকে চাইতে ঘৃণা হল। শুক্নস্বরে সে বললে, তুমি গভন মৈন্টের চাকরি করবে?

সমর উচ্চহাস্তে বলে উঠল, কেন কর না? যদি মোটা মাহিনা পাই।

মালতী ব্যঙ্গস্বরে বললে, তাহলে এত ঢং করা কেন—কাল রাত থেকে এতরকম ঢং না করলেই পারতে—

সমর ধীরে বললে, আহা চট কেন কমরেড্—ধরো, যদি কোন তরুণ আই-সি-এস তোমাকে শুভপরিণয়ের প্রস্তাব করে, তুমি কি প্রত্যাখ্যান করবে!

মালতী ত্রুঙ্ক হয়ে বললে, কমরেড্ বলবার তোমার কোন অধিকার নেই, অন্ত্রগ্রহ করে চুপ করো।

মৃগ গুঁজে মালতী গুম্ হয়ে বদল। তার বুক কাঁপছে। আবার বুঝি সে কাগ্নায় ভেঙে পড়ে। দাঁতে দাঁত চেপে সে চোখের জল নিরোধ করলে।

ব্যাপারটা এরকম দাঁড়াবে, অন্ত্রপমা ভাবে নি। মালতীর আবেগ-অরুণ মুখের দিকে চেয়ে অন্ত্রপমা ভাবলে, মালতী সমরকে ভালবেসেছে।

সমরের কিন্তু কোন ভাব-চাঞ্চল্য দেখা গেল না। স্মাগুউইচ শেষ করে সে কেক খাচ্ছে। মালতীর মনে যেন আরও আঘাত দেবার জন্য সে বললে, দিদি, মাইনেটা মোটা হয় যেন, রোজ এরকম স্মাগুউইচ-কেক খেতে হবে।

মালতী নিজেকে সামলে নিলে। এত সহজে সে তার মানবে না। সমরের মুখে স্থিরনয়নে চেয়ে সে বললে, কেন অন্ত্রপমাদিদিকে কতগুলো মিথ্যে কথা বলছ। জগদীশবাবুকে বলে উনি পরে মুণকিলে পড়বেন। তুমি ত সত্যি গভর্নমেন্টের চাকরি নেবে না।

সমর বললে, কেন নেব না! গভর্নমেন্ট যদি আমাদের চাকরি দিতে আরম্ভ করে, ধীরে ধীরে আমরাই গভর্নমেন্ট হয়ে উঠব।

অন্ত্রপমা উৎসাহের সঙ্গে বললে, বেশ বলেছ ভাই! কোন্ ডিপার্টমেন্ট তোমার পছন্দ?

সমর বললে, আবকারী বিভাগ ছাড়া যে কোন ডিপার্টমেন্টে নাও।

তর্জনী তুলে মালতী বললে, তোমাকে গোয়েন্দা-বিভাগে দেবে!

সমর বে পরিহাস করছে, এ কথা সে কেন এতক্ষণ বুঝতে পারেনি। কিন্তু সত্যিই কি সে পরিহাস করছে?

মালতী ভাবতে লাগল, সমর যদি গভর্নমেন্ট অফিসার হয়, তাতে তার রাগ করবাব, আপত্তি কবাব কি আছে। এ বিপ্লবের পথ, দুঃখ নিষাতনময় জীবন, কত বোগভোগ, বেদনা, ব্যর্থতা। ভালই ত, সমর এ বিপ্লবের পথ ছেড়ে দেবে। তবু অদমনীয় ক্ষোভে মালতীর মন অশান্ত। এ যেন ঠিক হচ্ছে না।

সমর হেসে বললে, আচ্ছা, মালতী দেনী, এই যে আমি দাগ চোবের মত লুকিয়ে লুকিয়ে ট্রেনে পালিয়ে চলেছি, সেটা ভাল, না, এই যে জগদীশবাবু ফার্স্ট ক্লাশে স্কন্দরী স্ট্রীকে নিবে চলেছেন, সেটা ভাল, অথবা মিস্টার কল্যাণকুমার পাইপ টানতে টানতে একবার এ গাড়ী একবার ও-গাড়ীতে বসে গল্প কবতে করতে চলেছেন, সেটা ভাল?

মালতী আবার রেগে উঠল, তিত্ত্বস্বরে বললে, দেখুন, আমি আপনাদ অভিভাবক নই, আপনি যা গুশি করতে পাবেন। তবে, আমাদের গাড়ীতে উঠে, এত চ' এত ঝাকামি করাব দরকাব ছিল না। তাই দেখেই আমার হাড় জ্বলে গেছে!

অল্পপমা কটাক্ষে হেসে ভাবলে, অভিভাবক নও, সেইটাই হচ্ছে ক্ষোভের কারণ।

সমর কি বলতে যাচ্ছিল, মালতীর মনের অঙ্গারে খোঁচা দিয়ে সে ফুলিঙ্গলীলা দেখতে চায়, কিন্তু অল্পপমা স্টোলের উপর তর্জনী রেখে ইসারা করিতে, সমর চুপ করে বসে বইল।

ক্ষত-চলন্ত ট্রেনে তিনজনে গুচ্ছ বসে রইল। বাইরে প্রাথর রৌদ্র-ভরা শূণ্যপ্রান্তর অগ্নিপ্রভ অঞ্চলের মত কাঁপছে।

পরের স্টেশনে মালতী কূপে থেকে নেমে নিজের গাড়ীতে গেল। বলে গেল, মা'কে চিঠি লিখতে হবে।

অল্পপমা বললে, রাগ কবিস না, জব্বলপুরে চা খেতে আসিস। ঠিক সঙ্গে ত আলাপ হল না।

জগদীশ খবর পাঠালে, এ স্টেশনেও সে আসতে পারলে না, বড জকরী কাজ পড়ে গেছে।

ট্রেন ছুটে চলল। স্বয় মধ্য-গগনে। বিজ্ঞান গিরিপ্রান্তর মধ্য দিনের প্রাথর আলোকে উদাসতায় ভবা।

খড়খাট সব নামিয়ে দিয়ে অল্পপমা বটোন ব্রশান ঠেসান দিয়ে বসল। সমরকে ডাকল, বস, আমাব পাশে। মনটা খাবাপ হয়ে গেল। মালতী বড বেদনা পেয়ে গেল।

সমব বললে, তোমাকে বড ক্লান্ত দেখাচ্ছে, দিদি। তুমি একটু শ্রমে, আ ম তন্দ্রা line of march-টা ভাবি।

অল্পপমা একটু উদাস স্ববে বললে, না, না, বস আমাব কাছে, গল্প বল—চপচাপ থাকতে ভাল লাগছে না—মাথাটা কেমন দপ্‌দপ্‌ করছে—এ সব emotion আমাব সয় না।

তরুণ সন্ধ্যাম সময়ের দিকে অল্পপমা চাইলে। নবনের ক্রয়তাবিকা অন্ধকাবে বেড়িয়েমের মত জলজল করতে লাগল। কোন নাবীর চোখে একরূপ অপরূপ জ্যোতি সমব কখনও দেখেনি। মস্তমুগ্ধের মত সে বসল। বিলিমিলি-ববা আলো অল্পপমাব মুক্তকেশে রঙীন সিং শাড়ীতে এসে পড়েছে, কোন মাঝালোকের মত।

সময়ের দেহের বক্ত বিলম্বিত করে উঠল। অল্পপমা যে কি সুন্দরী,

এতক্ষণ চোখ মেলে সে দেখেনি। ওই এলায়িত তহুর ক্লাস্তিমণ্ডিত
স্বপ্নমা অপূর্ব জ্যোতিষ্কলোকের মত তার চোখে উদ্ভাসিত হয়ে
উঠল।

—তুমি কি সুন্দর, দিদি! এতক্ষণ চোখ চেয়ে দেখিনি।

—যা, বেশি জ্যাঠামি করতে হবে না, বোস্।

—তোমার অস্থ সেরে গেছে?

—সম্পূর্ণ সারে নি, সাবধানে থাকতে হয়।

—আচ্ছা, ইয়োরোপে চলে যাও না কেন, সুইজারল্যান্ডের কোন
জানিটোরিয়মে গিয়ে কিছুদিন থাকলে—

—কে নিয়ে যাচ্ছে বন্!

—কেন, জগদীশবাবু তোমায় বুঝি তেমন যত্ন করেন না?
লোকটাকে দেখেই বুঝেছি, পাকা egoist.

—আমার অস্থের কথা থাক, তোর প্লান কি বন্।

—আমি নিয়ে যাব, যাবে আমার সঙ্গে?

—পাগলা ছেলে!

—তুমি কি ভেবেছ সত্যি আমি গভর্নমেন্টের কাজ নেব?

—কাজ নিতে বলি না, কিন্তু এ পথ ছাড়। কি সুন্দর স্বাস্থ্য, শক্তি,
সমস্ত জীবন তোর সম্মুখে, ব্যর্থ করিস্ না এমন করে।

—জীবনে কে ব্যর্থ কে সার্থক হল, কে তার হিসাব কববে, কে তাব
বিচার করবে, দিদি!

—তা জানি! তবু ভয় হয়, বড় ব্যথা লাগে।

—কারাগারে যে মরল, সে মৃত্যু কি ব্যর্থ, নিরর্থক বলতে চাও?

—জানি, শুলিঙ্গ হতেই দাবানল জ্বলে ওঠে। কিন্তু তুমি আমার
কথা দিয়েছ। আমি শুঁকে বলব। কাজ নিতে হয় নিও।

—বোলো। কি জানি, তোমার কথাতে ‘না’ বলবার শক্তি খুঁজে পাচ্ছি না। তুমি বোধ হয় আমায় জাহ্নু করেছ।

—আমি! না মালতী?

—মালতীর সে শক্তি নেই দিদি, আমার প্রলয়-পথের সহযাত্রিণী হবার মত।

অল্পপমা মুহূ দীর্ঘনিশ্বাস ফেললে। বুকে একটা বেদনা যেন ঠেলে উঠতে চায়। আবার কাশির বেগ না আসে!

ঘীরে সে বললে, আচ্ছা চুপ করে বস। ওই শিশি হতে আমায় একটু পিলু দে দেখি, আর এক গেলাস জল।

জল খেয়ে অল্পপমা চোখ বুজে শুয়ে রইল। গাড়ীটা বড় হুলছে, বিয়াট দানবের মত আতনাদ করতে করতে চলেছে, সে পানি বড় কর্কশ, বেদনাদায়ক।

রোক্তাপাক্ষিষ্ট কমলের মত এ স্তন্দরী নারীর দিকে সমর যুদ্ধ চোখে চেয়ে রইল। সছোদ্দাত শিশুর কায়ার মত এ অন্তর্ভুক্তি অপূর্ব নবীন!

মধ্যশ্রেণীর মহিলা-গাড়ীর কক্ষে মালতী ফিরে এল।

মধ্যদিনের তপনতপ্ত নির্ধেয় আকাশের মত তার দু’চোখ জ্বলছে।

গাড়ীর এক কোণের সব খড়খড়ি ফেলে দিয়ে সে গুম্ হয়ে বসল। মাথাটা হালকা, শূন্য বোধ হল। যেন সে ভাববার শক্তিও হারিয়েছে।

না, হার মানলে চলবে না। বন্ধ জানলাগুলির দিকে চেয়ে মালতী ভাববার চেষ্টা করতে লাগল। হার সে মানবে না।

সমরকে বাঁচাতে হবে। হঠাৎ সমর এমন বদলে গেল কেমন করে? অথবা সমর সত্যিই সোসিয়লিজমে বিশ্বাস করে না।

অনুপমা মায়াবিনী। অনুপমার রূপে সমর মুগ্ধ, মত্ত হয়েছে। অনুপমার নির্দেশে সে চলেছে।

কুপেতে বাড়ুদারের সঙ্গে সমরের আবির্ভাবের পর হতে দ্রুত ঘটনার স্রোত অতিচঞ্চল সিনেমা-ফিল্মের আলোছায়ায় নৃত্যের মত মালতীর চোখের সামনে প্রবাহিত হয়ে গেল। মালতী চোখ বুজলে। কালো পর্দার ওপর আলোর আবছায়া কাঁপতে ছলতে লাগল।

যদি সে সাহস করে বাথরুমে প্রবেশ করত, দেখাতে পারত, সমরের জন্য সে ত্যাগ করতে প্রস্তুত, তা হলে সমর অনুপমার মায়াজালে পড়ত না। কিন্তু তার কেমন ভয় হল। জীবনে এমন ভয় কখনও দেখে পায়নি।

সমরকে বাঁচাতে হবে। সমর কি বুঝছে না, অনুপমার হাতে সে ফগিকের ক্রীডনক। উচ্চপদস্থ গভন মেন্ট-অফিসারের স্ত্রী অনুপমার এ শুধু নিঃসঙ্গ রেলপথযাত্রা খেয়াল।

মালতী ভাবতে লাগল, কিন্তু সমরের ওপর তারই-বা কি অধিকার! তবু, সে হার মানবে না। সমরের এ মুগ্ধতা দূর করতে হবে। অনুপমার প্রতি সমরের মোহাচ্ছন্ন দৃষ্টি সে দেখেছে, ভাবের রঙীন বাষ্পের আবরণে সে দৃষ্টি কুছাটিকায় পথ-হারা পথিকের মত। সমর যদি এখন তার বাড়ীতে আসে, সে বুঝিয়ে দিতে পারে, সে কি ভুল করেছে। সত্যিই কি সমর গভন মেন্টের কাজ নেবে, নিজেকে বাঁচাবার জন্য!

মালতীর দুই চোখ ফেটে জল এল। শুভ্রমলিন গাউ দিয়ে দীর্ঘ চোয়াল বেয়ে অশ্রুবিন্দু বারে পড়ল গ্রীষ্মের বিসৃদ্ধ অপরাহ্নে বৃষ্টির বড় বড় ফোঁটার মত।

মালতী আর ভাবতে পাবলে না, ফুঁ পিয়ে ফুঁ পিয়ে কাদতে লাগল।

—বহিন।

মালতী চমকে চাইলে।

গাড়ীর অপব প্রান্তে জানালাব বারে একটি হিন্দুস্থানী মেয়ে বসে, তাব চোখে পড়নি। যেন একগাদা বস্ত্রী ঘাঘরা ও ওড়না কুণ্ডলী পারিয়ে পড়ে আছে।

ঘোমটার লম্বা ঢাকা মুখেব ওপর থেকে সরিয়ে নেয়েটি এতক্ষণ জানালা দিয়ে বোদদীপ্ত বনপ্রান্তবের দিকে চেয়েছিল, খালো-ভরা বিপ্রপ্রকৃতির এ মুওরুপ সে বোব হয় তাব প্রাচীর ঘেব বাড়ীর ছোটী জানানোগুলি দিয়ে দেখতে পাব না। দুই চোখ ভরে সচল পৰ্যদৃশ দেখছিল।

কাল্পন শব্দ শুনে সে বিনে তাকাল। মালতীর কান্না দেখে তাব মনে পড়ল, নাড়াতে তাব ছোটবোন বোব হয় তাব জন্তে মেনি বঁাদছে। আবেগেব সঙ্গ সে মৃত্যুধরে ডাকলে, বহিন।

বিস্মিত হয়ে মালতী হিন্দুস্থানী মেয়েটির দিকে চাইলে। কি সবল স্নিগ্ধ কালো চোখ। একটু ভীত সলজ্জ ভাবে সে চেয়ে আছে। হাত ভরা চাদিব গহনা, বানেনেত কপার ফুল। বথেরি পাতের মোটা কাপড়ের ঘোমটার ফাঁক দিয়ে সিঁথিব সিঁদুর জলজল করছে।

চোখ মুছে মালতী মুগ্ধ হয়ে তাব দিকে চাইলে। এট ত সত্যিকার ভাবতের মেয়েব রূপ। এ ত ফরাসী সিল্বেব ব্লাউজ-পবা ইবসেন-ভুর্গেনিভ-পড়া মেয়ে নয়। এদেব দেখতে, এদেব স্বপ্নজগতের কথা

জানাতেই ত মালতী'ব এই নিরুদ্দেশ যাত্রা। সমব এসে একবার এই মেয়েদের দেখুক।

মালতী উঠে দাঁড়ালে, একটু এগিয়ে এল। উৎসাহে'ব সঙ্গে সে বলে উঠল, বহিন! তারপ'ব সে হেসে উঠল। হিন্দি সে একেবারে জানে না। কি ভাষায় সে কথা বলবে? তা'ব ভুল ভাঙা হিন্দি শুনে মেয়েটি নিশ্চয় প'বিত্রাস করবে।

মালতী তা'ব বেঞ্চেতে বসে মু'হু হাসতে লাগল। এ মু'ক হাস্তে মেয়েটি ভয় পেলে। মুখের উপ'ব সে ঘোমটা টেনে দিলে, তারপ'ব মুখ ঘুরিয়ে চেয়ে ব'ইল বাইবের প্রাস্তরের দিকে।

মালতী চুপ করে বসে ভাবতে লাগল, পশ্চিমভা'বতের এ মেয়েটি কত সেকত পৃথক, কত দূরে।

জব্বলপুর স্টেশনে ট্রেন এসে থেমেছে।

সম'ব বললে, আমি এখন যা'ই, দিদি।

অন্তপমা বাধা দিয়ে বললে, না, না, বোস, উনি এ স্টেশনে আসবেন, প'রিচয় করিয়ে দি'ই। চা খাবা'ব সময় হল।

সম'ব হেসে বললে, বেশটা ঠিক গ'ভন মেটে চাকবি'ব দ'খাস্ত পেশ করবার মত নয়।

দরজার খড়খড়ি ফেলে অন্তপমা প্ল্যাটফর্মের দিকে চেয়ে বললে, 'ও'ই উনি আসছেন। কিন্তু গা'ড়ী'ব ভেতর মুখ ফি'বিয়ে সে দেখলে, সম'ব নে'ই। পলকের মধ্যে সে অস্তুহিত। একটা ব্যঙ্গহাস্তের শব্দ জ্ঞানলা দিয়ে ভেসে এল।

কুপেতে প্রবেশ করে জগদীশ অহুপমার ললাটে হাত দিয়ে দেখলে জ্বর এসেছে কি না, তারপর শ্রান্ত হয়ে অহুপমার পাশে বসে পড়ল। তার গম্ভীর মূর্তি অহুপমার ভাল লাগল না।

বিরক্তির সঙ্গে অহুপমা বললে, তোমাদের পরামর্শ শেষ হল?

স্থির দৃষ্টিতে অহুপমার দিকে চেয়ে জগদীশ বললে, হোল আর কৈ? চা পাবার ছুটি নিয়ে এসেছি।

—আবার যেতে হবে সেলুনে?

—হ্যাঁ, শোন, তুমি আর কিছুক্ষণ একা থাকতে পারবে?

—মোটাই নয়। এক মুহূর্তের জন্তও নয়। তোমার সাহেবের অত গল্প করবার থাকে, এগাড়ীতে এসে করতে পারেন।

—দেখ, অবুঝ হোয়ো না। Situation-টা তুমি বুঝ না।

—সিচুয়েশন্ আমি জানতে চাই না, আমি শুধু জানি তুমি এখন ছুটিতে আছ।

—আচ্ছা, আগে চা খেয়ে নেওয়া যাক। কি খাবে আর?

—শুধু এক কাপ চা, আর কিছু খাব না।

—রাগ কর কেন। তোমার জন্ত চিকেন-প্যাটি আনতে বলেছি। আচ্ছা, মালতী ত ছিল এ গাড়ীতে, আর মিস্টার ঘোষ, সব গেলেন কোথায়?

—তারা কি তোমার জীকে আগলাবার জন্তে ট্রেনে চলেছে।

—মালতীকে ডেকে দি তোমার গাড়ীতে। চা খেয়ে গেলে; ডিনারের আগে ছুটি পেতে পারি।

—ভা না হলে সাহেবের সঙ্গেই রাত কাটাতে হবে না কি!

—বোঝ না, duty first.

—করোগে তোমার duty. আমি একাই থাকতে পারব, মালতীকে ডেকো না। ডাকলেও সে আসবে না।

বিস্মিত ভাবে জগদীশ অল্পপমার দিকে চাইলে। জগদীশের দিকে কটাক্ষপাত করে অল্পপমা হাসলে।

এ রহস্যময় হাস্তোদ্ভাসিত অপরূপ মুখের দিকে চাইলে জগদীশের রক্ত ঝিল্মিল্ করে ওঠে।

বয় টোস্ট, চা, প্যাটি, কেক সব দিয়ে গেল। পেয়ালায় চা ঢালতে ঢালতে অল্পপমা বললে, শোন, তোমার সঙ্গে বিশেষ কথা আছে।

চিকেন প্যাটি দাঁত দিয়ে চিবোতে চিবোতে জগদীশ বললে, fine করেছে, একটা খাও তুমি আগে !

জগদীশের কালো কদাকার মুখের উপর জল্জলে চোখে চেয়ে অল্পপমা ধীরে বললে, শোন, আমার এক ভাই এই ট্রেনে যাচ্ছে।

জগদীশ হেসে বললে, তোমার ভাই ! আমার সন্দ্বন্ধী বল—তোমার ভাই আছে বলে ত জানতুম না। জগদীশ আর একটা প্যাটি মুখেতে পুরলে।

জগদীশের হাসির ভঙ্গীতে অল্পপমার ভয় হল। উদ্বিগ্নকণ্ঠে সে বললে, সে আমার ভাই, আনাকে দিদি বলেছে ; আমি বলেছি, আমি থাকতে তার কোন ভয় নেই। তার কোন বিপদ হবে না।

এক চুমুক চাঁ খেয়ে জগদীশ বললে, বিপদ হবার আশঙ্কা আছে নাকি ?

অল্পপমা ক্ষুদ্রস্বরে বললে, দেখ, আমার ভয় দেখিও না ; তুমি নিশ্চয় জানো, রিপোর্ট পেয়েছ।

জগদীশ হেসে বললে, তুমিও যে রিপোর্টারদের দলে রয়েছ, তা জানতুম না।

অনুপমা বললে, তাকে আমি অভয় দিয়েছি। তোমাকে বাপু অত নাথতে পারি না—তাকে একটা কাজ দিতে হবে।

জগদীশ বললে, বরাভয়দায়িনি, যদি অভয় দিলে, তবে আমার ভয়ে সে এ কুপে ছেড়ে চলে গেল কেন?

অনুপমা উত্তেজিত হয়ে বললে, তোমাব ভয়ে যায় নি। ভব তারা জানে না!

জগদীশ এবার উচ্চস্বরে হাস্য কবে উঠল।

—ভয় যদি জানে না, তা হলে দুই মহিলার কাছে আশ্রয় ভিক্ষা করতে আসে কেন?

—সে আসেনি, আমি বলেছিলুম আসতে।

—বেশ তুমি রক্ষা কবার দায়িত্ব ত নিয়েছ।

—তুমি বাঁচাবে না, তুমি কাজ দেবে না! আমি যে তাকে বলেছি—

অনুপমার হাত বেঁপে খানিকটা চা কাপ হতে ছল্কে পড়ে গেল শাড়ীতে।

—আমি কি বলেছি কাজ দেবো না, অস্থির হোচ্ছ কেন?

—বেশ, দরকার নেই তোমাব কাজে, শুধু বোধে পযন্ত তাকে নিরাপদে যেতে দাও।

জগদীশ হেসে বললে, এতখানি পথ যখন নিরাপদে আসতে পেরেছে, তখন বাকি কুণ্ডে যেতে পারবে; কোন ভয় নেই। তবে তার আর একটা বড় বিপদ ঘনিষে আসছে—একটা প্যাটি খাও।

—সে বিপদ কি?

—সোদিয়লিজম্ ও স্ত্রন্দরী নারীর মধ্যে কোনটা বেশি ভয়ঙ্কর দেখা যাক!

—দেখ, সব বিষয়ে পরিহাস কোরো না।

অনুপমা স্তব্ধ হয়ে বসে রইল। এ গম্ভীর গুরুতা অকস্মাৎ আঘাতের মত জগদীশকে দূরে ঠেলে দেয়। রহস্যময় সৌন্দর্য-আবরণের সৃষ্টি করে।

পরম বিশ্বয়ে জগদীশ অনুপমার দিকে চাইলে।

যে অপরূপ নারীসৌন্দর্যে সে মত্তমুগ্ধ, সে মায়াভালে ^১এ শোসিয়লিষ্ট যুবকও ধরা পড়েছে। অলৌকিক এর শক্তি।

জগদীশ বললে, ওগো, তোমার ভাইকে আমি ভাল কাছ দেব। সত্যিই সে শোসিয়লিষ্টম্ ছেড়ে দেবে?

অনুপমা কোন উত্তর দিলে না। চা-ভেজা শাড়ীটা ছাড়তে সে উঠল। তার মন ভারী হয়ে উঠেছে! সমর যে পথে চলেছে, সেই পথেই হয়ত তার জীবনের সাংগতিকতা। স্বপ্ন ভরা দরস্ত প্রাণ-ভরা তরুণের জীবন নিয়ন্ত্রিত করবার অধিকার বা শক্তি তার আছে কি?

মিস্ মল্লিক, কাকে খুঁজছেন!

মালতী চমকে চাইলে। তার সামনে কল্যাণকুমার, টোঁটের কোণে তিব্বতভাবে লাগান পাইপ থেকে ঝেং ধূম উদ্গীর্ণ হচ্ছে।

জব্বলপুর স্টেশনে ট্রেন থামতে মালতী প্ল্যাটফর্মে নেমে পড়েছে। মনে ক্ষীণ আশা আছে, সমরের দেখা পেতে পারে। সমর হয়ত আর ছদ্মবেশে থাকবে না। অনুপমার কুপের দিকে যেতে তার ইচ্ছা হাচ্ছিল না। সমরকে সে একা চায়। সমরের সঙ্গে একটা বোঝাপড়া করতে চায়।

মুখ হতে পাইপ নামিয়ে কল্যাণ বললে, আপনি কাউকে খুঁজছেন মনে হচ্ছে।

মালতীর মুখ রাঙা হয়ে উঠল। অপরাহ্নের আলো সে রক্তিম মুখে এসে পড়ল। যেন কোন বিকাশোন্মুখ পুষ্পের পাপড়িতে রঙ লাগল।

ম্লান হেসে মালতী বললে, বিশেষ কাউকে খুঁজছি না।

ওলের মত বড় ভারী মাথাটা নেড়ে কল্যাণ বললে, সেই-ত আরও মুশকিল, লক্ষ্য যেখানে স্থির, সন্ধান করতে দেখানে দেরি হয় না, আমরাও সাহায্য করতে পারি; কিন্তু এই যে নির্বিশেষ থেকে বিশেষকে নির্বাচন করা, নিকৃদ্দেশে বার হয়ে উদ্দেশ্য খোঁজা, এ অবস্থাটা বেদনাময়।

আয়তনয়নে মালতী কল্যাণের দীপ্ত চোখের দিকে চাইলে; পাইপের ধূম্ভ্রালে গোরবর্ণ মুখকান্তি আচ্ছন্ন। কল্যাণ কি পরিহাস করছে !

মালতী হাশের স্বরে বললে, আপনার কি সেই অবস্থা নাকি ?

পাইপটা পরিত্যক্ত করতে করতে কল্যাণ বললে, অবস্থাটা কি ঠিক বুঝতে পারছি না, মিস্ মল্লিক। চেষ্টাও করি না। তবে এটা বুঝছি, চা খাবার সময় হয়েছে, চায়ের তৃষ্ণাও জেগেছে, কিন্তু একা খেতে যেতে ইচ্ছা করছে না, একা বসে আমি চা খেতে পারি না, বিশেষত বিকেল বেলা।

মালতী গম্ভীর ভাবে বললে, একা খেতে হবে কেন, যিনি নিমন্ত্রণ করেছেন তিনি সঙ্গে থাকেন।

বিশ্বাসের স্বরে কল্যাণ বললে, নিমন্ত্রণ ? কৈ আমি ত জানি না। এই দেখুন, আমার নিমন্ত্রণ, আমি নিজে জানি না, এমনি করে জীবনের বড় বড় স্বযোগ সুবিধেগুলো হারাই—কে নিমন্ত্রণ করেছে ?

—কেন, অল্পপমা দিদি !

—অল্পপমা ! কৈ, মনে ত পড়ছে না। আপনাকেও বোধ হয় করেছে।

—আমাকে বলেছিল, কিন্তু আমি যাব না।

—আর আমাকে হয়ত বলেছিল, আমি ভুলে গেছি। এ ভালই হয়েছে। চলুন, তার চেয়ে রেস্টোরাঁ-কারে গিয়ে চা খাওয়া যাক—
আপনি রাজী মিস্ মল্লিক !

—চা খেতে আমার বিশেষ ইচ্ছে নেই।

—আবার বিশেষ ইচ্ছার কথা ভুললেই মুশকিল হয়। ইচ্ছাটা এখন অবিশেষই থাক, যখন বিশেষ রূপ ধরে উঠবে, জানাবেন। চলুন মিস্ মল্লিক, এখন গাড়ীতে একা বসে চা খেতে হ'ল মন বড় খারাপ হয়ে যাবে, ভাবব, পৃথিবী ছুড়ে, ট্রেন ভরে এত নরনারী, অথচ চা খাবার একজন সঙ্গীও আমার নেই।

—সেটা ত সহজেই করতে পারেন—সব সকাল-বিকেলের চা-খাবার সঙ্গী—আপনাকে চা তৈরি করে খাওয়াবে।

পাইপে অগ্নিসংযোগ করে কল্যাণ বললে, আপনি কি বলতে চান, বুঝতে পারছি। দেখুন, অত বড় লোভ আমি করি না, সেজন্তে ঠিকিছও বার বার—আজ বিকেলে যে আপনার সঙ্গে চা খেতে পাচ্ছি, এই আনন্দ কণাটুকুই চাই, চিরদিনের অসীম আনন্দের দাবি করতে সাহস হয় না।

মালতী বলতে চাইলে, আপনি আমার কথা কিছুই বুঝছেন না, এ সব কি বলছেন—কথার রঙীন জাল রচনা করছেন। কিন্তু সে কোন কথা বলতে পারলে না। পাণ্ডুর আনন রক্তোচ্ছ্বাসে অরুণ। নীরবে সে কল্যাণের সঙ্গে রেস্টোরাঁ-কারের দিকে চলল। কল্যাণ যেন তাকে

টেনে নিয়ে চলেছে। স্টেশনের কুলী-বেশি সময় তার পাশ দিয়ে চলে গেল, সে চিনতেও পারল না।

রেস্তোরী-কারে টেবিলে ছ'জনে মুখোমুখি বসল।

গণেশ ঘুমিবে পড়েছে।

শিপ্রা ও দেবপ্রিয় তাস খেলে চলেছে। স্টেশনের পর স্টেশন চলে যাচ্ছে, তাদের খেয়াল নেই।

হঠাৎ তাসগুলো ছড়িয়ে ফেলে শিপ্রা বললে, শুধুন দেবপ্রিয়বাবু, আপনি আমার সাহায্য কববেন, কথা দিয়েছেন।

বিস্মিত হয়ে দেবপ্রিয় বললে, কথা দিয়েছি বটে, কিন্তু কি করতে হবে জানাননি ত।

গম্ভীরভাবে শিপ্রা বললে, ব্যাপারটা সহজ নয়।

শিপ্রাব স্বর্গ কঙ্কণের দিকে চেয়ে দেবপ্রিয় বললে, আপনার উপযোগী কোন সিনেমা গল্প লিখে দিতে হবে, যাতে আপনার অভিনয় নৈপুণ্য প্রকাশিত হয়,—যদি কখনও গল্প লিখিনি—তবে চেষ্টা করতে পারি।

—সিনেমা-গল্প নয়, জীবনের গল্পরচনার যোগ দিতে হবে।

—কাব জীবনের ?

—আনার।

—আপনাব ! আমি ত আপনার জীবন লিখতে ব্যগ্র।

—পুরাতন জীবন নয়, নতুন জীবন গড়তে হবে। আচ্ছা, দেবপ্রিয়বাবু, আমাকে দেখে আপনার কি মনে হয় ?

—বেশ ভালই মনে হয়।

—হতে পারি আমি এক্‌ট্রেস্‌, তা বলে আমি খারাপ মেয়ে ত নই।

—কে বলে আপনি খারাপ।

আবেগের সঙ্গে দেবপ্রিয় দাঁড়িয়ে উঠল। শিপ্রার নিদ্রুককে সে বুঝি মুষ্টিযুদ্ধে আহ্বান করবে।

—বন্ধন, স্থির হয়ে। শুধুন আমার কথা, আপনি পণ্ডিত মানুষ, বুঝতে পারবেন।

—আমি বুঝতে পারছি, এই এক্‌ট্রেসের লাইফ আপনার ভাল লাগছে না, আপনি চান সহজ সরল জীবন, শাস্ত গৃহকোণ—

—ঠিক বলেছেন, আপনি পণ্ডিত লোক, সহজেই বুঝতে পারলেন, আর এই কথা অন্য লোকদের বললে—হাসে। তবে এক্‌টিং করতে ভাল লাগে না, বলতে পারি না। দেখুন না থিয়েটারে এক্‌টিং করতুম, এখন ফিল্মে এক্‌টিং করতে চলেছি—বেশ একটা উত্তেজনা, আনন্দ আছে বই-কি—কিন্তু এতে ত সমস্ত মন ভরে না।

—বলুন, হৃদয় ভরে না। আপনি চান ভালবাসা—হৃদয় পেতে চান।

—ভালবাসা! জানি না সত্যি ভালবাসা কি—সেঁজে কত ভালবাসার অভিনয় করেছি, কিন্তু আমাদের জীবনটা কি দেখুন।

—জীবনে ভালবাসা পেতে চান। আপনি সেঁজে যে প্রেমের অভিনয় করেন, জীবনে তা সত্যরূপে পেতে চান, আর আমরা জীবনে যে প্রেমের বেদনা পাই, তা ভুলতে মিথ্যার অভিনয় দেখতে যাই।

—দেখুন, আপনার হৈয়ালি বুঝলুম না।

—জীবনটা যে একটা হৈয়ালি।

—হৈয়ালির সমাধান করবার এখন সময় নেই, আমার কথাটা শুনে নিন—গণেশবাবু এখনি জেগে উঠতে পারে।

—এর মধ্যে গোপনীয় কি আছে ?

—আপনি কিছুই বুঝতে পারছেন না। আপনার সঙ্গে যা পরামর্শ করতে চাই, সে-ত গণেশবাবুর সম্বন্ধেই।

--গণেশবাবুর সঙ্গে আপনার কি সম্বন্ধ আমি তা জানি না।

—কি সম্বন্ধ মনে হয়।

—দেখুন, যা জানি না, সে বিষয়ে অনুমান করতে পারি, কিন্তু তা বলা উচিত নয়।

—আপনি বলুন। আমি তার জন্তে দুঃখিত বা লজ্জিত হব না।

—আপনারা দু'জনে বন্ধু!

—বন্ধু! বা বেশ বলেছেন, গণেশবাবুকে জাগিয়ে শোনাতে ইচ্ছে করছে।

—গভীরভাবে ভেবে দেখুন, আপনার মধ্যে শুধু কামনার যোগ নয়, শুধু লালসার নয়, তার চেয়ে গভীর যোগ রয়েছে—এ যোগে দু'জনের আত্মা আনন্দ পাচ্ছে।

—আত্মা! লোকে গে বলে, একট্রেনের আবার আত্মা!

—তা হলে, কাল রাতে কে কাঁদছিল আপনার হৃদয়ে বসে? সে কি আপনার অশান্ত অতৃপ্ত আত্মা নয়!

—আপনি আমাকে কাঁদতে দেখেছিলেন!

—সেই সময়ে হঠাৎ ঘুম ভেঙে গেছিল। মনে হল, কে যেন কাঁদছে, সে কারা যেন পৃথিবীর বুক থেকে আসছে।

—মাঝে মাঝে আমার কেমন মন খারাপ হয়ে যায়, কিছু ভাল লাগে না—আমি অমন কাঁদি—ওটা বোধ হয় আমার একটা অস্থি। তারপর লজ্জা হয় সে কথা ভাবলে।

—আমারও ত কিছু ভাল লাগে না, কিন্তু আমি ত অমন কাঁদতে পারি না।

—কি পাগলের মত বকছেন, আপনি যে পুরুষ মানুষ, কাঁদবেন কি ! তবে গণেশবাবু মাঝে মাঝে খুব মাতাল হয়ে গেলে, হঠাৎ কাঁদতে বসে।

—না, কাঁদবার জন্তে মাতাল হতে রাজী নই।

—দেবপ্রিয়বাবু, আপনি স্বামী নন, বুঝতে পারছি।

—সুখ জীবনের কাম্য নয়, বেদনাকে ভয় করি না। কিন্তু এই যে মহারহস্য, এর কোন সন্ধান পাওয়া যায় না, জীবনের সব জটিল প্রশ্নের কোন উত্তর মেলে না—খিওরীর পর খিওরী গড়ি—কেন দুঃখ, কেন অবিচার অত্যাচার, কেন ব্যাধি—সমস্যার সমাধান নেই—বলতে পাব—এ অশাস্তি—

—দেবপ্রিয়বাবু, ভুলে যান কেন, আমি এসব বিষয়ে অজ্ঞ। শুধুন, আসল কথাটা বলা হচ্ছে না।

চশমার কাচ মুছে দেবপ্রিয় কালে' চশমাটা পরলে। বহিঃগতের ওপর কালো রং ঢেলে দূরে সরিয়ে সে যেন অন্তরঙ্গগতে বাস করতে চায়।

দেবপ্রিয় দেপলে, ঘুমন্ত গণেশের দিকে শিপ্রা স্থিরমনে চেয়ে আছে। কি ব্যাকুল মমতা সে দৃষ্টিতে! দেবপ্রিয় চমকে উঠল।

তত্ত্বজিজ্ঞাসুর মত দেবপ্রিয় বললে, আপনি গণেশবাবুকে বিবাহ করতে চান ?

সোনার ঢুল ঢুলিয়ে শিপ্রা হেসে উঠল, কোন উত্তর দিলে না।

দেবপ্রিয় বললে, আর গণেশবাবু রাজী নন, সেজ্ঞ আপনি আমার সাহায্য চাইছেন, তাঁকে রাজী করাতে।

বিস্মিতভাবে শিপ্রা দেবপ্রিয়ের মুখের দিকে চাইলে, কে বললে এসব কথা ?

—এই কথাগুলি বলবার জন্তে আপনি এতক্ষণ চেষ্টা করছিলেন ?

—আপনি সাংঘাতিক লোক !

—এ বিষয়ে ভেবে আপনাকে বলব।

—কি ভাববেন ? এত ভাবেন কেন ?

—সাহায্য করা উচিত হবে কি না—অর্থাৎ আপনার বিবাহ করা—
বাধা দিয়ে শিপ্রা ক্ষুব্ধস্বরে বললে, উচিত কি না ! চাই না আপনার
সাহায্য। আবেগের সপে শিপ্রা দাঁড়িয়ে উঠল, ক্রোধে তার দুই চোখ
জলে ভর-ভর।

দেবপ্রিয় হতাশভাবে বসে রইল। অনেক বইয়ে পড়েছে,
অভিনেত্রীদের মনের অবস্থা স্বপ্নে স্বপ্নে পরিবর্তনশীল। দৃষ্টান্ত তার
সম্মুখে।

রেস্তোরাঁ-গাড়ীতে চা খাওয়া শেষ হয়ে গেছে।

একটা ছোট গেশনে গাড়া থামতে মালতী টেবিল ছেড়ে ঠঠবার
চেষ্টা করলে।

কল্যাণ তাকে বাধা দিয়ে বললে, আর একটু গল্প করা যাক, বসুন।
তাড়া কিসের ?

বয়সে আর এক পট্ চা আনতে বলে কল্যাণ বললে, চতুর্থ কাপ
হোক !

মালতী হেসে বললে, মোটেই না। আপনি কি চা খেতেই পারেন !

—সত্যেন দত্তের সেই চীনে কবিতার অধ্ববাদ মনে পড়ে, ‘প্রথম
পেয়ালা কণ্ঠ ভেজায়’—আমি বোধ হয় গতজন্মে চীনে ছিলাম।

—এবার মগজে মুকুতা মানিক ছলবে ?

—দেখুন মিস্ মল্লিক, আজ বড় ফুটি করে চা খাচ্ছি—ভাববেন না ফ্রাটারি, বড় ভাল লাগছে আপনাকে।

—কথাগুলো ইংরেজীর অনুবাদ বলে মনে হচ্ছে।

—এতদিন ইংলণ্ড থেকে বোধ হয় ইংরেজী ভাষায় ভাবি।

—অথবা, ইংরেজ মেয়েদের ওই সব কথা বলে এমন অভ্যাস হয়ে গেছে যে, দেশের মেয়েদেরও ভুলে বলে ফেলেন।

—আপনার কি সত্যিই একথা মনে হচ্ছে?

মালতী কোন উত্তর দিতে পারলে না। চা-খাওয়া খালি পেয়ালার মধ্যে অকারণে একটা চামচ নাড়তে লাগল।

—দেখুন মিস্ মল্লিক, আপনার সাহসিকতায় আমি মুগ্ধ। এই যে একা বেরিয়ে পড়েছেন—দেশের তারুণ্যের জয়যাত্রা দেখছি আপনার মধ্যে।

—অত বড় বড় কথা বলবেন না, লজ্জা করে। আপনি ত কত দেশ ঘুরেছেন।

—বলেন ত আর একবার ঘুরতে পারি আপনার সঙ্গে, আমাকে গাইড করলে ঠকবেন না।

অপরূহের আলো-ভরা সুক্ণ বনানীর দিকে চেয়ে মালতী দীর্ঘনিশ্বাস ফেললে। মনে পড়ল সময়ের সঙ্গে তার আর ইয়োরোপ যাওয়া হবে না, বোধ হয় বোধে হঁতেই বাড়ী ফিরতে হবে।

আনমনা মালতীর দিকে কল্যাণ মুখ্যবাকুল চোখে চেয়ে রইল। বড় জানতে ইচ্ছে করল, কি ভাবছে সে। হয়ত, এই সন্ধ্যার পৃথিবী তার চোখে সুন্দর লাগছে, মধ্য-ভারতের এ ঘন অরণ্যের রহস্যরূপে সে চকিত।

মালতীর আয়ত নয়নের করুণবাকুল দৃষ্টি কল্যাণের তীক্ষ্ণচক্ষুর দীপ্ত-

কালো তারকায় গিয়ে কখন পড়ল মালতী তা জানতে পারল না। এ সম্বোধনের মত।

—আপনি কি আবার ইউরোপে যাবেন? এই ত এলেন কত বছর পরে।

—দরকার হলে আবার যেতে পারি।

—এখন কি দরকার?

—ধরুন, আপনি আমাকে প্রদর্শকরূপে নিযুক্ত করলেন।

—কি যে বলেন! ইচ্ছা হয় ইউরোপে যেতে। একটি ছেপের সঙ্গে প্ল্যান করেছিলুম—সে প্ল্যান ভেঙে গেল।

—একজনের সঙ্গে প্ল্যান হল না বলে আর একজনের সঙ্গে হবে না? আপনি সাহসিকা, life নিয়ে experiment করতে ভয় পাবেন কেন?

—না, ভয় করব না। Life is an experiment, ইংরেজীতে বললে বেশ শোনায়, কিন্তু তার বাংলা করে ‘পবীক্ষা’ বললেই ভয় করে।

তা হলে ফোর্থকাপ্ হোক, বলে সময় মালতীর শূত্র পেয়ালায় চা ঢেলে ভরে দিলে।

প্রাণান্তকার সাক্ষ্য পার্বত্যশ্রীর দিকে মালতী দীপ্ত নয়নে চেয়ে রইল। তাব বুক ছুঁতর করছে। চুষ করে সে বসে রইল। কল্যাণের মুখের দিকে চাইতে পারলে না।

পাঠেপে তামাক ভরতে ভরতে কল্যাণ বললে, আপনি বিশ্বাস করছেন না আমার কথা? কথাগুলো সহজস্বরে বলি, সেজ্ঞা আমাকে কোন মেয়ে সিরিয়স্ ভাবে না—

রঙীন দিগন্তের দিকে চেয়ে মালতী বললে, আমি আপনাকে খুব সিরিয়স্ ভাবছি। কিন্তু ভেবে দেখুন, আপনার সঙ্গে আমার পথের ঋণিক আলাপ, আপনি আমাকে কিছুই জানেন না।

পাইপটা টেবিলে রেখে কল্যাণ বললে, জানার ত এক জায়গায় গুরু হবে মিস্ মল্লিক, সে পথেই হোক আর বিপথেই হোক। আর এ জানার যে শেষ নেই—এ অশেষের পরিচয়—

—বুঝতে পারছি কেন লোকে আপনাকে সিরিয়স ভাবে না।
কথার কৃত্রিম জালে আপনি মনের আসল কথা ঢেকে রাখেন।

—আশ্চর্য! এই কথাগুলি আমাকে এক ফরানী মেয়ে বলেছিল,
প্যারিসের কোন কাফেতে। বুঝতে পাবেন না কি, মনের অধিক
অংশটা অব্যক্ত, আমার কাছে ত অজ্ঞাতই মনে হয়, কথার ঘোমটা পরে
সে বসে থাকে!

—আমি খুব স্পষ্টভাবে ভাবতে চাই, আর খুব সহজ স্পষ্ট করে তা
বলতে ভাল বাসি।

—কিন্তু তা কি সম্ভব? ওই যে শুকতারা শুধু পুষ্পের মত
অন্ধকার দিগন্তে ঘুটে উঠল, দিনের আলোয় কে ভাবতে পেরেছিল,
ওই তারা ছিল ওখানে? মনের আকাশে তেমনি হঠাৎ কোন স্থল,
কোন কথা জেগে উঠে আপনার চমক লাগিয়ে দেয় না কি? অথচ সে
স্থল সে ব্যথাকে ভাষায় ব্যক্ত কববার চেষ্টা করলে ওই শুকতারার মত
কোন অসীম অতল অন্ধকারে মিলিয়ে যায়।

পাইপটা মুখে তুলে কল্যাণ চুপ বসলে।

শুদ্ধ বনপ্রান্তে শুকতারার দিকে মালতী চেয়ে রইল।

অতৃপ্ত করলে কোন গভীর আনন্দ, শান্তি, ব্যাবুলতার হৃদয় ভরে
আসছে, এ অতৃপ্তির ভাষা বুঝি নেই। শুধু চুপ করে ছ'জনে
কাছাকাছি বসে থাকা।

পশ্চিম দিগন্তের অন্ধকারে শুকতারা মিলিয়ে গেছে, হঠাৎ নিভে-
যাওয়া প্রদীপের মত। এখনও চাঁদ ওঠেনি। চারিদিকে মায়াময়
অন্ধকার।

খোলা জানলার ওপর রঙীন কুশন রেখে অল্পপমা এলিয়ে শুয়ে
পড়েছে। অন্ধকার কুপেতে সে একা। বাহিরে আকাশের অন্ধকার
গাড়ীর ভেতরের অন্ধকারের মত এত গাঢ় নয়। মাঝে মাঝে তারা
ছুটে উঠছে। নিম্নভূমিতে মধ্যভাগভেদ ঘন বনানীর তিমির স্রোত।

দিনের নানা ঘটনায় মানসিক উত্তেজনায় সে শ্রান্ত। কিন্তু এ
দৈহিক ক্লান্তিতে অন্তর আরও উদ্দীপিত হয়ে উঠেছে। বল্গা-ছেঁড়া
উন্নত অশ্বের মত উদ্দাম চিস্তার স্রোত ছুটে চলেছে, মাথা টন্টন্
করছে। এ চিস্তার গতিরোধ করবার শক্তি তার নেই।

প্রবল বায়ুশ্রোতের দিকে মুখ করে চোখ বুজে অল্পপমা ভাবছিল।
কিছু ভাবতে সে চায় না, কে যেন তার মাথার ভেতর বসে ভেবে
চলেছে।

অল্পপমা ভাবছিল, যদি তার অস্থ না হত। আবাব কখনও
ভাবছিল, তার কোন অস্থ হয়নি; মানসীভ মত সে তরুণী, প্রাণে-ভরা।

আবার ভাবছিল, জগদীশের সহিত যদি তার বিবাহ না হত,
তা হলে এখন সে কি ভাবে থাকত, কি কাজ করত? হয়ত সে গান্ধী-
শিষ্যা হয়ে জেলে যেত, অথবা কোন বিদ্রোহী দলে মিশত, সময়ের মত
সোসিয়লিস্ট হয়ে বক্তৃতা দিত, অথবা জীবিকার্জনের জগ্ন কোন স্কুলে
শিক্ষয়িত্রীর কাজ নিত।

জীবনটাকে ভেঙেচুরে নতুন করে গড়তে ইচ্ছে করে।

যদি তার বাবা হঠাৎ মারা না যেতেন; যদি তিনি এখন বেঁচে থাকতেন। হয়ত, কলাণের সঙ্গে তার বিবাহ হত, অথবা সে কাউকেই বিবাহ করত না। মালতীর মত ভ্রমণে বার হত।

ভাল লাগে না ভাবতে, তবু সে ভেবে চলেছে।

সম্মুখে সিন্ধু ঘন অন্ধকার; সৃষ্টির পূর্বের আদিম অন্ধকারের মত গভীর রংস্রময়, প্রলয়ের অন্ধকারের মত ভীষণ, ধ্বনিবহুল। এমনি কোন রাত্রির অন্ধকারে সন্ধ্যার শুকতারার মত সে মিলিয়ে যাবে। তারপর কোন নবলোকে নবপ্রভাতে নবজন্ম হবে কি?

কেন বাঁচতে সাধ যায়? পৃথিবী কি এমনি সুন্দরী যে বার বার দেখতে ইচ্ছে করে, জীবন কি সত্যিই স্রময় মধুময় যে এত বার্থতা এত বেদনা ভোগ করেও ত্যাগ করতে ইচ্ছা হয় না?

হয়ত সে কোন অজানা ক্রীড়কের হস্তের পুত্তলিকা; বেঁচে থাকবার কামনা ক্রীড়াকারীর ইচ্ছায় চিরজাগ্রত, আর সকল দুঃখজালা ভোগ, হৃদয়ের সকল বেদনা তার প্রাপ্য।

সে হবে বিদ্রোহিনী। কিন্তু কার বিরুদ্ধে সে বিদ্রোহ করবে? রাষ্ট্র, সমাজের বিরুদ্ধে বিদ্রোহ করা যায়, আইন অমান্য করে বিপ্লবের বাণী প্রচার করে যুদ্ধ করে বিদ্রোহ করা যায়। কিন্তু এ অজানা শক্তির বিরুদ্ধে কি করে সে বিদ্রোহ করবে? আত্মহত্যা করে যেখানে বিদ্রোহ করতে হয় সে বিদ্রোহে লাভ কি? এ জীবন ত্যাগ করবার জ্ঞান নয়, এ মানব-জীবন আরও পূর্ণরূপে উপভোগ করবার জ্ঞান সে হবে বিদ্রোহিনী।

অল্পম! চোখ মেলে উঠে বসল।

সম্মুখে দিখলয়ে অন্ধকার কেটে গেছে। স্বপ্নতরীর মত শুভ চন্দ্রমা অন্ধকারদুন্দ্রে পাড়ি দেবার জ্ঞান যাত্রা শুরু করেছে।

অল্পমা হেসে উঠল, তারপর দীর্ঘনিশ্বাস ফেললে। হাসতে গিয়ে বুকে একটা ব্যথা খচখচ করে উঠেছে। কাশির বেগ আসে বৃষ্টি। চাঁদের আলোয় চাইতে আর ইচ্ছা হল না। আবার সে চোখ বুজে শুয়ে পড়ল। সে অল্পভব করতে চাইল, অসীম অন্ধকারে সে ছুটে চলেছে, অন্তর্ব্যোমে কক্ষচ্যুত কোন তারকার মত, সংঘাতে বিপ্রব, নবহৃষ্টি হবে।

একটি ছোট স্টেশনে ট্রেন থেমেছে ক্ষণকালের জন্ত। নিঃশব্দে কে একজন কুপের দরজা খুলে প্রবেশ করলে। তার দীর্ঘ দেহের ছায়া জানলার ফ্রেমে-বাধান আকাশটুকু ভরে দিলে। প্রবেশ করেই আগন্তুক কুপের আলো জ্বলে বাইরের অন্ধকার দূর করে দিলে। সন্ধ্যায় চকিতভাবে অল্পমা চেয়ে দেখলে, এ সময় নয়, কল্যাণও নয়, এক অজানা সম্মাসী।

অল্পমা ভয় পেলে না। হাঙ্গেরীয় ব্রাউজের উপর কটকী শাড়ীর রঙীন চঙড়া আঁচলা টেনে মুছ হাসলে। অজানা ক্রীড়কের কোন নতুন খেলা বৃষ্টি শুরু হবে।

লজ্জিতভাবে প্রেমদাস বললেন, আমি যে গাড়ী ভুল করে ফেললুম, দেখছি, মা! এ যে বড় অত্মায় হল।

অল্পমা হেসে বললে, এ অত্মায় আপনার স্বেচ্ছাকৃত নয়, আপনি বহ্নন। গাড়ী চলতে আরম্ভ করেছে, এখন নামবার চেষ্টা করবেন না।

—এ যে বড় ভুল করলুম।

—ভুল আপনি করে থাকতে পারেন, কিন্তু এ ম্যারিয়নেটের অভিনয়ে দড়ি যিনি টানছেন, তিনি ভুল করেন নি। আপনি বহ্নন।

—বড় সুন্দর কথা বলেছ মা, ভুল তিনি করেন না।

—দেখুন, আমার বড় একা লাগছিল, মনে হচ্ছিল ওই আকাশ-

ছোড়া অঙ্ককার আমার বৃকে চাপ দিচ্ছে, আমি হাঁপিষে উঠছিলুম, ঠিক সেই সময় আপনি গাড়ীতে ঢুকে আলো জ্বলে দিলেন। আমি বোধ হয় আপনাকেই খুঁজছিলুম।

—আমাকে? আমাকে কি তুমি চেন?

—এই ত চেনার শুরু হল। তবে আপনার নাম শুনেছি।

—কার কাছ থেকে শুনেলে?

—দু'জনের কাছ থেকে। একজন আমার পুরাতন বন্ধু, আর একজনের সঙ্গে এই ট্রেনেই আলাপ।

—আমাকে ত নয়, তাকেই ত তুমি চাইছিলে। তোমার নতুন আলাপীটিকে।

—হাঁ, তার কথা আমি ভাবছিলুম, তার জগে আমি চিন্তিত। আপনি ঠিক বলেছেন। আপনি কি মনের কথা বুঝতে পারেন?

—তোমার মন বড় চঞ্চল, বড় ব্যথা-ভরা, এ বুঝতে পারছি।

—আপনাদের ত অলৌকিক শক্তি আছে, আমার মনকে শান্ত করে দিন দেখি!

প্রেমদাস মুহূ হাসলে।

জলজলে চোখে চেয়ে অল্পমম্বা বললে, কি, চুপ করে রইলেন যে! আচ্ছা আপনি অস্থব সারিয়ে দিতে পারেন?

—আমি ত উঁক্কার নই।

—আপনাদের ত অলৌকিক শক্তি আছে।

—আমি ত ঐন্দ্রজালিক নই। আমি সন্ন্যাসী। তবু লোকে ভাবে আমি জাহুবিজ্ঞা জানি। এই দেখ আমার গাড়ীতে একজন বাবসাদার চলেছে, তার অর্থের প্রয়োজন, আমাকে বলে, আপনি টাকা যোগাড় করে দিন, আপনার শিষ্ঠ হব, আপনি টাকা দিন। আচ্ছা, আমি কি

তেদ্রারাতর কারবার করি? কিন্তু লোকটির নিষ্ঠা প্রবল। সেজন্য তাকে সাহায্য করতে গাড়ী থেকে নেমেছিলুম। এই ট্রেনে একটি ধনী যুবক যাচ্ছে, তার সঙ্গে একটি অভিনেত্রী আছে, শুনলুম, ফাস্ট ক্লাস গাড়ীতে সে যাচ্ছে, তারি খোঁজে এসেছিলুম, ভুলে তোমার গাড়ীতে উঠে পড়েছি।

—আপনি যাদের খুঁজছেন, তাঁরা বোধ হয় পাশের গাড়ীতে আছেন। মাঝখান থেকে আমার লাভ হয়ে গেল। জানেন, সন্ন্যাসীদের আমার বেশ লাগে, আমার বাবার কাছে অনেক সন্ন্যাসী আসতেন, তাঁরা বড় মজার মজার কথা বলতেন। একজন ছিলেন অদ্বৈতবাদী। জগৎ যে মিথ্যা, এ প্রমাণ করতে প্রাণান্ত পরিশ্রম করতেন। তিনি কিন্তু সবচেয়ে বেশি খেতে পাবতেন। তাঁর গলাবাজি ও খিদেটা যে মিথ্যে নয়, তা সবাই বুঝতে পারত।

—তুমি কি অন্তপমা?

—হ্যাঁ, আমার নাম অন্তপমা।

—আমিই সে-ই সন্ন্যাসী।

রাধাকান্ত আবার নোটবুক নিয়ে হিসাব করতে বসেছে। গাড়ীর ঝাঁকুনিতে সংখ্যাগুলি ঠিকমত লিখতে পারছে না, বার বার লিখছে আর কাটছে; দেনাব টাকা পাওনার চেয়ে বেশি হয়ে যাচ্ছে। সেজন্য সে চিন্তিত নয়। এখন কিছু টাকা ধার পেলে হয়, দু'লাখের কম চলেবে না, চার লাখ পেলে বেশ ভাল হয়। কলটা সারতে দেবি হবে। অবশেষে কি বোধে মার্কেটে গিয়ে ধার করতে হবে? কলের শেয়ার-

গুলির ওপর বাটলিওয়ালার লোভ ভয়ানক, সে জানে; শেয়ার গচ্ছিত রেখে টাকা চাইলেই সে পাবে। কিন্তু খাল কেটে কুমীর ঢোকাতে সে চায় না।

টাকা তার চাই। হার সে মানবে না। বোম্বে পৌছেই ব্যবস্থা করতে হবে। হাত পাততে হবে পাশাঁ ধনীর কাছে। অথচ ওই গণেশ ইচ্ছা করলেই দু'লাখ টাকা দিতে পারে। সন্ন্যাসীরও অনেক ধনী শিষ্য আছে নিশ্চয়। সন্ন্যাসী যে তখন বললে, আপনি টাকা পাবেন, তার মানে কি?

রাধাকান্ত দাঁড়িয়ে উঠল। আর একটা আলো জ্বলে দিলে।

সামনের বোর্ডতে সন্ন্যাসী নেই। এ গাড়ী ছেড়ে সবাই গেছে কেন? শুধু সেই বুদ্ধ লোকটি বসে আছে; সাদাচুল-ভরা মাথা দেখলে মনে হয় যেন পরচুল পরে যাত্রার অভিনয় করতে নেমেছে।

আর একটি অজানা লোক সামনে বসে তার দিকে সন্দিগ্ধনয়নে চাইছে। যেন তাব সঙ্গে কথা কইতে চায়, কিন্তু তার সাহস হচ্ছে না কথা কইতে। লোকটি পরিচিত, শেয়ার মার্কেটে দেখেছে, অথবা কোন ইংরেজ দালালের অফিসে।

লোকটি দাঁড়িয়ে উঠল টেরা চোখ কাঁপিয়ে বললে, তাজ্জব ব্যাপার! মিতর সাহাব। কোথা চলেছেন? ফতেসিংকে চিনতে পারছেন না হুজুর!

ফতেসিং! রাধাকান্তর বিশ্বাস হল না তার সামনে ফতেসিং দাঁড়িয়ে। কোটিপতি ফতেসিং!

আবেগের সঙ্গে রাধাকান্ত ফতেসিং-এর দুহাত জড়িয়ে ধরলে, আশায় আনন্দে সে কাঁপছে।

রাধাকান্তকে জোরে ধরে ফতেসিং বললে, আপনার কি অসুখ হোল,

মিতর সাহাব! আরে বসুন, বসুন—টেনে এতো হিসাব করলে ত মাথা গরম হোবে—এতো হিসাব কেনো—কোন্ কোম্পানীকে লাটে তোলাচ্ছেন!

রাধাকান্ত দীপ্তকণ্ঠে বললে, আপনার দেখা পেয়েছি, আর আমার ভয় নেই, বসুন।

মাথায় মাডোঘাবীর পাগড়ি, কানে ধোবার ফল, গলায় সোনার হার, পশ্চিমী ফতুয়ার উপর চীনে-সিকের লম্বা পাশী কোট, পরনে জবি-পাড ধুতি, পায়ে লঙনে-কেনা জুতো! ফতেসিংকে মাডোঘাবী বললে ভুল করা হবে। বস্তুত তার কোন দেশ নেই, কোন জাতি নেই। সে বলে, সে জহুঁবী, হীরক ব্যবসায়ী। আসলে সে কুশোদজীবী। সে রাজমহারাজদেব টাকা ধার দেয়, পৃথিবী জুড়ে তার টাকা পাটছে। পৃথিবীর যে সব অর্থপতিবা রাজশক্তিকে অর্থ দেয় প্রজাশক্তিকে দমন করবার জন্ত, আবার প্রজাদের ক্ষমতালাভের প্রচেষ্টায় অর্থ সাহায্য করে রাজশক্তিকে খর্ব করবার জন্ত, এক জাতিকে ঋণ দেয় অপর জাতিব নিকট হতে রণ-সম্ভার ক্রয় করবার জন্ত, আবার বিক্রেতা-জাতিকে টাকা ধার দেয় যুদ্ধোপকরণ প্রস্তুত করবার জন্ত, দেশে দেশে কলকারখানার টাকা ঘোরার সঙ্গে যাদের টাকা খাটে, খনিতে তেল কয়লা খঁটাব সঙ্গে যাদের টাকা ওঠে, কামানের ধূমে বোমাব আগুনে যাদের টাকা পুড়ে খাঁটি সোনা হয়, ফতেসিং সেই সব ধনপতিদের দলের।

ফতেসিং হেসে বলে উঠল, মিতার সাহাব, তাজ্জব ব্যাপার, বোম্বে যাচ্ছেন, না বিলেত? আপনার মিলে স্টারাইক গুনলুম।

রাধাকান্ত বললে, স্ট্রাইক বিশেষ কিছু নয়, প্রায় মিটে গেছে, ক'টা ছোঁকরা এসে বড় গোলমাল করছিল। কিছু টাকা দিতেই সরে পড়েছে।

ফতেসিংকে সে মিলের সত্যিকার অবস্থা জানাতে চায় না।

ফতেসিং হেসে বললে, এ আপনি ভুল করলেন, আবার টাকা নিতে আসবে—স্টারাইক বাধাবে—তার চেয়ে একটা সর্দারি কাজ দিয়ে দিতেন ওদের সর্দারকে। এমনি করে বড় বড় গভরনমেন্টও চোলেছে।

রাধাকান্ত আগ্রহের সঙ্গে বললে, এ ঠিক বলেছেন, তা আপনিও বোঝে চলেছেন—what a great pleasure—আপনাকে দেখে বড় আনন্দ হচ্ছে। একটা কাজের কথাও আছে।

সক লম্বা গৌকে একবার আঙুল বুলিয়ে ফতেসিং বললে, সে জানি, আপনার সব সময়ই কাজ, আর কিছু চিন্তা করেন না—খালি ব্যবসা, টাকা—টাকা! এসব সঙ্গে যাবে না, মিতির সাধাব!

রাধাকান্ত একটু বিরক্তির সঙ্গে বলে উঠল, এ যে ভূতের মুখে রাম নাম! টাকার জন্তে আপনি যে সমস্ত পৃথিবী ঘুরে বেড়াচ্ছেন—কোটিপতি হবেও ত আপনার তৃষ্ণা মিটেছে না।

ফতেসিং টেবা চোখের তারা ঘুরিয়ে বললে, আরে কি বলেন, টাকা কি আমার? দেনে-ওয়াল দিচ্ছেন, খেলাচ্ছেন, আমরা ত ভগবানের খাতাকী নাত্র।

রাধাকান্ত হেসে বলে উঠল, ভগবানও কি তেজারতির ব্যবসা খুলে বসেছেন নাকি?

ফতেসিং গম্ভীর হয়ে গেল। ধীরে বললে, ভগবানকে নিয়ে joke করবেন না। তাঁর রূপা না হলে কিছুই মেলে না।

রাধাকান্ত চুপ করে বসল। অবাক হয়ে ভাবলে, হয়ত ভগবানের রূপায় সে ফতেসিং-এর দেখা পেয়েছে, কিন্তু যতক্ষণ না সে তিন লাখ টাকা ধার পাচ্ছে, ততক্ষণ সে নিশ্চিন্ত হতে পাচ্ছে না। বোধ হয় ফতেসিং বুঝতে পেরেছে, সে টাকা ধার চাইবে, সেজন্তে কথাবার্তায় এমন ধর্মের জ্বর লাগিয়েছে।

বাধাকান্ত আর ধৈর্য ধারণ করতে পারল না। আবেগের সঙ্গে সে বললে, দেখুন ফতেসিং, আমায় কিছু টাকা ধার দিতে হবে।

ফতেসিং কোনরূপ বিশ্বাস প্রকাশ করলে না। বিনীতভাবে বললে, এ ত আমার দোভাগ্য, আনন্দেব কথা। তবে আমার কি সামর্থ্য!

বাধাকান্ত বুঝলে, ফতেসিং ধার দিতে বিশেষ রাজী নয়, কিন্তু কত টাকা দরকাব জানবার জন্য ব্যগ্র।

বাধাকান্ত বললে, বেশি নয়, চাব লাখ টাকা হলেই এখন হবে, এ ত আপনার কাছে সামান্য টাকা, বলেন ত মিলের কিছু শেয়ার আপনার কাছে রেখে দেব।

টেবী চোখে চেয়ে ফতেসিং বললে, মিলের স্টারাইক ত থেমে গেছে বলছেন। তা হ'লে অত টাকাব কি দরকার হচ্ছে?

বাধাকান্ত বুঝলে, ফতেসিং টাকা দিতে বাজী, মিলেব শেয়ারের ওপর সকলোবই লোভ। ধাবে বললে, আপনাকে সত্যি কথা বলছি, একটা কল একটু ভেঙ্গে গেছে, চালাতে সাহস হচ্ছে না, ইংলণ্ড থেকে মেশিনার আনতে হবে।

গোঁড়ের ওপর আঙুল বুজিয়ে ফতেসিং বললে, খাচ্ছা, সে কথা হবে কাল সকালে। বোধহেতে ত যাচ্ছেন।

বাধাকান্ত বুঝলে, ফতেসিং কাল সকালে কাগজে সব খবর জানতে চায়, কলের শেয়ারেব দর কত দেখতে চায়। রাত্রেব মধ্যে কথাটা পাকাপাকি করে নিলে সুবিধে হয়।

ফতেসিং বললে, দেখুন মিঠাব সাহাব, যে কাজের জন্যে আপনার গাড়িতে এনুম, আগে সে কাষসিদ্ধি হোক। টাকাব কথা পবে হবে।

মবিশ্বয়ে বাধাকান্ত বললে, সে কাজ কি?

ফতেসিং অনামিকায় বৃহৎ পোথরাজের আংটির দিকে চেয়ে বললে,

এসেছিলুম সাধু-দর্শনে। শুনলাম এ গাড়ীতে প্রেমদাস বাবাজী
বাচ্ছেন—তিনি কোন্ গাড়ীতে জানেন?

টেরা চোখে ফতেসিং কোন্ দিকে চাইছে, বিরিকি বুঝতে পারলেন
না, ভাবলে তার দিকে চেয়ে প্রশ্ন করছে। কথা কইতে সে-ও
উৎসুক হয়েছিল। সে বলে উঠল, ঠাকুর ত এই গাড়ীতেই ছিলেন,
কাছের কোন গাড়ীতে গেছেন, পরের স্টেশনে এ গাড়ীতে আসতে
পারেন। আপনি তাঁকে চেনেন?

ফতেসিং হেসে বললে, কিছু চিনি বই-কি। বড় জোর সাধু। তাঁর
আশিস চাই। যে বছর তাঁর কথায় হাসপাতালে ছ'টা বেড দিলুম,
নিউইয়র্ক মার্কেটে বড় লাভ করেছিলুম। মিতার সাহাব, এত বড় সাধু
আপনার সঙ্গে গাড়ীতে, আর আপনি তাঁর পদসেবা না করে টাকার
হিসাব করছিলেন!

বিরিকি ধীরে বললে, তিনি বোধ হয় ঠুর জন্তে টাকার যোগাড়
করতে গেছেন।

ফতেসিং অবাক হয়ে বললে, টাকার যোগাড়! আরে বাবা, তিনি
খুলি ছুঁয়ে দিলে সোনা হয়ে যায়!

বিরিকি আগ্রহের সঙ্গে বললে, আপনি দেখেছেন? সত্যি?

মনে মনে সে ঠিক করলে, কিছুদিন প্রেমদাস ঠাকুরের পদসেবা
করবে, সঙ্গ কিছুতেই ছাড়বে না। অন্তত ছোট মেয়ের বিবাহের
খরচটা যোগাড় করে নেবে।

ফতেসিং হেসে উঠল। বললে, দেখিনি! বাবাজী বললেন, এই
বিধবার মেয়ের বিবাহের খরচ দিতে হবে। যেদিন চেক লিখে দিলুম,
তার পর দিনই “হিমালয়ান মিল” কিনলুম অর্ধেক দামে। বিনালাভে
টাকা দিই না, বুঝলেন।

ঠাকুরের কথায় ওই লোকটি একজনের মেয়ের বিবাহের খরচ দিয়েছে !

বিরিঞ্চি আকুল নয়নে ফতেসিং-এর দিকে তাকালে । কিন্তু ফতেসিং কোন্ দিকে চেয়ে আছে, সে বুঝতে পারলে না ।

ফতেসিং বললে, আচ্ছা, যুদ্ধ লাগবে শুনছি না কি ?

কেউ উত্তর করলে না ।

রাধাকান্ত খোলা জানলা দিয়ে অন্ধকার বনভূমির দিকে চেয়ে রইলো ।

মধ্যম শ্রেণীর মেয়ে-গাড়িতে মালতী ফিরে এসেছে । গাড়ীতে সে একা । হিন্দুস্থানী মেয়েটি পথে কোথাও নেমে গেছে ।

এক কোণে চূপ করে সে বসে রইল । মনটা কেমন ভারী হয়ে উঠেছে । অকারণে কল্যাণ তাকে কেন এমন করে ডেকে চা খাওয়ালে ।

সত্যিই কি অকারণে ?

গাড়ীতে পৌঁছে দিয়ে কল্যাণ বলেছিল, সাহস হয় না বলতে, ডিনারের সময় যদি আসেন ত ডেকে নিয়ে যাব ।

মালতী উত্তর দিয়েছিল, রাতে আর খেতে পারব বলে মনে হয় না । আর কেমন ক্লান্তি লাগছে ।

কল্যাণ হেসে চলে গেল পাইপের ধূম উদগারিত করে । কিন্তু তার মুখে হাসি এল না ।

ট্রেনের বন্ধক ধ্বনির মধ্যে কল্যাণের-বলা টুকরো টুকরো কথা

তার কানে বাজতে লাগল। কতকগুলি কথা হেঁয়ালির মত তখন মনে হয়েছিল, এখন যেন সে অর্থ বুঝতে পারছে। ইমপ্রেশনিস্ট চিত্রশিল্পীর ছবি যেমন খুব নিকট থেকে দেখলে কতকগুলি অসংলগ্ন পুরু রঙের মোটা ছোপ বলে মনে হয় কিন্তু দূরে গিয়ে দেখলে সমস্ত ছবিটি আলোর দীপ্তিভরা বর্ণের সুসমামণ্ডিত একে উদ্ভাসিত হয়ে ওঠে, তেমনি গাড়ীতে একা বসে ভাবতে ভাবতে কল্যাণের চা-খাওয়ান ভাবব্যঞ্জক চিত্রের মত ফুটে উঠল। জল্জলে রঙে রেখাগুলি হারিয়ে গেছে।

ভাল লাগছে দেখতে, কিন্তু অর্থ স্পষ্ট নয়। নয়নে রঙের নেশা লাগে কিন্তু হৃদয় ভাবাক্রান্ত হয়। এ সুখ নয়, এ হৃদয়জালা।

মালতীর কাঁদতে ইচ্ছে করল।

চারিদিকে চেয়ে দেখলে, গাড়ীতে কেউ নেই। বাইবে চেয়ে দেখলে, স্তব্ধ বনানী অন্ধকারঘন।

ফুঁপিয়ে ফুঁপিয়ে সে কাঁদতে লাগল। অনেকক্ষণ ধরে সে কাঁদলে। কেঁদে তার মন হালকা হল। মনে হল, বানিয়ে কথা বলতে কল্যাণ ওস্তাদ। এতক্ষণ সে তার সঙ্গে ফ্লার্টিং করেছে মাত্র। কিন্তু সমরও কি তাকে ভালবাসে না?

সে কেন ভালবাসা পাবাব জ্ঞাত ভূষিত? সে জীবনের লক্ষ্যভ্রষ্ট হচ্ছে কেন?

মায়ের কথ্য মনে পড়ল, মালতীর। মাকে চিঠি লেখা হয়ে ওঠে নি। ইন্টারসি-স্টেশন থেকে একটা টেলিগ্রাম করতে হবে। মা এখন রাঁপতে বসেছেন। আর মগ্ন কি করছে? তার পরীক্ষার ফল কি হল, কে জানে!

মালতীব আবার কান্না গেল। কিন্তু এবার সে কাঁদল না। আপন মনে হেসে উঠল, হাসি-কান্না ভরা এ জীবন বড় মজার। গুন্ গুন্

করে সে গেয়ে উঠল, কান্না-হাসির দোল-দোলান মাঘ-ফাগুনের
পালা—

হুঁলাইন গান গেয়ে সে থামল। মনে হল, কে যেন হেসে উঠছে
তার গানের স্বরে হাততালি দিচ্ছে, আর তার মনটা কাঁদছে।

বোধ হয় সমর আবার তার গাড়ীতে প্রবেশ করেছে।

গাড়ীর প্রতি কোণে সে সমরকে খুঁজে, জানলা দিয়ে মুখ বাড়িয়ে
দেখলে। কোথাও কেউ নেই। স্থির হয়ে সে গাড়ীর মাঝের বেক্ষিতে
বসলে। তার কেমন ভয় করছে। সমস্ত রাত হয়ত একা থাকতে
হবে। হয়ত অল্পপমাদিদির কুপেতে আশ্রয় নিতে হবে। একা সে
থাকতে পারবে না। সমর কি আসবে না? সমর!

অজ্ঞাত ভাবে সে টেচিয়ে উঠল—সমর!

পেছন থেকে আবার কে হেসে উঠল।

পরম বিষ্ময়ে মালতী দেখলে, সমর তার পেছনে দাঁড়িয়ে।

কমরেড্! স্মরণ করতেই মাড়া দিয়েছি, বলে সমর তার সামনে
বেক্ষিতে বসল।

মালতী হতবাক্ বসে রইল।

সমর বললে, দেখ মালতী দেবী, চোখের জল বুর্জোয়ানারীদের নয়নের
শোভাবদন করে, আঁপির কোণে অশ্রুর রেখাকে বুর্জোয়া কবি আঘাট-
আকাশের নবমেঘ-সঞ্চারের সঙ্গে তুলনা করতে পারে, কিন্তু কম্যুনিষ্টের
পক্ষে ব্রহ্মন শুধু লজ্জাকর নয়, গহিত কর্ম। সে কৈঁদে ভিক্ষা করে
নেয় না, জোর করে কেড়ে নেয়। আপন অধিকারে নেয়।

মালতী লজ্জিতভাবে বললে, কই, আমি কাঁদছি না ত। আমায়
কাঁদতে দেখছ নাকি?

—দেখিনি, তবে অনুমান করছি।

—মোট্টেই কাঁদছি না।

—মোট কথা, বুজোয়া মনোবৃত্তি তুমি ত্যাগ করতে পারনি।
পারবেও না।

—কেন? আমি নোসিয়লিজ্‌মে বিশ্বাস করি।

—তার চেয়ে বেশি বিশ্বাস করো যে, পুরুষ হচ্ছে মেয়েদের সম্পত্তি,
বিশ্বাস করো যে মেয়েরা প্রেমের লীলা খেলে রূপের মায়াজাল ছড়িয়ে,
ভাবের কুজাটিকা সৃষ্টি করে, পুরুষদের মত অন্ধ বিপথগামী কোরে এ
সম্পত্তি লাভ করবার অধিকারিণী।

—কেন! আমি কি করেছি? ওসব রূপের লীলা, ভালবাসার ঢং
যার মধ্যে দেখছ, তাকে বলগে। আমাকে বলতে এসেছ কেন?

—এই দেখ আমার কথা প্রমাণ হয়ে গেল। তুমি আমাকে তোমার
সম্পত্তি বলে ভাবছ—তাই জেলাস্‌ হয়ে উঠছ।

—জেলাস্‌! নিজের সম্বন্ধে তোমার বড় বেশি উঁচু ধারণা
দেখছি।

—তা হ'লে ও গাড়ীতে থেকে অমন করে চলে এলে কেন?

—ভাল লাগল না বলে। ফাঁদ-পাতা আমার ব্যবসা নয়।

—অথবা ফাঁদ-পাতার প্রতিযোগিতায় পেরে উঠলে না!

—দেখ, তোমার সম্বন্ধে আমি বাগড়া করতে চাই না। কিন্তু
তুমি যে এত দুর্বল তা ভাবিনি।

—নারীর রূপে কে না ভোলে বল!

—ভালগার হোয়ো না। অল্পপমাদিদির এ হচ্ছে ক্ষণিকের খেয়াল,
তা বুঝতে পারছ?

—এই খেয়ালের খেলায় আমি যদি কিছু আনন্দলাভ করে নিতে
পারি, মন্দ কি?

—সমর, ঠাট্টা নয়, তোমার সত্যিকার প্ল্যান কি বলো। সত্যি ইয়োরোপ যাবে? আমিও যাব তোমার সঙ্গে, বলো।

—কেন তোমার পথপ্রদর্শক পদলাভের জন্ত যিনি এত করে দরখাস্ত পেশ করলেন,—তার মত সঙ্গী থাকতে—

—এবার কে জেলাস্?

—ফুঃ!

—রঙ্গ নয়, একটা ঠিক করো। চাকরি নিতে তোমায় কিছুতেই দেব না।

—তুমি কি আমার গাভিয়েন হলে।

—দণ্ডকার হলে হতে হবে।

—দেখ, sex আর property, এই দুই সমস্তার সমাধানের জন্ত মান্ত্যের সকল বেদনা, বাসনা, সংঘাত, সংগ্রাম—আর যেখানে এই দুই শক্তিদ্বারার যুক্ত আবর্ত, সে কি ভীষণ অবস্থা ভাবো।

—তোমার হেয়ালি আমি দুকতে চাই না। তুমি ইয়োরোপে যাবে কি না বলো?

—বোধে গিয়ে তোমায় জানাব। ইতিমধ্যে অন্য পথসঙ্গীটিকে হাতছাড়া কোরো না।

—তোমার উপদেশের জন্ত ধন্যবাদ।

—ডিনারের সময় হয়ে এল। রাতে খিদে পেলে, পথে কোথাও খাবার পাবে না, খিদের জ্বালায় ঘুমও হবে না। সে জন্ত এখন নিমন্ত্রণ রক্ষা না করাটা বুদ্ধিহীনের কাজ হবে।

রেগে মালতী বলে উঠল, খুব হয়েছে, চূপ করো।

মুচকি হেসে সমর এক দরজা খুলে অদৃশ্য হয়ে গেল।

মালতীর দুই চোখ জ্বলতে লাগল। 'গুম্' হয়ে সে এক কোণে বসলো।

মনে মনে সে বললে, আমার মনে এমন করে ব্যথা দিয়ে তুমি কি আনন্দ পাও ?

ট্রেনের ছোট একটা কম্পার্টমেন্ট খালি দেখে দেবপ্রিয় সেখানে আশ্রয় নিয়েছে। কালো চশমা পরে সে এক কোণে বসে। সে একা থাকতে চায়। চিন্তা করা শুধু তার স্বভাব নয়, তার ব্যাধিস্বরূপ।

সে ভাবছিল, গণেশ-শিখার গাড়ীতে সারাদিন সে কাটালে কি করে! এখন তাদের সঙ্গ শুধু লজ্জাজনক নয়, ঘৃণাকর। বোধ হয়, নব অহুভূতির সন্ধানে সে গেছিল। বাইরের ঘটনা, নব নব চরিত্রের সংস্পর্শে তার মনে আঘাত করে; চিন্তার ঢেউ জাগিয়ে তোলে, তখন সে লোকসমাজ হতে মনন-লোকে চলে যেতে চায়।

দেবপ্রিয় ভাবছিল, বৌদ্ধযুগের বিহারের মত, ইয়োরোপেব মধ্য-যুগের মন্স্টারীর মত কোন নিজস্ব উদ্বেগহীন আশ্রয়-স্থান বর্তমান যুগে নেই, চিন্তকরা যেখানে স্থিরচিত্তে চিন্তা করতে পারে। বর্তমান যুগেব মানুষের গভীরভাবে নিলিপ্তভাবে চিন্তা করবার স্থান বা অবকাশ নেই, সেজন্ত কোন সমস্তার সমাধান হচ্ছে না; লালসাপীড়িত আবেগচঞ্চল চিত্ত হানাহানি কাড়াকাড়ির মধ্যে সত্য-দর্শন কি করে লাভ কববে? তার যদি টাকা থাকতো, সে এরকম একটা আশ্রম প্রতিষ্ঠা করবার চেষ্টা করত।

দেবপ্রিয় আবার হেসে ভাবলে, সত্যিই যদি তার টাকা থাকত, হয়ত সে রাধাকান্তর মত কলকারখানা তৈরি করত, অথবা গণেশের মত নর্তকীর নুপুর-নিষ্কণে টাকা দিত ছড়িয়ে, মদিরাধাবায় টাকা

দত গলিয়ে। স্মৃতরাং প্রশ্ন হচ্ছে, মানুষের চরিত্র ও ব্যবহার, তার ইচ্ছা, জীবনের আদর্শ, তার ধর্ম ও নীতি, তার আর্থিক অবস্থার ওপর কত দূর নির্ভর করে, তাব ধনসঞ্চয় দ্বারা কতদূর নিয়ন্ত্রিত? এই বুজোয়া মরালিটি কি বুজোয়া অর্থসংগ্রহের অহর্নিশি প্রচেষ্টার সঙ্গে যুক্ত নয়? সম্পত্তি-রক্ষণেব উপায়রূপে সৃষ্ট হয় নি? আজ ধনতাত্ত্বিক সভ্যতার ভাঙনের সঙ্গে সঙ্গে তার উচ্চ স্তম্ভগুলি কি ধমে পড়ছে না? মানব-আত্মার চিরন্তন প্রকাশ, শাস্ত সত্যভূমি কোথায়?

এ সমস্তা ভাবতে হবে।

কালো চশমাটা মুছে দেবপ্রিয় ভাবতে বসল।

স্থিরচিত্তে দেবপ্রিয় ভাবতে পাবছে না। দেহ ক্লান্ত, মন অবসাদে ভারাক্রান্ত। গাভীর শক্ত কাঠে মাথা বেখে সে অর্পণস্থান ভাবে বসল।

দিশাহাবা দৈত্যেব মত ট্রেন ছুটে চলেছে অক্ষবাব বনপথ দিয়ে।

দেবপ্রিয়েব চিন্তার স্বত্র বার বাব ছিন্ন হয়ে যাচ্ছে। কোন্ নটীর নৃত্যদোহুল পদপল্লবে সে ছিন্নস্বত্র বাববাব ঢড়িয়ে যাচ্ছে।

নটীর পূর্ণরূপ সে দেখতে পাচ্ছে না, শুধু চঞ্চল পদেব অশান্ত ভঙ্গিমা। ঝঙ্কাঙ্কু সমুদ্র তবঙ্গ যেমন শূন্য বিজন বালুকাময় তীব্রে বাদ্য বার আছাড় খেয়ে পড়ে তেমনি বেদনাবিহ্বল-ছন্দে নৃত্যপবা পদমৃণাল ছুগছে।

এ কাব পা বার বাব তাব চোখেব সামনে ভেসে উঠছে, কাঁপছে, টলছে, অগাণা পবে আহ্বান কবছে?

কোন ফ্যান্টী গল্পে পড়েছিল, লেখকেব ঘবে বহুযুগের পাব হতে কোন সুন্দরী নাবী এসেছিল তার ভাঙা পা খুঁজতে। কিন্তু এ পা অতীতকালের কোন নতকীর নয়, কালিদাসের উজ্জয়িনীব বা হারুন-অল-রসিদের বোগদাদের কোন লীলাচঞ্চল সুন্দরীব নয়।

দেবপ্রিয় চমকে উঠে বসল, এ শিপ্রার পদভঙ্গিমা! পদ্মের ডাঁটার মত দীর্ঘ স্তম্ভর। দুপুরে গাড়ীতে সে নর্তকী শিপ্রার অনেকগুলি ছবি দেখেছিল, তা ছাড়া, কোন চিত্রশিল্পী শিপ্রার নৃত্যভঙ্গীর কতকগুলি রঙীন রেখাচিত্র এঁকেছিল, সেগুলি শিপ্রা দেবপ্রিয়কে দিয়েছিল দেখতে। বর্তমান ধনতান্ত্রিক সভ্যতার ভবিষ্যৎ সম্বন্ধে যখন সে ভাবতে বসেছে, এক নাচওয়ালীর নতিত চরণ তার চোখের সামনে এল বিঘ্ন ঘটতে!

দেবপ্রিয় বুকে একটা অজানা বেদনা অনুভব করল।

বার্থ সে! শূন্য এ জীবন!

মানবসভ্যতার ভবিষ্যৎ যাঠি হোক, তার নিজের জীবনের ভবিষ্যৎ সম্বন্ধে কোন্ আশা আছে? তার বর্তমান জীবন বাসনাবিস্কল, হতাশাসময়, নিরর্থক মনে হয়।

গরীব সাব এডিটোরের একঘেষে জীবনের দিনের পর দিনের সঙ্কীর্ণ গ্লানি, ক্ষোভ, হতাশার ভার আর সে বহন করতে রাজী নয়। সে বিদ্রোহ করবে।

কিন্তু কার বিরুদ্ধে সে বিদ্রোহ করবে?

সে আর ভাবতে চায় না। আর চিন্তন, সমীক্ষণ নয়। সে জীবনকে উপভোগ করতে চায়। দেহের প্রতি স্নায়ু দিয়ে শিরায় শিরায় রক্তশ্রোতের উল্লাসে, তছুস্পশের উন্মাদনায় সে অনুভব করতে চায় বেঁচে থাকার আনন্দ। ওই গণেশ হালদারের মত।

মনের বিদ্রোহী ভাবে আরও উদ্দীপিত করবার জন্ত দেবপ্রিয় নিজ জীবনের একটি দিনের কথা ভাবতে লাগলো।

সকালে যখন ঘুম থেকে ওঠে, দেহের অবসাদ দূর হয় না, কারণ রাত্রে স্নানিদ্ৰা সম্ভবপর নয়। জীবী বুকের ব্যাথা প্রায়ই বাড়ে, অথবা

কোন ছেলেমেয়ের অস্থখের জন্য মাঝরাতে জেগে বসে থাকতে হয়। ছেলেমেয়েরা পালা করে অস্থখ করে চলে। আর রাত্রে একবার ঘুম ভাঙলে সহজে তার ঘুম আসে না, নানা চিন্তা মাথায় ঘোরে, কখনও বা সে কোন প্রাচীন দার্শনিক বা আধুনিক ঐতিহাসিকের গ্রন্থ পড়তে আরম্ভ করে। সকালে দেরি করে ওঠার উপায় নেই; কারণ রান্নাঘরের ধোয়ায় ঘব ভরে যায়, তখন গলির মোড়ে চায়ের দোকানে শীঘ্র আশ্রয় নিতে হয়।

কোন রকমে ভাত খাওয়া সেবে ছুটতে হয় আফিসে, রোজ এক রকমের রান্না, স্বাদহীন, বিস্বাদও লাগে না! ড্রামে লোকের ভিড়, ঘেঘেঘে বদতে হয়, কোন দিন বনবারও জায়গা পাওয়া যায় না; গোলমালে, গরমে, জনতার তপ্ত নিশ্বাসে চারিদিক বিরক্তিকর বোধ হয়।

আফিসের পুরানো কালের চেযাব ও দাগকাটা বড় পুরানো কাগজ-ভরা টেবিল দেখলে মনে ঘৃণার ভাব জাগে। মানবসমাজের প্রতি, দেশের প্রতি, কাগজের কতৃপক্ষদের প্রতি ঘৃণা! সে ভাব দমন করে ক্ষণে দেখতে হয়, রয়টারের ইংরাজির বাংলা তজমা করতে হয়, অবসর-সময়ে পবনিন্দা, খোসামোদ ও ইয়োরোপ সম্বন্ধে ভবিষ্যদ্বাণী। সন্ধ্যায় ধুকতে ধুকতে বাড়ী ফিরে শুনতে হয় সংসারের অনটনের কথা, মায়ের মুখে শুনতে হয় তাঁর বোধের ছেলের সজ্জলতার সঙ্গে তুলনামূলক সমালোচনা; ছোট মেয়ে এসে বলে, বাবা একটু পড়া বলে দাও। চুপ করে শুনে সে চলে যায় পাড়ার আড্ডায়। ইচ্ছা করে রাতে বই পড়ে বা লেখে, টনবীর বর্তমান ইউরোপ সম্বন্ধে বইগুলিতে ধুলা জমে, বাড়ীতে নিরিবিলা পড়বারও একটু জায়গা নেই, পাড়ার ক্লাবেই আশ্রয় নিতে হয়। ময়লা সতরঞ্চির ওপর বসে দাবাখেলায় মেতে সব ভুলে,

যাওয়া! সেখানেও বেশিক্ষণ খেলার জো নেই। বার বার রাড়ীর চাকর আসে তাগাশা দিতে; চাকরটা কিছু বলে না, শুধু দরজার কাছে এসে চুপ করে দাঁড়িয়ে থাকে। ক্লাবের লোকেরা মুচকে হেসে বলে, দূত বড় শীগুঁগীর এল দেবপ্রিয়বাবু, উঠে পড়ুন। রোজই সেই এক রসিকতা! কোন কোন দিন সে বিরক্তি দমন করতে পারেন না, গজ ছুঁড়ে ফেলে দিয়ে উঠে পড়ে। ছোট ভাড়াটে বাড়ীতে ঢুকতে যেন দম আটকে যায়। তবু হাদিমুখে নলিনীর সঙ্গে কথা কহিতে হয়। নলিনী হয়ত কোনদিন শ্রান্ত হয়ে ঘুমিয়ে পড়ে, ঘুমঘোরে বলে, আমি কিছু খাব না, তুমি খেয়ে নাও। নলিনীকে জাগাতে হয়, বলতে হয়, ‘উঠ নলিনী, খোল গো আঁখি’। আধ ঘুমভরা নলিনীকে বড় রহস্যময় সুন্দর দেখায়। সে সৌন্দর্য স্পষ্টিক! একটু পরেই কথা কাটাকাটি আরম্ভ হয়, নলিনীর মুখ রক্ত, কণ্ঠস্বর কর্কশ হয়ে ওঠে। বাতের খাবারেরও কোন স্বাদ থাকে না।

এমনি দিনের পর দিন কাটে, ক্লান্তিকর, গ্রানিময়, ব্যর্থতা-ভরা।

আবেগের সঙ্গে দেবপ্রিয় দাঁড়িয়ে উঠল।

ছোট কম্পাটমেন্ট, বেকিগুলি শূন্য, পুলিশময়।

জ্রুতগামী ট্রেনের দোলায় দেবপ্রিয় চঞ্চল হয়ে ধূরে বেড়াতে লাগল। তারপর মাঝের বেকির উপরের অংশে হাত দিয়ে জোর করে করে সে অভিনয়ের ভঙ্গীতে দাঁড়াল।

আপন মনে সে বেদনার আবেগে উচ্চৈঃস্বরে বলে উঠল, বিদ্রোহ! এ সমাজ, এ রাষ্ট্র ভেঙে নতুন করে গড়তে হবে। দেখ জগদীশকে, বি-এ পরীক্ষায় আমি হয়েছিলাম ফাস্ট, আর জগদীশ ফাস্ট ক্লাশও পেলেন না; পিতৃসম্বন্ধিত অর্থে জগদীশ বিলেত যেতে পেরেছিল বলে আজ তার এতবড় চাকরি, এমন সুন্দরী স্ত্রী। এই ধনতান্ত্রিক সভ্যতা—হঁ!

দেবপ্রিয় বেক্ষিতে বদল। সববে সে ভাবতে লাগল, সে যে আপন মনে কথা কইছে, সে জ্ঞান তার নেই।

শূণ্য বেক্ষির দিকে চেয়ে দেবপ্রিয় বললে, দেখ, আমি কিন্তু কমুনিজম্ বিশ্বাস কবি না—শাশিবাৰ অবস্থা দেখ—স্বাধীন চিন্তাধারা লুপ্ত—হঁ। কিন্তু বিপ্লব চাই, আমি মানবসভ্যতার ইতিহাসের ছাত্র—অত্যধিক তাপের পর ‘পিঙ্গল, বিহ্বল, ব্যথিত নভতল’ যেমন ঝড়েব মেঘ ওঠে, তেমনি আসে যুদ্ধ, বিপ্লব—আমার মত কত ব্যথিতজনের হৃদয়ের তাপ সঞ্চিত হচ্ছে—হঁ! ব্যস্তে পাবছি, গণেশবাবুর জীবনে কোন গভীর বেদনার স্মৃতি আছে, জ্বালা আছে, গণেশবাবু বলেছিল, ‘বাসনার ব্যর্থতা,’ ঠিক বোঝাতে পাবেনি, অর্থাৎ বাসনা রয়েছে, দেহের, মনের, তা পূর্ণ হচ্ছে না, বেন হচ্ছে না—তা পূর্ণ করা যায় না, সম্ভবপর নয়, পূর্ণ হলে সৃষ্টিবাবা শেষ হয়ে যায়। বাসনার অক্ষুণ্ণতা হতে এই রূপের নির্ঝাঁকুয়া অবিস্মার করে’ পড়ছে, সে গুহাধার বন্ধ করে দাও, শুনিবে যাবে যেই বস্তুর বাসুচবে অনন্ত প্রাপবসের তবঙ্গিণী, অসীম শূণ্য অন্ধকারে নিলিয়ে যাবে এই বিচিত্র জগৎ-চিত্রের চঞ্চল বাবা। হঁ!

দেবপ্রিয় আবার নাড়িয়ে উঠল। বেক্ষিতে হাত দিয়ে বলে যেতে লাগল, দেখ গণেশবাবু, তুমিও বিদ্রোহী, তোমার দলেই যোগ দেব ভাবছি, রূপের বারনাচাও বসে পান করব স্থা, ওই বিদ্রোহী মানুষের তৈরিক আলাময় স্থা। কিন্তু তোমার বিদ্রোহ বড় নতুন ধরনের। ধনতাত্ত্বিক সমাজের মধ্যে তুমি টাকা দিচ্ছ উড়িয়ে, বলাচ, দেখ অথ কত তুচ্ছ জিনিস, কত সহজে খবচ করা যায়, অথর্ব মোহশক্তি হতে আমি মুক্ত। এই বৃজায়া সমাজনীতিকে ব্যঙ্গ করে তুমি বলছ, দেখ, নারী হচ্ছে পণ্যব্যা ভোগেব বস্তু, যে নাবীকে তোমরা সন্তানবে

জননী, গৃহের স্বপ্নলদীপ বলা, সে নারী দাবায়ি, সে নারী আলেয়া—
—বা—চোখের সামনে আবার ঢুলছে পদমুণাল !

দেবপ্রিয় বেকিতে স্থির হয়ে বসতে চেষ্টা করলে ।

ভূগর্ভের কোন গভীর উচ্চ শ্রোত ভূপৃষ্ঠ ভেদ করে মুক্তধারার
মত উচ্ছ্বসিত হয়ে উঠলে যেমন ভূকম্পন হয়, তেমনি কি বিচিত্র
আলোড়ন তার দেহে মনে । এ অজানা শক্তি, রহস্য !

দেবপ্রিয় আবার ভাবতে বসল ।

নারীর এ মোহিনী শক্তিকে, দেহলালসার পরিতৃপ্তিকে, সে শুধু
অবহেলা নয়, অবজ্ঞা করেছে । এ তাহারি প্রতিশোধ ! জ্ঞানের
সত্যকে জানা তার চিন্তার সাধনা, আত্মার গভীর শান্তিকে উপলব্ধি
করবার পথ সে জীবনে খুঁজেছে—stillness of the spirit—
শান্তি ত সে পেল না, মননের পথে নানা মতবাদ, তর্কের ধূলি, নব নব
সম্মানের উৎসব বেদনা । এবার সে যাবে রূপাত্মভূতিব পথে, দেহের
পেয়লা দিয়ে রূপের স্খা পান করে মোহমুগ্ধ আনন্দে চিন্তনের ব্যর্থ
বেদনা ভুলে থাকা ।

আবেগের সঙ্গে দেবপ্রিয় আবার উঠে দাঁড়াল, বলে উঠল, কি
সুন্দর তোমার তনু, নারী ! পরিপূর্ণা সুন্দর নারীকে দেখতে ইচ্ছে
করে—জানতে ইচ্ছে করে তার রূপের রহস্য, জানতে ইচ্ছে করে সে রূপ
যখন যুবতী-তনুতে-প্রস্ফুটিত পদ্মের মত বিকশিত হয় তখন তার মনে
কি অমুভূতি কি বেদনা কি আনন্দ জাগে—জ্ঞানদীনী শক্তি নারীদেহে
কি অপরূপ মূর্তিতে প্রকাশিত হয়,—কেশের বর্ণে, ত্বকের লাবণ্যে, নয়নের
তারকার জ্যোতিতে, গ্রীবার রেখায়, বক্ষের সুষমায়, কটির ভদ্রীতে,
চরণ-মুণালের নৃত্যপরা ছন্দে !

—বা চমৎকার !

দেবপ্রিয় বিস্মিতভাবে চারিদিকে চাইলে।

সময় আবার বলে উঠল, বা! চমৎকার! আপনাকে আমি সি. আই. ডি. অফিসার ভেবেছিলুম, এখন দেখেছি আপনি সিনেমার এ্যাক্টর!

দেবপ্রিয়ের কানে কোন কথা গেল না, সে শুধু দেখলে তার সামনের বেকে একটি তরুণ যুবক বসে! একটু এগিয়ে সে চাইলে, চশমাটা খুলে ভাল করে চাইলে। সত্যিই একটি যুবক বসে।

চশমাটা রুমালে মুছতে মুছতে দেবপ্রিয় বললে, কে তুমি? নাচওয়ালীর পায়ের মত তুমি ত অলীক ছায়া নও?

সময় হেসে দাঁড়িয়ে উঠে বললে, না, দেখতে পাচ্ছেন, আমি অলীক নই; এবং নাচওয়ালীর পা তার কাছে অলীক নয়, বিশেষত সেই পায়ে নেচে যখন তাকে জীবিকার্জন করতে হয়।

দেবপ্রিয় স্থির হয়ে বেকিতে বসে বললে, হঁ! আপনি কখন এলেন, কোন্ স্টেশনে গাড়ী থেমেছিল?

—গাড়ী কোন স্টেশনে থামেনি। আমি চলন্ত ট্রেনের দরজা খুলেই এসেছি। আপনাকে গোড়ায় আমি সি. আই. ডি. র লোক ভেবেছিলুম, এখন দেখছি আপনি পাকা সিনেমা এ্যাক্টর।

—আমি সি. আই. ডি. ! আমি সিনেমা এ্যাক্টর! বাঃ!

—আপনি সিনেমার অভিনেতা নন? সারাদিন ত ছিলেন একট্রোসের গাড়ীতে, স্তম্ভর বক্তৃতাও দিচ্ছিলেন।

—বক্তৃতা! আমি বক্তৃতা দিচ্ছিলুম!

—যদি ভুল বুঝে থাকি ক্ষমা করবেন, আমায় মনে হচ্ছিল, আপনি খালি গাড়ী পেয়ে পাট রিহাঙ্গের করছিলেন।

করুণভাবে দেবপ্রিয় হাসলে। ধীরে ধীরে বললে, ঠিক বলেছ তুমি আমি রিহাঙ্গের দিচ্ছিলুম বটে।

দেবপ্রিয় চুপ করে বসল।

সমর প্রশ্ন করলে, আপনি কি শিপ্রার গাড়ীতে ছিলেন না?

—ছিলুম, তাতে কি প্রমাণ হয়?

—প্রমাণ কিছুই হয়ত করা যায় না। শিপ্রার নাচ আমার ভাল লাগে। তার প্রমাণও যদি চান, আমি দিতে পারব না।

—না, প্রমাণ আর চাই না।

দেবপ্রিয় স্থিরদৃষ্টিতে সমরের দিকে চাইলে। ভাবলে, যদি এই যুবকের মত তার তারুণ্য, শ্রী, উজ্জ্বলতা থাকত, হয়ত বা শিপ্রার মন জয় করতে পারত।

দেবপ্রিয় বললে, দেখুন, আমি অভিনেতা নই, রিহাসেলও দিচ্ছিলুম না, I was thinking aloud.

সমর গম্ভীরভাবে বললে, আপনি তা হ'লে নিশ্চয়ই কবি।

দেবপ্রিয় হেসে বললে, ভুল হল, আমি সাব-এডিটরী করি; সাব এডিটর কবি শুনেছেন?

সমর বললে, এ বিষয়ে আমার কোন অভিজ্ঞতা নেই। আচ্ছা শিপ্রা দেবীর সঙ্গে আপনার খুব আলাপ নিশ্চয়।

—কেন বলুন ত?

—তার সুপারিসে যদি কোন সিনেমা-কোম্পানীতে কাজ পাওয়া যায়—

—কি পাস?

—এম্. এ. পাস করেছি; এখন বাংলার বহুশত বেকার যুবকের একজন—সেজ্ঞা চাকরির বাচ-বিচার করি না।

—কি পার্ট তুগি করতে পার?

—ধরুন কম্যুনিষ্ট, কলকারখানায় গিয়ে স্ট্রাইক করাচ্ছে, গ্রামে গিয়ে চাষাদের ক্ষেপাচ্ছে, এ পার্ট মন্দ পারব না।

—তা ত পারবে, তোমরাই বিপ্লবের অগ্রদূত।

—কোন বিপ্লবের?

—দেখছ না ভাঙন ধরেছে, উনবিংশ শতাব্দীর গড়া জীর্ণ প্রাসাদ আর থাকছে না। কিন্তু আমি কম্যুনিজমে বিশ্বাস কবি না।

—কিন্তু বিপ্লবে বিশ্বাস করেন?

—এখানে বিশ্বাস অবিশ্বাসের প্রশ্ন ওঠে না, এটা প্রাকৃতিক ঘটনার মত, ঝড়ের মত, বত্মার মত, শীতের পর বসন্তের জাগরণের মত ঘটবে। বিপ্লব নানা রূপে আসবে—যুদ্ধ, যুদ্ধ—নব সৃষ্টি! কশিয়ার কম্যুনিজম্ কি গতযুদ্ধের ফল নয়?

সমর হেসে বললে, তার চেয়ে হুঁদাদিনী শক্তির রূপ বানা করুন, শুনি।

দেবপ্রিয় শমরের দিকে তীক্ষ্ণ দৃষ্টিতে চেয়ে শুদ্ধ হয়ে বসল।

প্রেমদাস বললেন, আশ্চর্য, দেখ অনুপমা, তোমার কণ্ঠস্বরে তোমাকে চিনলুম, তোমায় বখন দেখেছিলুম, তুমি চক্কা কিশোরী, গিবিবরনা আজ ছ'কুল-ভগা নদা হয়েছ, কিন্তু সে কলধনি একই স্বরে বাজছে।

দীপ্তনয়নে অনুপমা সম্যাসীর দিকে চাইলে। মাপার রুদ্রাক্ষগুলি তাকে মুগ্ধ করল। ওই গেকরা-বসন পরা লোকটির মধ্যে কি বহুশ্রম্য শক্তি রয়েছে, সে শক্তির পরিচয় সে পেতে চায়।

প্রেমদাস বললেন, গাড়ীতে আর একটি মেয়ের সঙ্গে দেখা হল, তাকেও বহুদিন আগে ছেলেবেলায় দেখেছিলুম।

পিঠের কুসানে ঠেস দিয়ে এলিয়ে বসে অল্পপমা বললে, কে?

—পাশের গাড়ীতে যে অভিনেত্রীটি যাচ্ছে, শিপ্রা।

—শিপ্রা? আপনার শিষ্যা নাকি?

—না, আমার শিষ্যা নয়, তার বাবা-মাকে আমি জানতুম।

—শিপ্রার অভিনয় আমি দেখেছি, তার নাচ আমার ভাল লাগে, কিন্তু অভিনয় মনকে স্পর্শ করে না, মনে হয় বড় বানিয়ে করছে, জীবনে সত্যিকার দুঃখ সে জানে নি।

—অভিনয়টা কি বানানো জিনিস নয়?

—দেখুন, জীবনে আমরা বানিয়ে চলবার চেষ্টা সারাক্ষণ করছি, অলীক স্বপ্ন ভেবে, মিথ্যার রং দিয়ে। জীবনে গভীর সত্যের, ব্যথার অহুভূতি স্টেজের অভিনয়েতেই ঠিক করে প্রকাশ করা যায়। সে জঘ্ন জীবনে মিথ্যার এ্যাংক্টং করা বড় সহজ কিন্তু স্টেজে সত্যের এ্যাংক্টং করা বড় শক্ত।

—আমি ছোটবেলায় যাত্রা দেখেছি, থিয়েটার কখনও দেখিনি।

—আপনি কি শিপ্রাকে ছোটবেলায় জানতেন, তখন সে কেমন ছিল?

—ছোটবেলায় তাকে ভাল করে দেখিনি, তখন আমি ছিলাম তান্ত্রিক।

—তান্ত্রিক!

অল্পপমা সোজা হয়ে বসল, প্রশ্ন করলে, এখনও কি আপনি তান্ত্রিক?

কৃষ্ণ ভ্রলতামণ্ডিত আয়ত নয়নের কৃষ্ণতারকা জ্যোতির্ময় হয়ে উঠেছে, অধরের স্থচিকণ শুভ্রচর্মে অরুণাভা, হাঙ্গেরীয় ব্লাউজের নীচে বক্ষপঙ্কর স্পন্দিত।

বিমুক্ত নেত্রে প্রেমদাস অল্পমার দিকে চাইলেন, তুষারগুল উত্তুল্ হিমাচলশিখরে উষারূপের দ্যুতির মত রঞ্জিতা ।

অন্তরের আবেগ দমন করে প্রেমদাস বীরে বললেন, ভয় নেই, আমি এখন তান্ত্রিক নই ।

অল্পমা হেসে উঠল । যে-হাসিতে জগদীশ মন্থমুগ্ধ হয়েছে, সময়ের তরুণচিত্ত পূজার প্রদীপের মত জলে ভেঁজে, সে হাসির অপরূপতায়, নয়নতারকার অলৌকিক দীপ্তিতে প্রেমদাসও বিচলিত হলেন ।

হাসির সুরে অল্পমা বললে, তান্ত্রিককে ভয় করি, কে আপনাকে বললে ? আমি তান্ত্রিক সন্ন্যাসীকে সত্যিকার জানতে চাই । কপালকুণ্ডলার কাপালিককে দেখবার জগ্গে ছেলেবেলায় মাঠে, নদীর ধারে একা ঘুরেছি । তন্ত্রশাস্ত্র সম্বন্ধে বাবার কত বই ছিল দেখেছেন ত, সেগুলো লুকিয়ে পড়তুম, বিশেষ কিছুই বুঝতে পারতুম না—তবু পড়তুম—মনে হত সে এক অপূর্ব শক্তির জগৎ—দেখতে ইচ্ছে হত অমাবস্তার অন্ধকারে শ্মশানে তান্ত্রিক কি ভাবে সাধনা করে—

অল্পমা হঠাৎ চূপ করলে, যেন আর সে কথা কইতে পারছে না, স্থির হয়ে সে বসল—গভীর স্থির দৃষ্টিতে প্রেমদাস তার দিকে চেয়ে আছেন, সে দৃষ্টিতে কি দীপ্তি, কি জালা ! কাঁচা-পাকা দাড়ি আগুনের শিখার মত, তাঁর শরীর হতে শুধু তেজ নয় একটা তাপ বিকীর্ণ হচ্ছে, ভয় করে, আবার এগিয়ে যেতেও ইচ্ছে করে—মধ্য রাতের স্তব্ধ অন্ধকারে হঠাৎ কোথাও আগুন লাগলে যেমন ভয় করে আবার দাবান্লির মূর্তি দেখতে ছুটে যেতে ইচ্ছে করে ।

ভয় দূর করবার জগ্গে অল্পমা হেসে উঠল ।

আপনাকে সংযত করে প্রেমদাস স্তব্ধ হয়ে বসলেন, তাঁর মুখ রুদ্ধ, চক্ষুতারকা অগ্নিগোলকের মত । অল্পমার মুখ হতে দৃষ্টি সরিয়ে

তিনি খোলা জানলা দিয়ে বাইরের দিকে চাইলেন, উদ্বেগ-আকাশের দিকে নয়, নিম্নে অরণ্যের সঘন অন্ধকারের দিকে।

এবার অহুপমার ভয় হল। একটু সরে এককোণে সে বসলে। এলার্ম চেন কোথা থেকে টানা যায়, কল্পিত দৃষ্টিতে খুঁজতে লাগল। গাড়ী বড় দুলছে, আবার বুঝি তার কাশির বেগ আসে! কখন পরের স্টেশনে এসে থামবে? অজানিত ভাবে সে টাইমটেবল হাতে টেনে নিলে কিন্তু খুলে না, চুপ করে বসে রইল। সন্ধ্যাসীর দীর্ঘ বিপুল পৃষ্ঠ দেখাচ্ছে যেন হলুদবর্ণের কোন অজানা জন্তু গুঁড়ি মেরে বসে।

করণ কণ্ঠে অহুপমা বললে, আপনি কথা বলুন।

লৌহচক্রের বিরামহীন করণধ্বনি আর সে শুনতে পারছে না, তার কান বুঝি ফেটে যাবে, সহচর মানুষেরা স্নিগ্ধস্বর সে শুনতে চাধ, তা না হলে ভয় দূর হচ্ছে না।

অহুপমার দিকে না চেয়ে সন্ধ্যাসী বললেন, ভয় নেই, কোন ভয় নেই, স্থির হও, শান্ত হও।

কি স্নিগ্ধ স্বর সন্ধ্যাসীর! তাঁকে সে ভয় করছিল! গ্রীষ্মের গুমোট রাতে হঠাৎ-জাগা বাতাসের মত এ কর্ণধ্বন চারিদিকের তাপ দূর করে দিল।

ব্যথিত কণ্ঠে অহুপমা বললে, আপনি এদিকে তাকান, আমার দিকে চেয়ে দেখুন একবার, আকাশের দিকে অমন চেয়ে আছেন কেন! আপনার মুখ দেখি, তা না হলে আমার ভয় দূর হবে না।

প্রেমদাস ধীরে মুখ ফেরালেন। ছই নয়নে অবিরল ধারায় অশ্রু বারছে। কি ব্যথিত শীর্ণ মুখ! অশ্রুপূর্ণ নয়ন কুজাটিকাজ্ঞ প্রভাতের মত।

অহুপমার ইচ্ছা হল সন্ধ্যাসীর হাত জড়িয়ে ধরে।

অশ্রুটপ্পরে সে বললে, আপনি কঁাদছেন ?

হেসে প্রেমদাস বললেন, কঁাদা সন্ন্যাসীর পক্ষে কি লজ্জার কথা, সন্ন্যাসীও মানুষ, একথা ভুলে যাও কেন ? শান্ত হও তুমি।

অল্পপমা ধীরে বললে, আমি আপনার শিষ্য হব।

প্রেমদাস প্রশ্ন করলে, কেন ?

অল্পপমা সন্ন্যাসীর মুখে চোখ রেখে বললে, আমি শান্তি চাই, আমার যা রোগ, বেশিদিন বাঁচবার কথা নয়—আচ্ছা, কঁাদলে মন অনেক হালকা হয়, আমি কিছু কঁাদতে পারি না—কান্না পায় না।

সন্ন্যাসী স্নিগ্ধস্বরে বলেন, রাগ হয় ? ক্ষোভ ?

অল্পপমা বিস্মিত হ'বে রললে, ঠিক বলেছেন। ভয়ঙ্কর রাগ হয় সবাব ওপর—আর নিজেকে ভোলাতে নানারকম কল্লনাব জাল বুন—উপগ্রাস, কবিতা পড়ি—সাহিত্যের জগৎ বড় সুন্দর জানেন, বেশ ভুলে থাকা যায়।

প্রেমদাস মুহূ হেসে বললেন, এখন সাহিত্যের জগতে গিয়েও শান্তি আনন্দ পাচ্ছ না, তাই ধর্মের জগতে শান্তির সন্ধান করতে চাও ?

অল্পপমা চিন্তিতভাবে বললে, হ'ত আপনি ঠিক বলছেন, অত আত্মবিশ্লেষণ করিনি, ধর্মজগৎ একটা কল্ললোক মনে হয়—এও ত মানুষের কল্লনার খেলা।

প্রেমদাস বললেন, তুমি সংসার সমাজ থেকে পালিয়ে ধর্মের সন্ধান করতে চাচ্ছ, জীবনের ঘাত-প্রতিঘাত গৃথ-হৃৎথের মধ্যে থেকেই ধর্মের সাধনা করতে হবে—একটা স্টেশন বোধ হয় কাছে এল, আমি এখানে নামব।

অল্পপমা উৎসুকভাবে বললে, আপনি ত বোধে যাচ্ছেন, কাল দেখা হবে ?

সন্ধ্যাসী একটু বিস্মিতভাবে বললেন, বোধ হয় মাঝের কোন স্টেশনেই নেমে যাব।

অনুপমার কণ্ঠে অনুপমা বললে, না, না চলুন বোধহয়। আর দেখা পাব না? আর একবার আসবেন—মাঝের কোন স্টেশনে আসবেন!

সন্ধ্যাসী বিচলিত হয়ে অনুপমার দিক হতে মুখ ঘুরিয়ে নিলেন, অনুপমার চোখ আবার জল জল করে উঠেছে।

আবেগ দমন করে প্রেমদাস তারা-ভরা রাত্রির দিকে চাইলেন। আপন মনে জপ করতে লাগলেন, শান্ত হও, তুমি শান্ত হও।

ছোট একটা স্টেশনে হঠাৎ ট্রেন থামল।

প্রেমদাস চমকে উঠে দাঁড়ালেন। অনুপমার দিকে একবার ফিরে চাইলেন।

কি কাতর দৃষ্টিতে অনুপমা চেয়ে আছে তাঁর দিকে! ওই প্রদীপ্ত নয়নে এ কাতরতা দেখলে বিস্মিত হতে হয়।

প্রেমদাস ধীরে বললেন, আমি এখন যাই।

কাতরকণ্ঠে অনুপমা বললে, না, না, যাবেন না, বহুন। একা থাকতে বড় ভয় করবে আমার। বাইরে অন্ধকার বড় গভীর মনে হচ্ছে।

প্রেমদাস বললেন, এখন আমায় যেতে হবে অনুপমা। কোন ভয় নেই তোমার, শান্ত হও তুমি, শান্ত হও।

অনুপমা দোজা হয়ে উঠেবসে বললে, সে শান্তির পথ আমায় বলে দিন আপনি। আপনি পালাচ্ছেন কেন অমন করে?

চমকিত হয়ে প্রেমদাস অশ্রুটস্বরে বললেন, পালাচ্ছি! বোধ হয় পালাচ্ছি, কি জানি তুমি আমায় বড় বিচলিত করে তুলেছ, আমার মনের শান্তিভঙ্গ করেছে।

একটু রুদ্ধস্বরে অনুপমা বলে উঠল, যত দোষ আমাদের, নয়? আচ্ছা যান আপনি, আপনাকে ধরে রাখতে চাই না।

প্রেমদাস বললেন, এখন যাই, পাি যদি আর একবার আসব। ভুলে তোমার গাড়ীতে উঠে পড়েছিলুম, এ ক্ষণিকের আসা ভুলে যেও।

অনুপমা একটু ব্যঙ্গের স্বরে বললে, আমি সন্ন্যাসী নই, অত সহজে ভুলি না। ভেতরে আপনি এখনও এত দুর্বল কেন? যান আপনি, তপোভঙ্গ করতে চাই না। কোন্ সাহসে পাশের গাড়ীতে যাচ্ছিলেন!

অনুপমা হেসে উঠল।

প্রেমদাস বৃকে একটা ব্যথা অনুভব করলেন। বুকের দরজা খুলে স্টেশনের প্ল্যাটফর্মে লাফিয়ে পড়ে যেন টলতে লাগলেন।

জানলা দিয়ে মুখ বাড়িয়ে অনুপমা বললে, আপনার গাড়ী পেছন দিকে, গাড়ী কিন্তু বেশিক্ষণ দাঁড়াবে না, বরঞ্চ পাশের গাড়ীতে উঠে পড়ুন।

অনুপমার কোন কথা বোধ হয় প্রেমদাসের কানে গেল না। তিনি সামনে এগিয়ে চললেন। রাধাকান্তের টাকার জুতা যে গণেশের সঙ্গে দেখা করতে নিজের গাড়ী থেকে নেমেছিলেন, সে কথা সম্পূর্ণ ভুলে গেলেন। এগিয়ে চললেন ইঞ্জিনের দিকে। মনে হল ট্রেনটা ভুলে উঠছে। চলন্ত ট্রেনে প্রেমদাস লাফিয়ে উঠলেন। তাঁর গাড়ীতে কেউ নেই দেখে নিশ্চিন্ত হলেন। তিনি এখন একা থাকতে চান। ধ্যানে বসতে চান।

প্রেমদাস স্থির হয়ে বসতে পারলেন না। খোলা দরজায় কাছে দাঁড়িয়ে রইলেন একটা বেঞ্চি ধরে। নিম্নে বনানীর কৃষ্ণধারা বয়ে চলেছে রহস্যময় কালশ্রোতের মত। ট্রেন ছুটে চলেছে।

অল্পমার ব্যঙ্গভরা কথা কানে বেজে উঠল, পালাচ্ছেন কেন এমন করে ?

প্রেমদাস ভাবতে লাগলেন, সত্যিই ত পালিয়ে এলুম। সেই যুবক তাত্ত্বিক এ প্রৌঢ় বৈষ্ণবের মধ্যে মাঝে মাঝে জেগে ওঠে; বলে, এ প্রেমের ধর্ম, সেবার ধর্ম আর নয়, শক্তিব ধর্মকে জাগাও, জাগ্রত কর উদ্দীপ্ত কর ফ্লাদিনী শক্তিকে।

শ্রাবণের অন্ধকার রাত্রে সপিল বিদ্যালয়ের চকিত দীপ্তিতে উজ্জ্বল কালিন্দী তীরে কম্পিত অন্তরে রাধিকার অভিসাব নয়; অমাবস্তার তামসী রাত্রে ভৈরবীচক্রে ভৈরবীকে আহ্বান কর, পরমাত্মন্দরী নারীব অপরূপ লাভণ্য এ অন্ধকারে লুপ্ত হয়ে যাক, মহাশক্তির উদ্বোধন কর, নৃমুণ্ডমালিনী কালিকার নৃত্য শুরু হোক।

প্রেমদাস বেঞ্চির এক কোণে বসে পড়লেন। স্থির হয়ে বসতে পারলেন না, ছলতে লাগলেন, উচ্চৈঃস্বরে বলে উঠলেন, যা দেবী সব-ভূতেশু রূপবতীরূপেন সংস্থিতা—অল্পমারূপেন—মোহিনীশক্তিরূপেন—অপরূপ সৌন্দর্যরূপেন—

প্রেমদাস দাঁড়িয়ে উঠলেন। মুষ্টিবদ্ধ বাম হস্ত কম্পিত। কম্পিতকণ্ঠে বলে উঠলেন, জয় করতে হবে, এ মোহ জয় করতে হয়; নারীর সৌন্দর্য কেন আমাকে এমন বিচলিত করে !

ক্লান্ত অবসরতায় প্রেমদাস আবার বসে পড়লেন। প্রথম যৌবনের প্রেমমগ্নভরা নারীসৌন্দর্যমণ্ডিত বেদনা-উদাস দিনগুলি মনে পড়ল। তখন তিনি যেমন সৌখিন তেমনি সুরসিক খেয়ালী ছিলেন। কখনও

বসতেন ছবি আঁকতে, কখনও আরম্ভ করতেন বেহালা বাজাতে। ভাবতেন, চণ্ডীদাসের মত প্রেমের কবিতা লিখব, রেনোয়ারের মত নারীসৌন্দর্য আঁকব, নীটসের মত নব মানবের কথা বলব। বন্ধু শিল্পীর স্টুডিওতে বাতের পর বাত মদের পেয়ালাব সামনে আর্ট, নারী, সভ্যতা, সমাজ, কত কথাই না আলোচনা হয়েছে।

সেই চিব-তরুণ শিল্পী বৃহস্পতি হয়ে গেছে। ওঠে, জীবন বসের শূন্যপাত্র কম্পিত হস্তে ধরে দাঁড়ায়।

আজ সন্ধ্যায় অল্পমমাকে দেখে মনে পড়ল, স্টুডিওর কত সুন্দরী মেডেলের মুতিসৌন্দর্য, কত যুবতী বাঙ্গালীর কঠিনসঙ্গীতমাদুরী, কত তরুণী প্রেমিকার চকিত ব্যাকুল চাউনি।

তারপর, ভৈরবীচক্রে কত বোগিনী!

কিন্তু তন্ত্রসাধনায় তিনি কোন সুন্দরী নারীর সহায়তা পাননি। সেজ্ঞার বার বার তাঁর মন বিক্ষিপ্ত বিকল ভাবাপন্ন হয়েছে। অল্পমমার মত কোন অপকণা সুন্দরী নারীর সাহচর্য পেলে হৃদয় তিনি তন্ত্রসাধনায় সফলকাম হতেন।

প্রেমদাস চমকে দাঁড়িয়ে উঠলেন।

অল্পমমার নয়নে কোন নবলোকের অপূর্ব আলোক উদ্ভাসিত হয়ে উঠেছিল। সে ত নীপবনে মিলনোৎকণ্ঠিতা রাধিকার আশা-সঙ্কুল দৃষ্টি নয়, সে যে কালার উজ্জ্বল খজোব বল্মলানি, বুলকুণ্ডলিনীও দিব্যত্ব্যতি।

অল্পমমা তার শিখা হতে চায়, ভাবছে ধর্মের পথে সে শান্তি পাবে। শান্তি কোথায়? লোকে দেখে বাইরের শান্তি, অন্তরে অহনিশি নব নব কামনার সংঘাত চলেছে, ক্রুদ্ধ সর্পের অন্ত বাসনা উজ্জ্বল হয়ে ওঠে।

যুক্তকরে প্রেমদাস দাঁড়িয়ে উঠলেন, হে কৃষ্ণ! যেমন তুমি বিষধর
কালিয় দমন করেছিলে তেমনি দমন কর এ ক্ষুদ্র কামনাকে তোমার
কঠোর পদাঘাতে।

সমর বললে, সন্ন্যাসীটা এসেছিল বুঝি!

অনুপমা ম্লান হেসে বললে, হাঁ এসেছিলেন।

—দেখলুম গাড়ী গাড়ী ঘুরে বেড়াচ্ছে, কি মস্ত ঝেড়ে গেল, তোমাকে
বড় অসুস্থ দেখাচ্ছে, দিদি।

—উনি সাধারণ সন্ন্যাসী নন, শক্তিমান পুরুষ।

—হাঁ, জানি, মেয়ে-শিষ্যা যোগাড় করতে ওস্তাদ।

—ওঁর কথা থাক। তুমি এসে 'আমায় বাঁচালে ভাই।

—তুমিও যে ভক্তাদের দলে ভিড়বে, ভাবিনি।

—আমার কেমন বড় ভয় করছিল, শুধু ভয়ই নয়, মনেব মনো যেন
কোন জোর নেই—মনে হচ্ছিল, যদি একটা কলিসন্ তয়, আমি মবে
বাই, বেশ হয়।

—তুমি স্থবী নও, তোমার বিবাহিত জীবন সত্যের উপর প্রতিষ্ঠিত
নয়, এ বুর্জোয়া সমাজ ভেঙে কম্যুনিষ্ট স্টেট না হলে মানবেব দত্বিকার
স্থ হবে না।

—সেটা কবে হবে ভাই? মবার আগে দেখে যেতে পাবব?

—ইয়োরোপে আর একটা যুদ্ধ বাধলেই হবে, গত মহাযুদ্ধে
দেখলে না, কত রাজ্য লুপ্ত হল, কত রাজ্যর মুকুট ধুলায় লুটিয়ে
পড়ল। আগামী যুদ্ধে পৃথিবী-জোড়া ধনতান্ত্রিক সভ্যতা ভেঙে

চুরমার হয়ে সেই ধ্বংসস্তূপের ওপর নতুন সমাজ গড়ে উঠবে—
কম্যুনিজ্‌ম্‌।

সমরের তরুণ দীপ্ত মুখের দিকে অল্পপমা ক্লান্ত করুণ চোখে চাইলে।
কি অপূর্ব স্বপ্ন! কি সহজ বিশ্বাস!

অল্পপমা ধীরে বললে, দেখ সমর, তোমার মত ভাবতে চাই, কিন্তু
পারি না। তরুণ তুমি, তাই ভবিষ্যতের স্বপ্নে মুগ্ধ হয়ে এগিয়ে চলতে
পার, কিন্তু আমরা বর্তমান জীবনটাকেই উপভোগ করতে চাই।

সমর আবেগের সঙ্গে বলে উঠল, ভুল! ভুল দিদি। এখন
সবাইকে ভাঙনের কাজে লাগতে হবে।

অল্পপমা হেসে বললে, আমি নিজেই যে ভাঙা। ফ্যানটা এদিকে
একটু ঘুরিয়ে দাও ত ভাই, কেমন গরম লাগছে।

সমর সিলিং-ফ্যানটা অল্পপমার দিকে ঘুরিয়ে দিয়ে বললে, তুমি শুয়ে
পড়, সেই বড়িটা কি আবার খাবে?

এলিয়ে শুয়ে অল্পপমা বললে, মানব-সভ্যতার কথা খাব, মালতীর
খবর বল, সারাদিন তার আর দেখা পাওয়া গেল না, বিকেলে চা খেতে
আসতে বলেছিলুম, এল না ত।

সমর একটু চঞ্চল হয়ে বললে, আমি ত তার খবর রাখবার ভার
নিইনি, তবে দেখলুম কল্যাণকুমারের সঙ্গে চা খাচ্ছিলেন—

অল্পপমা হেসে উঠল, বললে, কাজটা তুমি পছন্দ করনি মনে
হচ্ছে।

সমর তাচ্ছিল্যের স্বরে বললে, কাজটার মধ্যে এমন কিছু অপছন্দের
নেই, মামুলী ব্যাপার, তবে ওসব চং ত্রাকামি আমার ভাল লাগে না।
কমরেড হবার সাধ কেন?

অল্পপমা কটাক্ষ করে বললে, তুমি চাও ফ্রি লাভ!

সমর গম্ভীরভাবে বললে, ঠাট্টা কোরো না দিদি, শেকলপরা প্রে হয় না।

অল্পপমা বুঝলে ব্যথায় সময়ের মন টন্টন্ করছে। শিঙ্কশ্বরে সে বললে, দেখ সময়, মালতী তোমায় ভালবেসেছে। তার মুখ দেখে আমি তা বুঝছি। কিন্তু তুমি ত সে ভালবাসা চাও না, শিঙ্ক গৃহকোণে মাটির প্রদীপের শিখার মত সে ভালবাসা—তুমি চাও প্রলয়ের আগুন।

—ভালবাসায় আমি বিশ্বাস করি না। এ ভালবাসা বুর্জোয়া সভ্যতার ফষ্টি। ধনসঞ্চয়, সম্পত্তিকে ভালবাসার এ আর এক রূপ।

—এ তুমি কেতাবের বুলি বলছ। সত্যি ভালবাসা কি তুমি এখনও জান নি।

—তুমি কি জেনেছ?

—আমার কথা থাক্। গল্পটা শুনি, কল্যাণের সঙ্গে মালতী কোথায় চা পাচ্ছিল?

—রেশ্‌মেরা-গাড়ীতে।

—আর তাই দেখে তোর 'জেলসি' হচ্ছিল!

—ফুঃ!

—কল্যাণের সঙ্গে মালতীর বিবাহ হলে মন্দ হয় না।

—যদিও, তোমার মতে, সে আমাকে ভালবাসে।

—কিন্তু তুই ত বিয়ে করবি না, তোর প্রলয়-পথের সঙ্গিনী কে হবে!

—তবে অত পোজ্ কেন?

—যে মালতী তোকে ভালবাসে সে ত ঘর ছেড়ে বার হয়েছে দুর্গম অভিনারে, কিন্তু সাহসে তার কুলাচ্ছে না, যদি কেউ ডাকে

ঘর বাঁধতে, সে আর এগুতে পারবে না—ঘর বাঁধা আমাদের
রক্তে—

—তুমিও বুঝি স্বেচ্ছা বিয়ে করেছ দিদি!

—হয়ত তা সত্যি! কিন্তু ঘর গড়তে পারলুম কই? দম আটকে
আসে তবু শেকল খুলতে ইচ্ছে করে না। তোর সঙ্গে কথা কয়ে মন
অনেকটা হালকা হল। একা গাড়ীতে কত অদ্ভুত কথা ভাবছিলুম।
ওই অন্ধকার বনগুলির দিকে চেয়ে মনে হচ্ছিল, চলে যাই ওদের মধ্যে,
ওই গিরিবনে কি রহস্য লুকান আছে! ওরা যেন আমায় ডাকছে।
মনে হচ্ছিল, সন্ন্যাসী যদি বলেন, এস আমার সঙ্গে, আমার অলৌকিক
শক্তিতে তোমার ব্যাধি সারিয়ে দেব, তারপর ভারতের রহস্যময়
অরণ্য-পর্বতে পবিত্রমণ করব—আমি চলে যেতে পারি সন্ন্যাসীর
সঙ্গে—

—ওই সন্ন্যাসীর সঙ্গে?

—সে কি কোন সন্ন্যাসীর সঙ্গে? সে যে নবজীবনের অহুত্বতির
সন্ধানে—পুরানো জীবন ভেঙে গড়তে।

—কিন্তু এ ধনতান্ত্রিক সভ্যতা, এ সমাজ-ব্যবস্থা, এ রাষ্ট্রমুতি না
ভাঙলে নতুন জীবন গড়বে কি করে? তুমি হয়ত পারবে দিদি—

—কি হয়ত পারব?

—চলো তুমি ইরোরোপে, যাবে আমার সঙ্গে? তোমায় সারিয়ে
তুলব—তারপর—

মৃহ দীর্ঘনিশ্বাস ফেলে অল্পপমা বলল, চূপ করো সমর, চূপ বরো,
আমার মধ্যে যে আগুন আছে তার জ্বালা তোমায় দিতে চাই না।

ক্রান্তনয়নে অল্পপমা চাইলে।

মস্তমুণ্ডের মত সমর তার দিকে চেয়ে।

অতুপমা অতুভব করলে, সময় তার অসামান্য রূপে বিমোহিত, অঙ্ককার নিশীথের চকল বাতাসে মশালের আগুনের শিখার মত তার তরুণ প্রাণ কাঁপছে।

হু'জনে স্তব্ধ হয়ে বসে রইল।

ওপরের বাকের এক কোণে বিরিকি ঘুমিয়ে পড়েছিল। এমন কোণ ঘেঁষে সে ছিল যে প্রেমদাসের চোখে পড়েনি।

সন্ধ্যা হতে বিরিকির শরীর ভাল নেই। পেটের ব্যথা অসহ্য হয়ে ওঠেনি, তবে শরীর বড় ক্লান্ত। বোধ হয় এত দীর্ঘকাল রেলগাড়ীর কাঁকুনিতে দেহ অবসন্ন হয়ে পড়েছে।

ফতেসিং-এর কথা শুনে সে বিশেষ উত্তেজিত হয়ে উঠেছিল। ঠাকুর প্রেমদাসের পা জড়িয়ে ধরে ছোট মেয়ের বিবাহের টাকা কোন রকমে যোগাড় করতেই হবেই।

মাঝে স্টেশনে গাড়ী থামতে রাখাকাস্ত চলে গেল ফতেসিং-এর সঙ্গে, বোধ হয় সন্ন্যাসীর সন্ধানে। বিরিকি আর বসে থাকতে পারল না। নিজের বাক্কে উঠে শুয়ে পড়ল। অবসাদে সে ঘুমিয়ে পড়ল। প্রেমদাস বন্ধন গাড়ীতে উঠলেন, সে জানতে পারল না।

গাড়ীর এক কাঁকুনিতে বিরিকির ঘুম ভেঙে গেল। সে স্বপ্ন দেখছিল, তার ছোট মেয়ে বিমলা লাল বেনারসী পরে বিবাহের বধূবেশে তার সামনে দাঁড়িয়ে, গলায় মুক্তার হার, হাতে সোনার স্বর্ণ, কানে হীরের ঢুল ঝলমল করছে। বিমলা কেঁদে বলছে, বাবা আমি বিয়ে করব না, বাবা আমি খুশরবাড়ী যাব না। আর বিরিকি

হেসে বলছে, দূর বোকা মেয়ে, বিয়ে কবিনি কি ! দেখবি বরকে কত ভাল লাগবে, তখন আর আসতে চাইবিনি ।

ঘুম ভেঙে গেল কিন্তু সালফতা বিমলার ছবি তার চোখে যেন ভাসছে ; বিরিকিব চোখ ছলছল কবে উঠল ।

উঠে বসে বিরিকি দেখলে, প্রেমদাস মুদিতনয়নে স্থির হয়ে ধ্যানের আসনে গাড়ীর মেজেতে বসে ।

ঠাকুর গাড়ীর ধুলায় কেন ? বেকিতে ত বসলে পারেন ।

বিরিকি তাডাতাড়ি বাক হতে নামলে । প্রেমদাস নীচে বসে, স্তবরাং বেকির গদিতে বসা চলবে না । প্রেমদাসের সামনে সে গাড়ীর 'মেজেতে বসে দুই হাত জোড় করে প্রার্থনার সুরে বললে, ঠাকুর একটি নিবেদন আছে, বিরিকিকে তরিয়ে দিন প্রভু ।

প্রেমদাস কিন্তু চোখ মেলে চাইলো না, কোন কথাও কইলেন না ।

বিরিকি ভাবলে, ঠাকুর গাড়ীর ধ্যানমগ্ন । ঠিক এই সময় কেন ধ্যানে বসলেন ? এখন কেউ নেই, একেবারে পা জড়িয়ে কৈদে মেয়ের বিবাহের ব্যবস্থা করে নেওয়া যেত । হঠাৎ গাড়ী থেমে যেতে পারে, তারপর ফতেসি, রাধাকান্ত—সব এসে হাজির হলে মুশকিল ।

বিরিকি যুক্তকরে জোর গলায় বললে, ঠাকুর, বিরিকিকে এবার কৃপা করুন ।

প্রেমদাস বিচলিত ভাবে চোখ মেলে চাইলেন । সম্মুখে নতজাহ্নু বিরিকিকে দেখে বিরক্তির সুরে বলে উঠলেন, এ কি ! এখানে এমন করে বসে কেন ? তুমি কোথায় ছিলে ?

দৌনভাবে বিরিকি বললে, আমি বাকৈ ঘুমিয়ে পড়েছিলুম, জেগে দেখি, ঠাকুর এই গাড়ীর ধুলায় ধ্যানস্থ বসে । আমি কি আর ওপরে থাকতে পারি ?

প্রেমদাস সন্দ্বিষ্ট হয়ে বলে উঠলেন, এতক্ষণ ঠিক ঘুমোচ্ছিলে ?

—হাঁ ঠাকুর, স্বপ্ন দেখছিলুম আমার ছোট মেয়ের বিয়ে হচ্ছে।

—বেশ ! ওঠ। অমন হাতজোড় করে আছ কেন ?

—আপনার রূপাভিক্ষা, ঠাকুর, আপনার আশীর্বাদ।

—উঠে বস, পা ধোবো না—কি হল তোমার ?

—আপনিও উঠে বসুন।

প্রেমদাস বুঝলেন, আর স্থিরচিত্তে চিন্তা করা চলবে না। তিনি উঠে গাড়ীর গদিতে বসলেন। বিরিকি তখনও করজোড়ে তাঁর সামনে দাঁড়িয়ে।

একটু বিরক্তির সুরে প্রেমদাস বললেন, কি চাই তোমার ? বাধাকান্ত বাবুব মত টাকা ধার চাই ?

—আপনি রূপা করলে সব হবে। টাকা ধার করে আমি শুধুবে কি করে ?

—ও, ধার নয়, দান।

—শুধু রূপা করুন।

—শোন বিরিকি, আমি অতি ভুচ্ছ, নগণ্য মানুষ, রূপা করবার আমি কে ? যদি দুঃখ হতে ত্রাণ পেতে চাও রূপাময় ভগবানকে ডাক, আমি এতক্ষণ তাকেই ডাকছিলুম।

—আমাদের কাছে আপনিই ভগবান, আপনিই রূপাময়ের অংশ।

প্রেমদাস রাগ করতে পারলেন না, হেসে উঠলেন। নোকটা কি নাড়োড়বান্দা। বোধ হয় মেয়ের বিয়ের জন্ত টাকার দরকার, তাই প্রথমেই স্বপ্নেব কথাটা বললে।

—কি, মেয়ের বিয়ের জন্ত টাকা দরকার ?

—ঠাকুর ত অন্তর্যামী, মনের কথা জানতে পারেন। ঠাকুর যে কত বড়, কত উদার, বুঝতে পারিনি; ফতেসিং-এর কাছে শুনলুম।

—ফতেসিং!

—হ্যাঁ, তিনি এসেছিলেন ঠাকুরের দর্শন পেতে। বাধাকান্তবাবু ত হাব সঙ্গে আপনাব খোঁজ করতে গেলেন।

প্রেমদাস বিচলিত হয়ে উঠলেন, পরের স্টেশনে গাড়ী থামলেই পাবাকান্ত ও ফতেসিং একসঙ্গে হাজির হবে, তারপরে ঋণের দস্তা হু'জনেব মধ্যে দব কযাকযি চলবে। তাব আগে বিরিকির টাকার ব্যবস্থা করে দেওয়া যাক।

মুহুৎসে প্রেমদাস বললেন, ফতেসিং কি বললে, দিতে চায় টাকা? ব্রাহ্মদায়গ্রন্থদেব অর্থদান কবে ও বিশেষ আনন্দ পায়—কি বলে?

বিরিকি বুঝলে এমন স্বেচ্ছা আবেগে আসবে না। সে আবেগের সঙ্গে প্রেমদাসের পা জড়িয়ে ধবে বললে, ঠাকুর শুধু আপনার একটি কথা—অপনি খুশি হবেন, এহটুকু তাকে জানাতে পাবলেই হল।

প্রেমদাস বিরিকিকে বুকে জড়িয়ে ধরলেন। কোড়ে বাতাসে পাড়া হালে শুকনো পাতার মত সে কাঁপছে। তার সাদা চুলগুলি বাদ আলোয় সাদা পড়িব তালেব মত দেখাচ্ছে।

বিরিকিকে পাশে বসিয়ে প্রেমদাস বললেন, বিরিকি তুমি স্থির হও, শান্ত হও, তোমার মেয়েব বিবাহের ব্যবস্থা আমি কবে দেব, নিশ্চিত কোঁ।

—ঠাকুরের অসীম রূপা।

—তুমি স্থির হয়ে শুবে থাক, তোমাব শরীর ত ভাল নেই, বিরিকি।

—হ্যাঁ সন্ধ্যা থেকে শরীর কেমন ঝিমিয়ে পড়ছে। আর শব্দেব জোর

নেই। মেয়ের বিয়েটা হয়ে গেলেই আমার সংসারের সব কর্তব্য হয়ে গেল, তারপর আপনার সঙ্গ আর ছাড়ছি না—আপনার তল্লী বয়ে বাকি জীবন কাটিয়ে দেব।

—বড় দীর্ঘ তোমার যাত্রা, বিরিকি—তুমি স্থির হয়ে শুয়ে পড়। আমাকে একটু স্থির হয়ে বসতে দাও, ভগবানের কৃপা এখন আমার যে বড়ই দরকার।

বিরিকির বুক কোন্ অজানা ভয়ে ঢুলে উঠল। প্রেমদাসের পদধূলি নিয়ে সে বিনীতকণ্ঠে বললে, ঠাকুর ক্ষমা করবেন, ভগবানকে ডাকার মাঝে আপনায় এমন করে বিরক্ত করলুম। আমরা সংসারের জীব, বড়ই স্বার্থপর।

ইভরুসি স্টেশনে গাড়ী থামতে মালতী উৎসুকভাবে প্ল্যাটফর্মে নেমে দাঁড়াল। পুরানো শাড়ী ছেড়ে সে ঘনাল রঙের শাড়ী পরেছে, মহিষরি জর্জেটে স্ৱাটী পাড় বসান, বেণীর উত্তত কুণ্ডলীর সঙ্গে শাড়ীর রং মিশে গেছে, শুভ্র মুখশ্রীর বিবর্ণতা আরও অধিক হয়ে উঠেছে, চক্ষের কৃষ্ণ রহস্য সঘন। স্টেশনপ্ল্যাটফর্মের চেয়ে আষাঢ়ের প্রথম মেঘের ছায়ায় কদম্ববৃক্ষতলে দাঁড়ালে তাকে বেশি ভাল মনাত।

চকলচিত্তে মালতী দাঁড়াল।

কল্যাণের ডিনারের নিমন্ত্রণরক্ষা করা সম্বন্ধে সে কোন সিদ্ধান্ত করতে পারছে না। কখনও ভাবছে, বলবে, তার খিদে নেই, খাবে না। কখনও ভাবছে, খাবে কিন্তু তার নিজের খাবার বিলের টাকা। নিজে দেবে, কল্যাণকে দিতে দেবে না। কখনও ভাবছে, যদি সময়ের সঙ্গে দেখা হয়, তাকে টেনে নিয়ে রেশোরাঁ-গাড়ীতে খেতে যাবে, সময় সারাদিন নিশ্চয় ভাল করে খায়নি। কিন্তু সময়ের দেখা পাওয়া মুশকিল! সে যখন রেশোরাঁ-গাড়ীতে যাবে তখন হয়ত সময় তার গাড়ীতে এসে হাজির হবে। কল্যাণ আচ্ছা মুশকিলে ফেললে।

মালতী স্থির দাঁড়িয়ে থাকতে পারলে না, টেলিগ্রাফ আফিসের দিকে এগিয়ে গেল, কল্যাণ তাকে না দেখতে পেয়ে চলেও যেতে পারে।

—মিস মল্লিক, একটু দাঁড়ান।

চমকে ফিরে মালতী দেখলে কল্যাণ তার দিকে দ্রুতপদবিক্ষেপে আসছে; মুখে পাইপ নেই; ঠোঁটের কোণে ঝাঁক হাসির রেখা, যেন সে বলছে ডিনার খাবার জন্ত সাজ ত করা হয়েছে দেখছি।

দ্বিধাজড়িত স্বরে মালতী বললে, দেখুন আমি বোধ হয় আপনার সঙ্গে ডিনার খেতে যেতে পারছি না।

মালতীর রক্তিমগণ্ডে চোখ রেখে কল্যাণ বললে, কেন? আর কোন নিমন্ত্রণ আছে?

হাতের চামড়ার সাদা ব্যাগ তুলিয়ে মালতী বললে, না, তা নয়—কেমন খিদে নেই।

কল্যাণ দৃঢ়স্ববে বলে উঠল, অর্থাৎ কারণ কিন্তু খুঁজে পাচ্ছেন না—এ আপনার কাছ থেকে আশা করিনি, মিস্ মল্লিক—আপনি যা বলবেন স্পষ্ট করে বলবেন, কোথাও দ্বিধা করবেন না—সাধারণ বাঙালী মেয়ে—মত—

মালতী বাধা দিয়ে বললে, আমি অসাধারণ কিসে!

মালতীর গভীর কালো চোখে চোখ রেখে কল্যাণ বললে, অসামান্য! আপনি, এই যে স্টেশনে ভিড়ের মাঝে নীল শাড়ী পরে দাঁড়িয়েছেন—

মালতী বাধা দিয়ে বললে, আচ্ছা, বক্তৃতা দিতে হবে না চলুন। কল্যাণ অসম্মত কিছু বুঝি বলে, ভেবে, তাব বুক কাঁপছে। ধীরে সে বললে, কিন্তু আমার যে একটা টেলিগ্রাম করতে হবে।

কল্যাণ বললে, কোথায় বলুন, কবে দিচ্ছি।

মালতী মুখ রাঙা করে বললে, বাড়ীতে, মায়েব কাছে।

কল্যাণ হাসিব স্বরে বললে, বিশেষ প্রাইভেট না হয় তা বলুন, কি জানতে হবে, আমি টেলিগ্রাম করে আসছি, আপনি ভিড়ে যাবেন কেন? পথে এমন কিছু কি ঘটল যে এখনি মাকে টেলিগ্রাম করতে হবে?

মালতী রাগের স্বরে বললে, আপনি বড় বাজে কথা বলেন, চুপ করুন দেখি একটু!

নীরবে দু'জনে এগিয়ে রেস্টোরাঁ গাড়ীর দিকে এগিয়ে চলল।

টেলিগ্রাম করে মালতী ও কল্যাণ রেস্টোরাঁ-গাড়ীতে এসে বসতে ট্রেন স্টেশন ছাড়িয়ে চলল।

কল্যাণ দেখলে, অদূরে কনক ও গ্রেগরি 'আপেরিতিভ' পান করছে। কল্যাণের ইচ্ছা ছিল তাদের টেবিলে গিয়ে বসে কিন্তু মালতী শুদিকে যেতে বাজী হল না। জানালায় ধারে এক কোণের চেয়ারে মুখ রাঙা করে সে বসে পড়ল। কল্যাণ প্রথমে পাশের চেয়ারে বসবে ভেবেছিল, কিন্তু মালতীর সামনের চেয়ারে মুখোমুখি বসল। মালতীও পেলব শুভ্র অধরে বস্তুর ছোপ তার বড় ভাল লাগল। কিন্তু এ মুহূর্তায় তার কথা বলাবাব সহজ শ্রোত মুহূর্তে এল। রূপোলী পাউ-বোন নীল শাড়ী পটভূমিকায় এই তরুণীর আবেগকম্পিত আনন্দ বহুমুখী স্তম্ভ, এমন নিদ্রিতা এমন অনির্বচনীয়তা সে কখনও কোন ইংবেজ মেয়েকে মুখে দেখেনি।

মালতীর মধ্যে কি বিশেষ আকর্ষণ?

কল্যাণ ভাবলে, মালতী বেশপক্ষে আকর্ষক আলাপে আব-জানা বলে এমন বহুমুখী হয়ে উঠেছে, তার চাবিদিকে কত ইসাবা কত ইঙ্গিত! এ বহুমুখী মাণ্ডুক সে উপভোগ করতে চায়।

ভোজ্য তালিবার কাড নিয়ে বস এসে সামনে দাঁড়াতে মালতী বলে উঠল, আমি কিন্তু বেশি খেতে পারব না, বলে দিচ্ছি।

কল্যাণ হেসে বললে, বেশি খাবার জন্মে জোর করা আমার স্বভাব নয়, আমার বাজুও নয়, কিন্তু কিছু খাবেন, এক খাবেন বলে দিন।

মালতী মৃদুস্বরে বলে, আমি অত ভাবতে পারছি না, আপনি যা হয় বলে দিন।

কল্যাণ বরকে দুটো ডিনারের অর্ডার দিয়ে মালতীর মুখের দিকে

চেয়ে বললে, দেখুন মিস্ মল্লিক, আপনাকে জোর করে খাওয়াব বলে ত আপনাকে নিমন্ত্রণ করিনি, টেনের ঝাঁকুনিতে ডিনারটা একা খেতে হবে না, দু'জনে এক সঙ্গে খাব, এই আনন্দলাভ করার জন্তেই আপনাকে ডেকেছি, এব মধ্যে আমার স্বার্থপরতা যথেষ্ট। খাওয়াটা এখানে গৌণ, আপনাব সঙ্গে গল্প করাটাই মুখ্য।

মালতী হাসির সুরে বললে, আবার আপনি বানিয়ে বানিয়ে কথা বলতে আবস্ত করেছেন। আমার কিন্তু বেশি কথা বলবার মত শক্তি নেই—

কল্যাণ বাধা দিয়ে বললে, অথবা মুড নেই। অথবা যা অল্পভব করছেন তা ভাষাতীত।

—দেখুন, সব সময় ঠাট্টা করবেন না।

—এই মুশকিল, মিস্ মল্লিক, আমার এমনি দুর্ভাগ্য, মনোব গভীর অস্থিরতার কথা বলতে গেলেই, মেয়েরা ভাবে পরিহাস কবছি।

মালতী ভীতবিস্মিত চোখে চাইলে।

কল্যাণ বলে বেতে লাগল, দেখুন, এই যে রাতেই অন্ধকারে মধ্যভারতের গিরিবনপ্রান্তর পার হয়ে উল্কাশাসে ট্রেন ছুটে চলেছে, তার রেষ্টোরান্ট-কারে আমরা দু'জনে বসে ডিনার খাবার প্রতীক্ষায়—মাঝে মাঝে মনে হচ্ছে আপনাকে আমি খুঁই জানি, আবার কখনও মনে হচ্ছে আপনি অজানা রহস্যময়ী, একটুকু চিনেছি মাত্র—অথচ ওই যে পাহাড়ের মাথায় তারাগুলি ঝলমল করছে, বনপ্রান্তে উঠেছে চাঁদ, তাদের দিকে না চেয়ে, চেয়ে আছি এই টেবিলের দিকে—এই যে পরম বিশ্বাস, রহস্যময়—অন্তরের এ ভাব কি কোন কথায় প্রকাশ করতে পারা যায়—আমি চেষ্টা করে কি পারছি প্রকাশ করতে—এই যে ঠিক আজকে রাতে ট্রেনে বসে—

মালতী এতদূর মুখে রুমাল চেপে ছিল, মনে মনে ক্রুদ্ধ হচ্ছিল, কিন্তু হঠাৎ সে উচ্চৈঃস্বরে হেসে ফেললে, কল্যাণের কথার ছন্দে বলবার ভঙ্গীতে আর সে হাসি চেপে রাখতে পারলে না। সে যেন খুব খুশি হয়ে উঠল, মনের অস্বাচ্ছন্দ্যের ভাব দূর হয়ে গেল। কল্যাণ যেন তার মনের খুব নিকটে এসেছে।

মালতী হাসির স্ববে বললে, খুব হয়েছে, এবার চুপ করুন। বেশি কথা না বলে এবার থেতে আরম্ভ করুন।

কটাক্ষে মালতীর দিকে চেয়ে কল্যাণ দিনাবের প্রথম কোর্সে মনোযোগ দিলে।

গেগরি বললে, দেখেছেন কনক রায় মহাশয়, সারাদিন ঘোষের কেন দেখা পাওয়া যায় নাই, তাহার কারণ এখন বোঝা যাইতেছে।

কনক হেসে বললে, ব্যাপারটা আমি ঠিক বুঝে উঠতে পারছি না, এই মেয়েটি ত সম্বোধ্যে চা খেয়ে গেল।

গেগরি হেসে বললে, যাব সঙ্গে চা খাওয়া যায় তাহার সহিত কি ভিনার খাওয়া যায় না?

কনক বললে, তা নয়। অকারণে মেয়েদের নিমন্ত্রণ করে খাওয়ান কল্যাণের একটা পেয়াল বললেই হু! ও বলে, ও একা রেষ্টোরাঁতে থেতে পারে না, কোন নিমন্ত্রিতার সঙ্গে থেলে খাওয়াটা আনন্দকর হয়। কিন্তু, কল্যাণ কখনও একই মেয়েকে একই দিনে দু'বার খাওয়ায় না। বিলেতে কখনও দেখিনি, একদিনে একই মেয়েকে চা থেতে নিমন্ত্রণ করেছে আবার ভিনার থেতেও অত্বরোধ করেছে।

গ্রেগরি বললে, তা এ রেলপথে পরিচিত কত জন পাইবে ?

কনক কটাক্ষ করে বললে, ইনিও ত অপরিচিত।

গ্রেগরি উৎসাহেব সঙ্গে বললে, গার্লটির কিন্তু striking face. ওঁর একটা পোরট্রেট আঁক কনক রায় মহাশয়। আর বাঙালী মেয়েদের মুখে এমন—কি বলিব—softness—আমাদের দেশের মেয়েদের মুখে দেখি না—বোধ হয় পদাপ্রথার কল।

কনক মাংসের কাটলেট কাটতে কাটতে বললে, ওটা ভুল বললেন, বাঙালী মেয়েদের মুখের রঙে যে অপরূপ স্নিগ্ধতা আছে, আমাদের মাটির ঘরের মাটির প্রদোপের আলোর মত, তোমাদের ডিলফ্রেন্সের প্রাসাদের ইলেকট্রিকের তীব্র আলো, নয়—এ স্নিগ্ধতা তাদের অন্তরের প্রকৃতির ও দেশের প্রকৃতির পরিবেষ্টনীর ফল, পদাপ্রথার জন্ম হয়নি। ঘনসবুজ আমগাছের পাতায় তালতমালের আস্তুরণে আষাঢ়ের মেঘের স্নিগ্ধ-ছায়াপাত দেখছ, চৈত্রের নির্মল রাতে দীর্ঘ নাবিকেল পাতাগুলিতে চাঁদের আলোর বিকিমিকি দেখছ, ভাদ্রের বাংলায় ভরা নদীর রূপ দেখছ—তা যদি না দেখে থাক ত বাঙালী মেয়ের স্নিগ্ধ রূপ মাধুরী বুঝবে না, গ্রেগরি সাহেব।

গ্রেগরি হেসে উঠল। বয়সে ডেকে মগ্ন-তালিকা আনতে বললে। গ্রেগরি বললে, কল্যাণের মুখ দেখিয়া তোমার কি মনে হইতেছে সে আহ্ন পল্লবে বর্ষার মেঘের ছায়া দেখিতেছে !

কনক একটু গম্ভীর ভাবে বললে, কল্যাণ সম্বন্ধে আমি চিন্তিত হয়ে উঠেছি। আমার মনে হচ্ছে, ওই মেয়েটিকে কল্যাণ ভালবেসেছে !

গ্রেগরি বিস্ময়ের সুরে বললে, কল্যাণ ভালবেসেছে ?

কনক বললে, কেন, সে কি খুব আশ্চর্য্য ?

গ্রেগরি বললে, আচ্ছা আস্থান এক bet রাখা যাক ?

কনক বললে, bet ! কি ?

গ্রেগরি হেসে বললে, আমি বলছি, কল্যাণ ও মেয়েটিকে ভালবাসে নাই কিন্তু ওই সুন্দরী তরুণীকে বিবাহ করিবে—আপনার মত কি ?

কনক বললে, আমি বলছি, কল্যাণ ওকে ভালবেসেছে কিন্তু বিয়ে করবে না।

গ্রেগরি বললে, তা হলে কি বাজি বনুন ?

কনক একটু চিন্তিতভাবে বললে, কিন্তু আর এক সম্ভাবনা রয়েছে, কনক ওকে ভালবেসেছে এবং বিবাহ করবে।

গ্রেগরি বললে, তাহা হইলে ভালবাসিয়াছে কি ভালবাসে নাই এই প্রশ্ন বা সমস্যা। বিবাহ কবিত্তে পারে, নাও কবিত্তে পারে। বেশ, তবে এই এক বোতল গ্রাম্পেন আঁড়াব দেওয়া যাক। ডিনাবের পণ আমি কল্যাণকে ডাকিয়া জিজ্ঞাসা করিব—যদি কল্যাণ ওই গার্লকে ভালবাসিয়া থাকে তবে আমি এই গ্রাম্পেনের দাম দিব, আর যদি ভাল না বাসিয়া থাকে তাহা হইলে আপনি দেবেন—এই বাজিতে বাজী ?

কনক বললে, গ্রাম্পেন আসুক—কিন্তু সত্যিকার ভালবাসা কি মিথ্যার গ্রেগরি ? তাব কণ আর অন্তর্ভুক্তি কে বলতে পারে ?

কাউন্সেলর বার্নি অংশটুকু কনক মুখে পুবিয়া চিহ্নিততে লাগিল।

ডিনাব খেতে গণেশ বেস্টোরা-গাড়ীতে বাসনি। বেস্টোরা-গাড়ী হতে আঁহাব ও পানীয় আনিযেছে গাড়ীতে। আহাযের চেয়ে পানীয় অধিক।

দেবপ্রিয়ও তাদের গাড়ীতে এসেছে। দেবপ্রিয় নিজেই এসেছে, যেন এ গাড়ীতে তার নৈশ-ভোজের নিমন্ত্রণ ছিল।

দেবপ্রিয় না আসলে গণেশ তাকে খঁজ্ঞে নিয়ে আসত, অথবা আর কোন সহভোজীকে। কারণ, রাত্রে সে একা মদ খেতে পারে না।

মদ্যপান সত্বে গণেশ যেমন অভিজ্ঞ তেমনি স্ননির্বাচক। আজ সে দেবপ্রিয়ের ভৃত্ত বিশেষ করে কক্টেল তৈরি করেছে। সাত-আট রকম মদের ছোট-বড় বোতল সামনে সাজান।

অবাক হয়ে শিপ্রা দেখছিল, গণেশের সঙ্গে পাল্লা দিয়ে দেবপ্রিয় মদ খেয়ে চলেছে, কিন্তু মাতাল হয়ে উঠেছে না, শুধু চশমার কালো কাচ দিয়ে অভ্যাজ্জল চক্ষের দীপ্তি বৈশাখের খব-রৌদ্রের মত জ্বালায়।

মদের গেলাস শূন্য করে একটা, চেন্নী চিবিয়ে দেবপ্রিয় চোঁচিয়ে বলে উঠল, হাঃ হাঃ, বাজি মাং ?

শিপ্রা ভীতভাবে তার দিকে চাইলে। গণেশকে সে ইঙ্গিত করলে, শূন্য গেলাসে আর মদ ঢালতে। দেবপ্রিয়ের ওপর তার কেমন করুণা হল। এবার কিছু খাবার খাওয়াতে পারলে নেশাটা নাও লাগতে পারে।

অনুনের স্বরে শিপ্রা বললে, দেবপ্রিয়বাবু, এবার কিছু solid হোক।

দেবপ্রিয় যেন চমকে উঠল, তারপর উচ্চৈঃস্বরে হাসলে, Solid, হু ! solid, liquid, gas—জগৎ, এ বিশ্বব্রহ্মাণ্ড আগে ছিল গ্যাস, সে গ্যাসে অহর্নিশি আগুন জ্বলছে—সে গ্যাস হতে হল লিকুইড্ জল, মহার্ঘবে নারায়ণ ভাসছে—তারপর এল সলিড্ মাটি, মাংস—হাঃ হাঃ, আমরা—

গণেশ বলে উঠল, কি চমৎকার সৃষ্টিতত্ত্ব, কিন্তু মধ্যাহ্নাহ্নাখাকলেই ত বেশ হত—ভাবুন কক্টেলের মহার্ঘব—

শিপ্রা চঞ্চলভাবে বললে, চূপ করো, গণেশবাবু। দেবপ্রিয়বাবু, আপনি একটা মাটিন কাটলেট খান—বড সুন্দর কবেছে।

দেবপ্রিয় একটু বেগে বলে উঠল, দেখ, ঠিকিয়ে আমায় খাওয়াতে পারবে না!

শিপ্রা বিস্ময়ের স্বরে বললে, আপনাকে কে ঠকাচ্ছে?

গণেশ কটাক্ষ কবে বললে, ঠকাচ্ছ বই-কি। আমি সত্যি কথা বলছি, ওটা মাটিন নয়, পর্ক।

দেবপ্রিয় একখানি কাটলেট তুলে বললে, বহুববাহ, বহুববাহ, কোন দোষ নেই। কিন্তু আমি ঠকাছি না—তোমার অহুবোধে খাচ্ছি—ভুলিয়ে খাওয়াতে পারবে না।

একটু ভীত স্তম্ভভাবে শিপ্রা দেবপ্রিয়ের দিকে চাইলে।

দেবপ্রিয় নীরবে কাটলেট খাওয়া শেষ কবলে, তারপর দাঁড়িয়ে উঠে বললে, বাজিমাং, এবার কি পার্ট করতে হবে?

শিপ্রা হেসে বললে, এবার একটা বক্তৃতা ককন।

দেবপ্রিয় একটু ক্রুদ্ধস্বরে বললে, দেখ, পরিহাস কোরো না, তুমি বড এ্যাক্ট্রেস জানি, আমিও এ্যাক্টিং করতে পারি—কি পার্ট করতে হবে বলো?

কক্টেলের গেলাস নামিয়ে গণেশ বললে, পার্ট ত আপনাব ডগ্নে তৈরি রয়েছে, প্যারিস-ফেরতের পার্ট—

দেবপ্রিয় বেকির গদিতে বসে তার শূন্য গেলাস গণেশের দিকে এগিয়ে বললে, ঠিক বলেছ। আমি ঠিক করলুম তোমাদের দলেই যোগ দেব।

শূন্য গেলাস ভরে দিয়ে গণেশ বললে, বাজিমাং, কিন্তু বৌদিদি যদি আপত্তি করেন?

দেবপ্রিয় গম্ভীর হয়ে বসে রইল, পূর্ণ গেলাস স্পর্শ করলে না। যেন তার নেশা কেটে গেছে।

শিপ্রা ধীরস্ববে বললে, দেবপ্রিয়বাব আপনি পণ্ডিত নাহুষ, আপনি কেন সিনেমাতে অভিনয় করতে যাবেন?

দেবপ্রিয় আবাব আবেগের সহিত দাঁড়িয়ে উঠে বললে, আমি পণ্ডিত? বেশ! কি জানি আমরা?

দেবপ্রিয়ের চাউনিতে শিপ্রা ভয় পেলেন।

—আপনি স্থির হয়ে বসুন।

—আমি মাতাল হয়েছি?

—না, না, মাতাল হবেন কেন?

—হইনি! আলবাৎ মাতাল হয়েছি, তোমরা আমায় মাতাল করেছ, পরিহাস কোরো না—অস্বীকার কোরো না। বেশ, আমি মাতাল হব। জীবন উপভোগ করতে চাই—গণেশ আমি তোমাব দলের—

গণেশ ব্যঙ্গের স্বরে বললে, কিন্তু আমি ত মাতাল হতে পারি না, হতে চাই, কিন্তু নেশা লাগে না।

গ্রেগরিদের টেবিলে স্ক্রাম্পেনের বোতলটি কল্যাণের চোখ এড়াযনি। অথচ মালতী খাকাতে তাদের টেবিলে সে যোগ দিতে পাচ্ছে না। ডিনার খাওয়া শেষ হতেই সে চকল হয়ে উঠল। এক ছোট স্টেশনে ট্রেন থামতে সে তাড়াতাড়ি মালতীকে তাব গাড়ীতে পৌছে দিয়ে আবার রেস্টোরঁ-গাড়ীতে ফিরে এল।

কনক হেসে বললে, জানতুম তুমি আসবে।

গ্রেগরি বললে, তোমার জন্তে আমরা অপেক্ষা করিতেছিলাম।
কল্যাণ কোন উত্তর দিলে না। বয়সকে ডেকে আর একটি মদের
গেলাস আনতে হুকুম করলে।

গ্রেগরি বললে, এ বোতলের দাম দেওয়া হয়নি।

নিজের গেলাস ভরে কল্যাণ বললে, কেন? আমি তা বলে দিচ্ছি না।

গ্রেগরি বললে, শোন ঘোষ মহাশয়? তুমি ওই তরুণীকে ভালবাস
কি না, এ প্রশ্নের উত্তরের উপর নির্ভব কবিতোছে কে দাম দিবে—
আমাদের দুইজনের মধ্যে বাজি হইয়াছে—

কল্যাণ হেসে বললে, ও প্রশ্নের উত্তর দেওয়ার চেয়ে আমি বরঞ্চ দাম
দিচ্ছি।

গ্রেগরি প্রতিবাদ করে বললে, না, তাহা হইবে না, আমরা অর্ডার
দিয়াছি, আমরা দাম দিব, প্রশ্নের উত্তর দিতে আপত্তি কি?

কল্যাণ দলের মত মাথা নেড়ে বললে, গাভীটিকে তোমার পছন্দ
নাকি?

—থব striking face

—দেখ আর্থার, তোমরা এমন bet করেছ শুনে আশ্চর্য হলাম—
একম প্রশ্নের কি কোন উত্তর হয়? আর ভালবাসা সম্বন্ধে আমার
নত তুমি জান।

—সে জটিল ত আমি কনক রায় মহাশয়কে বলছিলুম, কল্যাণ ও
মেয়েকে ভালবাসেনি।

—হতে পারে ত পথের ভালবাসা পথ শেষে শেষ হয়ে যাবে।

—সে কি ভালবাসা?

—যাকে একবার ভালবেসেছি তাকে দারাজীবন ভালবাসতে না
পারলে—

—গারা জীবনের কথা হচ্ছে না।

—তা হলে দু'দিন আর দু'বছরের মধ্যে তফাৎ করতে চাও। দেখ, এ ভয় নয়, ভক্তি নয়, এ ভালবাসা—আগুনের মত জ্বলে ওঠে আবার নিভেও যেতে পারে ত।

—দেখ, পরমেশ্বরের মত প্রেমকে কেউ কোনদিন define করতে পারেনি। ভালবাসা বলতে তুমি যা-ই বোঝ না কেন, আমরা এই প্রশ্নের উত্তর চাই, তুমি ওই তরুণীকে ভালবেসেছ কি?

গেলাসের স্ন্যাম্পনের শেষ বিন্দু পান করে কল্যাণ ধীরে বললে, আমার মনে হয়, আমি ওকে ভালবেসেছি, ওর মধ্যে দেখলুম সৌন্দর্যেব নবরূপ, অনির্বচনায়; ওর মধ্যে দেখলুম আত্মার নবরহস্য, গভীর, হৃদয়; শুনলুম কোন্ নবজীবনের আহ্বান।

কনক বলে উঠল, ব্রাভো, এইটুকু স্ন্যাম্পনে এত কথার ফেনা আছে জানতুম না। গ্রেগরি, তুমিই জিতলে, নেশাটা বোধ হয় কেটে গেল।

কল্যাণ একটু লজ্জিতভাবে বললে, না, না, নেশা নয় কনক। আমি ত প্রথমে বললুম, কথা দিয়ে এ প্রশ্নের উত্তর দেওয়া যায় না।

কনক ব্যঙ্গের স্বরে বললে, অর্থাৎ হ্যাঁ-ও বটে না-ও বটে।

গ্রেগরি খুশি হয়ে বলে উঠল, এ তুমি ঠিক বলেছ কনক রায় মহাশয়। কল্যাণ ভালবেসেছে বটে, ভালবাসেনিও বটে! ফল এই, অর্ধেক দাম আমি দেব, অর্ধেক তুমি। বোতলটা তুমিই শেষ কর কল্যাণ।

কল্যাণ ধীরে বললে, প্রশ্নটা করে তোমরা ভাবিয়ে তুললে আমাকে।

কুপের বৈদ্যাতিক ছটি পাখা বিরামহীন ঘুরে চলেছে, ধেন ছটি বৃহৎ কালো পোকা একটানা আতর্নাদ করে ঘুরছে। ১

অহুপমার পাশে জগদীশ নিস্তব্ধভাবে বসে। মাঝে মাঝে অহুপমার দিকে শক্তিতাবে চাইছে। বিপথস্থ বেশ, পাণ্ডুর আনন, রক্তিম অধর, উদ্ভাস্ত নয়ন, অহুপমার এমন করুণ বিহ্বল মূর্তি সে কখনও দেখেনি।

জগদীশ ভাবলে, নিশ্চয় অহুপমার খুব অস্থখ করেছে, এই দীর্ঘ ট্রেন-যাত্রার ঝাঁকুনি তার সহ্য হচ্ছে না, এ রাত কাটিয়ে বোধে পর্যন্ত পৌছাতে পারলে হয়। হঠাৎ আবার রক্তশ্রাব না হয়।

অহুপমার মনের ওপর যে ঝড় বয়ে গেছে, জগদীশ তা বুঝতে পারলে না; সে বেদনা বোঝবার মত প্রেমানুভূতি তার নেই। পাল-ছেড়া হাল-ভাঙা ঝড়ের ঝাপটা-খাওয়া নৌকার মত তার মূর্তি। জগদীশের ভয় হল।

বিমূঢ়ের মত জগদীশ দাঁড়িয়ে উঠল।

অহুপমা তার হাত চেপে ধরে আছে।

—তুমি যে উঠলে, আবার যেতে হবে নাকি ?

—না, ঠিক যেতে হবে না।

—ঠিক যেতে হবে না, মানে ? তুমি আর যেতে পাবে না।

—তোমার কি ভয় করছে ?

জন্জলে চোখে অহুপমা হেসে উঠল।

মস্তমূগ্ধের মত জগদীশ অহুপমার পাশে বসলে। অহুপমার মৃণাল বাহু তাকে জড়িয়ে! অস্থখের পর অহুপমার এত কাছে সে কখনও বসেনি। জগদীশের কাঁধে মাথা রেখে অহুপমা এলিয়ে বসল; তার দীর্ঘ কেশভার জগদীশের বক্ষে ছড়িয়ে পড়েছে।

জগদীশ অহুভব করলে, বক্ষের রক্তধারা রক্ততালে নৃত্য করছে।
স্তব্ধ হয়ে সে বসে রইল। মনে হল, অহুপমার দেহের তাপ অত্যধিক,
নিশ্চয় তার জ্বর হয়েছে।

জগদীশের মনে পড়ল বিবাহের পর অহুপমা জগদীশকে এমনিভাবে
আঁকড়ে ধরত।

—অমন চুপ করে থেকো না, কথা কও, বড় কর্কশ ট্রেনের শব্দ।

অহুপমার কাতরকণ্ঠে জগদীশ চমকে উঠল। ধীরে সে বললে,
তোমাকে ট্রেনে চড়ান ভুল হয়েছে দেখছি। এ রাতটা কষ্ট করে
কাটাও।

—ভুল!

অহুপমা হেসে উঠল।

—না, না, মোটেই ভুল হয়নি। এ ট্রেন-যাত্রায় কত কাণ্ডই না
দেখলুম!

—শোন, তোমার কপাল বড় গরম হয়েছে, ঔষুধটা খেয়ে নাও,
তা না হলে রাতে ঘুম হবে না।

—আমি আজ রাতে ঘুমোতে চাই না। ট্রেনে জেগে কাটাও।

—আমাকেও কি জাগতে হবে?

—নিশ্চয়ই। কতদিন রাত জাগিনি বল ত।

—ট্রেনের কাঁকুনি খেতে খেতে রাত জাগায় আনন্দ কি?

—আনন্দ আছে, আজ তোমায় ঘুমোতে দেব না। তাস খেলবে?
পাণের গাড়ীতে ওরা কেমন তাস খেলছে।

—শোন, তোমাকে খুব গোপনীয় একটা সংবাদ বলি, বলা উচিত
নয়, কিন্তু না বলে উপায় নেই দেখছি। ইয়োরোপে যুদ্ধ লাগছে।

—সে ত বছরদিন থেকে শুনিছি।

—এবার সত্যি লেগেছে। আজ রাতেই জার্মানী পোলাও আক্রমণ করবে, তা' হলে কাল ইংলণ্ড যুদ্ধ ঘোষণা করবে নিশ্চয়।

—সে ত খুব মজার।

—মজা? মজা কি? যুদ্ধ কি তামাশার ব্যাপার।

—হাঁ, তাই ত।

—দেখ, তুমি এবার স্থিৰ হয়ে শোও, টেনপারেচারটা দেখি, নিশ্চয়ই তোমার জ্বর হয়েছে, বুক বেশ গরম।

—অথবা, তোমার হাত বড় ঠাণ্ডা। আমার মোটেই জ্বর হয় নি। যুদ্ধ করা মজার ব্যাপার বললে তার জ্বর হয়েছে, সিদ্ধান্ত করতে হয় না। ইয়োরোপের লোকেরা কেন যুদ্ধ করে বুঝতে পারছি।

—কি বুঝতে পারছ?

—তারা তোমাদের মত ঘ্যানঘেনে প্যানপেনে জীবন চায় না।

—তা কি চায়?

—তাবা বাঁচতে চায়। জীবন যখন এক্ষেত্রে লাগে তারা যুদ্ধ লাগিয়ে দেয়, ম্যালেনিয়ায় পিলে কেটে মবার চেয়ে শত্রুকে মেরে, নগর গ্রাম পুড়িয়ে, জাহাজ ডুবিয়ে, এরোপ্লেনে উড়ার মত মহাশৃংখ ছুটে মরা ভাল।

—থাবুমোমিটার দেবার আব দরকার নেই?

—বেশ চুপ করে বস দেখি। ভাবো আমাদের দেশে যুদ্ধ বেধেছে, তুমি চলে যেতে বন্দুক ঘাড়ে অথবা এরোপ্লেনে বোমার বস্তা নিয়ে, আমি হতুম নাস' অথবা বারুদের কারখানায়—

—ওগো, এবার চুপ করো। পিকক্‌স্ ব্রোমাইডটা কোথায়?

—ওই ব্রোমাইড, আফিম, ধর্মের বুলি, রসের পদাবলী, এ সব দিয়ে তোমরা ভুলিয়ে রাখতে চাও, ঝিমিয়ে রাখতে চাও—আমি

ওষুধ খাচ্ছি না। যুদ্ধ লাগছে শুনে আনন্দ হচ্ছে—পুরাতনকে না ভাঙলে নতুনের সৃষ্টি হবে কি করে!

—তোমার কম্যুনিষ্ট ভ্রাতার সঙ্গে বুঝি এইসব কথা হচ্ছিল—ওরা সব ক্রিমিগ্যাল।

—ভাবো, আজ ইয়োরোপে আমাদের মত কত দম্পতি সম্মুখে মুক্তির পথ খুঁজে পেল।

—মুক্তির পথ?

—ক্ষমা করো, তোমাকে আমি বোঝাতে পারব না—এমন ভাবে বলা আমার ঠিক হয়নি।

—শান্ত হও, অল্প, শান্ত হও।

—সবাই বলে শান্ত হও, সে শান্তির পথ কোথায়? শান্তিই কি কাম্য অথবা সংগ্রাম? সংগ্রাম করে শান্তি লাভ করতে হয় কেন?

—তোমার মন বড় উত্তেজিত হয়ে উঠেছে। যুদ্ধের খবরটা না বললেই হত, কিন্তু না বলেও উপায় নেই যে।

—না বলে উপায় নেই? ও, বুঝেছি। তোমাকে আবার সেলুনে যেতে হবে বুঝি—যুদ্ধ বাধছে তাই এত পরামর্শ।

জগদীশ ধীরে বললে, এবার বেশিক্ষণ থাকব না, পরের স্টেশনেই চলে আসব। কয়েকটা ফাইল নিয়ে আসতে হবে। তোমার অসুখ বেড়েছে বললে সাহেব আর থাকতে অস্বরোধ করবে না। তবে আমার ছুটি cancelled হয়ে গেল, জেনো।

অনুপমা সোজা হয়ে উঠে বসে বললে, বেশ যাও; আমার অসুখ মোটেই বাড়েনি—সাহেবকে সে কথা বলতে হবে না। ‘কোটির ল্যাভেগারটা’ একটু খুঁজে দাও দেখি।

অত্যাঙ্কল রেষ্টোরাঁ-গাড়ী হতে মৃদু আলোকিত ছোট ইণ্টারমিডিয়েট কম্পাটমেন্টে ফিরে এসে মালতী স্থির হয়ে বসতে পারলে না। বুক তার ঢুলছে, কাঁপছে, যেন সে দীর্ঘপথ জোরে ছুটে এসেছে ;

গাড়ীর সব জানালা সে খুলে দিলে, তারপর বুক হাত দিয়ে বসল, যেন হাঁপাচ্ছে।

কল্যাণ তাকে ভালবেসেছে কি না, এ প্রশ্নের উত্তর সে কি করে জানবে ?

অথচ এ প্রশ্নের উত্তর না জানলে রাতে তার ঘুম হবে না, চিন্তের চঞ্চলতা দূর হবে না।

এ সঙ্গে আর একটা প্রশ্ন যে ওঠে, কল্যাণকে কি সে ভালবেসেছে ?

কখনও মনে হয় কল্যাণ তার অতি আপনার, হৃদয়ের অতি নিকটে এসেছে, আবার কখনও মনে হয়, কল্যাণ দূরে, বহু দূরে—এ তার আভাবিক শোজা, অথবা হয়ত একটু ফার্টিং।

কিন্তু কল্যাণের সামনে বসলে তার বুক এমন দুর্ দুর্ করে কেন ! সময়ের সঙ্গে সে কেমন সহজভাবে ব্যবহার করতে পারে, ষা-তা কথা বলতে পারে, বকুনি দিতে পারে।

সময় তাকে ভালবাসে কি না, এ কথা ত সে কখনও ভাবেনি, অথচ কল্যাণ সম্বন্ধে মনে এ প্রশ্ন কেন জাগল ?

—অতি চিন্তাকুলা হেরি মালতীদেবীকে ডিনারের পরে !

চমকে চেয়ে মালতী দেখলে সামনে সময় দাঁড়িয়ে।

—সময়, কোথায় ছিলে তুমি ?

—এই ট্রেনেই ছিলাম।

—প্ল্যাটফর্মে তোমায় কত খুঁজলুম, পেলুম না—কিছু খেয়েছ?

—গেছলুম অল্পপমা দিদির কুপেতে শ্রাণ্ডইচের সন্ধানে, দেখলুম গাড়ীতে কেউ নেই, খাবারও নেই।

—অল্পপমাদি গাড়ীতে নেই? বোধ হয় সেলুনে নিমন্ত্রণ হয়েছে।

—সেলুনেও নেই। বোধ হয় সন্ন্যাসীর সঙ্গে চলে গেলেন।

—সন্ন্যাসীর সঙ্গে? কি ঠাট্টা করছ? সত্যি বলো।

—অল্পপমাদি এ ট্রেনেই আছেন ও বেশ ভাল গাড়ীতে আছেন, পরের স্টেশনে সে গাড়ীতে যাওয়া যাবে। তার আগে তোমার সঙ্গে একটা কথা ঠিক করে নিতে চাই।

মালতীর সামনে মুখোমুখি বসে সময় বললে, শোন কমরেড্, তুমি কি সত্যিই ইয়োরোপে যেতে চাও, এখন কাজ করবার অনেক লোক দরকার।

অনিমেষ নয়নে মালতী সময়ের দিকে চাইলে। সময়ের ঐ তরুণ দীপ্ত মুখে যেন কি অনির্বচনীয় রহস্য রয়েছে, চলে যেতে ইচ্ছে করে তাঁর সঙ্গে। কিন্তু ভয়ও করে, অন্ধকার রাতে মশাল জালিয়ে যেতে যেমন শঙ্কা হয়।

সময় উদ্বেগের সহিত বললে, চিন্তা করবার বেশি সময় নেই কমরেড্। মালতী চিন্তিতভাবে বললে, কেন? বোধে গিয়ে সব ঠিক কবা যাবে।

—হয়তো আমি বোধেতে যাব না, পথে কোথাও সরে পড়তে হবে।

—কেন?

—আমার খবর হচ্ছে, আজ রাতেই জার্মানী পোলাও আক্রমণ করছে।

—আবার যুদ্ধ! এ খবর কোথায় পেলে?

—সেলুন থেকে। ইয়োরোপে দুচার দিনের মধ্যেই যুদ্ধ বাধবে।

—তা হলে আর কি করে যাওয়া হয় ?

—এখনই ত যাবার সময়। বড় বড় রাজ্য ভেঙে পড়বে, তাদের ধ্বংসস্তুপেব ওপর নতুন মানব-সমাজ গড়ে তুলতে হবে।

—রাশিয়া কি কববে ?

—রাশিয়া এখন থাকবে চুপ কবে বসে।

—যুদ্ধেব মধ্যে এখন আমরা গিয়ে কি করব ?

—লক্ষ লক্ষ মানুষেব রক্তে-ভেজা রণাঙ্গনে নতুন বীজ বুনতে হবে, নতুন ফসল তুলতে হবে, তারি উদ্বোধন এখন থেকে ঐক্যে হবে।

মুখে রুমাল চেপে মালতী একটা হাই তুললে।

—কি জানি, বড় ঘুম পাচ্ছে।

—তা হলে ঘুমোও মালতী দেবী, আমি চললাম।

—না, না, বোস, মুশকিল এই, আমার হাতে টাকা কিছু নেই।

—এবং কল্যাণকুমার প্রচুর অর্থবান্ধ, পিতৃসন্ধিত সম্পত্তিও দাম কত লাখ কিছু খোঁজ পেয়েছ কি ?

—চুপ করো। আচ্ছা, একটা প্রশ্নেব সত্যি উত্তর দেবে ?

বিমুগ্ধভাবে মালতী সমবেব দিকে চাইল। দীর্ঘ অক্ষিপশ্বেব ছায়ায় নয়নতারকা জ্বলে ছলে উঠল।

—কি প্রশ্ন ?

ক্ষণিকের জ্ঞান মালতী সমবেব তরুণস্বপ্নভাবা নয়নে চেয়ে বইল। কোন প্রশ্ন করতে পারলে না। গণ্ড বাঙা হয়ে উঠেছে, অধর কাঁপছে। যে প্রশ্ন সে করতে চাইছিল, সে প্রশ্ন কবতে পারলে না। নীরবে মুখ ঘুবিয়ে নিলে।

সমর বিস্মিতমুগ্ধভাবে মালতীদিকে চাইলে। মালতীর এ রূপ মনোমোহিনী।

অন্তরের আবেগ দমন করার জগ্রে সময় উচ্চৈঃস্বরে হেসে উঠল।
তারপর হৃৎজনে স্তব্ধ বসে।

একটু ব্যঙ্গের স্বরে সময় বললে, তুমি জানো, বুর্জোয়া ভালবাসায়
আমি বিশ্বাস করি না।

—আমি ভালবাসায় বিশ্বাস করি, প্রেম বুর্জোয়াও নয়, প্রলি-
টেরিয়েটও নয়, মানব-হৃদয়ের পরম সত্য।

—এ মধ্যরাতে তোমার সঙ্গে প্রেম সম্বন্ধে আলোচনা করতে চাই
না। তুমি কি স্থির করলে? ভাববার জগ্রে পাঁচ মিনিট সময় দিতে
পারি।

—আমি যাবো, আমি যাবো। কিন্তু এমন ক্লান্তি লাগছে, বড়
ঘুম পাচ্ছে আমার।

—আধ-স্বপনে-আধ-জাগরণে এই রকম অবস্থা।

—না, না, আমায় ভুল বুঝো না, শোন আমি যাব, আমি যদি
ঘুমিয়ে পড়ি আমায় জাগিয়ে ডেকে নিও, কমরেড্!

সময় কোন কথা কইলে না। নীরবে উঠে গিয়ে মালতীর পাশে
বসে তার নরম ঠাণ্ডা হাত আপন প্রশস্ত করতলে দৃঢ়মুষ্টিতে ধরে বসে
রইল।

মধ্যভারতের পাহাড় বন পার হয়ে রাতের অন্ধকারে টেনে ছুটে
চলেছে।

গভীর রাত্রি। ট্রেন ছুটে চলেছে। কখনও বনানীর সঘন
অন্ধকার, কখনও গভীর পর্বতশ্রেণীর রুদ্রমূর্তি, কখনও উন্মুক্ত প্রান্তরে
আলোছায়ায় রহস্তলোক।

অল্পপমা গাড়ীতে একা। গাড়ীর আলো নিভিয়ে সে চূপ করে
বসেছে রহস্তময়ী নিশীথিনীর মত। ভাবতে সে কিছু চায় না।
সে চায় শান্তি, সে চায় স্থিতি, ব্যাধিক্রিষ্ট দেহমনের সকল শ্রান্তির
অপসারণ। কোন মস্তবলে সে যদি নবজীবন লাভ করতে পারত!

কিন্তু তার মাথার ভেতরে বসে কে ভেবে চলেছে, এ চিন্তাস্রোত,
সে ইচ্ছা করলেও থামাতে পারছে না। জানলা দিয়ে চোখ মেলে
চাইলেই সে দেখতে পাচ্ছে, বহির্জগৎ কোন্ অলক্ষ্যে উপস্থানে ছুটে
চলেছে, অনন্তগগনে গ্রহ-তারকা হতে পৃথিবীর পর্বত বন প্রান্তর
ছুটে চলেছে। অল্পপমা ইচ্ছা করলে এ ধাবমান বিশ্বের গতি থামাতে
পারে না। তেমনি সে, তার অন্তরঙ্গগতের উত্তাল চিন্তা-তরঙ্গিনীর
অবিরাম ধারা থামাতে পারে না। চিন্তার বিরামহীন স্রোত নব নব
পথে প্রবাহিত হয়ে চলে, কিন্তু জীবন ত এগিয়ে চলে না, নব আশা নব
বাসনা জাগে, শুধু বেদনার তরঙ্গ স্থির জীবনের তটে বার বার আঘাত
করে, অশ্রুর ফেনপুঞ্জ ছড়িয়ে পড়ে।

অল্পপমা আর স্বপ্নজাল বুনছিল না। সে ভাবছিল, তার অস্থির
আর সারবে না, এমনি ব্যাধিক্ষিপ্ত দেহ নিয়ে কাটাতে হবে দিনের পর
দিন। ইয়োরোপ যাওয়া ত হবেই না, এ ছুটিতেও কোথাও বেড়ান
হবে না। বোধে গিয়ে আবার ফিরতে হবে কলকাতায়। সময়

নিশ্চয় ইউরোপে চলে যাবে, যুদ্ধ বাধলেও যাবে। মালতী কি কল্যাণকে বিবাহ করে নতুন জীবন গড়ে তুলবে? সন্ন্যাসী চলে যাবেন মধ্যভারতের বনমধ্যে কোন নিজর্ন মন্দিরে অথবা হিমালয় পর্বতমালার কোন গভীর কন্দরে অলকনন্দার উৎসতীরে। আর অল্পপমাকে ফিরে যেতে হবে কলিকাতার উপকণ্ঠে সেই চিরপুরাতন বাগান-বাড়ীতে—সেই ঈস্ট ইন্ডিয়া কোম্পানির আমলে তৈরি বৃহৎ থাম-ওয়াল পুরানো বাড়ী, কুরি-নামা গাছের ছায়া ভরা বৃহৎ বাগান। সেই উদাস স্তব্ধতা, শূন্য বিজনতা। তার জীর্ণ গতিহীন জীবনের উপযুক্ত বাসস্থান। জগদীশ বলেছিল বোম্বের কাছে কোন সমুদ্রতীরে ভাল স্যানাটোরিয়াম আছে, সেখানে সে যেতে চায় না। চিরচঞ্চল সমুদ্রের রূপ দেখলে সে আরও অশান্ত হবে। সেই পুরানো বাগানে ভাঙা বাড়ীই তার ভাল। জগদীশকে মাঝে মাঝে দিল্লী যেতে হবে। সে থাকবে একা। জীবনের পথে সে যখন সত্যিই নিঃসঙ্গিনী তখন একাকিনী থাকতে তার ছুখ নেই। বার বার সে জগদীশের কাছে আসতে চেষ্টা করে, হৃদয়ের স্পর্শ দিবে প্রেমের স্পন্দন জাগাতে চায়। জগদীশ ত তাকে প্রথমে ভালবেসেছিল, অথবা সে শুধু যৌবনের মোহ। সে ভালবাসা আবার জাগাতে ইচ্ছে করে।

ছোট এক স্টেশনে ট্রেন হঠাৎ থামল। অন্ধকার জনহীন প্ল্যাটফর্মে কয়েকটি ক্ষীণ আলোকের প্রভাহীন বিন্দু। চারিদিকে স্তব্ধতা বড় গভীর।

ট্রেন আর নড়ছে না। যেন অন্ধকারে পথ হারিয়ে থমকে দাঁড়িয়ে আছে। জানলা দিয়ে মুখ বাড়িয়ে অল্পপমা অবীরা হয়ে উঠল। তারাতারা আকাশ বিম্বিম করছে, অন্ধকার স্টেশনে প্রাণের কোন সাড়া নেই।

কুপের দরজা খুলে অল্পপমা অন্ধকার প্ল্যাটফর্মে নেমে পড়ল। যেন

সে কোন্ অদৃশ্যশক্তির চালনায় নেমে পড়ল। ওই রহস্যময় তিমিরাবৃত বনে তার চলে যেতে ইচ্ছে করছে এখন যদি ট্রেন চলে যায়, এই অজানা স্টেশনের প্ল্যাটফর্মে রাত্রির অন্ধকারে একাকিনী সে দাঁড়িয়ে থাকে, তারপর—

তারপর কি হবে সে ভাবতে চায় না। ওই অনন্ত গগনে নক্ষত্রদলের নর্তনের ছন্দে চিরধাবমান বিশ্বের প্রাণশ্রোতের সঙ্গে সে এগিয়ে যেতে চায়। তার বুক ছলছে।

অল্পপমা একটু এগিয়ে গেল। পাশের প্রথম শ্রেণীর কম্পার্টমেন্টের অভ্যুজ্জল আলোক তার চোখে এসে পড়ল। গ্লানব স্বর, কলকলি, উচ্চহাস্য, কাচের বন্‌ঝনানি, যেন একটি হররা চলছে।

মনে হল, গাড়ীটা নড়ে উঠল। সত্যিই বুঝি অজানা প্ল্যাটফর্মে একা থাকতে হবে।

অল্পপমা ট্রেনের দিকে ছুটে গেল, নিজের বুপের দিকের নয়, সম্মুখের আলো-ভরা প্রথমশ্রেণীর গাড়ীতে উঠে পড়ল।

গণেশদের গাড়ীতে রঙ্গ তখন বেশ জমে উঠেছে। গণেশেরও নেশা লেগেছে। দেবপ্রিয় স্থির হয়ে বসে থাকতে পারছে না, মাঝে মাঝে দাঁড়িয়ে উঠে অভিনয়ের ভঙ্গীতে বক্তৃতা দিচ্ছে। তার ইচ্ছা শিপ্রা এবার নৃত্য করে। শিপ্রার নৃত্যের সঙ্গে সে একটু মুক অভিনয় করতে চায়। শিপ্রা কিন্তু নৃত্য করতে রাজী হচ্ছে না। দু'-তিন বার অল্পরোধ করে দেবপ্রিয় ক্রুদ্ধ হয়ে উঠেছে। আবার শিপ্রার কলহাস্তময় মধুব ভঙ্গীতে সে মুগ্ধ হয়ে যচ্ছে। এ পণ্ডিত-মাতালের মত্ততায় শিপ্রা পুলকিতা।

কিন্তু যত নেশা ধরছে গণেশ তত গুন্ম হয়ে যাচ্ছে। তার এ গুরুতায় শিপ্রা একটু ভীত হয়ে উঠল। হঠাৎ ঈর্ষান্বিত হয়ে গণেশ

একটা কাণ্ড বাধাতে পারে, দেবপ্রিয়কে ঠেলা দিয়ে বলতে পারে, বেরোও বেরোও আমার গাড়ী থেকে। হয়ত চলন্ত ট্রেনের দরজা খুলে তাকে ঠেলে ফেলে দিতে পারে। গণেশ ঘুমিয়ে পড়লে সে বাঁচে।

ইঠাং ট্রেন থামতে গণেশ উৎসাহের সঙ্গে উঠে দাঁড়াল। তার সামনে সব বোতল খালি। গাড়ীর দরজা খুলে সে মুখ বাড়ালে, রেস্টোরাঁ-গাড়ীর কোন বয়ের দেখা পাওয়া যায় কি না।

শিপ্রা ধীরে বললে, গণেশবাবু, অন্ধকারে যেও না। এবার ধীরে শুয়ে পড়। রাত কত হবে দেবপ্রিয়বাবু?

দেবপ্রিয় হেসে বলল, ইয়ং ইজ্ দি নাইট শিপ্রা দেবী, আপনার মতনই তরুণী।

খুব হয়েছে, বলে শিপ্রা গণেশের অলক্ষ্যে একটা ভরা বোতল গাড়ীর এক কোণে লুকিয়ে রাখলে।

—না, অন্ধকারটা বড় বিচ্ছিন্নি—কোন বাবুর দেখা নেই, বলে গাড়ীর দরজা ভেজিয়ে গণেশ স্থির হয়ে বসল। দেবপ্রিয়ের দিকে সে কটমট করে তাকালে। শিপ্রা সে চাউনির অর্থ বুঝলে, গণেশ বলতে চায়, ষাও-না, আর এ গাড়ীতে কেন; ট্রেন থেমেছে, এবার নিজের গাড়ীতে শুতে যাও। দেবপ্রিয় কিন্তু কোন ক্রক্ষেপ করলে না।

গণেশ বলে উঠল, কি স্টেশন?

দেবপ্রিয় বাইরের অন্ধকারের দিকে চেয়ে বললে খাণ্ডোয়া হবে—ভূঁসোয়াল?

শিপ্রা উদ্বিগ্নভাবে বললে, না, না, এ কোন ছোট স্টেশন, ইঠাং গাড়ী থেমেছে, এখুনি ছেড়ে দেবে।

গণেশ রুক্ষস্বরে বলে উঠল, কে বলে এখুনি গাড়ী ছাড়বে? ওহে সুনছ দেবপ্রিয়বাবু, একবার রেস্টোরাঁয় যেতে পারবে—

শিপ্রা একটু ভীতভাবে বলে উঠল, এ অন্ধকারে কি করে যাবেন—
এখুনি গাড়ী ছেড়ে দেবে।

গণেশ ক্রুদ্ধস্বরে বলে উঠল, বড় যে—বড় যে, আচ্ছা—ওহে শুনতে
পাচ্চ ?

মৃত্তা জানালাব কাছে মুখ রেখে রাত্রির অন্ধকারের দিকে চেয়ে
দেবপ্রিয় ধ্যানীর মত স্থির বসে।

গণেশ তার দিকে এগিয়ে গেল। শিপ্রা ভয়ে কঁপে উঠল।

একটু এগিয়ে গণেশ অবাক হয়ে চাইলে ছুট কানের কাছে দুই
হাত বেখে অন্ধকারের দিকে মুখ বাড়িয়ে দেবপ্রিয় জানালা দিয়ে বাহিরে
কুকে যেন গাঁও গাঁও করছে।

শিপ্রাব দিকে চেয়ে গণেশ বললে, মুচ্ছাব ব্যারাম আছে নাকি ?

শিপ্রা বিবক্তিব সঙ্গে বললে, চুপ করো, কি বলছেন শোন !

দেবপ্রিয় তখন কানের ওপর হাত বেখে আবেগেব সঙ্গে বলছে,
শুনতে দাও, এ স্তম্ভিত গম্ভীর নিশীথের তমিস্রায় আঘাত দাক্ষিণাত্যের
মধ্যে গিরিবনপথে অতীতের যবনিকা ছিন্ন হবে শুনতে দাও, ভারতব
এ প্রাচীন পুণ্যপথে শতাব্দীর পর শতাব্দীর নব নব যাত্রীর পদধ্বনি,
জয়গান শুনতে দাও—

গণেশ দেবপ্রিয়ের পাশে বসিত মুগ্ধ হয়ে বসে বললে, বা, চমৎকার,
দেবপ্রিয়বাবু, ভাল এ্যাক্টিং হলে আমি সব সময় appreciate করতে
পারি, কিন্তু আমাদের দিকে মুখ ফিরিয়ে একটু বলুন।

দীর্ঘনিশ্বাস ফেলে দেবপ্রিয় মুখ ফেরাল। ঠিক সেই সময় প্র্যাটফর্মের
দিকের ভেজান দরজা খুলে অল্পমমা এ গাড়ীতে প্রবেশ করলে। ট্রেন
ধলে উঠল।

—আপনি !

—অবাক হচ্ছেন নিশ্চয়। আমি ছিলুম পাশের কুপেতে, বড় একা বোধ হচ্ছিল, নেমে পড়েছিলুম প্ল্যাটফর্মে—

—বেশ করেছেন। Welcome—বসুন—বোতলগুলো দেখে ভয় পাবেন না।

—কিছু দেখেই আমি ভয় পাই না।

—বা। এই আমাদের দেবপ্রিয়বাবু, বড় পণ্ডিত—আর ইনি শিপ্রা দেবী—

—জানি।

—জানেন?

—দেবপ্রিয়বাবু আমি একজন ভক্ত পাঠিকা।

—শুনছেন, ভক্ত পাঠিকা! হাঁ!

—আমার বই পড়েছেন?

—নেশাটা বুঝি কেটে গেল।

—চূপ!

—হ্যাঁ, আপনার “সমীক্ষণ” কয়েকবার পড়েছি, সব জায়গা বুঝতে পারি না, তবে ভাল লাগে, মনে আশ্বাস কবে।

—ও বিষয় আপনার সঙ্গে আমিও এক মত, দেবপ্রিয়বাবু সব কথা বুঝতে পারি না, তবে ভাল লাগে—লোকটাকে ভাল লাগে।

—চূপ করো গণেশবাবু।

—ও, বুঝেছি, আপনি জগদীশেব স্ত্রী?

—ঠিক বলেছেন।

—কিন্তু জগদীশবাবুকে আমি ত প্রশংসা করতে পারছি না, এ মাঝ রাতে তাঁর এমন সুন্দরী স্ত্রীকে—

—চূপ করো গণেশবাবু।

—বিশেষ কাজে তাকে সেলুনে যেতে হয়েছে।

—বাঃ বেশ করেছেন। মানে আপনি আমাদের গাড়ীতে এসে খুব ভাল করেছেন। দেবপ্রিয়বাবুর লেখা পড়েছেন, এ্যাক্টিং দেখেননি ত—চমৎকার এ্যাক্টর—আমাদের সিনেমা-কোম্পানীতে যোগ দিচ্ছেন।

—আপনি! সিনেমাতে অভিনয় করবেন?

—না, না—একটু রঙ্গ করছিলুম।

—বুঝেছি।

—মোটাই বোঝেন নি। প্যারিস-ফেবতের পাট, বুঝলেন কি-না—

—চুপ করো গণেশবাবু।

—বা, লোকটার প্রশংসা করব না—চমৎকার বলতে পারেন, এই অঙ্ককারে জানালায় বুকে পড়ে কি গোঁ গোঁ করছিলেন—

—উনি পণ্ডিত লোক, কি সব শুনতে পাচ্ছিলেন!

—রাতের অঙ্ককাবে আপনি কি শুনতে পাচ্ছিলেন, আমাদের শোনাবেন না একটু?

—শুনবে, শুনবে তোমরা, স্থির হয়ে বোসো, শোন, সরিয়ে দাও পদার পর পদা, শতাব্দীর পর শতাব্দী—

—বলুন, দেবপ্রিয়বাবু, আমরা স্থির হয়ে শুনবো।

—শোন, দেবপ্রিয়বাবু, আমরা স্থির হয়ে শুনবো।

দেবপ্রিয় এক শূণ্য পেয়ালা হাতে করে দাড়িয়ে উঠল। বাইরের দাত্রির আলোছাযাময় রহস্তরূপের দিকে চেয়ে প্রসারিত হস্তে দেবপ্রিয় বলে যেতে লাগল :

ভারতের এ পুণ্যপথে শুনতে পাচ্ছি সৈনিকদলেব অশ্বকুরধ্বনি,
‘অসির ঝঙ্কনা, কামানের গর্জন। নব নব জাতিতে জাতিতে সংঘাত,
সংগ্রাম, সন্ধি, সমন্বয়, শান্তি, আবার নতুন জাতির নতুন দলের আগমন,

নতুন করে সংগ্রাম সমস্তার আরম্ভ। শোন ধনুকের টঙ্কার, বানরসৈন্যের হুঙ্কার, রাক্ষস-সঙ্কুল বনপথে হরধনুভঙ্গকারী রামচন্দ্র চলেছেন পদ্মাস্কী বন্দিনী সীতার উদ্ধারে, আর্ঘ্য অনাথের লড়াই লেগেছে। তারপর শোন রথের ঘর্ঘরে, হস্তিদলের ঝংহিতে, বান খড়্গা মুঘল নানা প্রহরণের শব্দে বিক্ষাগিরি মুখরিত, দক্ষিণাপথ হতে সৈন্যদল চলেছে কুরুক্ষেত্রের রণে। তারপর শোন, মধ্যএশিয়ার প্রান্তরপালিত অতি ক্ষিপ্র অশ্বপৃষ্ঠে বিদ্যাঘেগে কাহারো ছুটে এল, রক্তাক্ত মুক্ত অসিতে বিহ্বাদাম—চলেছে শকসিদৌয়গণ, চলেছে পাঠান, মোগল, আগরজজৈবের সুসজ্জিত বিপুল বাহিনী দাক্ষিণাত্য বিজয়ে চলেছে, অশ্ব-ঝঞ্ঝা শুনতে পাচ্ছ না কি? তারপর শোন কামানের গর্জন, বন্দুকের শব্দ, দগ্ধ বাকুদের গন্ধে ধূমে যুদ্ধভূমি পূর্ণ; তীর নয়, অসি নয়, এ ইয়োরোপের শ্বেতবর্ণ সৈন্যদলের নতুন রণ-রীতি। সে শক যখন মোগল মারাঠা ফরাসী ফিরিঙ্গি সেনা স্বপ্নের মত মিলিয়ে গেছে, তাদের ক্ষিপ্র অশ্বদলের মত ক্ষুরধ্বনির প্রতিধ্বনি শুনতে পাচ্ছ কি! তারপর শোন, কি ভয়ঙ্কর শব্দ। বধির হয়ে যেতে পারো, বিষাক্ত গ্যাসে দম আটকে যেতে পারে, তবু শুনতে হবে—আর গজে গজে, ঘোড় সওয়াবে ঘোড় সওয়াবে, তরবারির সঙ্গে তরবারির আঘাতে সঙ্গীনের খোঁচায় যুদ্ধ নয়, যুতিমান জ্যান্ত-রাক্ষসদলের মত অগ্নিচক্ষু, অনলবধী ট্যাঙ্কে ট্যাঙ্কে সংঘাত, এরোপ্লেনে এরোপ্লেনে যুদ্ধ,—আবার নতুন সভ্যতার জন্ম—যুদ্ধ—লেগেছে যুদ্ধের আগুন—শোন—

শিপ্রা ভীত করুণ স্বরে বললে, দেবপ্রিয়বাবু, এবার আপনি একটু স্থির হয়ে বসুন। বড় হুন্দের বলেছেন। এবার বিশ্রাম করুন।

অল্পপমা আশ্বর্ষের স্বরে বললে, আপনি জানলেন কি করে, যুদ্ধে লাগছে?

শিশু বলে উঠল, বা, উনি যে খবরের কাগজের অফিসে কাজ করেন।

দেবপ্রিয় বেকির এক কোণে বসে হাঁপাতে লাগল। অল্পমাকে তাক লাগিয়ে দেবার জন্ত সে একদমে যে এত কথা বলতে পারবে, তা সে নিজেও ভাবেনি।

গণেশ একটু ব্যঙ্গের স্বরে বলে, আমিও মশাই আপনার চেয়ে কিছু কম খেলুম না; কিন্তু আমি ত আপনার মত এমন বক্তৃতা দিতে, এ্যাক্টিং করতে পারলুম না।

পরের স্টেশনে ট্রেন থামতেই অল্পমা নিজের কুপেতে চলে গেল। গাড়ীতে আলো জ্বালা দেখে ভাবলে জগদীশ এসেছে। কিন্তু কুপেতে প্রবেশ করে দেখলে, মালতী চেয়ারে মুখ রাঙা করে বসে আছে।

—মালতি! কি খবর?

—খবর ত তোমার। কোথায় গেছলে?

—পাশের গাড়ীতে, বড় মজা হল।

—আমার গাড়ীতে আমি একা।

—ভয় করছিল?

—ভয় ঠিক নয়, ভাল লাগছিল না। তোমার কল্যাণকুমারটি হৃবিধের লোক নয়।

—কেন, মাঝ রাতে জ্বালাতে গেছল? কন্‌গ্রেচুলেট করতে পারি?

—সব সময় ঠাট্টা কোরো না।

—প্রপোজালটা ডিনারের আগে হল, না পরে?

—প্রপোজাল আবার কি ?

—নেকী !

—শোন অলুদি, ভয়ঙ্কর ঘুমিয়ে পড়েছিলুম। সমর ছিল গাড়ীতে। হঠাৎ ঘুম ভেঙে গেল। চেয়ে দেখি, গাড়ীতে সমর নেই, কেউ নেই। হঠাৎ চমকে দেখি অদূরে অজানা কে বসে, চোঁচিবে উঠছিলুম আর কি !

—কি সাহসিকা !

—দেখি তোমার কল্যাণকুমার চুপটি মেবে বসে। বলে উঠলেন, ভয় নেই। আমি বললুম, ভরসাই বা কি ; কিন্তু এ সময় এখানে কেন ? গার্ড দেখলে মোটা ফাইন হয়ে যাবে। তিনি বললেন, মোটা জবিনানা দিতে রাজী আছি, তোমার ঘুমন্ত কণ্ঠি বড় সুন্দর লাগছিল। আমি বিরক্তির সঙ্গে বললুম, এখন জাগ্রত রূপ সহ্য করতে পারবেন না, পনের স্টেশনেই সরে পড়ুন।

—বা, আটটা বেশ আয়ত্ন হবেছে দেখছি, যত বাধা দিবি, ওদের ভেদ তত বেড়ে যায়, জানিস্ ?

—না, অলুদি, আমার সত্যিই রাগ হয়েছিল। তারপর বলেন কি, তুমি ত কম্যুনিষ্ট শুনলুম, কমরেডশিপ করো। আমি বেগে বললুম, কম্যুনিষ্টের সঙ্গে আমি কম্যুনিষ্ট হতে পারি, আপনাদের মত পাকা বুজোয়ার সঙ্গে কমরেডের সম্পর্ক নয়। ভদ্রলোক চুপ হতে চায় না, হেসে বললে, তা জানি, আমিও কমরেডশিপ চাই না, আর্মি বুঝি প্রেম—। বাধা দিয়ে হেসে উঠলুম আমি। বললুম, প্রেমের আপনি কিছুই জানেন না, প্রেম পরিহাসের জিনিস নয়।

—বা, খুব কথা বলতে শিখেছিস্ ত। দরকার পড়লে, কথা আপনিই আসে। তারপর ?

—তখন তোমার কল্যাণকুমার অলু খর ধরলেন, বললেন, দেখ,

আমি এসেছিলুম তোমাকে নিমন্ত্রণ করতে ; তোমার ত নিরুদ্দেশ যাত্রা, বোধহে কোথায় থাকবে, কিছুই জান না ; আমার বোন আমার সঙ্গে চলেছেন জান, মালাবার হিল্‌সে তাঁর স্বামীর সুন্দর বাংলো, তুমি যদি আমাদের সঙ্গে আমাদের বাড়ীতে এসে থাকো—। আমার কেমন রাগ হল, বলে উঠলুম, দেখুন, আপনার বোনের বাড়ীতে আমি থাকতে যাব কেন, আব সে বাড়ী আপনার নয়, আপনি কি বলে নিমন্ত্রণ করচেন— তবু আপনাকে নিমন্ত্রণের জন্য অনেক যত্নবাদ। 'ভদ্রলোক দমবার পাত্র নয়, গম্ভীরভাবে বললেন, 'আচ্ছা, আমার ভ্রাতৃপতির বাড়ী বলে যদি তোমার আপত্তি হয়, তুমি যদি বল, এসে থাকবে, আমিই না হয় বোধহেতে একখানি বাড়ী করছি। আমি বললুম, আপনার অনেক টাকা আছে জানি, কিন্তু আমার জেগে খামাকা বাড়ী করতে যাবেন কেন, সে টাকা আপনি ভাল কাজে সন্ধ্যা ককন, আনি এবার চুপ করুন, আপনার সঙ্গে একে আমার মাথা বসে গেছে। কল্যাণ মুচকে হেসে বললেন, কাচা গুঁটা ভাঙিয়ে ভাল কাজ করিনি দেখছি, আচ্ছা, গাড়ী খামলে নেমে যাব, চেন টানবার দরকার হবে না, তবে আমার নিবেদনটা কাল সকালে স্নানদ্রার পর একটু বিবেচনা কাবেন। তারপর ছুঁজনে চুপ করে সে বসে গেল। টেন খামতেই আমি তোমার গাড়ীতে চলে এসেছি।

—ভালই করেছি। মানে, আমার গাড়ীতে এসে ভালই করেছি, কিন্তু কল্যাণকে বেশ কবিত্ব করে প্রপোজালটা করবার সুযোগ না দিয়ে ভাল করিস্ নি।

—আমার ভাল লাগে না, এ সব।

—কল্যাণ ভেবেছিল, বোধের সমুদ্রতীরে কোন সন্ধ্যায় উতলা হাওয়ায় যখন তোর অলক উড়বে, তোর কানে কানে চুপে চুপে সে বলবে, আমি তোমায়—

—যথেষ্ট! চুপ করো অহুদি। এমন করে ঠাট্টা কোরো না।

—ঠাট্টা নয় রে।

—বেশ, শোন, আমি ঠিক করেছি—

—ভুল, তুমি ঠিক করতে পার না, আমরা কোন অদৃশ্য শক্তির হাতের খেলনামাত্র—এ ম্যারিয়নেটের নানানীকার আমাদের ইচ্ছা কোথায়? শোন মালতি, হঠাৎ কিছু ঠিক করিস্ না, খুব বিবেচনা করে স্থির করতে হবে।

—আমিও ত সেই কথা বলছি।

—হায়, কোন অপরাধে দীর্ঘ মেয়াদে সংসার গাবদে আছি বল! এ গারদখানা, মুক্তি কোথায়?

—কি হল তোমার অহুদি? আমার কথা থাক্ তোমার কথা বল, এমন করে চেয়ো না, অহুদি!

—ভুল, ভুল মালতি, একবার ভুল করলে—

—ভাই অহুদি, কৈদো না—তোমায় কি ব্যথা দিলুম, ক্ষমা করো, তোমার শরীর ভাল নয়, স্থির হয়ে শোও।

ভিনারের পর গ্রেগরি ও কনক নিজেদের গাড়ীতে ফিরে এল।

গাড়ী স্তব্ধ, মুহু আলোকিত। গ্রেগরির রিজার্ভ-করা বার্থে রাধাকান্ত গভীর নিদ্রিত। ওপরের বাক্সে বিদ্রিক্তি শুয়ে আছে চোখ বুজে, তার চোখে ঘুম আসছে না, অস্থিরভাবে পার্শ্বপরিবর্তন করছে। সন্ন্যাসী প্রেমদাস এক কোণে ধ্যানের আসনে বসে আছেন। কল্যাণ কম্পার্টমেন্টে নেই।

গ্রেগরি বললে, দেখুন কনক রায় মহাশয়, আমার বার্ষিক কাল এক অভিনেত্রী শুইয়াছিলেন, আজ এক লক্ষপতি শুইয়া আছেন।

প্রেমদাস ধীরে বললেন, শুকে জাগাবেন না, অনেক রাত পরে আজ একটু ঘুমোচ্ছে, আপনি আমার জায়গায় শোন, আমি ঘুমাব না।

গ্রেগরি বললে, না, না, শুকে আমি disturb করিতেছি না, আপনি স্থির থাকুন—আমরা দুইজনে এই বৈকে রাত কাটাইতে পারিব। আমারও ঘুম হইবে না।

তু'জনে পেছনের লম্বা বেকিতে পাশাপাশি বসল।

কনক হেসে বললে, আপনিও কি নিদ্রা-হাবাদের দলে! আমি ত বুঝতে পারি না, লোকেদের ঘুম হয় না কেন? আমি ত রাত জাগতে মোটেই পারি না। কিন্তু আজ আমায় জেগে থাকতে হবে। সেজন্য আজ স্ত্রাস্পেন থেলুম দেখলেন। স্ত্রাস্পেন থেলে আমার ঘুম সহজে আসে না।

গ্রেগরি বললে, রাত্রি জাগিবেন কেন? আপনি বোপে যাইবেন না? মাঝে কোন্ স্টেশনে নামিতে হইবে, বলুন, আমি আপনাকে জাগাইয়া দিব।

বহুশ্রাব হুঁরে কনক বললে, হাঁ, মনমদ স্টেশনে আমায় নামতে হবে, ব্যাপারটা একটু রহস্যজনক, আপনাকে বলতে পারছি না। আমি জেগে থাকবার চেষ্টা করছি, যদি ঘুমিয়ে পড়ি আপনি অনুগ্রহ করে জাগিয়ে দেবেন।

তারপর প্রেমদাসের দিকে ফিরে কনক বললে, আপনিও কি জেগে রাত কাটাবেন?

প্রেমদাস ধীরে বললেন, আচ্ছা, 'মনমদে' আপনাকে জাগিয়ে দেব, আপনি নিশ্চিন্ত হয়ে ঘুমান।

কনক হেসে বললে, চিন্তার বালাই আমার নেই। আর যদি নাও জাগি, তাতে খুব বেশি লোকমান হবে না।

প্রেমদাস হেসে বললে, বোধ হয় ভালই হবে। জীবনে কামনার তৃপ্তি নেই, সেই জগ্জেই লীলা শেষ হতে চায় না।

বিস্মিতভাবে কনক প্রেমদাসের দিকে চাইলে। লোকটা মনের কথা জানতে পারে নাকি!

বহুদিন পরে শিপ্রার সঙ্গে কনকের দেখা। শিপ্রা ছিল কনকের তরুণ শিল্প-জীবনের “মডেল”। ফটোগ্রাফারের স্টুডিও বলে সে যে স্টুডিও খুলেছিল, আসলে সেটি ছিল তার আঁকবার এ্যাটেলিয়ে। শিপ্রা সেখানে ফটো তোলাবার জন্য আসত না, তার স্মৃতিম তরুর রেখাগুলি কনক মুগ্ধনেত্রে দেখত ও রঙে আঁকবার চেষ্টা করত। তখন নর্তকীরূপে শিপ্রার নাম হয়নি। কনকের এ্যাটেলিয়েতে সে নানা নৃত্যের অভ্যাস করত, আর কনক নৃত্যরূপগুলির স্বর্ণিক চঞ্চল ভঙ্গিমা কখনও ফটো তুলে কখনও স্কেচ করে ধরে রাখবার চেষ্টা করত। সেই পুরাতন কয়েকটা স্কেচ তাব সন্দের স্টুটকেশে পড়ে রয়েছে। কাঁচা হাতের আঁকা, চঞ্চল দৌন্দর্যাত্মকতার অস্ফুট রূপ। এখন শিপ্রাকে আর একবার পাকা হাতে আঁকতে ইচ্ছে করে। শিপ্রাকে যদি সে দু-তিন দিনের জগ্জেও পায়, হয়ত সে একটা মহাচিত্র আঁকতে পারে, বতিচেল্লীর “ভেনাসের জন্ম”র মত।

নির্বাপিত সিগারটা জালিয়ে কনক আপন মনে হেসে উঠল। সন্ধ্যায় চা খেতে খেতে সে এক মন্তব্য করছে। গণেশ তখন বেস্তোরা-গাড়ীতে ডিনারের অর্ডার দিতে এসেছিল, আসলে, দেখতে এসেছিল পানীয় কত প্রকার আছে। সেই অবসরে কনক শিপ্রাকে একটি ছোট চিঠি লিখে পাঠালে, সঙ্গে পুঝানো একটা স্কেচও পাঠিয়েছিল।

শিপ্রা তার প্ল্যানে রাজী কিনা স্পষ্ট বলেনি, কিন্তু তার ভদ্রী, মুখের হাসি দেখে কনক বুঝেছিল, গররাজী সে নয়। মন্মদ স্টেশনে গণেশ যদি না ভেগে থাকে তা হলে কোন অসুবিধা হবে না।

গ্রেগরি কনকের আরও কাছে এসে মুত্‌কণ্ঠে বললে, আপনি কতকগুলি ছবি দেখাবেন বলেছিলেন, কনক রায় মহাশয়!

—এখন?

—এখন ত বেশ ভাল সময়।

—আলো বড় কম মনে হচ্ছে।

—মনের আলো ত আছে।

স্টকেস্‌ খুলে কনক একটা পোর্টফোলিও বার করলে; সোনালী রঙের একটা ছবি গ্রেগরির হাতে দিয়ে বললে, দেখুন ত মডার্ন দুর্গা-দেবীর একটি ছবি এঁকেছি। দশপ্রহরণধারিণীর হস্তে আর অসভ্য যুগের অস্ত্র নেই, দেখুন বোমা, বন্দুক, রিভলভার, ট্যাঙ্ক, এরোপ্লেন, হাউইটজার, সাবমেরিন, টর্পেডো, ক্রুইজার ধারণ করে রণরঙ্গিনী মূর্তি মন্দ দেখাচ্ছে না, অস্ত্রের কি মূর্তি করব ভেবে পাচ্ছি না।

—খুব ইণ্ডারেস্টিং! কিন্তু আপনি যে আপনার early studies-গুলি দেখাবেন বললেন।

—সেই কিশোরী নৃত্যকীর স্কেচগুলি?

—যদি আপত্তি না থাকে।

—গ্রেগরি, আপনি রসিক লোক দেখছি।

নৃত্যময়ী কিশোরী শিপ্রার কতকগুলি রেখাচিত্র বাহির করে কনক গ্রেগরির হাতে দিলে।

উৎসুকভাবে ছবিগুলি দেখতে দেখতে গ্রেগরি বললে, খুব সুন্দর আপনার অঙ্কন, কয়েকটি রেখার টানে দেহের সৌন্দর্য ফুটিয়া উঠিয়াছে।

—আপনি সমজদার লোক, বেখার ফাঁক কল্লনার রঙে ভরে তুলতে পারেন।

—দেখুন, কনক রায় মহাশয়, এই ছবিগুলি দর্শনে আমার যুদ্ধের কথা মনে পড়িতেছে। গত war-এ একবার আমি no man's land-এ আবদ্ধ হইয়াছিলাম।

—সে কি রকম?

—শেষরাত্রে অর্ডার আসিল, আক্রমণ কর। No man's land-এর ওপর পাগলের মত সকলে ছুটিয়া চলিলাম। এমন সময় অদূরে এক কামানের গোলা আসিয়া পড়িল সন্মুখের এক গর্তে, গোলাটি ফাটিতে গর্ত আরও বড় হইয়া গেল, গর্ত বলা যায় না, একটি শুষ্ক পুষ্করিণীব গর্ত। পদতলের মাটি খসিয়া পড়িল, আমি গড়াইয়া চলিলাম। যখন উঠিয়া বসিলাম, দেখি গর্তের তলদেশে গড়াইয়া আসিয়াছি, আর আমার পাশে একটি শত্রু-সৈনিক, বোধ হয় সে গর্তের অপব দিক হইতে গড়াইয়া আসিয়াছে। আমার বন্দুক খসিয়া পড়িয়াছে, পকেটে বিভলভাব সন্ধান করিলাম। শত্রু-সৈনিকটির হাতেও বন্দুক নাই, সে ভীতভাবে বলিল, যুদ্ধ করিবার এখানে স্থান নাই, আত্মন স্থির হইয়া বসিয়া থাকি, উঠিতে চেষ্টা করিবেন না, তা হইলে মৃত্যু স্থানিচিত। উপবে ভয়ানক শব্দ। কান বধির হইয়া যায়। ছইজনে স্থির হইয়া পাশাপাশি বসিয়া রহিলাম। সময়ের জ্ঞান নাই। কতকক্ষণ কাটিয়া গেল। একবার উঠিতে চেষ্টা করিলাম। শত্রু-সৈনিকটি জামা টানিল। বলিল, দেখিতেছেন না, উপবে অগ্নিবর্ষণ হইতেছে; স্থির হইয়া বসুন, আক্রমণ শেষ হইলে, বাত্রে উঠিবার চেষ্টা করা যাইবে। আমি বলিলাম, সমগুদিন এখানে বসিয়া থাকিব কিরূপে! পাগল হইয়া যাইব। সে বলিল, আত্মন, গল্প করা যাক। মনকে অস্ত্র চিন্তায় নিযুক্ত করুন। তারপর সে কতকগুলি ছবি

পকেট হইতে বাহির করিল, cheap postcards, পৃথিবীর নানা দেশের নানা অভিনেত্রী, নর্তকীর ছবি, আরও নানারূপ ছবি, বুঝিতেছেন। সে বলিল, যখন মন অবসন্ন হয়, আমি ছবি দেখি। আশ্চর্য, জানেন রায় মহাশয়, সেই ছবিগুলি দেখিয়া দিন স্থিরভাবে কাটিয়া গেল; তা না হইলে বোধ হয় সে দিন পাগল হইয়া যাইতাম—শুধু শব্দে, অঘিলীলার দীপ্তিতে নয়, ভয়ে সন্দেহে পাগল হইয়া। যাইতাম—আপনার ছবি দেখিয়া সেই ছবিগুলির কথা মনে পড়িল।

বিস্মিত হয়ে কনক গ্রেগরির গল্প শুনিছিল। হাঠ তুলে সে বললে, যুদ্ধের অনেক রকম গল্প শুনেছি কিন্তু এ রকম গল্প শুনি নি।

গ্রেগরি বললে, আপনার ঘুম আসিতেছে, আমার কেবল যুদ্ধের কথা মনে পড়িতেছে, বিশেষত এই রেলের ধ্বনি শুনিলে মাঝে মাঝে মনে হয় যেন no man's land-এ আছি, চোখে আর ঘুম আসে না। আপনি নিদ্রা যান, মনমুড়ে ভাগাইয়া দিব।

কনক বলিল, ছবিগুলি আপনি রাখুন, দেখুন ভাল করে। আমায় কিন্তু জাগাতে ফুলবেন না।

কনক ওপরের বাক্সে শুয়ে পড়ল।

আড়চোখে বিরিকি ছবিগুলির দিকে চাইছিল। স্বল্প আলোকে ছবিগুলি অস্পষ্ট দেখা যাচ্ছে। নারীদেহের নানা ভঙ্গিমা। প্রেমদাসের সামনে ছবিগুলি চেবে দেখা যায় না।

চোখ বুজে বিরিকি পাশ ফিবেল। প্রেমদাস বলেছেন, তোমার মেয়ের বিবাহের জ্ঞতা ভাবনা কোনো না, বিরিকি, নিশ্চিত মনে ঘুমাও। কিন্তু তার মন হতে চিন্তা যে দূর হচ্ছে না। ঠাকুর যে স্পষ্ট করে বলেন না, যেন একটু রহস্য রাখতে চান। ফতেসিংকে ত বলে দিতে পারতেন, বিরিকির মেয়ের বিয়ের খরচটা দিয়ে দিও।

বিরিকি ভাবতে লাগল, ঠাকুরের কথা ত নিফল হতে পারে না। হয়ত সে অল্প কোন উপায়ে হঠাৎ অনেক টাকা পেয়ে যাবে। এই যে রাধাকান্ত মিথ্রিককে তপুরে বললেন, তুমি আত্ম টাকা পেয়ে যাবে, সে ত সত্যিই টাকা দাব দেবে। ফতেসি কি সত্যে টাকা ধার দিচ্ছে, তা জানতে পারে নি। রাধাকান্ত নিশ্চয় টাকা ধার পেয়েছেন, তা না হলে অমন করে ঘুমাতে পারেন !

তার চোখে ঘুম আসছে না। পেটের ব্যথাটা আবার যেন জেগে উঠছে, অসহ্য মনে হচ্ছে।

অদ্ভুত আত্ননাদ করে বিরিকি পাশ্চপরিবর্তন করলে।

প্রেমদাস বিরিকির বাকের পাশে এসে দাঁড়ালেন, বীরে বললেন, কি কষ্ট হচ্ছে বিরিকি ?

—ঠাকুর, পেটে ব্যথা—

—সব ব্যথা সেবে যাবে।

—ঠাকুর।

—শোন, বিরিকি, তোমার কণ্ঠ্য বিবাহের ভাব আমি নিলুম, তুমি নিশ্চিন্ত মনে ঘুমাও, মন শান্ত কর। না, না, উঠো না, আমি তোমার আশীর্বাদ করছি, মন শান্ত কর।

বিরিকি চমকে উঠল। ঠাকুর তাব মনেব কথা কেমন করে জানলেন ! তার মুখে কোন কথা এল না। বিস্থিত কৃতজ্ঞতাব সঙ্গে সে প্রেমদাসের দিকে চাইলে।

প্রেমদাস নিজের বেঞ্চে গিয়ে আবার ধ্যানের আসনে শুক হয়ে বসলেন।

বিরিকি চোখ বুজলে। মাথা যেন তাব ঘুরছে, ট্রেন বড বেশি ডুলছে। মনে মনে সে ভগবানের নাম স্মরণ করতে লাগল।

ছোট এক স্টেশনে হঠাৎ ট্রেন থামাতে জগদীশ বুপেতে দিবে এল, হাতে কাগজ-ভরা মোটা পোর্টফোলিও। তাব কালো মুখ আরও কক্ষ, গভীর, হঠাৎ দেখলে ভয় করে। কঠে বিষ্ময়েণ স্থব এনে সে বললে, এখনও ঘুমোওনি তোমরা? অন্তপমা তার কদাকার মুখেব দিকে চাইলে, কোন উত্তর দিলে না।

মালতী দাড়িয়ে উঠে বললে, আমি যাই অন্তপমা।

অন্তপমা মালতীর হাত ধবে বললে, তোকে ববে রাখব না, কল্যাণেব কথাটা ভাবিস।

মালতী হেসে বললে, এবার কথাই আমি ভাবব, কোন পক্ষপাত করব না।

প্র্যাটিকমের অন্ধকারে মালতী নেমে গে-। তাা মূর্তিব পাশে পাশে আর একটি কালো ছায়া চলেছে। মনে হল সে কল্যাণ। অন্তপমা ইচ্ছা করল দে-ও নেমে চলে যায় রাত্রিব দ্বিধ অন্ধকারেব মধ্যে।

ডেস স্তট বদলে জগদীশ নীববে স্লিপিস্তট পাবো। সে গভীর চিন্তায় মগ্ন।

জগদীশ ধীরে বসে, এবার ঘুমাও, রাও অনেক হল।

—ঘুম ত আমাব হাওববা নব।

—চেষ্টা কব।

—তোমাকে ত চেষ্টা কবতে হবে না, তুমি শুয়ে পড়।

—ওষুধটা খাবে?

—আচ্ছা, কষ্ট যদি না হয় ত দাও, আর রাত জাগতে ইচ্ছে কবছে না, দেখি যদি ঘুম হয়।

—অত ভেবো না, বসে বসে অত ভাবলে ঘুম আসবে কি করে ?

—বক্তৃতা না দিয়ে ওয়ুধটা যদি দিতে চাও ত দাও।

জগদীশ নীরবে অল্পমাকে ওয়ুধ-ভরা গেলাস দিলে।

ওয়ুধ থেয়ে অল্পমা বললে, duty হয়ে গেছে, এবার শুয়ে পড়।

জগদীশ ধীরে বললে, শোন, কথাটা শুনে তুমি রাগ করবে, বোধে পৌছে তার পরদিনই আমাদের ফিরতে হবে।

সে আমি জানি, বলে অল্পমা বাইরের আকাশের দিকে মুখ ফিরিয়ে বসল।

শোন, ইয়োরোপের যুদ্ধ—বলে জগদীশ থেমে গেল।

উচ্চরবে অল্পমা হেসে উঠল। ব্যঙ্গের সহিত বললে, শুয়ে পড়, না হলে কোন official secret বলে ফেলবে।

কথাটা কাউকে বোলো না, বলে জগদীশ ওপরে বাক্কে উঠল।

অন্ধকার রাত আরও গভীর হয়ে এসেছে। ওয়ুধ পেয়েও অল্পমার চোখে ঘুম আসছে না। গাড়ীর আলো নিভিয়ে সে চোখ বুজে ঘুমোতে চাইলে। মাথা দপ্-দপ্ করছে।

অবিরামগতিতে বাক্-বাক্ শব্দে ট্রেন ছুটে চলেছে। দেবপ্রিয়ের বক্তৃতার কথাগুলি অল্পমার মনে পড়ে গেল। ট্রেনের শব্দের মধ্যে সে নতে পেলে সৈনিকদের অস্ত্রের বাঞ্ছনা—চলেছে বন্দুকধারী সৈন্যদল

মোটর-সাইকেলে, চলেছে অগ্নিবর্ষী ট্যাঙ্কের সারি, বোমা-ভরা এরোপ্লেন—
—রাত্রির অন্ধকারে প্রলয়গ্নি জ্বলছে।

অনুপমা ভয়ে উঠে বসল। গাড়ীর আলো জ্বলে দিলে। চূপ করে
চেয়ে রইল কালো আকাশের দিকে।

নরনে তার অশ্রু নেই, জ্বালাও নেই; অন্তরে যেন কোন কামনা
নেই, কোন ক্ষোভও নেই, শুধু শান্তি, শুধু সে শান্তি চায়, শান্তিময়
স্থিতি।

এক বড় অজানা স্টেশনে ট্রেন থেমেছে। রাত্রিশেষের অন্ধকার
রহস্যময়। টিপ্‌টিপ্‌ বৃষ্টি পড়ছে।

জানলা দিয়ে মুখ বাড়িয়ে অনুপমা প্লাটফর্মের দিকে চেয়ে রইল।
ওপরের বাক্সে জগদীশ স্মৃপ্ত।

পাশের প্রথম শ্রেণীর গাড়ীর সামনে এক যুবক এসে দাঁড়াল, বোধপূরী
ব্রিচেস্-পরা অদ্ভুত মূর্তি; ওই গাড়ীতে বোধ হয় ঢুকতে চায়।

সবিস্ময়ে অনুপমা দেখলে, গাড়ীর দরজা খুলে এক তরুণী নেমে
যুবকটির পাশে দাঁড়াল। আর্দ্র বাতাসে তাহাদের মুহূর্তের কথাবার্তা
ভেসে আসছে।

—ভয় করছে।

—তবে নামলে কেন?

—কি, জেলাস্ জান, না?

—তুমি কি তার সম্পত্তি?

—সত্যি যাবে?

—তবে কি ঠাট্টা করবার জন্তে বৃষ্টিতে ভিজতে ভিজতে এলুম।
হাতে ঘুমাই নি।

—কাল যে আমাব স্টিং।

—ওদের ডিপেন্ডেটাব আমাব বন্ধু, টেলিগ্রাম কবে দেব।

—একদিন?

—সে দেখা বাবে, তবে তিনদিনেব বেশি নয়, ইলোরার ডাকবাংলো
দেখলে আসতে ইচ্ছে করবে না।

—তবে শীগ্গীব চলো, জেগে না গুঠে সবাই।

—সেই লেখক না ফিলজফাবটিও কি এ গাডোতে?

—স, নিদ্রায় অচেতন। কনক! তুমি আমায় বিপদে ফেলবে।

—অত ভয় ত যাও গাডোতে গুঠ গে।

—না, না, খুব exciting লাগছে—তুমি dangerous.

—মার কথা নয়, চলো।

—কোন্ দিকে?

—এদিকের প্যাটফর্মে ট্রেন দাঁড়িয়ে।

—তরুণীর হাত ধরে যুবকটি আর্দ্র অন্ধকারে কোথায় হাবিয়ে গেল,
চারিদিকে ছায়াবৃত্তি ঘুরে বেড়াচ্ছে।

ছোবে বৃষ্টি এল, ট্রেন ছুঁলে উঠল। অল্পপমা জানলার কাঁচ বন্ধ
কবে নিলে। বা বর্ষাধর্মুখব যামিনী অন্ধকারে ট্রেন ছুটে চলেছে।
গোঁহচক্রেণ বর্ষাধর্মুখব ছাপিয়ে আকুল বারিষাবার সঙ্গীত বাজছে।
এ গীতধ্বনিতে অল্পপমা চিত্ত ধীরে শান্ত হয়ে আসছে।

যেন ঝড়ের বাতাসে দরজা খুলে গেল। দম্কা বৃষ্টির জলের সঙ্গে সমর গাড়ীতে প্রবেশ করলে। স্বপ্নঘোর হতে অতৃপ্ত চমকে চাইল।

—দিদি!

—সমর! ভয়ঙ্কর ভিজে গেছিস্। বোস্ আনার পাশে। এমন ভিজে বেড়াচ্ছ কেন?

—আমার বোধে যা গয়া হবে না, জেগ্ন তোমার সঙ্গে দেখা করতে এলুম।

—চুপ করে বোস্।

—বসবার সময় নেই দিদি, পরের স্টেশনেই আনায় সরতে হবে।

—চুপে চুপে বল্। কোথা বাবি?

—এখন পুলশের হাত থেকে ত বাচি।

—কোন ভয় নেই।

—খুক লেগেছে, ইয়োরোপে। তুমিও বাচাতে পারবে না।

—সমর!

—দিদি! তোনার ঘুম তাড়ালুম।

—আমি ছেগেছিলাম।

—রাতে কি তোমার ঘুম হয় না?

—ট্রেনের এ শব্দে আমি ঘুমোতে পারছি না, আর ওই লেখকটির <ভূতা শুনে, আমি খালি শুনিছি যেন সৈন্তদল কামান-গাড়ী টেনে টেনে চলেছে।

—তুমি বড় কল্পনা-প্রবণ।

—ঠিক বলেছিস্। কিন্তু তোর কল্পনাশক্তিও বড় কম নয়, তা না হলে এই রাষ্ট্র, মানব-সমাজ ভেঙে নতুন সভ্যতা সৃষ্টি করবার স্বপ্ন দেখিস্!

—দিদি, নতুন সভ্যতার কথা যাক্, তোমাকে ইয়োরোপে নিয়ে যেতে পারলুম না, এই দুঃখ ।

—আমার সঙ্গে কল্কাতায় ফিরে চল, আমাদের পুরানো বাগান-বাড়ী ভাল লাগবে ।

—আর লোভ দেখিও না । সময় আমার বেশি নেই, তোমার পাশে একটু চুপ করে বসতে দাও ।

—মাথাটা কাছে নিয়ে আয়, মুছিয়ে দি ।

—দিদি, তোমার বৃকে এমন করে মাথা রাখলে ঘুমিয়ে পড়ব, কিন্তু ঘুমোলে আমার চলবে না ।

সমর মাথা তুলে বসল । ছ'জনে বসে রইল পাশাপাশি । বর্ষণমুখর তমিস্রায় ট্রেন ছুটে চলেছে ।

—সমর !

—দিদি !

—মাঝে মাঝে খবর দিও । কাউকে আমি ধরে রাখতে চাই না ।

—ধরে রাখাই ত বন্ধন ।

—আর ভাবতে পারি না । আমি যে কি বন্দিনী, তুই জানিস্ না ।

—আমাদের নতুন সমাজে কেউ বন্দিনী থাকবে না ।

—ভেবে ভেবে আমি শ্রান্ত । শান্তি কোথায় ?

—আইডিয়লের জ্ঞাত সংগ্রামেতেই শান্তি ।

—সংগ্রামে শান্তি ?

—হী দিদি, তা না হলে কেউ কি প্রাণ দিতে পারত ?

—সংগ্রামের শাস্তি আমি চাই না, আমি চাই প্রেমের শাস্তি ।

—অলীক স্বপ্ন !

—চূপ ! চূপ করে বোস, কথায় শুধু কথার সৃষ্টি করে !

সময়ের ভিজে কাঁধে মাথা রেখে অচূপমা চোখ বুজে চূপ করে এলিয়ে
বসল ।

ট্রেন ছুটে চলেছে দুর্নিবার বেগে ।

নাসিক স্টেশনে ট্রেন যখন থামল, বৃষ্টি থেমে গেছে, কৃষ্ণ ছিন্ন
মেঘদলে উবার আলোর আভাস ।

সন্ন্যাসী প্রেমদাস আসন হতে উঠলেন । নাসিকে নেমে তিনি
পদব্রজে যাবেন, এই সংকল্প তাঁর মনে ।

রাধাকান্ত গভীর নিদ্রিত । ওপরে বাক্সে বিরিকি স্থির, স্তব্ধ ।
প্রেমদাস বিরিকির সামনে এসে ডাকলেন, বিরিকি ! বিরিকি !

কোন সাড়া নেই । বিরিকির দেহে প্রেমদাস ধীরে হাত দিলেন,
শীতল দেহ, বক্ষস্পন্দন অনুভব করা যায় না । প্রেমদাস যুক্তকরে এক
মুহূর্ত বিরিকির স্থির শায়িত দেহের সম্মুখে দাঁড়িয়ে রইলেন, মনে মনে মন্ত্র
জপ করতে লাগলেন, হে যম, হে অমোঘ শাস্ত নিয়ম, তোমাকে প্রণাম ।

ধীরে প্রেমদাস প্ল্যাটফর্মে নামলেন । ফতেসিং-এর গাড়ীর সামনে
এসে দাঁড়ালেন । প্রেমদাসকে দেখে ফতেসিং তাড়াতাড়ি নেমে এল ।

—ফতেসিং, আমি এখানে নেমে যাচ্ছি ।

—এ যে বড় ক্ষণিকের দেখা পেলুম ঠাকুর, বোম্বোতে আসতে কৃপা
করুন ।

—শোন, রাধাকান্তবাবুর সঙ্গে তোমার বন্দোবস্ত হয়ে গেছে ?

—ঠাকুরের যখন সেই রকম ইচ্ছে, আমি দু'লাখ দেব, রাজী হয়েছি।
এখন ঠাকুরের আশীর্বাদ।

—আর একটি কাজ, ও গাড়ীতে বিরিকি বলে একটি বুদ্ধ লোক আছে, রাধাকান্তকে বলো তার এক অনুচা কন্টার বিবাহের সব ব্যবস্থা করে দিতে ; রাধাকান্ত ঘুমোচ্ছে, আমি সেজন্ত তোমায় বলে গেলুম। আর টেন বোম্বেরে পৌছালে বিরিকির সব ব্যবস্থা তুমি করো। বোম্বেরে সহর সে জানত না।

পদধূলি নিয়ে ফতেসিং বললে, এ ত বাবার অতুগ্রহ, আবার কবে দর্শন পাব ?

ক্রতপদে প্রেমদাস এগিয়ে চললেন। অতুপমার সঙ্গে একবার দেখা করে যেতে হবে।

কুপের সামনে আসতেই সমর তার পথরোধ করে দাঁড়াল।

—কি চান আপনি ?

—আমি চলে যাচ্ছি, অতুপমাকে একবার দেখে যেতে চাই।

—ওই দেখুন তিনি শান্ত হয়ে ঘুমচ্ছেন, দূর থেকে দেখে চলে যান।

জাগাবেন না।

প্রেমদাস দেখলেন রঙীন কুশানের তুপে মাথা রেখে অতুপমা এলিয়ে শুয়ে আছে, ভোরের আলোয় শিশিরভেজা অর্ধশুটো কমলিনীর মত।

—বড় সুন্দর, শান্ত চিত্র।। আমি জাগাতে চাই না, একটা কথা তুমি বলতে পারবে ?

—কোন কথা বলতে পারব না, কারণ আমিও স্টেশনে চলে যাচ্ছি।

প্রেমদাস যুক্তকরে শুরু হয়ে অতুপমার দিকে চেয়ে দাঁড়ালেন, মনে মনে কি প্রার্থনা করলেন।

সমর মুহূর্তে বললে, শুভুন, আপনি ত সন্ন্যাসী প্রেমদাস ?

—হাঁ।

—আমি একজন কৃষিনিষ্ঠ। আমাকে পালাতে হচ্ছে। আমি আপনার সঙ্গে যাব। দরকার হলে গৈরিক বসনও পরতে পারি। আপনার শিষ্য বলে, আমাকে কিছুদিন রাখতে হবে। লুকিয়ে থাকবার ক্ষমতা সাহায্য করতে হবে।

—তুমি যে ইয়োয়োপে যাবে ?

—না, ঠিক করলুম, ভারতবর্ষেই থাকবো। আমার কাজ এই দেশে, একথা আজ রাতে দিদির পাশে বসে অমৃত্যু করেছি।

—বেশ, চলো, দেরি কোরো না।

—কিন্তু বিপদ আছে, পুলিশ আপনাকে ধরতে পারে।

—সন্ন্যাসী কোন বিপদকে ভয় করে না। ভয়কে জয় করা সাধনার প্রথম অঙ্গ। এগিয়ে চলো।

সমরের বিদায়-করণ রাত্রিজাগরণপাণ্ডুর মুখের দিকে প্রেমদাস চাইলেন। আবেগের সঙ্গে তিনি সমরকে আলিঙ্গন করে বললেন, আর দেরি নয়, চলো, কোন ভয় নেই।

সমরের হাত ধরে প্রেমদাস দ্রুত চঞ্চল পদে এগিয়ে চললেন। মেঘাচ্ছন্ন উষার আকাশের দিকে চেয়ে মনে মনে প্রার্থনা করতে লাগলেন, হে আদিত্য, অন্ধকার পর্জন্তের ঘন আবরণের উপরে তোমার অনিবাণ অগ্নির চিরজ্যোতি জীবনের প্রতি ক্ষণে দেদীপ্যমান, এ কথা কখনও যেন ভুলে না যাই।

সন্ন্যাসীর সঙ্গে সমর চলে গেল। নিদ্রাতুরা অল্পপমা জানতে পারল না, রঙীন কুশানে সে মাথাটা আরও চেপে রাখলে।

বোম্বে স্টেশন।

তেরশ' উনপঞ্চাশ মাইল পাড়ি দিয়ে মেল ট্রেন এসে থেমেছে।

নানা বেশী নানা ভাষী যাত্রীজনতার চঞ্চলবৃত্তা, প্রভাতের মুহূর্তে আলোক-ভরা প্র্যাটফর্মে বিচিত্র রহস্যময় মূর্তিশ্রোতের মত। হাঁকাহাঁকি, ঠেলাঠেলি, ছুটোছুটির অন্ত নেই।

স্টেশনের এই জনতার দিকে নিদ্রাপ্রস্থল চোখে চেয়ে কল্যাণকুমার ঘোষ পাইপে তামাক ভরলে। ইংলণ্ডে সে যে তামাক খেত সে তামাক অনেক খুঁজে যোগাড় করেছিল; ট্রেন-পথে সে তামাক নিঃশেষিত হল, আর পাবার সম্ভাবনা নেই, এখন পাইপ ছেড়ে আলবোলায় অস্থায়ী তামাকের ধূমপান করতে হবে, ভায়লিটের-দেওয়া পাইপে ধূলা জমবে।

আর্থার গ্রেগরি উত্তেজিতভাবে এগিয়ে বললে, ঘোষ, কি ভয়ঙ্কর! আবার যুদ্ধ!

গ্রেগরির আর ধুতি-পাঞ্জাবি-পরা বাডালী সাজ নেই, খাকি-রঙের হাণ্ড-প্যাট ও কোট পরা, পায়ে মোটা বুটজুতা।

কল্যাণ একটু হেসে বললে, এ সজ্জা যে, হুন্সে যাচ্ছ নাকি?

গ্রেগরি গম্ভীরভাবে বললে, Surely. I am going to enlist.

কল্যাণ বললে, Moral armament চলল না?

গ্রেগরি আবেগের সঙ্গে বললে, না Hunsদের সঙ্গে reason চলে না, bombs! bombs!

বীরপদভরে প্র্যাটফর্মের কংক্রিট-মেজেরে বুটজুতা ঠুকে গ্রেগরি এগিয়ে গেল।

ছোট্ট বক্বকে লাইটারের সাহায্যে পাইপে অগ্নিসংযোগ করে কল্যাণ দ্বিতীয় শ্রেণীর মহিলা-গাড়ীর সামনে এসে দাঁড়াল। দীপিকা নাজ করে গাড়ীর দরজায় দাঁড়িয়েছিল, কল্যাণকে দেখে গাড়ী হতে লাফিয়ে প্ল্যাটফর্মে নামলে ; ওই আশ্চর্যকর বক্বকে দেশলাইয়ের ওপর তার লোভ। কল্যাণের হাত ধরে ব্যগ্র হয়ে সে বললে, রাঙামামা, আমাকে দাও একবার, আমি জ্বালাব না, শুধু হাতে ধরে থাকব।

গাড়ীর জানালা হতে মুখ বাড়িয়ে শিবাজী চেঁচিয়ে উঠল, আমি একবার জ্বালাব দিদি !

সরোজিনী ছোট খোকার বিছানা পাট করে বাঁধতে বাঁধতে ধমক দিয়ে উঠল, শিবু, আবার জানালার মুখ বাড়িয়েছ !

দেশলাই পাবার কোন আশা নেই, দেখে শিবাজী চেঁচিয়ে উঠল, রাঙামামা, ইঞ্জিন দেখাবে বলেছিলে, ইঞ্জিন—

সরোজিনী উদ্বিগ্নভাবে বললে, দাদা, টেলিগ্রাম ঠিক করেছিলে ? উনি ত এখনও এসে পৌঁছালেন না !

ভারী নিরেট ওলের মত মাথাটা নেড়ে কল্যাণ গাড়ীর জানলার দিকে এগিয়ে গেল, মালতী সপক্ষে সরোজিনীকে যে কথা বলতে চাইছে, সে কথা সে বলতে পারল না, হেসে শুধু বললে, অত ভাবনা কিসের, এতদূর যখন এসেছি, বাড়ী পযন্ত পৌঁছে দেব।

সরোজিনী খোকাকে জামা পরাতে পবাতে বললে, আচ্ছা, কুলী দিয়ে জিনিসগুলো নামাও ত, আবার—কোথায় যাচ্ছ ! না, দাদা, তুমি এখন কোথাও যেও না।

কল্যাণ কোন উত্তর দিলে না, বোধ হয় সরোজিনীর কোন কথা সে শুনতে পায়নি। সে দেখেছে মধ্যম শ্রেণীর গাড়ীর সামনে একটি ছোট বাগ হাতে করে মালতী দাঁড়িয়ে, প্ল্যাটফর্মের জনতার মধ্যে, সে

একাকিনী, দিশাহারা নির্বাক দাঁড়িয়ে। পাইপ টানতে টানতে কল্যাণ হনহন করে এগিয়ে গেল সেদিকে।

প্রভাতের আলোকে মালতীর শুভ্র করুণ মুখশ্রী মায়াময় হয়ে উঠেছে, হালকা নীলশাড়ীর রূপালী পাড় জলজল্ করছে।

মালতীর ছোট স্ট্রটকেশটা হাতে ধরে তুলে কল্যাণ বললে, মালতী দেবী, একটু দেরি হয়ে গেল আসতে, ক্ষমা'করবেন।

মালতী একটু বিস্মিত বিদ্রুত ভাবে কল্যাণের দিকে চাইলে। এ জনতায় সে যাকে খুঁজছে, সে তরুণ এখানে নেই, সে জানে, তনু নিশ্চল দাঁড়িয়ে দুই চোখ দিয়ে খুঁজছে।

কল্যাণ ধীরে বললে, চলুন মিস মল্লিক, আমার বোনের সঙ্গে আপনাব আলাপ করিয়ে দি। আমার ভার্গবরা আপনায় পেলেন খুশি হবে।

মালতী কোন কথা বললে না। দেহে ক্লান্তি, মনে অবসাদ, নিদ্রাহাবা দুই চোখ জ্বলছে; ভাববার প্রতিবাদ করবার শক্তি যেন তার নেই। স্নান হেসে সে কল্যাণের সঙ্গে এগিয়ে চলল।

একটু এগিয়ে মালতী কল্যাণের মুখের দিকে চাইলে। তার মন অনেক হালকা হয়ে এসেছে। ধীরে বললে, অল্পপমাদিদির গাড়ী কোন্ দিকে?

মুখ হতে ধূমের কুণ্ডলী বাহির করে কল্যাণ বললে, সে দিকেই ত যাচ্ছি।

মালতী শ্রান্ত কণ্ঠে বললে, তাঁর সঙ্গে একবার দেখা করে যেতে চাই।

নির্জল ছইস্কির গেলাস নিঃশেষে শেষ করে গণেশ দেবপ্রিয়ের দিকে

জুকুনয়নে চাইলে। বিরক্তির সঙ্গে বললে, ট্রেনটা যেন থেমে গেছে মনে হচ্ছে, বড় আশ্চর্য চলছে!

দেবপ্রিয় ভাবল গণেশের বুঝি সত্যি নেশা ধরেছে, ট্রেন চলছে কি থেমে আছে বুঝতে পারছে না। একটু ভীতভাবে সে বললে, ট্রেন ত থেমে আছে অনেকক্ষণ, আমরা বোম্বে স্টেশনে পৌঁছেছি।

শূন্য গেলাস মেজ্জেতে ছুঁড়ে ফেলে গণেশ বলে উঠল, আলবাৎ চলছে ট্রেন, আমার যদি মনে হয় চলছে, ত চলছে—

দেবপ্রিয় কালো চশমা পরে বললে, ঠিক বলেছেন, আমাদের অতুভূতি দিয়ে আমরা জগৎ তৈরি করছি, তার আলাদা সত্তা কোথায়—সবই আপেক্ষিক।

গণেশ দাঁড়িয়ে উঠল। ব্যঙ্গের স্বরে বললে, ওহে পণ্ডিত, তোমার ফিলডফি রাখ, ওতে আমরা ভোলাতে পারবে না। এখন শিপ্রা দেবী যে উবাণ্ড হল, তার কি করছ?

দেবপ্রিয় গম্ভীরভাবে বললে, ভাবছি, কলিকাতায় কাগজের আফিসে এ থবরটা টেলিগ্রাম করে পাঠাই।

গণেশ হেসে উঠল। বললে, বেশ বেশ, দু'পয়সা হবে। আমার নামটাও দেবে নাকি?

দেবপ্রিয় সঙ্কোচের সঙ্গে বললে, বলেন ত দেব না।

গণেশ দেবপ্রিয়ের পাশে বসে তাকে এক ঝাঁকুনি দিয়ে বললে, না, না, দেবে বৈ কি। আমার মত অনেক fool ত আছে, আমার হুঁদশা দেখে তাদের যদি কিছু শিক্ষা হয়!

দেবপ্রিয় বললে, এমন হুঁদশা আর কি? সত্যিই কি চুংখ হচ্ছে? আমার ও মনে হয় good riddance—আর, এ বিষয়ে—

বাধা দিয়ে গণেশ বললে, দেগুন দেবপ্রিয় বাবু, আপনি এ বিষয়ে কিছু

জানেন না, বোঝেন না, স্মরণে আপনার কি মনে হয় তা আমি শুনতে চাই না, কিন্তু মশাই, আমার না হয় একটু মাত্রা বেশি হয়েছিল, আপনি কি একটু watchও করতে পারলেন না—এমন বোকা বানিয়ে চলে গেল—যাক, যাবে কোথায়, আবার আসতে হবে। আপনি বলছেন বোধহেতে আমরা এসে পৌঁছেছি। হাঁ, তাইত মনে হচ্ছে, ওই ত ডিরেক্টর আসছেন, দু'হাতে দুই বড় garland—এখন একটি মালা আপনায় পরতে হচ্ছে মশাই।

দেবপ্রিয় লাফিয়ে দাঁড়িয়ে উঠল, বিস্মিতভাবে বললে, আমাকে ? না, না। চলুন নামা বাক। মা নিশ্চয় ব্যস্ত হয়ে উঠেছেন।

গণেশ ব্যঙ্গস্বরে বলে উঠল, বড় যে মায়ের কথা মনে পড়ে গেল দেখছি—না, না, পালালে চলবে না—প্যারিস ফেরতের পাটটা আপনি করবেন, ডিরেক্টরের সঙ্গে বন্দোবস্ত করে দি।

রেন্তোরী-গাড়ীর বয় এসে পথে আহায ও পানীয় সরবরাহ বাবদ বিল হাতে করে গাড়ীর দরজা খুলে দাঁড়াল। শার্টের পকেট হাতে কতকগুলি দশ টাকার নোট নিয়ে না গুণে গণেশ বয়ের হাতে দিলে। বিলের মোট অঙ্কটা দেখে দেবপ্রিয় চমকে উঠল, তার তিন মাসের সংসারযাত্রার খরচ এর চেয়ে কম।

ট্রেন থেকে দু'জনে প্র্যাটফর্মে নামল।

ফোলা-হাতা শার্টের বোতাম একটা ছিঁড়ে গণেশ বললে, আচ্ছা দেবপ্রিয়বাবু আপনি যান—আপনার মা ব্যস্ত হচ্ছেন, বুঝছি—বিকেলের দিকে একবার তাজমহল হোটেল খোজ করবেন—অসুবিধিতা শিপ্রার না দেখা পেতে পারেন, নর্মদা কাবেরী যমুনা অনেকের দেখা পাবেন—চাই কি, হিমালীতল মর্মরগহ্বর হতে মমতাজ উঠে আসতে পারে আতপ্ত.

বক্ষের উষ্ণ শোণিতস্রোতের স্পর্শ পাবার জন্তে—এই ধমনীর জ্বালাময় রক্তধারার ছন্দ—হুঁ, বুঝলেন ?

দেবপ্রিয় দেখলে দূরে তার মা কুলীর সাহায্যে গুড়ের নাগরি, ডাব-নারিকেলের বস্তা, ট্রাক পুঁটলি সব নামাচ্ছেন। মুখের ভাব বিশেষ প্রসন্ন বলে মনে হয় না।

দেবপ্রিয় তাড়াতাড়ি বললে, গণেশবাবু আপনি যে জীবনরসের রসিক, তা সাধারণ লোকে বুঝতে পারে না—কিন্তু এখন একটু সময় নেই, আপনার সঙ্গে নিশ্চয় দেখা করব, আপনার সঙ্গে পরিচয়ে মুগ্ধ হয়েছি—জীবনের একটা নতুন রূপ—পরে কথা হবে—এখন যেতে হবে।

গণেশ বললে, আপনি সমজদার, তাই বুঝলেন। কিন্তু ওদিকে কোথায় যাচ্ছেন ? আপনার মায়ের গাড়ী—

বাধা দিয়ে দেবপ্রিয় বললে, ওদিকে যদি যান ত আমার মাকে একটু বলে দেবেন অলুগ্রহ বনে, আমি এখনি আসছি, বলবেন, একটা জরুরী টেলিগ্রাম করতে গেছি, খবরটা এখনি কলিকাতার কাগজের আফিসে না পাঠালে দেরি হয়ে যাবে, আজ বিকেলে ছাপা হবে না—বলবেন, আমি এখনি আসছি।

দেবপ্রিয় দ্রুতপদে টেলিগ্রাফ আফিসের দিকে এগিয়ে গেল।

দিনেমা-কোম্পানীর ডিরেক্টর সদলবলে আসছে দেখে গণেশ প্রস্তুত হয়ে দাঁড়াল। ভাবতে লাগল, দু-তিন দিনের মধ্যেই শিপ্রা বোম্বেতে এসে তার আশ্রয় ভিক্ষা করবে; তখন স্তুটিং করার দু-তিন দিন দেবির জন্ত মোটা খেসারতি তাকেই দিতে হবে, তা ছাড়া আর কে দেবে। পকেটের চেক-বইটা হাত দিয়ে সে চাপড়ালে। এ বিষয়ে ডিরেক্টরের সঙ্গে দর-দস্তুর সে দুপুরেই করে নেবে। তা হলে সন্ধ্যাটা, নর্মদা কাবেরী-যমুনাদের সঙ্গে নির্ভাবনায় কাটান যেতে পারে।

ময়লা দেশী ধুতির জরিপাড় লুটান কৌচা স্ৰাণ্ডল দিয়ে মাড়াতে
মাড়াতে গণেশ এগিয়ে চলল।

প্রথম শ্রেণীর কুপের সামনে তাজমহল হোটেলের তকমা-পরা
লোকেরা জিনিস নামিয়ে গাদা করেছে; হীরা সিং দাঁড়িয়ে আছে
নিশ্চল প্রহরীর মত; জগদীশ জরুরী টেলিফোন ও টেলিগ্রাম করতে
গেছে, কুপের চেয়ারে অল্পম্মা এলিয়ে বসে, সিং-শাড়ীর বিচিত্র বর্ণ
কুপের আলোছায়ায় রহস্যময়।

মুগ্ধ হয়ে কল্যাণ দাঁড়াল, এ যেন রেমব্রাণ্টের-আঁকা ছবি, কৃষ্ণ
ললতার তলে আয়ত নয়নের কৃষ্ণতারকার রূপ তেমনি জ্যোতির্ময়,
তেমনি মায়াময়, তেমনি রহস্যঘন।

—কল্যাণ নাকি!

—তাই ত মনে হচ্ছে।

—বোধেষ্টে এসে পৌছান গেল।

খোলা দরজার কাছে কল্যাণ এসে দাঁড়াল।

—ভাই, পাইপটা—

—ভেরি সরি, মনে ছিল না।

—মালতী, আয়, অমন দাঁড়িয়ে রইলি কেন!

নিঃশব্দে মালতী কুপেতে উঠে অল্পম্মার পাশে বসল। শুধু
জ্বালাময় নয়ন অশ্রুতে ভরভর। ইচ্ছা করছিল, অল্পম্মার বুকে মুখ
রেখে একটু কান্দে; কিন্তু অল্পম্মার সাজসজ্জা, সহাস্ত্রভাব দেখে
অশ্রুসম্বরণ করে বসল। বেশিক্ষণ সে স্থির হয়ে বসে থাকতে পারল না।

তার বিপর্যস্ত শুষ্ক কেশভারে অল্পপমা একটু আদরের সঙ্গে হাত বুলাতেই সে যেন ভেঙে পড়ল !

—ভাই অহুদি !

—চলে গেল সময় !

—তোমায় কি কিছু বলে গেছে, কোথায় গেল ?

—সে কি নিজে জানে, কোথায় যাবে !

—আমি ঘুমিয়ে পড়েছিলুম—

—আমিও ! স্বপ্ন দেখছিলুম গভীর বন, ফুল আর ফুলে ভরা, একটি নদী বয়ে চলেছে, তার তীরে আমরা সবাই—

হঠাৎ অল্পপমা চমকে সোজা হয়ে বসল। গাড়ীর জানলা দিয়ে মুখ বাড়িয়ে আতঁনাদের স্বরে বলে উঠল, ওকি ! ওকি ! ও কে ?

অদূরে প্ল্যাটফর্মে এক প্রোটের সাদাশালজড়ান নিম্পন্দ দেহ স্ট্রচার-বাহীগণ বয়ে নিয়ে চলেছে, শনের মত সাদা চুল প্রভাতের আলোকে চক্চক্ করছে।

অল্পপমার পাংশুবর্ণ মুখের দিকে চেয়ে পাইপটা মুখ থেকে নামিয়ে কল্যাণ বললে, ও আমাদের গাড়ীর এক যাত্রী, রাত্রে কখন মরে গেছে কেউ জানে না, বোম্বে স্টেশনে যখন পৌছাল, দেখা গেল লোকটি আর উঠছে না। তবে সেই সন্ন্যাসী বোধ হয় জানতেন, কারণ তিনি ওই লোকটিকে বলে গেছিলেন সব ব্যবস্থা করতে—

আবেগের সঙ্গে অল্পপমা বললে, কাকে বলে গেছিলেন ?

কল্যাণ ধীরে বললে, ওই যে পাগুড়ি-পরী লোকটি যাচ্ছে, কোটিপতি ফতেচাঁদের নাম শুনেছ বোধ হয়—আর তার পাশে পাশে কোটপ্যাট পরে যে বাঙালী ভদ্রলোকটি যাচ্ছে, সেও বহু লক্ষপতি—কিন্তু যার

মৃতদেহ তারা সসম্মানে নিয়ে যাচ্ছে, সে রেলওয়ে আফিসের সামান্য কেরানী, টিকিট বিক্রী করে সারাজীবন কাটিয়ে দিলে—

বাধা দিয়ে অল্পপমা বললে, চুপ করো ! ওদের কথা আমি জানতে চাই না।

মুখ ফিরিয়ে অল্পপমা অপর দিকের প্ল্যাটফর্মের দিকে চাইলে, শূণ্য প্ল্যাটফর্মের পর অন্ধকার দেওয়াল।

দীপিকা ছুটে ছুটে এসে গাড়ীর খোলা দরজার সামনে দাঁড়াল, ইঁপাতে ইঁপাতে বললে, রাঙামামা, বাবা এসেছেন, মা আপনাকে ডাকছেন, আর থাকা—

বলতে বলতে সে খেমে গেল, বিশ্বয়মুগ্ধনেত্রে অল্পপমার দিকে চেয়ে রইল। কানের হীরার ফুল কি সুন্দর ! হাতের চুড়িগুলি কি ঝকঝক করছে, নখগুলি লাল রঙ করা কেন !

পাইপটা মুখে তুলে কল্যাণ বললে, তা হলে, adieu, উঠুন, মালতী দেবী !

মালতী ধীরে উঠে বললে, তা হলে, এখন যাই ভাই অতুদি !

অল্পপমা হেসে বলে উঠল, বলতে হয়, ‘আসি’। না, অত কাছে আসিস্ না, আমি যে রোগী, ভুলে যাস্ কেন ?

কল্যাণ যেন চমকে অল্পপমার দিকে চাইলে। গলাকাটা ব্রাউজের রঙীন লেসের ফাঁক দিয়ে যে সূচিকণ শুভ্র চর্মের আভা দেখা যায় তাহারি কোমল আবরণতলে বক্ষপঙ্ক্তরের মধ্যে দক্ষিণ ফুসফুসে জীবন-মৃত্যুর সংগ্রাম চলেছে, হৃদযন্ত্রের ধ্বংস শব্দে এখনও ধ্বনিত হচ্ছে, জয় জীবনের জয় !

—Au revoir !

পাইপ টানতে টানতে কল্যাণ চলে গেল।

তার পেছনে দীপিকার হাত ধরে মালতী চলে গেল।

স্ট্রেকার-বাহকগণ ভিড়ের মধ্যে মিলিয়ে গেছে।

ওই, দেবপ্রিয় বাবু ছুটতে ছুটতে চলে গেলেন।

চেয়ারে এলিয়ে বসে অল্পপমা কুশানে মাথা রেখে চোখ বুজলে।
জগদীশ এখনও এল না।

চোখ বুজতেই, প্রথমে ঘন অন্ধকার, তারপর একটি আলোর শিখা
জ্বলে উঠল। সে আলোক-রেখায় দেখা গেল, হুগম পর্বত-পথ, বিপুল
অবন্য; বিপদ-সম্মূল পথে সন্ন্যাসী চলেছেন, তার পাশে সমর—অল্পপমা
অলুভব করতে চাইলে, সে ও চলেছে তাদের সঙ্গে।

পাশের লাইনে একটা ইঞ্জিনের লাইন পারাপারের শেষে সে ভষে
শউবে উঠে চাইলে। এক বৃহৎ কালো ইঞ্জিন-গাড়ী চলতে চলতে
যেমে গেছে, আব যেন এগোতে পারছে না, চাকার একটা বিকট
কঁপকঁপি হল, যেন চাকা ভেঙে গেল, ইঞ্জিন গতিহীন। বৃহৎ অনড়
নৈতিকের দিকে অল্পপমা ভবে চাইলে, মনে হল সে চাকা যেন তার
শাখা চেপে বৃকের ওপর যেমে গেছে, আর নড়ছে না। বৃকে কি
শাখা বোঝা!

অল্পপমা মুখ ঢেকে চোখ বুজলে। অন্ধকার পর্দায় রঙীন স্বপ্নছবির
প্রাণ আর প্রবাহিত হল না।

তার মাথা টনটন করতে লাগল। সে অলুভব করলে, ট্রেন ছুটে
চলেছে, অবিরাম ঘূর্ণমান লৌহচক্রের ঘর্ষণধ্বনি বড় করুণ; ছুটে
চলেছে চঞ্চল বাতীদল, তাদের পদধ্বনি বড় ব্যথা-ভরা; ছুটে চলেছে
দৈনন্দিন কামান-গাড়ী টানতে টানতে, তাদের অজ্ঞানতা কি উদ্ভাসক,
অনন্তগগনে ছুটে চলেছে লক্ষ লক্ষ গ্রহতারকা, কি জ্যোতির্ময় এ

পথ! এ অবিরাম গতিশ্রোতে স্থির বিন্দুর মত সে বসে; তার মাথা ঘুরছে যে!

ঠিক সেই সময় জগদীশ এসে না ডাকলে অল্পপমা মুচ্ছিতা হয়ে পড়ত।

উৎসাহের সঙ্গে জগদীশ বললে, ওগো! শুনছ, হোটেলের যাওয়া নয়, সমুদ্রের ধারে এক সুন্দর বাড়ী পেয়েছি।

অল্পপমা ক্লান্ত চোখে চেয়ে বললে, আমার পাশে একটু বোস।

বিশ্বয়ের সঙ্গে জগদীশ বললে, না, না, এখন বসবার সময় নেই, ওঠো! শরীর তোমার ভাল লাগছে না?

অল্পপমা ধীরে বলে, না, আমি ঠিক আছি। সমুদ্রতীর, সে বেশ সুন্দর হবে, বসে বসে ঢেউ গুনবো। চলো।
